



9

Addit. Cubic. Prof. Sup. Ind.

5-6
15

Ex Bibliotheca
PP. Coll. Rom.
Societ. Jesu




58 o 59


9-5.6.15

59

B

2





ECCLESIASTICÆ HISTORIÆ BREVIARIUM

AUCTORE

JOANNE - LAURENTIO

BERTI
FLORENTINO

FRATRE EREMITA AUGUSTINIANO.

EDITIO NOVISSIMA

Ab Auctore ipso recognita, pluribus locis emendata,
atque Isagoge ad sacram Geographiam nuac-
primum locupletata,

PARS SECUNDA

Quæ complectitur Isagogem ad sacram Geographiam,
& progreditur usque ad annum Vulgaris Ævæ
millesimum septingentesimum sexagesimum.



*Collagii Rom.
Soc. Jesu*



VENETIIS,
MDCCLXIII



EX TYPOGRAPHIA REMONDINIANA.
SUPERIORUM PERMISSU, AC PRIVILEGIO.

most similar
Cretaceous

LECTORI MONITUM.



*Q*uod in hac Historiarum Epitome Scriptores recenséo complures, qui Magni Augustini doctrinam temere oppugnant, aut vellicant, adhibendæ moderationi, prudens Lector, adtribuas. In decimo autem septimo, atque in postremo Seculo, ubi quosdam præstantissimos Viros appello Jansenianos, scias velim, meum non esse eo loci statuere, an tales sint, propterea quod proscriptas quinque propositiones tradiderint, an quod ut Jansenii affectu ab insinulatoribus traducantur. Est id tertio capite Synopsis Seculi XVIII., necnon in mea adversus Senonensem Præsulem Expositione declaro, meque ipsum invidioso illo nomine traduci a quibusdam Augustiniane scholæ adversariis audio, patiorque lubenter; istic tamen ratus sum iterum præmonendum, ne Auctores longe doctissimos, quos quarto capite seculi XVII. Jansenianos, fortassis nimium incaute, dixi, existimes a me infamari tanquam damnatæ hæresis assertores. Consultum magis futurum fuisse puto a nomine, quod sine additamento prolatum



est opprobriosum atque inhonestum, penitus abstinere; ac postquam calamo excidit, eos, quos *Molinistæ* *Jansenistas* indiscriminatim appellitant, ab iis, qui revera sunt, oportet ut caute prudenterque secernas. Qua in re Ecclesiæ judicium attende, non criminantium dicteria. Dissidia itidem, quæ excitata diximus cujusdam Doctoris Sorbonici lumenbrationibus, quibus incentoribus excitata sint; probe nosti. Absit ut laudes promeritos aliqua afficiamus injuria; aut dignos vituperatione, laudibus prosequamur. Illos demum, quos *Antijansenianos* ibidem voco, ubi damnatos errores perstringunt, commendando plurimum; ubi autem damnatorum errorum insimulant Orthodoxos, nemo unus, nisi iniquus & improbus, commendabit. Recte nobis ceterisque *Democriti* proloquium ad mentem revocavit *Stobæus*: Bona collaudare honestum est, mala vero laudibus vehere est adulterini animi, & impostoris indicium.



A D S A C R A M
G E O G R A P H I A M
I S A G O G E.
C A P U T P R I M U M.

QUINAM FUERIT JUDAICÆ REIPUBLICÆ STATUS,
QUANDO IN MUNDUM CHRISTUS ADVENIT.



DE temporibus quantum ratio instituti nostri postulabat, pertractatum est in Prolegomenis primæ partis: nunc agendum de locis, ac primum de Judæa ob natiuitatem, prædicationem, ac mortem Redemptoris nostri regionum universalium celeberrima. Constat ex supradictis tempore Natalis dominici regnasse in Judæa Herodem alienigenam & Idumæum; nempe sub Messie adventu scaptrum ac principatus de Juda ablatus est, quemadmodum prænuntiaverat Gen. 49. 10. Jacob Patriarcha. Ubi autem Herodes sceleratam efflavit animam anno Juliano 43., regnum ejus discissum, & in filios distributum fuit, postremo ipsius Herodis testamento, C. Augusti auctoritate, & Senatusconsulto. Legendus Fl. Josephus lib. 17. Antiquit. cap. 10. & seqq.

ARCHELAUS itaque, qui sepulto Patris corpore in Herodio Castello, 60. stadiis a Jerusalem, Arabiam versus

6. AD SACRAM GEOGRAPHIAM

ab ipso Herode constructo, compressisque seditiosis, qui ob dejectam Aquilam auream tumultus Ierosolymis excitaverant, Romam advenerat, ut paternum regnum consequeretur; post contentiones plures Ethnarcha, idest, Gentis princeps, non autem Rex, declaratus fuit ab Augusto, regium quoque titulum ei pollicente, si hoc dignum sese præsstitisset. Philippo item, qui Romam navigaverat, ut fratri, cuius res periclitabantur, adesset, assignatam ab Herode Tetrarchiam, quartam scilicet partem paterni principatus, concessit Augustus. Tetrarchiam alteram consecutus est Philippi, & Archelai frater Herodes Antipas: Salomi etiam urbes, quas frater legaverat, attribuit. Hinc intelligimus quæ initio capituli 3. de iisdem Tetrarchiis scribit S. Lucas Evangelista.

ETHNARCHIAM Archelai constituebant Iudæa, Idumæa, & Samaria; urbesque Ethnarchiæ principes fuerunt Cæsarea, Sebaste, Joppe, & Ierosolyma. Iudæa proprie dicta est terra Chanaan & promissionis citra Jordanem, quam Palæstinam, Terram sanctam, & *Soriam* appellamus. Idumæa, quam hodie *Bidumi* vocant, conjungitur Palæstinæ ad meridiem, habens Arabiam ad ortum, Ægyptum ad occasum, & Sinum Arabicum ad austrum. Samaria autem inter Iudæam & Galilæam in tribu Ephraim sita erat. Cæsarea maritima Palæstinæ civitas, ea est, quam olim Turrim Stratonicam, deinde Flaviam Coloniam nominarunt, intra limites dimidiæ Tribus Manasse. Sebaste, idest, Augusta, a Hieronymo Sebastopolis nuncupata, a monte Samariæ, ubi ædificata fuerat ab Amri rege Israel, Samaria passim dicebatur. Joppe, Hebræis Japha, quod nomen etiamnum retinet, urbs, & portus Iudææ, in excelsa saxo condita est in Tribu Dan. De Ierosolymis, ne sæpe eadem repetantur, dicendum est infra.

TETRARCHIA Herodis Antipæ comprehendebat Galilæam & Peræam, tractus inter lacus Tiberiadis, & Asphaltitem ad occasum, & ortum Jordanis. Quatuor Tribus Galilæa continebat, Aser, Nephthali, Zabulon, & Issachar. Pars Galilææ superior, tendens ad Septentrionem, est illa, quæ ab Esaja 9. 1. dicitur *Galilæa gentium*. Sunt vero Galilææ fines Mons Carmelus, Phœnicia, Jordanis & Mare Magnum. Peræa, sive terra Gilead, ab Apamæa ad Macheruntem, & a Jordane ad Arabiam extendebatur. Lacus Asphaltitis idem est, ac
mare

ISAGOGÉ, CAPUT I. 7

mare mortuum, ita a bitumine, & a sale maris vocatum, inter tribum Juda, & tribum Ruben; quemadmodum lacus Tiberiadis est idem, ac mare Galilææ, & stagnum Genezareth, nunc *Tabaria*, habens tribum Zabulon ad Occidentem, & tribum Issachar ad austrum.

CESSERÆ Philippo Batanæa, Trachonitis, & Auranitidis cum agris nonnullis finitimis. Batanæa regio est trans Jordanem, sita in dimidia tribu Manassæ, & Trachonitidi ad Aquilonem contermina. Trachonitis, quæ & tetrarchia Lyfanix, propinquior est monti Libano & Cælesyriæ, ac protenditur usque ad mare Galilææ, seu Tiberiadis. Ibidem, scilicet in eadem tribu Manassæ, & trans Jordanem fuit Auranitidis, sic nominata ab Aran urbe, inter Cæsaream Philippi, & Damascum.

RELIQUA pars Herodianæ ditionis, urbesque Samaria, Azotus, & Phaselis concessæ fuerunt Salomi Herodis sorori, cui Cæsar Augustus largitus quoque est argenti signati quingenta millia, ædesque regias conditas Ascalone. Azotus autem, & Ascalon amplissimæ olim fuerunt urbes, & satrapix Philistinorum; Jamnia, nunc *Zania*, urbs maritima ac portus in Tribu Dan, dissita ab Azoto & Ascalone 200. stadiis. Spectabant omnes istæ urbes ad Palæstinam.

CAPUT II.

DE LOCIS, QUÆ CHRISTUS PRÆSENTIA SUA DECORAVIT.

TALIS erat, qualem nuper descripsimus, Judææ status, cum Dominus prædicationem, & redemptionis opus incepit. Superstite tamen Herode Magno natus fuerat in Bethlehem, & Archelao Ethnarchiam assecuto rediens ex Ægypto habitavit in Nazareth; ibique privatam vitam transegit usque ad annum tricesimum, & prædicationem ac baptismum Joannis.

IGITUR Christus anno U. C. 749., sive anno Juliano 41. ad finem vergente, in Bethlehem natus est, Matth. 2. 1. & Lucæ 2. 4. Dominum nasciturum in Bethlehem prænuntiaverat Michæas 5. 2. dicens: *Et tu Bethlehem Ephrata parvulus es in millibus Juda, ex te enim mihi egredietur, qui sit dominator in Israel, & egressus ejus ab initio, a diebus eternitatis.* Id testati sunt Populi scribæ,

legisque interpretes, Herodi sciscitanti, ubi Christus nasceretur? necnon Judæi illi, qui Joan. 7. 42. aiebant, *Ex semine David, & de Bethlehém Castello, ubi erat David, venit Christus*. Hinc aperte refelluntur Messiam adhuc expectantes; quoniam oppidum Bethlehém a fundamentis excisum est, neque illius vestigia modo apparent. Qui autem vel Davidi, vel Elimelech, vel cuilibet alii tribuendum putant Michææ oraculum, refutantur iis verbis, *Et egressus ejus ab initio, a diebus æternitatis*. Sita erat civitas Bethlehém in tribu Juda, 7¹ milliariis distans a Jerosolymis, Hebron versus ad austrum; & appellatur Ephrata, idest frugifera, necnon civitas David, ut distinguatur a civitate altera ejusdem nominis, quæ erat in tribu Zabulon in monte præalto, vocata Bethlehém Josue 19. 15., a LXX. ibidem *Βεθλὴμ*, atque in libro Judith Bethulia, ob eandem Holophernis clarissima.

Vix in lucem editus Christus in Ægyptum delatus est, ut indictam ab Herode necem vitaret, & adimpleretur vaticinium Osee 11. 1. *Ex Ægypto vocavi filium meum*. Ægyptus regio Africæ amplissima habet a Meridie Æthiopiam, ab Occasu regionem Cyrenaicam, seu Pentapolim, a Septentrione mare Ægyptium, & ab ortu Palæstinam, Arabiam Petream, & Sinum Arabicum; idest, mare rubrum. In qua Ægypti parte Dominus, ejusque parentes moram gesserint, incertum est. Quidam cum Sozomeno putant commoratum Hermopoli; alii cum Brochardo in oppido Matarea, dissito 10. milliariis a Babylone; nonnulli cum Magino Remesse, ubi olim habitaverant filii Israel; aliquidemum recentiores Alexandriæ, ubi facilius ob florentissimam Synagogam castissimi conjuges Maria, & Joseph exercere potuissent pietatis, & religionis officia; sed, ut inquit Joannes Maldonatus in cap. 2. Matth. nemo hac in re inquirenda curiosus, & in credenda, vel affirmanda incautus esse debet.

Post Herodis obitum Christus reversus in Patriam habitavit in oppido Galilææ Nazareth, in ditione Herodis Tetrarchæ. Nazareth vero fuit *viculus Galilææ juxta montem Thabor*, inquit Hieronymus de locis Hebraicis. Geographi tradunt Nazaretham distare a monte Thabor duabus leucis, & a civitate Jerusalem itinere trium dierum. Ab illius oppidi domicilio Dominus dictus est Nazarenus, idest, sanctus, a radice נצר *separare*; qui enim sanctificatur in Dei cultum, ab hominibus quodammodo segre-

gan-

ISAGOGÆ. CAPUT II. 9

gantur. Hinc S. Hieronymus in caput 2. Matthæi ait : *Nazareus sanctus interpretatur : Sanctum autem Dominum futurum omnis Scriptura commemorat*. Scribitur tamen Nazareth etiam per \aleph derivatque a radicali \aleph , ramus, dicitur

sarculus : unde flos Hebræis dicitur *Natsir*, atque ita de Christo intelligendum oraculum Isaiæ 11. *Egredietur Virga de radice Jesse, & flos de radice ejus ascendet* : atque hac etymologia servata prælaudatus Hieronymus invitans per epistolam Eustochium ad loca Palæstinæ invisenda, *Ibimus, inquit, ad Nazareth, & juxta interpretationem nominis ejus, florem videbimus Galilææ*.

Idem ibidem permansit sacra Virginis Aedes, ob peractum divinæ Incarnationis mysterium, & sacre Familiæ domicilium celeberrima & sacratissima. Imperatricem Helenam ornatissimum templum ibi excitasse, sacra adhuc æde peristente, narrat Nicephorus lib. viii. cap. 30. Meminit ejusdem Templi S. Hieronymus præcit. opusculo de locis Hebraicis, Beda de locis sanctis cap. 16. ibique se confecisse sacrum testatur in descriptione Terræ sanctæ Jacobus S. R. E. Cardinalis de Vitriaco. Ibi etiam S. Ludovicum Francorum regem sacra Communionem refectum narrant omnes ejusdem Gentis Annales. Prædicta tamen B. Virginis domus ministerio angelorum Tersactum apud Dalmatas translata fuit, sedente Nicolæ IV. Pontifice Maximo, an. 1291. 7. Idus Majas, inde vero in agrum Lauretanum Piceni, anno 1294. 14. Idus Decembris sedente S. Cælestino V. Prædicto enim anno 1291. & quarto Pontificatus Nicolai, a Saladino rege Babylonie expugnata fuit Jerosolyma, & Christiani omnes e Syria fuerunt expulsi. Ita sacre Domui, ad Dalmatas primum, deinde in Pontificiam ditionem, & in Ecclesiæ sinum transvectæ, divinitus provisum fuit. Perpetua populorum traditio, Benedicti XII. aliorumque Pontificum Romanorum Apostolicæ Litteræ, Blondus Flavius, alique Historici accuratiores, ingentia miracula, lucubrationesque Canisii, Turriani, Raynaudi, Martorellii, & aliorum complurima, non sinunt nos dubitare de hujus rei veritate ; quam confirmat, quidquid cum apostata Vergerio obganniant quidam Heterodoxi, magna illa frequentia populorum ad Lauretanum Templum confluentium, de qua Baptista Mantuanus Carmelita libro Agelarium sexto :

*Huc Itali, Siculique ferunt solemnia vota:
Huc fuit Epirus, fuit Illyris, accola Rheni,
Accola Danubii; venit usque a littore Narbo
Gallie, & Isthmiaca Spartanus ab equore terra.*

NUNC in Palæstinam redeuntes, illic anno V. Æ. 26. Judæam post Valerium Gratum administrante Pontio Pilato, legimus cap. tertio Matthæi, Marci, & Lucæ, nec non primo, ac tertio Joannis, filium Zachariæ Joannem Baptistam prædicasse ingenti multitudini confluenti ad Jordanem Baptismum Pœnitentiæ, & Vocis parantis Viam Domini impleſſe munus, quod Isaias 40. 3. prænuntiaverat. In Campesribus Jordani proximis, ac præsertim in Aennon, & in Bethania præcurſorem Baptistam annuntiassse Christum venturum, traditur ab Evangelista Joanne præcitatis in locis. Aennon vero in medio tribus Manasse cis flumen, non procul a Salem regia olim urbe, sita erat. Bethania autem, ab ea diversa, ubi Dominus Lazarum suscitavit, Adrichomius fuisse putat Bataneam regionem sitam in prælaudata Tribu Manasse; complures innixi vetustæ lectioni pro Bethania contendunt scribendum esse in Βηθ-σαβα. Verum cum Hebraica lingua בית-עכרה, *Bethabara* significet locum transitus, *Bethania* autem locum navium; ad illorum opinionem accedimus, qui sentiunt utroque nomine designari Jordanis trajectum, maxime quod in Syriaco habetur, פית-עכרה הירדן, *In Trajectu Jordanis*, loco nempe percommodo cis, & ultra fluvium habitantibus, ut ad baptismum Joannis accederent.

Ubi etiam Christus baptizatus est, in desertum locum secedens jejunavit, pugnavitque cum dæmone. Desertum illum locum inter Jerusalem, & Jericho, inter Anathot, & Galgala, nec procul a mare mortuo, constituunt sacri Geographi. Inde vero Dominus petiit Capharnaum, quam urbem suæ prædicationi potissimum destinavit, quemadmodum Bethlehem nativitati, & Jerosolymam passioni. Matthæus cap. 4. 13. ait Capharnaum, fuisse civitatem maritimam in finibus Zabulon & Nephthalim, eamque describunt Geographi ad dexteram, & occiduam ripam Jordanis, ubi influit in mare Galilææ: unde aperta sunt quæ prædixerat Isaias cap. 9. 1. &c.

Ex hac urbe, tunc metropoli Galilææ, facillimum fuit Domino per finitimas regiones benefaciendo & sanando transire; primumque signum patravit in Cana, exigua urbe

ISAGOGÆ, CAPUT II. 11

urbe tribus Zabulon inter Carmelum, & Ptolemaidem. Bethsaïde, quæ & Julias appellata est, ad ripam septentrionalem maris Tiberiadis Andream, Petrum, & Philip-pum vocavit, ceteris apostolis ex eadem provincia accersitis. In montano Tractû Genesaretico oravit, docuit, ingentem turbam prodigiosa quinque panum multiplicatione satiavit. In Jericho regia olim civitate, & una ex Judæorum toparchiis, cæco lumen, Zachæo æqui rectique cognitionem impertiit. In Sichar, aut Sichem, quam & Flaviam Neapolim dixerunt, sita inter duos montes in Samaria, mulierem suosque concives de suo adventu ac missione reddidit certiores. Thabor ubi gloriosus apparuit, erigitur in tribu Zabulon, sive in medio campo Galilææ, & est idem mons, quem Polybius Mastoim, Septuaginta autem, & Josephus *ἱραβήμωρ* appellaverunt. Bethania, castellum Mariæ, & Marthæ, ubi Lazarum quatruiduanum suscitavit a mortuis, erat in tribu Benjamin, Orientem versus, stadiis quindecim diffitum a Jerusalem.

HANC, quam postremo commemoravi, civitatem passione sua, & perfecta humani Generis redemptione Dominus consecravit. Hæc Jebus olim dicta, a Græcis Solyma, in libris Macchabæorum Jerosolyma, a Ptolomæo autem Capitolia, a Romanis Ælia, ac tandem a Turcis Cutz, regalis urbs fuit, Palæstinæ metropolis, sedesque regni Davidici, & omnium regum Juda, quos cap. 10. enumeravimus. Sita est Jerosolyma in tribu Benjamin procul a littore maris Syrii 40. mill. pass., inter Damascum, & Babylonem, illinc 160. milliariis, hinc vero 300. distans, ab Alexandria autem Ægypti, quam Turcæ Scandëriam vocant, milliariis 400. Tanta fuit urbis hujus amplitudo, tantaque populorum ad illam concursus, redeunte præsertim Paschatis solemnitate, ut obsidionis tempore in ea perierint undecies centena millia, & nonaginta septem millia capta fuerint. Etiam Augustinus serm. 204. de Temp. inquit, confluisse Jerosolymas tricies centena millia Judæorum, idque comprobatur enumeratione victimarum, quæ sub Cestio Præsede Syriæ, anno Christi 64. mactatæ fuerunt. Eversa est Jerusalem a Tito anno 2. Vespasiani, Ær. Christ. 70. die octavo mensis Septembris. Nunc parvi circuitus est, vix incolas continens decem mille, deficitque magis in dies propter Arabum incursiones.

CRUCEM subiturus oravit, & comprehensus est in horto

horto Gethsemani 26. 36. Hoc autem Hebraico vocabulo גֵּתְסֵמָנִי *Gethsemani* significatur *Vallis cum oleis*. Vallem pinguisssimam interpretatur Hieronymus. Ibi junicem illam piaculari, de qua Num. 19. 5. comburere Sacerdotes consueverunt. Ibi erat & vicus ejusdem nominis, unde Matthæus vocat *Γεθσημανι*, *Villam Gethsemani*. Joannes 18. 1. locum delineat *trans torrentem Cedron*. Græci Codices habent *τῶν κισσῶν*, *Cedrorum*, & vallem Jerosolymis adjacentem, *locum Cedris consitum* in 6. libro de Bello Judaico appellat Josephus. Putat Grotius in torrentis marginibus cedros utrinque plantatos. At Judæis dicitur קֶדְרוֹן *Cedron*, quasi nigrescens a radice קָדָר, fortasse ob arborum, vallisque opacitatem. Irrigat Cedron vallem Josaphat, separatque tribum Benjamin a tribu Juda, ac in mare mortuum demergitur.

Γολγοθᾶ *Golgotha*, ubi crucifixus est Dominus dicitur quoque ab Evangelistis *Καριῶ τόπος*, *Calvaria locus*, quod ibi rei decollarentur, & supremo afficerentur supplicio. Sane Hebræi, & Syriaci caput appellant *גִּלְגֹּתָא*, *Golgotha*. Mons ille civitati proximus erat ad Occidentem. Ibi sepultum protoparentem Adamam plures scripserunt, a quibus non dissentit S. Hieronymus in epistola, quam ad Marcellam dedit nomine Paulæ, & Eustochii. At idem Hieronymus Commentar. in cap. 27. Matthæi hanc sententiam rejicit, affirmans primum hominem in Hebron & Arbæ fuisse sepultum, ut legitur Josue 14. 15. Videtur tamen hic Josue locus accipiendus de homine inter *Enacim*, idest Gigantes, maximo.

Emmaus, sive *Ammaum*, quo proficiscentibus duobus discipulis Jesus redivivus apparuit, a Luca 24. 13. distare dicitur a Jerusaleme *stadiis sexaginta*. Est autem stadium 125. passuum mensura. Porro Emmaus ab Evangelista vocatur *κῆμα*, castellum, aut pagus, a Josepho *καπίον*, oppidulum, a Plinio tamen *Toparchia*. Emmauntem exulit Varus; Nicopolim postea dixerunt, quasi Victorix urbem: quod nomen etiamnum retinet, civitas pene excisa, & Episcopalis sub Patriarchatu Jerosolymitano.

AD CÆLOS denique Salvator ascendit ex vertice Montis Oliveti, proximi Jerosolymæ ad Orientem, torrente Cedron, de quo paulo supra, interfluente. Ibi impressa ejusdem Salvatoris vestigia tradit vetusta traditio, quam & laudant Augustinus Tract. 47. in Joannem, S. Paulinus epist. 31. ad Severum, Severus Sulpitius Hist. Sacre lib.

IS AGOGE, CAPUT II. 13

lib. 2. cap. 3. Auctor libri de Locis Hebraicis in Actis Apostolorum apud Hieronymum, & de Locis Sanctis apud Ven. Bedam. Atque de hac traditione nec hæsit Casaubonus Exercit. 16. n. 154. adversus Baronium. Ipse Ecclesiasticorum Annalium Parens ad annum Christi 34. illam de impressis Domini vestigiis traditionem corroborans, animadvertit ad litteram in Christi adscensu impletum fuisse vaticinium Zachariæ 14. 4. *Stabunt pedes ejus supra montem Oliveti, qui est contra Jerusalem, ad Orientem.*

CAPUT III.

UBI POST CHRISTI PASSIONEM APOSTOLI PRÆDICAVERINT EVANGELIUM.

PRIUSQUAM ad cælum adscenderet, Christum mandasse Apostolis, ut Evangelium per universum orbem hominibus annuntiarent, Matthæus, & Marcus affirmant postremo capite. Ubi ergo induti fuerunt virtute ex alto, & Paracleti muneribus locupletati, ab civitate Jerusalem inchoarunt Apostolicam prædicationem, adimplentes oraculum Isaiæ 2. 3. *De Sion exhibit lex, & verbum Domini de Jerusalem.* Tum sorte sibi divisisse provincias tradit S. Hieronymus comment. in cap. 35. Isaiæ, confirmatque Socrates lib. 1. Hist. Eccl. cap. 19., quamquam Baronius ad annum Ch. 44. non forti commissam, sed instinctu speciali Spiritus sancti divisionem illam peractam fuisse existimet. Sed potest utrumque componi, ut sorte simul, & divini Spiritus assistentia singulas sibi regiones distribuerint, ne alicujus privatæ affectionis oriretur suspicio. De eadem distributione scribit S. Leo M. Sermon. 80. in Natali Apostolorum: *Duodecim Apostoli accepta per Spiritum Sanctum omnium locutione linguarum, imbuendum Evangelio mundum distributis sibi terrarum partibus susceperunt.*

AT UBINAM singuli Apostoli prædicarunt? Fidem adhibendam puto Eusebio Cæsareensi, scribenti initio lib. 3. E. H. „ Thomas quidem, ut a majoribus traditum „ accepimus, Parthiam sortitus est: Andreas vero Scythiam. „ Joanni Asia obvenit, qui plurimum temporis in ea commoratus, Ephesi tandem diem obiit. At Petrus per „ Pontum, Galatiam, Bythiniam, atque Asiam Judæis,

„ dæis, qui in dispersione erant, prædicasse existimatur.
 „ Qui ad extremum Romam veniens, cruci suffixus est ca-
 „ pite deorsum demisso; sic enim ut in cruce collocaretur,
 „ oraverat. De Paulo jam quid attinet dicere, qui a Jerò-
 „ solymis usque ad Illyricum munus Evangelicæ prædicationis implevit, ac postremo Romæ sub Nerone Martyrio
 „ perfunctus est? Hæc Origenes in tertio Volumine Expositionum in Genesim disertis verbis commemorat. Hæ-
 „ tenus Eusebius, cui consentiunt Socrates lib. 1. cap. 19.
 „ & Nicephorus lib. 2. cap. 39. & seqq. necnon lib. 3.
 cap. 1.

DIXI fidem Eusebio adhibendam; nam præter allatum ab ipso testimonium Origenis, S. Gregorius Nazianzenus orat. 25. inquit, Petrum in Judæa, Paulum gentibus, Lucam in Achaja, Andream in Epiro, Joannem Ephesi, Thomam in India, & Marcum in Italia evangelium annuntiasse. Similia scribunt S. Joannes Chrysostomus in homilia de duodecim Apostolis, S. Gregorius Magnus hom. 17. in Evangelia, & S. Isidorus Hispalensis in libro de Vita & Morte SS. cap. 82.

BARONIUS ad annum Ch. 44., ubi plura narrat de Apostolorum prædicatione atque itinere, postquam luculenter demonstravit Petrum fuisse Romæ, quod nonnulli Heterodoxi temere audent negare, ex locorum traditione narrat, eundem Petrum Neapolim Campaniæ urbem navigio fuisse delatum, & inde solventem Liburnum, & Pisas proxime positas divertisse, hic vero ex more Sacrificium obtulisse incruentum in loco, quem constat tantæ rei memoria celebrem esse, summoque honore a posteris habitum; id, quod nos experimento cognoscimus, oculisque conspiciamus. Addit insignis Auctor, Andream ad Scythas missum, in Græciam quoque, & in Epirum fuisse profectum, Thraciam insuper, Macedoniam, Thessaliam, Achajam, necnon ad Sogdianos, & Æthiops peragrasse. In describendo Philippi itinere in Asiam superiorem, monet alienum esse a vero quod scribit Isidorus paullo supra laudatus, & habetur quoque in Breviario Ecclesiæ Toletanæ, ab eodem Philippo etiam Gallos Christiana fide fuisse imbutos, ac repetit quæ notaverat ad Martyrologium Romanum, pro Gallis *Galatas* esse legendum. Thomam, qui primum ad Parthos profectus fuerat, ad Indos quoque, Æthiopes, Persas, Medos, ac Brachmanos penetrasse, asserit ex Nazianzeno, Chrysostomo, ac Theodoretis.

doreto. Lustratam demonstrat a Bartholomæo majorem Armeniam, Lycaoniam, & Albaniam, testimonia profert Origenis, Socratis, & Pantheni philosophi. A Simone Chananæo, qui & Judas, Mesopotamiam, Persidem, necnon Africam, & Britanniam Evangelica luce perfusas narrat, Hieronymi, Bedæ, aliorumque testimoniis laudatis. Thaddæum prædicasse in Arabia, & Idumæa refert ex libro 2. Nicephori, sciteque admonet Thaddæum, quem ferunt missum ad Abgarum regem Edeffensorum, alterum fuisse a Thaddæo Apostolo, & unum ex numero Septuaginta duorum discipulorum, ut lib. 1. H. E. cap. 13. tradidit Eusebius. Plura sunt alia in proluxa illa narratione Baronii, ex quibus hæc tantum duximus observanda.

EDITA est post Baronii obitum a Combesio tomo 2. Auctarii ad Bibliothecam Patrum edit. Paris. 1648. Græce, & Latine Synopsis quædam sub nomine Hippolyti Martyris cum titulo, *Indiculus de duodecim Apostolis, ubi nam quisque eorum prædicaverit, & ubi consummatus sit*. Hippolyto tamen Eruditi omnes eandem Synopsim adjudicant. Et revera nulla hujus sit mentio in Catalogo Operum ejusdem Martyris, marmoreæ ipsius tabulæ insculpto, servatæque in Vaticana Bibliotheca. Cotelerius etiam in Notis ad Opera Patrum, qui floruerunt temporibus Apostolicis eandem Synopsim inter Regios Codices adinvenit sub nomine Dorothei Tyri Episcopi, necnon sub nomine S. Epiphanii Episcopi Cypri. Quamquam hæc Hippolyto afficta Synopsis ab ea, quam adtribuunt Dorotheo, plurimum discrepat, ut percipient oculum in utranque conjicientes, in Synopsi autem Dorothei incerta, & dubia complura, nonnulla quoque falsa, & absurda habeantur; id tamen non evincit ejusdem fursuris eam esse, quæ sub Hippolyti nomine circumfertur. Cujuscunque vero sit pretii, eam hic exscribere, necessarium atque opportunum existimamus.

” PETRUS quidem cum prædicasset Evangelium in Ponto, Galatia, Cappadocia, Bithynia, Italia, atque Asia, postea a Nerone crucifigitur, capite deorsum verso, cum ipse sic pati rogasset.

” ANDRÆAS cum Scythiis, ac Thracibus prædicasset, cruci affixus est Patre in Achaja rectus in olea arbore, ibique sepelitur.

” JOANNES vero in Asia a Domitiano Imperatore in
” Pat-

” Patmos insulam relegatus, ubi etiam Evangelium con-
 ” scripsit, & Apocalypsim vidit. Sub Traiano obdormivit
 ” Ephesi. Ejus reliquæ cum fuissent quæsitæ, non sunt
 ” inventæ.

” JACOBUS ejus frater prædicans in Judæa ab Herode
 ” Tetrarcha (scribendum erat, ab Herode Agrippa)
 ” gladio occiditur, ibique sepelitur.

” PHILIPPUS prædicans in Phrygia Hierapoli crucifixus
 ” est, capite deorsum verso, sub Domitiano Principe,
 ” eodemque loco sepultus.

” BARTHOLOMÆUS cum Indis prædicasset, eisque con-
 ” scriptum a Matthæo Evangelium exposuisset, crucifixus
 ” est, & ipse capite deorsum verso, Albani magnæ Ar-
 ” menię urbe.

” MATTHÆUS cum Evangelium hebraice scripsisset, Je-
 ” rosolymis edidit, obdormivitque Hieræ Parthorum
 ” civitate.

” THOMAS cum Parthis, Medis, Persis, Hircanis, Ba-
 ” ctis, Margis prædicasset, abietina lancea quatuor sui
 ” corporis partibus confossus est Calaminæ, quæ est urbs
 ” Indiæ, ibique sepelitur.

” JACOBUS Alphæi prædicans Jerosolymis lapidatus a
 ” Judæis occiditur, illicque prope templum sepelitur.

” JUDAS, qui & Lebbæus, ubi populo Edessæ, ac toti
 ” Mesopotamiæ prædicasset, obiit Beryti, ac illic sepe-
 ” litur.

” SIMON Chananæus filius Cleophæ, qui & Judas, post
 ” Jacobum Justum creatus Hierosolymorum Episcopus obiit,
 ” sepeliturque eodem in loco cum annos 120. vixisset.

” MATTHIAS cum esset unus de Septuaginta, accense-
 ” tur duodecim Apostolis, cumque prædicasset Jerosolymis
 ” obiit, & illic sepultus est.

” PAULUS denique post annum ab assumptione Christi
 ” adiit Apostolatam, incipiensque ab Hierusalem perve-
 ” nit usque ad Illyricum, & Italiam, ac Hispaniam præ-
 ” dicans Evangelium per annos quinque ac triginta: sub
 ” Nerone autem amputato Romæ capite, illic sepelitur, “
 Hæc Synopsis Hippolyto adscripta.

IN EA *Synopsi* alienum a veritate arbitramur, quod
 Joannes Evangelium scripserit in insula Patmos, in quam
 a Domitiano fuerat relegatus. Scripsit enim illud Ephesi
 rogatus ab Asiæ episcopis adversus Cerinthum, aliosque
 hæreti-

IS AGOGE. CAPUT III. 17

hæreticos, qui Christi negabant divinitatem; ut colligimus ex Eusebio lib. 3. cap. 20. Irenæo lib. 3. cap. 1. & Hieronymo in Catalogo Script. Eccles. Id vero contigit imperante Nerva, qui ad principatum eversus post mortem Domitiani in suo cubiculo occisi anno Ch. 96. XIV. Calendas Octobris, eos, qui in exilium pulsi fuerant, Senatus consulto revocavit. Philippum passum Hierapoli tradit etiam S. Joannes Chrysostomus præcit. Hom. de XII. Apost. At genus mortis in hac Synopsi descriptum non cohæret omnino Eusebio scribenti in Chronico ad annum 12. Claudii, fuisse affixum cruci, & lapidibus insuper obrutum. Quod hic de Bartholomæo narratur, crucifixum fuisse inverso capite, legitur quoque apud Metaphrastem, & Nicephorum; sed excoriatum tradit vetustior, & communior opinio. De Pauli autem profectione ad Hispanos, ut ad annum Christi 61. animadvertit Baronius, non eadem est Historicorum sententia, quamquam nos id affirmantibus adhæreamus.

MOVET nos eximiorum Ecclesiæ Patrum auctoritas. Enimvero S. Cyrillus Jerosolymitanus Catech. 17. de Paulo inquit: *Ab Jerosolymis usque ad Illyricum diffeminavit Evangelium, qui regiam quoque Romam instituebat, & in Hispaniam usque promptitudinem prædicationis extendit.* S. Athanasius in epist. ad Dracontium ait: *Studium fuit Sancto viro, nempe Paulo, usque ad Illyricum Evangelium prædicare, nec segnescere, nec omittere quin Romam iret, & in Hispaniam descenderet, ut pro graviori labore, majore frueretur mercede laboris.* S. Joannes Chrysostomus hom. 76. in Matth. Videas, inquit, *Paulum Jerosolymis ad Hispanias usque currentem; quod & repetit Præf. in Epistolam ad Hebræos, & Hom. 7. de Laudibus Pauli.* Sanctus denique Hieronymus (non enim necessarium putamus singulos producere) in caput 5. Amos hæc habet: *Paulus Apostolus, quasi turbo violentus, & scva tempestas, & tumentes maris gurgites persequabatur, & opprimere nitebatur Ecclesiam Dei. Qui vocatus a Domino effusus est super faciem univærsæ terræ, ut prædicaret Evangelium de Jerosolymis usque ad Illyricum, & edificaret non super alterius fundamentum, ubi jam fuerat prædicatum, sed usque ad Hispanias tenderet, & a mari rubro, imo ab Oceano usque ad Oceanum curreret, imitans Dominum suum & solem justitiæ, de quo legimus, A summo cælo egressio ejus, & occursum ejus usque ad summum ejus; ut an-*

te eum terra deficeret, quam studium predicandi. Indubitatum profecto est, apertumque ex Epistola ad Rom. cap. 15. 24. & 28. Apostolum habuisse magnum desiderium in Hispaniam proficiscendi; quod arbitramur explevisse anno Aerae Christ. 63.

INTER regiones, quas Paulus imbuat Evangelio, memoratur in Act. Apostol. cap. 28. 1. Melita insula maris Mediterranei, ad quam appulit post naufragium, sita ad Siciliae meridiem, & olim colonia Carthagenensium, nunc Sedes Equitum Ierosolymitanorum, seu Melitenium. Conatus est tamen evincere vir cruditus Ignatius Georgius Monachus Ragusinus, non ad hanc Melitam Africanam, sed ad Melitam alteram Maris Adriatici, subiectam dominio Reipublicae Ragusinae, Paulum tempestate fuisse appulsum, ibique patrasse quae narrantur praecitato capite 28. Actuum Apostolorum. Quamquam vero aetate nostra pro utraque Melita acerrime sit decertatum; videtur nobis aperte cit. cap. 28. vers. 12., ubi legitur, Paulum ex illa solventem insula in navi Alexandrina Syracusam primum, deinde Rhegium, postea Puteolos, hinc vero Romam venisse, demonstrari Melitam, de qua agimus, fuisse Africanam; cum ex Dalmatina Romam profecturis istiusmodi iter longum nimis sit, & obliquum.

QUIDAM denique recentiores etiam Apostolatam S. Thomae apud Indos aut in dubium revocant, aut oppugnare nituntur. Ajunt enim ad Indos Thomam quemdam Manichaeum, non Thomam Apostolum, ut enuntiaret Evangelium, penetrasse, nec uspiam apud Geographos inveniri urbem illam Calaminam, ubi a Pseudo-Hippolyto Thomas asseritur lancea confossus; in urbe etiam Edessa a Rufino, & a Socrate Sacram Thomae aedem, in eaque reconditas ipsius exuvias commemorari. Verum opinionem illam constantissima Patrum, quos supra laudavimus, traditione refellimus. Gregorius enim Nazianzenus Orat. 25., Hieronymus epist. 148., & Ambrosius in Psalmum 45. S. Thomae apud Indos Apostolatam apertissime asserunt. Adde Gaudentium Brixianum serm. de Dedicat. Eccl., Paulinum Carm. 27., Theodoretum lib. 9. de Verit. Evangel. Nicephorum lib. 2. cap. 40. necnon Menologia Graecorum, Latinorumque Martyrologia. Neque traditio ista evertitur, etiamsi concedatur in Indiam post tempora Apostolorum profectum quoque fuisse Thomam aliquem Manichaeum, quod ex apo-

ISAGOGÉ, CAPUT III. 19

apocryphis Manichæorum libris fluxisse non dubitamus. Ad Calaminam quod attinet, Tillemontius pro Calamina *Calamonem* legendum putat; at Calamon in Arabia, non in India, invenitur. Meliaporem unam esse urbem cum ipsa Calamina docent permulti; nisi mavis Calaminæ vocabulo significari collem proximum; ubi Thomas martyrium fuerit perpeffus. *Calaminthe* enim Syriaca lingua, qua interdum Christiani Sancti Thomæ uti solent; idem sonat, ac *Mons prope urbem*, aut, *Urbs in monte*, sive *in colle* fundata. Ex India Corpus S. Thomæ Edessam translatum scribit S. Gregorius Turo-nensis de Gl. Martyrum cap. 31. eamque translationem contigisse circa annum 232. Tillemontius, Florentinius, alique litteris tradunt. Edessa autem solo æquata, Thomæ corpus in Insulam Chios maris Icarii, & inde Ortonam urbem Aprutii citerioris in Archiepiscopatu Teatino, anno 1258. translatum est. Non itaque S. Thomæ apostolatus in India ob præmissas conjecturas revocari debet in dubium.

C A P U T . IV.

PROSPECTUS ROMANI ORBIS, IN QUO APOSTOLI CONSTITUERUNT EPISCOPOS.

NON eadem semper fuit Orbis, quem Apostoli per-agrarunt, & in quo prædicarunt Evangelium; & Episcopos constituerunt, partitio; sed alia erat imperante Cæsare Augusto, alia sub Hadriano, alia denique sub Constantino, & usque ad Arcadium, & Honorium Imperatores.

DISTRIBUTIO Augusti facta anno U. C. 726. ante Christum 28., sive, ut existimat Onuphrius Panvinus, anno proximo, *Augusto VII. & M. Agrippa Coss.*, ita a Dione traditur libro 53. Romanæ Historiæ. „ Is (C. „ Augustus) recepta in se omni Reipublicæ cura, nega- „ vit se omnes velle provincias obtinere, aut quas regen- „ das sumpisset, in perpetuum gubernare, ideoque infir- „ miores, nimirum, quia essent pacatiores, aliis attribuit, „ potentiores provincias, ut quæ plus periculi ostenderent, „ ac vel hostes accolæ haberent, vel novos per se ipsæ „ motus turbare possent, sibi retinuit. Id faciebat sub „ hac specie, ut cum Senatus tuto bonis imperii per- „ frueretur, ipse laboribus & periculis objectus videretur :

B 2

„ at sub

„ at sub eo prætextu cum vere inermem, imbellemque ef-
 „ ficiebat, & ad se solum arma militesque transferebat.
 „ Hac de causa Senatui populoque Africa, Numidia, Asia,
 „ & cum Epiro Græcia, Dalmatia, Macedonia, Sicilia,
 „ Creta, Africa Cyrenaica, Bithynia cum Ponto finitima,
 „ Sardinia, atque Hispania Bætica adscriptæ sunt: Cæsari
 „ autem Hispaniæ quod reliquum erat, ut Tarraconensis,
 „ Lusitaniæque, tum omnis Gallia, & Narbonensis &
 „ Lugdunensis, Aquitaniæque, & Celtica (nam Celtæ
 „ quidam, quos Germanos vocamus, cum omnes, Celti-
 „ cam regionem, quæ ad Rhenum est, occupassent, ef-
 „ fecerunt ut ea Germania vocaretur, superior ea, quæ
 „ Rheni fontibus propior est; inferior, quæ ab hac usque
 „ ad Oceanum Britannicum se extendit) item Cæsary-
 „ ria, Phœnice, Cilicia, Cyprus, Ægyptus: ex his ta-
 „ men postea temporis Cæsar Cyprum, & Galliam Nar-
 „ bonensem populo reddidit, pro eisque Dalmatiam re-
 „ cepit, quæ permutatio etiam, veluti in processu operis
 „ dicam, in aliis quibusdam provinciis est facta. „ In hac
 „ distributione 26. Dioceses constitutæ fuerunt, quarum 14.
 „ Augustus per rectores perpetuo administravit, reliquas Se-
 „ natui regendas commisit.

Ex ILLA Imperii partitione Dioceses 26. natæ fuerunt;
 quarum numerus paulatim immutatus est, & adauctus.
 Nam regnante Tiberio accesserunt Imperio Romano pro-
 vincia duæ, idest, Cappadocia, & pars Comagenæ, ni-
 mirum Syriæ portione illam, quam ab Euphrate Pro-
 copius, alique Euphratesiam vocarunt: Sub Claudio Mau-
 ritaniæ duæ, Cæsarensis & Tingitana, ambæ pertinentes
 ad Africam, & quarum tractum vulgo Barbariam nomi-
 namus: Sub Claudio Britannia: sub Nerone Pontus Po-
 lemoniæ, & Alpes Cottia; ille aluit eam Cappado-
 ciæ partem, ubi sita olim erat urbs Polemonium; hæ
 autem Delphinatum a principatu Pedemontano dividunt,
 ubi Padus fluvius decurrit. Imperium administrante Ve-
 spasiano in provinciam redactæ fuerunt Achaja, Lycia,
 Rhodus, cum ceteris insulis, atque Traiano regnante
 Armenia, Mesopotamia, Assyria, & Arabia.

IMMUTATO itaque, & consulo priori ordine, atque ad
 imperium evecto Hadriano anno Christi 117. necessum
 fuit aliam instituere Romani Imperii distributionem.
 Italia in duas regiones divisa est: Pars prima compre-
 hendebat regiones a Piceno ad extrema Siciliæ, quas

Sex-

ISAGOGÉ, CAPUT IV. 21

Sextus Rufus vocat *provincias suburbanas*, communius dixerunt *regiones suburbicarias*; & pars altera continebat omnes citra, & cis Padum regiones cum provinciis adjacentibus, idest Liguria, Æmilia, Alpibus Cottis, Etruria, Rhetiis, Venetiis, & Histria. In Africa tres constitutæ fuerunt provinciæ, Proconsularis, Numidiæ, & Mauritanie; in Hispania item tres, Provincia Tarraconensis, Bætica, & Lusitana: In Galliis autem quatuor, Provincia Belgica, Lugdunensis, Aquitanica, & Narbonensis. Ita, ne per universum orbem ætræmus, in duas provincias Britannia, in decem & septem Illyricum, in quatuor Ægyptus, in sedecim Oriens, in sex Thracia, in octo Pontus, & in undecim Asia coaluerunt. Quinam verò esset, imperantē Hadriano, status universi Romani Orbis, ex Appiano Alexandrino, qui sub Trajanō & Hadriano floruit, ut auctor est Photius, cognosci potest.

NOVA rursus distributio Imperii facta est Constantino Magno reipublicam administrante. Is quatuor Præfectos constituit, eisdem committens militarem Disciplinam, erogationem annonæ, amplissimamque regiminis potestatem, adeo, ut nulla post Imperatoriam honorificentior dignitas haberetur. Ac primus fuit Præfectus Prætorio Orientis, cui subiectæ erant quinque Dioceses. Prima Orientis, secunda Ægypti, tertia Asiæ, quarta Ponti, quinta Thraciæ. Alter Præfectus Prætorio Illyrici, cui Macedonia & Dacia fuerunt commissæ, omnibus harum regionum provinciis in Dioceses tantum duas coarctatis. Tertius Præfectus Prætorio Italiæ, sub quo tres Dioceses, Italiæ, Illyrici, & Asiæ; sed ex Provinciis decem & septem Italiæ, ut eâ numerabantur ætate, septem Italiæ Vicario, & reliquæ Vicario Urbis obtemperabant. Thracia nostra septem prioribus accensebatur. Quartus denique erat Præfectus Prætorio Galliarum, eique tres Dioceses commissæ, Hispania nempe, Gallia, & Britannia.

DE HAC Imperii distributione ita Zosimus lib. 2. Historiarum: „Constantinus recte constituta loco movens, „unum hunc magistratum (Præfectorum Prætorii) in „quatuor imperia discepsit. Nam uni Præfecto totam „Ægyptum cum Lybiæ Pentapoli, & Orientem ad Mesopotamiam usque, & præterea Cilices, Cappadoces, „Armenos, oramque maritimam totam a Pamphylia „Trapezuntē usque, & usque ad Castella propter Phasidem

22 AD SACRAM GEOGRAPHIAM

„ fidem sita, tradidit. Eidem & Thracia commissa, &
 „ Myſia, Aſerni, ac Rhodopes, ac Doberi oppidi fini-
 „ bus circumſcripta. Præterea Cyprum adjecit, & Cyclad-
 „ das inſulas, Lemno, & Imbro, & Samothracia exce-
 „ ptis. Alteri Macedones attribuit, & Theſſalos, & Cre-
 „ tenſes, & Græciam, & circumjacentes inſulas, & Epi-
 „ rum utramque, & præter has Illyrios, & Dacas, &
 „ Triballos, & Pannonios ad Valeriam uſque, & Myſiam
 „ præterea ſuperiorem. Tertiò totam Italiam, & Siciliam,
 „ & circumjacentes inſulas, itemque Sardiniam, & Cor-
 „ ſicam, & Africam a Syrtibus Cyrenem uſque. Quarto
 „ Tranſalpinos Celtas, & Hiſpanos cum Inſula Britanni-
 „ ca.“ Hæc Zoſimus.

IN HAC autem deſcriptione primo notandum eſt, Zoſi-
 mum iniquo erga Conſtantinum fuiſſe anno, ut in Vita
 eiſdem Conſtantini dèmonſtravimus; ideoque neminem
 movere debet, quod Hiſtoricus ipſe ait, immutata fuiſſe
 a Conſtantino quæ a majoribus recte fuerant conſtituta.
 Deinde ſciendum eſt, ante Conſtantinum duos conſtitutos
 fuiſſe Præfectos ab Imperatore Commodo, poſtquam is
 occidit Perennem Prætorio Præfectum, ut ſcribit Herodia-
 nus, nec Zoſimus præcitato 2. libro Hiſtoriarum diffitetur.
 Advertendum præterea non fuiſſe perpetuam Conſtanti-
 nianam illam diſtributionem; nam Valentinianus Senior
 adſciſcens in conſortium imperii Valentem fratrem ſuum,
 huic Orientem ad Ægyptum uſque & Bithyniam com-
 miſit, ſibiſque reſervavit Illyricum, Italiam, Hiſpaniam,
 Britanniam & Africam univerſam, ut ſcribit Sozomenus lib.
 4. Hiſt. cap. 6. aſſentientibus Zoſimo, & Theodoreto.
 Idem præſtitit Gratianus aſſumens ad imperii conſortium
 Theodoſium; ac Theodoſius ipſe cum Arcadio, Arcadius
 cum Honorio conſimili ratione ſe geſſerunt. Poſt irruptio-
 nem autem Gothorum & Vandalorum, aliarumque bar-
 barbararum gentium, poſt ſciſſionem, ac translationem im-
 perii, ac poſt cruenta Saracenorum bella, quanta fuerit
 Orbis permutatio, viciffitudo, ac diviſio, quantaque hu-
 manarum omnium, divinarumque rerum perturbatio &
 confuſio, noſtrum non eſt enarrare, qui ſtantis duntaxat,
 & floſcentis imperii rudem quamdam formam, proſpe-
 ctumque delineandum ſuſcepimus.

CAPUT V.

DE LOCIS, UBI APOSTOLI EPISCOPOS
CONSTITUERUNT.

PERAGRANTES Apostoli orbem in urbibus locisque præcipuis Episcopos, qui Christianam regerent plebem, eamque doctrina monitisque saluberrimis imbuerent, provide solleterque constituerunt. Eosdem Episcopos jure & institutione divina presbyteris antecellere, non Cleri duntaxat ordinatione, eodemque pacto, quo electus a militibus imperator, præest exercitibus, alibi adversus Salmasium, Blondellum, ceterosque Presbyterianos demonstratum est multiplici genere argumentorum. In vicis autem, parvisque oppidis presbyterum quidem unum, & parochum, non Episcopali decoratum honore, priscis quoque seculis, fidelium populorum regimini destinatum, intelligimus ex canone sexto Sardicensi, in quo habetur, *Non licere Episcopum constituere in aliquo pago, vel patria urbe, cui vel unus presbyter sufficit: non necesse est enim illic episcopum constitui, ne Episcopi nomen & auctoritas vilipendatur.* His similia leguntur canone 57. Laodiceno, & in epist. 87. S. Leonis Magni ad Episcopos Mauritanix. Quare in vicis pagisque cœperunt primum Episcopos collocare hæretici ad ostentandam ecclesiarum suarum amplitudinem, quemadmodum in Collatione Carthaginensi objecit Donatistis S. Alipius Tagastensis; ac de Cataphrygibus, Montanistis, & Novatianis scribit lib. 7. H. E. cap. 19. Sozomenus.

IGITUR Apostoli in urbibus saltem præcipuis sacros locarunt Antistites, quos Episcopos nominamus. Jerosolymis statim post Domini passionem ab Apostolis creatum fuisse Episcopum Jacobum ipsius Domini fratrem, cognomento justum, tradunt S. Clemens Alexandrinus lib. 6. Institutionum, Eusebius lib. 2. H. E. cap. 1. necnon S. Hieronymus de Script. Eccl. Polycarpum, a Joanne Apostolo & Evangelista consecratum fuisse episcopum Smyrnæ urbis Maritimæ Joniæ, sive Asiæ minoris, scribunt prælaudati Eusebius, & Hieronymus, necnon Irenæus lib. 3. cap. 3. ac Tertullianus de Præscript. capite 32. Ab eodem Joanne alios per Asiam constitutos Episcopos constat ex libro Apocalypsis, ubi angelos septem Eccle-

fiarum alloquitur. Timotheum relictum fuisse a Paulo Episcopum Ephesiorum testatur Eusebius lib. 3. cap. 4., neque obscure id colligitur ex priori ad eundem Timotheum epistola 1. 3. Titum pariter relictum Cretæ, quæ est insula maris Mediterranei adjacens Peloponneso, ut ea, quæ deerant, corrigeret, & constitueret per civitates presbyteros, ipsonmet Paulo scribente (ad Titum 1. 5.) didicimus. Ex Ecclesiastica autem Historia accepimus a Barnaba institutam, & aliquandiu rectam nobilissimam Ecclesiam Mediolanensem: Dionysium Areopagitam fuisse Episcopum Atheniensem, in clarissima nempe Græciæ urbe, & metropoli Atticæ: Epaphroditum episcopum Philippensium in Macedonia: Epaphram Colossensium in Phrygia: Publium Melitensem in insula naufragio Pauli clarissima: Hermagoram Aquilejæ Camorum olim metropolis, nunc pæne excisi oppiduli. Ita *per omnes provincias* (verba sunt Cypriani epistola 52. ad Antonianum) & *per urbes singulas ordinati sunt Episcopi in ætate antiqui, in fide integri, in pressura probati, in persecutione proscripti.*

APOSTOLORUM ætate Episcopos Etruriæ etiam nostræ constitutos fuisse non dubito. In hac autem vetustissima Pifarum urbe quisnam primus omnium Pastor extiterit, divinare non aulam, quamquam in Italia Sacra enumeretur S. Perinus discipulus Principis Apostolorum; de quo monumenta Ecclesiastica desiderantur. Sed cum esset eadem civitas Romanorum colonia, situ, amplitudine, & incolarum numero clara, sedes quoque Prætorum, qui jus dicebant Etruriæ; & huc appulerit prælaudatus Apostolorum Princeps Romam versus progrediens, ad litus, ubi nunc conspicitur S. Petri ad gradus Ecclesia, consistente navigio: quod & vetus habet traditio, & Ecclesiasticis Annalibus inferuit Cæsar S. R. E. Cardinalis Baronius ad annum 44. pag. 310. Vaticanæ editionis; non procul a vero existimamus aliquem hic consecratum Episcopum, qui occulte saltim nascenti Ecclesiæ præesset. Si tamen ad certa confugiendum sit monumenta, nullum Pisis sedisse Episcopum invenimus ante Gaudentium; quem ex lib. 1. S. Optati Milevitani contra Parmenianum, scimus interfuisse Romano Concilio Miltiadis, celebrato in Causa Cæciliani & Donati anno 313. vi. Nonas Octobris apud Lateranum in domo Faustæ.

AD TEMPORA quoque Apostolica referunt initia Episcopæ-

scopatus patriæ suæ Florentini Scriptores, quorum alii Frontinum, alii Romulum fuisse primum Episcopum Florentiæ contendunt. Sane Romulum æquo jure sibi vindicant Fesulana, Pistoriensis, & Volaterrana, necnon Brixienfis, & Bergomensis Ecclesiæ, quod fortassis uribus hisce singulis Romulus annuntiaverit Evangelium. Sed Fesulis tandem Romulum consedis, ibique Domitiano imperante coronatum fuisse martyrio, tradunt cum Romano Martyrologio ad diem 6. Julii Scriptores ibidem a Baronio in Adnotationibus laudati. Nos vero neque Fesulanæ urbi, licet excisæ ac dirutæ, gloriosissimum hunc Episcopum, neque Romulo martyri coronam, de qua docti viri nuperrime disceptarunt, audemus temere denegare. Commendamus pariter Pistoriensium civium pietatem, propterea quod memores se a Romulo accepisse prima fidei Catholicæ rudimenta, infantes lustralibus aquis expiando iisdem una cum peculiari aliquo nomine commune Romuli nomen imponere antiquissima Majorum suorum traditione consueverunt.

Quid autem de Virginis civitate Senensi? Hanc & suum ab Ecclesiæ incunabulis habuisse Pastorem, & Christi religionem suscepisse opera Martialis discipuli S. Petri, nonnulli litteris tradiderunt. At Martialem Lemoicensium in Gallia Episcopum, non Senensium in Etruria, Ecclesiastica Historia commemorat. Senenses ipsi imbutos se fide gloriantur ab Ansano juvene nobilissimo, & invictissimo martyre; quem Senas advenisse putamus anno 12. Diocletiani, Christianæ Aetæ 295. Apud Optatum præcit. libro 1. pag. 25. & tom. 1. Concil. p. 1403. legimus Concilio Miltiadis adfuisse Florianum, quem aliqui Senarum, aliqui Cæsennæ faciunt Antistitem: ante Florianum vero commemoratur Senensium Episcopus Lucifer.

PERPETUA & constans Lucensium traditio docet, primum Lucæ Episcopum fuisse S. Paulinum, Antiochenum genere, & S. Petri discipulum, qui ad radices Pisani Montis (S. Juliani appellitant, ubi saluberrima balnea amplioribus in dies exornata ædificiis) martyrium consummavit, ut Lucensis Ecclesiæ acta, Martyrologia ad 12. diem Julii, collecta a Florentinio, Etruscæ Pietatem describente, monumenta, atque innumeri Historici testantur. Ex quibus apertum est, quod erat capitulum hujus propositum, cum in Etruriæ partibus, tum in cete-

ceteris Orbis terrarum regionibus Apostolos suamet, aut discipulorum suorum opera Evangelium disseminantes, in civitatibus saltem præcipuis, constituisse virum aliquem probatæ fidei, ac doctrinæ, qui Episcopali munere fungeretur.

C A P U T VI.

QUINAM INTER EPISCOPOS APPELLATI SINT METROPOLITANI, PRIMATES, ARCHIEPISCOPI, ET EXARCHI, VEL PATRIARCHÆ.

AD nominum etymologiam quod attinet, quid titulus hujus capituli proponat, obvium est, ac perspicuum. Ut enim Metropolim urbem illam appellamus, quæ est *μῆτηρ πόλις*, civitas nempe, caput, & quasi mater cæterarum ejusdem provinciæ; ita *μετροπολίτης* *Metropolitanus* Episcopus ille dicitur, qui præest primæ alicujus provincie urbi; quamquam Metropolitanum nomen quibusdam etiam concessum legitur, quorum sedes minime in urbe primaria degebat, ut Nicæno, Chalcedonensi, Nicomediensi, & Berytensi. Idem olim *Primas* erat, ac Metropolitanus; sed postea obtinuit, ut *Primates* vocarentur præcipuarum quarundam Sedium Episcopi, ut in Africa senior cujuslibet Provinciæ Antistes, in Galliis Lugdunensis, apud nos vero Pisanus Archiepiscopus. Idem fere ac *Primas* significat *ἡγάρχος*, quasi Caput, ac princeps. Exarchum enim canone 9. Concilii Chalcedonensis, quo definitur, ut Clericus habens adversus Metropolitanum querelam, petat Primatem diceceseos, frui jure quodam ampliori compertum est. In eodem autem Concilio *Exarchi* vocantur Episcopi Ephesinus, Cæsarensis in Capadocia, & Heracleensis in Thracia; eodemque nomine condecorati postea sunt Ancyranus, Cizicenus, Sardenis, alique complures. *Patriarcha* item nomen non aliam habet, quam *Primatis* & *Exarchi* vocabula, significationem, tamen peculiari quadam ratione Patriarchæ dicantur, præter Romanum Pontificem, Præsules Constantinopolitanus, Alexandrinus, Antiochenus, & Hierosolymitanus. *Archiepiscopi* autem nomen, licet idem sonet, ac inter Episcopos Primarius, latius nunc patet, pluribusque in eadem quoque provincia invenitur esse commune. Nil ergo, quod

quod ad nomina attinet, ingerit nobis modo difficultatem.

SUBOSCURUM est tamen, & in controversia positum, cur, & quomodo Metropolitana dignitas fuerit instituta. Nam Petrus de Marca lib. 6. Concordiæ Sacerdotii & Imperii cap. 1. ait Apostolos, quum Ecclesias distribuerent in provincias, in animo habuisse, ut in iis corpus Episcoporum statueretur sub præfidentia Episcopi metropoleos. Institutos ergo putat vir doctissimus Metropolitanos Episcopos ab Apostolis. Atque ad hoc demonstrandum primo ait, Paulum scripsisse ad Titum, se illum reliquisse Cretæ, ut constitueret per civitates *presbyteros*, idest, Episcopos, ut Joannes Chrysostomus, Hieronymus, aliique veteres interpretantur. Addit pari ratione Joannem constituisse in Asia corpus Episcoporum, quorum primarius erat Ephesinus, ut constat ex priori capite Apocalypsis: Apostolum item Paulum suam ad Ephesios scripsisse Epistolam, quod Ephesus esset Asiæ metropolis, unde facile poterant ad subjectos Episcopos Apostolica instituta transmitti; Epistolam quoque scriptam a Paulo ad Corinthios, atque ad Thessalonicenses alteram, quoniam Corinthus, ut Florus adnotavit, erat metropolis Achajæ, Thessalonica autem Metropolis Macedoniæ. Animadvertit idem Auctor, consilium istud non latuisse Tertullianum, qui in libro de Præscriptionibus provocans hæreticos ad Traditionem Ecclesiarum Apostolicarum ait: *Proxima est tibi Achaja. Habes Corinthum. Si non longe es a Macedonia, habes Philippos, habes Thessalonicenses. Si potes in Asiam tendere, habes Ephesum. Si autem Italiæ adjaces, habes Romam, unde nobis quoque auctoritas præsta est.* His Petrus de Marca evincere studet institutionem Metropolitanorum factam esse ab Apostolis; qui tamen in sua provinciarum distributione animum intenderunt in eam civitatem, quæ caput erat provinciæ, propterea quod, ut habetur canone 9. Antiocheni Concilii, *ad Metropolim omnes undique, qui negotia videntur habere, concurrunt.*

AT non desunt, qui existiment nullam ab Apostolis factam institutionem Metropolitanarum, sed eos Episcopos Metropolitanos suomet jure fuisse, qui primariis civitatibus, a quibus reliquæ pendebant, fuerant præpositi, spectata Romani imperii in provincias distributione, & civilis regiminis forma, non attenta Hierarchia, Apostolico instituto firmata. Suadere id conantur, propterea quod

quod canone 6. Nicæno definitum sit, in Ecclesiarum præeminentia servandam *antiquam consuetudinem*: ex quo inferunt, ex consuetudine, non ex institutione Apostolica, pendere ampliores Episcopatum prerogativas. Addunt canone 7. concessam dignitatem honoris, *salva Metropolis præeminentia*, Episcopo Aeliæ, idest, Ierosolymorum, non alia ratione, nisi quia metropoli Judæorum per Titum eversa, in Metropolim electa fuerat Cæsarea. Inquiunt, actione 4. Chalcedonenſis Concilii de Jure metropolitico litigasse Photium Tyri, & Eustathium episcopum Beryti, quoniam Berytus metropolis declarata erat rescripto Theodosii: atque actione 13. jus metropolitico vindicatum fuisse Antistiti Nicomediensi adversus Nicænum, eo quod Nicomedia metropolis olim fuerit. Afferunt præterea canone 17. ejusdem Synodi Chalcedonenſis sanciri, ut si qua civitas potestate Imperiali innovata est, aut si protinus innovetur, civiles dispositiones, & publicas, Ecclesiasticarum quoque parochiarum ordines subsequantur. His itaque, aliisque pluribus munimentis, quæ differt. 1. de antiqua Ecclesiæ disciplina collegit Ellies Dupinius, contendunt quidam evincere, a civili regionum provinciarumque partitione, non ab Apostolica, aut a divina institutione Metropolitica dignitatem fluxisse.

ARRIDET nobis ea sententia, quæ tenet Metropoles civiles evasisse quoque metropoles Ecclesiasticas ex instituto Apostolorum, adeo, ut urbe aliqua ad metropolitico honorem electa, Episcopus ejusdem arbis Metropolitanus adeptus sit jura, quoniam Apostoli illos metropoliticos esse constituerunt, qui præessent primariis & amplioribus civitatibus. Nam Apostolos habuisse ipsarum civitatum rationem haud obscure colligitur ex præcitato canone 9. Synodi Antiochenæ: Per singulas regiones Episcopos convenit nosse, *Metropolitanum Episcopum sollicitudinem totius provincie gerere, propter quod ad Metropolitanum omnes undique qui negotia videntur habere, concurrunt. Unde placuit eum, & honore præcellere, & nihil amplius præter eum ceteros Episcopos agere secundum antiquam a Patribus nostris regulam constitutam.* Canon autem iste editus anno 341. antiquam Patrum constitutionem commemorans non aliam utique innuit, quam ab Apostolis derivatam; siquidem institutionis, atque consuetudinis, cujus nulla alia adinvenitur origo, ad Apostolorum auctoritatem

Autoritatem, ac traditionem, initia referenda esse ratio ipsa, & communis perceptio demonstrat. Quum insuper Apostoli constituerint per civitates Episcopos, ut in Epistola ad Corinthios scribit Clemens Romanus, & nos ostendimus superiori cap. 21, inverisimile prorsus est, nulum inter ipsos Episcopos statuisset discrimen, nec praevidisse quomodo subortis dissidiis, grassantibus hærelibus, & ipsorum Episcoporum aliquo commissam sibi Ecclesiam deserente, oportebat, ut unus præficeretur ceteris, qui contentiones sedare, errores avertere, episcopum alterum consecrare, proximiores convocare ad Synodum posset, ampliori aliqua auctoritate suffultus. Dupinii vero momenta, quamquam ex his corrumpuntur, & eliduntur, feliciter dirimit tom. 2, Antiq. Eccl. dissert. 4. Emmanuel a Schellstrate.

JAM vero cum Apostoli in his civitatibus constituerint Metropolitanos quæ primariae erant, ceterarumque metropoles; facile invepiemus Apostolicorum & subsequentium temporum metropolitas, si illarum dioeceseon, quas memoravimus cap. 20. agentes de Romani Imperii distributione, ampliores illustrioresque urbes, quibus reliquæ subjiciebantur, sedulo investigabimus. Diximus Praefecto Orientis quinque subiectas fuisse dioeceses, imperantem Constantino, qui priorem Augusti, & Hadriani partitionem paullulum immutavit. Itaque dioeceseon quinque Praefecto Orientis subiectarum Episcopi illi erant Metropolitæ, qui præerant singularum provinciarum metropoli, scilicet in provincia Syriae Apameæ, & Antiochiæ; in Palæstina, quæ subinde in tres alias provincias divisa fuit, Cæsareæ, Scythopolis, & Jerusalem; in Phoenicia Tyri, & Damasci; in Cilicia Tarsi, & Anazarbi; atque ita de aliis provinciis, cum in ea dioecesi, quæ Orientis dicta est, tum in dioecesebus Ægypti, Ponti, Asiae, & Thraciæ; ac pari ratione de aliis provinciis dioeceseon præfectis Illyrici, Italiae, & Galliae, subiectarum.

UT DE Italia nonnulla dicamus, quum alius fuerit Vicariatus urbis Romæ, alius autem Vicariatus propria dictus *Italiae*, atque illi decem, huic septem provinciæ subjicerentur; certum est Romam fuisse metropolim primi Vicariatus, sub quo constitutæ erant Tuscia & Umbria, Campania, Sicilia, Apulia & Calabria, Lucania & Brutia, Picenum suburbicarium, Samnium, Valeria, Sardinia & Corsica; Mediolanum autem fuisse metropolim

lim Vicariatus Italiae, cui subiciebantur Liguria, Æmilia, Flaminia, seu Picenum Annonarium, * Venetiae, (quibus postea accessit Istria) Alpes Coxtiae, & utraque Rhetia. Quare inter metropolitanos Italiae Episcopos, præter Romanum, qui habet in Universa Ecclesia primatum, antiquis temporibus sublimiorem locum tenuit Mediolanensis.

SUNT, qui arbitrantur Siciliae Episcopos, etiam ante Constantini ætatem, paruisse metropolitæ Syracusano, quem a sede Apostolica ordinari *juxta Traditionem Apostolicam*, asseruit Nicolaus I. Romanus Pontifex; idque asserunt, quoniam in Synodo I. Arelatensi priori loco invenitur subscriptio *Chrestii Episcopi ex civitate Syracusanorum provincia Sicilia*. Sed ex Epistola 11. lib. 7. S. Gregorii Magni inferunt viri eruditi, nondum Syracusanum antistitem tempore ipsius Gregorii inter Metropolitanos fuisse adscitum, atque hanc ei dignitatem accessisse opinantur ex quo a Romana dicecesi Syracusæ fuerunt avulsæ, & Throno Constantinopolitano subiectæ; ut refert in *Notitia Patriarchatuum* Nilus Doxapatrius. Ante Gregorium tamen in vicariatu Romano fruebatur in Sardinia jure Metropolitico Episcopus Calaritanus, prout constat ex Epistola S. Athanasii ad Solitariam vitam agentes, & ex Theodoro lib. 2. H. E. cap. 12. necnon Episcopus Ravennas, quem a tempore saltem Leonis Magni fuisse metropolitanum demonstratur ex Sermone 175. S. Petri Chrysologi ejusdem Sedis antistitis, qui eo in sermone jus suum metropoliticum vindicat, ac tutatur. Facta est autem Ravenna metropolis imperante Valentiniano, qui anno 364. diviso imperio cum Valente, in Occidentem concessit, & in ea urbe sedem locavit. Ecclesia etiam Aquilejensis circa Damasi tempora dicitur assecuta Metropolitica in dignitatem; qua proculdubio carebat anno 347. cum Protasius Mediolanensis esset *metropolitanus Italiae*, ut colligitur ex subscriptionibus Metropolitanarum ad Synodum Sardicensem celebratam eodem anno. Sane ex quo Episcopus Mediolanensis dictus olim fue-

* Picenum Annonarium, quamvis patebat Vicario Italiam, spectabat tamen ad Metropolitam Romanum, ut demonstrat Norfius disert. de Syn. v. cap. 10. ut de constat jurisdictionem Ecclesiasticam non esse omnino conformem Civili Regini. Vide Norf. tom. 1. pag. 755.

fuerit Metropolitanus Italix, magna temeritate & ignorantia à quibusdam hæreticis præponitur Romano Pontifici, cum ex antiqua imperii distributione Vicariatus Italix esset à Vicariatu Romæ diversus.

IN AFRICA, ubi ab Hadriani temporibus usque ad ætatem S. Cypriani certum est tres extitisse provincias, *Africa* nimirum proprie dictæ, seu provinciam Proconsularem, & *Numidiæ*, ac *Mauritanie*, antiqua viguit consuetudo, ut provinciæ Proconsularis Primas & Metropolitæ semper fuerit Episcopus Carthaginiensis: quem admodum Metropolitico jure functum fuisse prælaudatum Cyprianum colligimus ex Synodis Africanis ab eodem celebratis anno 255. & 256. in causa rebaptizantium, eoquæ jure potitum Agrippinum, qui circa annum 215. regebat ipsam Carthaginiensem Ecclesiam, constat ex Cyprianica epistola 73. ad Jubajanum, atque ex Augustini libro 2. de Baptismo contra Donatistas cap. 8. In provinciis autem Mauritanie, & Numidiæ ille Episcopus Metropolitæ dicebatur, qui senior erat in Episcopatu: siquidem Cypriano vivente Numidiæ metropolitæ fuisse invenitur Novatus Thamugadensis, tempore Cæciliani Secundus Tisigitanus, & ætate Augustini Xantippus Tagorensis. Quamobrem ex consuetudine potius Ecclesiastica, quam ex civili provinciarum divisione, ut supra dicebamus, Metropolitica dignitas est repetenda. Partitio itaque Africæ in sex provincias, quas memorat Sextus Rufus in Breviario ad Valentinianum Augustum, demonstratque Constantinus Magnus in Epistola ad Ablavium, auctorem habet ipsummet Constantinum. Sed de Ecclesiastica Africæ Geographia legendi Norisius initio Historiæ Donatistarum, & lib. 2. H. Pelag. cap. 8. auctoresque Additionum ad libros Optati posteriorum editionum.

HISPANIA itidem constabat olim provinciis tribus, teste Solino in Polyhistore cap. 26, & parum absimilis erat, in quatuor nempe provincias, Galliarum partitio, de qua supra cap. 20. sub Constantino tamen sex divisæ fuerunt Hispaniarum provinciæ, unde totidem metropolitane Ecclesiæ nate sunt, Narbonæ, Bracaræ, Tarraconæ, Hispalis, Emeritæ, Toleti. In Galliis vero antiquiores metropolitani fuerunt, in provincia Belgica Trevirensis, in Lugdunensi Lugdunensis, in Narbonensi Arelatensis, & in Aquitanica Bituricensis. At Arelatensis habuit cum Vien-

Viennensi Episcopo de jure primatus contentionem magnam, ac diuturnam. Celebre est de hoc jure dissidium inter S. Hilarium Arelatensem, & Projectum ac Celdonium provincie Narbonensis Episcopos, quos ille e sede dejecerat. Verum S. Leo Magnus Hilarii acta reprehendit, litemque illam dirimere studuit, civitatibus oppidisque provincie partim Arelatensi, partim Viennensi Episcopo attributis; quam definitionem confirmavit Symmachus epistola 9. ad Antistites Gallie.

RESTAT, ut de jure Metropolitaram pro intelligentia eorum, quae dicta sunt, adjiciantur perpauca. Si ad antiqua jura animum convertamus, pollebant olim metropolitani in alios provincie Episcopos jurisdictione, sive loquamur de causarum appellationibus, sive de visitatione dioeceseon, sive de convocatione Synodi Provincialis. Ob jurisdictionem illam, quam memoravimus, poterant absolutionem impendere excommunicatis ab aliquo Episcopo Suffraganeo, hujusque in collationibus beneficiorum, & institutionibus negligentiam supplere; & vacante Episcopatu, ac dioeceseos administrationem negligente Capitulo, delegare visitatorem aliquem idoneum, aptumque regimini: quod etiam in 1. decretalium, & in Sexto, tit. *de Supplenda negligentia Prælat.* legitur innovatum. Canones tamen Metropolitanis inhihent sine com-provincialium Episcoporum consilio alienas agere causas, prout legitur in Decreto, IX. Q. 3. Ad dissensiones quoque tollendas jus visitandi Provincialium dioeceses a Tridentina Synodo Sess. 24. cap. 3. de Reform. coarctatum fuit ad causam aliquam cognitam, & in Concilio provinciali probatam. Ipsum provinciale Concilium, quod singulis annis juxta canonem 5. Nicænum, & 14. Chalcedonensem bis olim convocabatur, ipsa Tridentina Synodo definiente 2. cap. præcit. Sess., quolibet triennio debet a Metropolitanus indici. Metropolitanus denique jus est Pallio uti in tota provincia præscriptis diebus, atque coram, & ante se facere elevatam crucem gestari. Verum id est etiam Archiepiscoporum privilegium: imo Pallium quibusdam Episcopis concessum legitur, ut Augustodunensi, epist. 3. libri 7. S. Gregorii Magni, Quinquecclesiensi in Pannonia, sive Hungaria, de quo Cap. penult. *de Præsumpt.* Ticinensi, cujus amplissima privilegia connumerat Benedictus XIV. in Apostolicis litteris, quarum vigore ipsi Ticinensi conjunxit Archiepiscopatum

Ama-

ISAGOGÆ, CAPUT VII. 33

Amasæz urbis Cappadociæ, & metropolis Helenoponti ; Arretino demum, ne Etruriam nostram prætermittamus, Clementis XII. privilegio. Verum de Metropolitanis dictum satis.

CAPUT VII.

AGITUR DE PATRIARCHIS, AC PRIMUM DE ROMANO, EIQUE SUBJECTIS ECCLESIIS SUBURBICARIIS.

QUINAM Episcopi Patriarchæ dicantur, & quinam inter Patriarchas habeantur celebriores, diximus capite præcedenti. Afferimus modo tres olim fuisse Patriarchas, Episcopum Romanum, Alexandrinum, & Antiochenum, quemadmodum tres urbes fuerunt sedes Imperii, Roma, Alexandria, & Antiochia. Patriarchis enim, ad instar regum, multas subesse Provincias, canonum, & legum auctoritate demonstrant ICC. in caput *Cum cetera*, De electionibus. Illustria habentur de tribus hæc Patriarchis testimonia in Synodo Romana celebrata anno 494. sub Gelasio, Nicolai I. ad consulta Bulgarorum num. 92. Hincmari Rhemensis in Opusculo 155. capitulum num. 16. & Isidori lib. 8. Etymolog. cap. 12. Contendit Launojus ante quartum seculum nullos fuisse in Ecclesia Patriarchas, horumque nomen fuisse prorsus inauditum. De nomine id quidem fatemur: cœperunt enim Patriarchæ nominari sub tempora Synodi Chalcedonensis: sed quantum ad rem attinet, constat antiquissima Patriarcharum institutio ex canone 6. Nicæno, quo ex vetusta consuetudine asseritur Episcopo Alexandrino iurisdictio & potestas in Ægypto, Libya, & Pentapoli. Atque prædictum canonem de Patriarchis intellexere Joannes Scholasticus, Zonaras, Balsamo, Petrus de Marca, necnon Innocentius I. & Synodus VIII. Aët. 10. ut adversus Launojum demonstrat Henricus Valesius libro 3. Observationum Ecclesiasticarum in Socratem, & Sozomenum. Sed nulla alia probatione eget veritas, quom illum Patriarcham dicamus, qui pluribus provinciis præsit, eamque præminentiam prædictus Nicænus canon tam aperte vindicet Episcopo Alexandrino.

Id vero, quod de institutione Metropolitanarum repetenda ab Apollolis superiori capite dictum est, asserendum

Tom. II.

C

dum

dum de Patriarchis; quorum dignitatem non derivare ab iis, qui Ecclesias fundarunt, ac primi rexerunt, putat se invicto argumento demonstrare auctor Operis de Antiqua Ecclesiae disciplina, propterea quod permultas Apostoli instituerunt & gubernarunt Ecclesias, quae tamen nec sunt, nec unquam fuerunt sedes Patriarchales, ut Corinthus, Ephesus, Thessalonica, Philippi, quas Tertullianus in libro de Praescript. vocat *Ecclesias Apostolicas*. Imo, inquit, nec Ierosolyma, in qua Christus habitavit, & in qua non modo Petrus, sed & ceteri federunt Apostoli, Patriarchalis fuit in primis Ecclesiae seculis; & contra Patriarchalis semper fuit Alexandrina, quam non Petrus fundavit, sed Marcus; atque ad Patriarchatus dignitatem evecta postmodum est Ecclesia Constantinopolitana, honorem consecuta, quo certe caruit temporibus Apostolicis.

VERUM fracta haec, & infirma sunt admodum, quippe nemo adeo desipit, ut Patriarchatus dignitatem deferat Ecclesiis singulis, quas Apostoli instituere; sed eas dicimus frui ejusmodi prerogativa, quibus hanc iidem Apostoli contulerunt, habita quidem ratione illarum urbium, in quibus sedes erat imperii; atque non ad primatum, & Apostolicum institutum, sed propter causas inferius narrandas, Patriarchali jure donata fuit regia Civitas Constantinopolis. Nam Ierosolyma, & civitates aliae, quarum sedes posterius dicta est Patriarchalis, appellationis potius honorem, quam rem, & quidem Ecclesiastico, non civili jure, sunt affectae.

ERGO Patriarchalium Ecclesiarum auctoritas a solo Petro, ejusque successoribus Romanis Pontificibus ortum duxit. Quod, praeter ea, quae diximus cap. praecedenti, munimenta alia demonstrant. Roma enim, desiniente Gelasio in Synodo Romana, quam paullo supra laudavimus, habet primam Sedem Patriarchalem, quoniam ibi Episcopatum tenuit Petrus princeps Apostolorum. Alexandria secundum locum inter Patriarchales obrinuit, quia nempine ipsius Petri a Marco ejus discipulo, & Evangelista fuit instituta; ac tertia sedes adtributa Antiochiae, non tam pro civitatis magnificentia, quam quod illic sedet Petrus, antequam Romam veniret, ibique nomen accepit Christiana religio. Nec verum est, quod de Ierosolyma ait praecitatus auctor Operis de Antiq. Eccl. Discip., nempe Dupinius, ibi Petrum sedisse cum Apostolis

cete-

ceteris, si de Sede Episcopali loquamur, non de mora, & quorundam annorum habitatione; quum certissimum sit pimum Jerosolymorum Episcopum fuisse Jacobum, non Petrum: Neque ex eo tantum Episcopus Constantinopolitanus adeptus est dignitatem Patriarchalem; quod in ea Sedem imperii fixerit Constantinus; sed quoniam hujus Sedis, ac præsertim religiosissimi principis intuitu, hunc illi honorem detulerint, repugnantibus tamen legatis S. Leonis Magni, quidam Synodi Chalcedonensis Antistites. Quare S. Gelasius in epist. 13. ad Episcopos Dardaniæ irridens illorum sententiam, qui ajunt Patriarchatus honorem derivasse a politica urbium dignitate, simulque redarguens ambitionem Acacii, *Risimus autem* (inquit) *quod prerogativam volunt Acacio comparari, quia Episcopus fuerit regie civitatis. Numquid apud Ravennam, apud Mediolanum; Sirmium, apud Treviros multis temporibus non constitit Imperator? Numquidnam harum urbium Sacerdotes, ultra mensuram sibi met antiquitus deputatam, quidpiam suis dignitatibus usurparunt?*

PRIMUS itaque omnium Patriarcharum est Romanus Episcopus, quia, ut scribit Gregorius Magnus epistola 37. libri 6. *Cum multi sint Apostoli, pro ipso tamen principatu sola Apostolorum Principis Sedes in auctoritatem convalluit. Ipse enim sublimavit Sedem, in qua etiam quiescere; & præsentem vitam finire dignatus est. Sed gravis oritur quæstio, num idem Episcopus Romanus sit Patriarcha totius Occidentis, an vero solius Vicariatus Urbis, ac decem illius provinciarum, Ecclesiarumque, quæ vulgo dicuntur Suburbicariæ.*

SUBSCRIBENDUM est viris illis doctissimis, qui propugnant prælaudatum Romanum Episcopum esse totius Occidentis Patriarcham, Petro nempe de Marca lib. 1. Concordiæ cap. 5. Emmanueli a Schelstrate disert. 6. cap. 3. Henrico Valesio lib. 3. Observationum in Socratem cap. 7. Leoni Allatio lib. 1. de Consensione Oriental. & Occid. Eccl. cap. 12. Jacobo Sirmondo in Adventoria, Christiano Lupo in Canonem 6. Nicænum, aliisque compluribus. Corroboratur enim hæc sententia auctoritate Concilii Arelatensis 1. celebrati anno 314. in cujus epistola ad Silvestrum Romanum Pontificem legitur, ab isto *Majores diœceses* teneri: quandoquidem ex Veteri Notitia Imperii perspicuum est, majores illas diœceses esse illas sex Occidentis, quæ tunc solæ numerabantur, Africam

nempe, Illyricum, Italiam, Hispaniam, Galliam, & Britanniam. Hinc S. Basilius epist. 10. appellat Romanum Pontificem τῶν δυνάμεων κορυφαίον, Augustinus lib. 1. contra Julianum cap. 6. *Ecclesie Occidentalis presidentem*; & Hieronymus adversus Vigilantium distinguens limites Patriarchatum, Antiocheni in Oriente, Alexandrini in Aegypto, & Romani in Occidente, istius Ecclesie quasi in unum corpus collectas, & ab Ecclesiis cum Orientis, tum Occidentis quodammodo distinctas commemorans inquit: *Quid facient Orientis Ecclesie, quid Aegypti, & Sedis Apostolica* ? Certum quoque est ex Epistola S. Innocentii I. ad Decentium Episcopum Eugubinum, a solo Petro, ejusque Successoribus in praedictis provinciis Occidentalibus constitutos fuisse sacros antistites, exercitumque jus Patriarchicum in ordinatione Metropolitaram, & in Synodorum convocatione, ut cap. 4. praecitatur dissertationis luculentissime evincit Schelestratenus.

Hujus sententiae consecrarium est apertissimum, non posse in Occidente alium Patriarcham constitui, Romano Pontifice repugnante. Testata id est Gallicana Ecclesia, proscribens anno 1640. in Synodo Parisiensi Praeneticam Epistolam *Optati Galli*, qui post editos in lucem libros Petri Puteani de Libertatibus Ecclesiae Gallicanae, nescio quid mali praefagens, omnes floridissimi illius regni Antistites hortabatur, ut ad evitandum schisma, consilium inirent creandi aliquem Galliarum Patriarcham. Quod non schismatis remedium, sed incitamentum, atque structuram futurum fuisse nemo non videt. Sed merito damnatum est maleferiatum, & seditiosum Opusculum. Enimvero in loco, ubi nunquam Patriarcha constitutus fuit, a nemine potest institui, *quam a Pontifice Sedis Beati Petri, a quo & Episcopatus & Apostolatus sumpsit initium*, ut inquit Nicolaus I. in Resp. ad Consulta Bulgarorum cap. 73. Ac ne aliunde, quam ab ipsa Gallicana Ecclesia repetamus exempla, scripsit Leo Magnus ep. 89. ad Episcopos per provinciam Viennensem constitutos, *Alienum jus alter sibi non audeat vendicare. Suis limitibus, suis terminis sit unusquisque contentus, & privilegium sibi debitum in alium transferre se posse non verit non licere.* Cogit quoque Bonifacius Moguntinus anno 742. Synodum, in qua statutum fuit, ut Metropolitani Galliarum Pallia quaerere ab Apostolica Sede; petieruntque re ipsa idem Bonifacius, & Carlomanus a Zacha-

Zacharia Romano Pontifice tria Pallia pro Archiepiscopis Ecclesiarum Rothomagensis, Remensis, & Senonensis. Quod non diffitetur libro 6. Concordiæ cap. 7. doctissimus Petrus de Marca. Neque alia ratione id factum est, nisi quoniam Pallio conceditur plenitudo Pontificalis officii, & potestas celebrandi Synodum, & Episcopos consecrandi, quemadmodum loquuntur canones: eamque plenitudinem ac potestatem, ideoque & aliam quamlibet ampliorem nequeunt Gallicani, ceterique Antistites allunde, quam ab Apostolica Sede, obtinere. 5. Ex quo autem Patriarchatus Romanus limites Occidentis comprehendat, percipere nequeo, cur Henricus Valesius præcitato libro 3. Observationum Ecclesiasticarum asserat, sententiam illorum, qui Romano Patriarchæ universum Occidentem adscribunt, displicere Romanis, propugnantibus scilicet auctoritatis Pontificis Maximi in Ecclesia universa amplitudinem. Sed nihil est, quod alicui displiceat, si, quemadmodum eo loci Valesius coarctat Episcopatum Romani Pontificis ad solam provinciam Romanam, Patriarchatum vero ejus extendi fatetur ad extrema Occidentis; ita hoc Patriarchatu limitibus istis concluso, Primatus, sive, ut vulgo dicimus, Papalis jurisdictionis incircumscripam amplissimamque potestatem pervadere totum Christianum Orbem assermet. Oportet ergo in Romano Pontifice, quæ Episcopi sunt, quæ Metropolitanæ, quæ Patriarchæ, quæ Primatis, quæ successoris Principis Apostolorum, cui universa Ecclesia a Domino commissa est, accurate diligenterque secernere. Nos enim eundem Pontificem, hac distinctione præmissa, Episcopum Urbis, Metropolitanum dioceseon Vicarius Romani, Italiæ Primatem, Patriarcham Occidentis, & universi Dominici Gregis supremum esse Pastorem minime dubitamus. De hac vero suprema auctoritate, omniumque Ecclesiarum solitudine, nostrum non est in præsentiarum differere.

EXPONEMUS tantummodo Nicænum canonem sextum, quem non hæretici tantum urgere solent adversus Papæ primatum, sed etiam contra nos ii Catholici, qui Patriarchatum Romanum ad solas Ecclesias suburbicarias extendi autumant. Canon ille est hujusmodi. *τὸ ἀρχαῖα ἐν κρατίῳ, καὶ ἐν αἰγύπτῳ καὶ λιβύῳ, καὶ περσιῶν, ὅτι τὸν ἐν Ἀλεξανδρίᾳ ἐπίσκοπον, πάντων τῶν ἐκ τῆς ἐκκλησίας, ἐπιστὶν. διὰ τὸ ἐν τῇ ρώμῃ ἐπίσκοπον τοῦτο σύνδεσθαι.*

Quem Canonem ita Latine vertit Dionysius Exiguus: *Antiqua consuetudo servetur per Ægyptum, Libyam, & Pentapolim, ut Alexandrinus Episcopus horum omnium habeat potestatem: quia & urbis Romæ Episcopo parilis mos est.* Quoniam ergo eo in Canone Alexandrinus Episcopus Romano Pontifici comparatur, abutuntur illo nonnulli ad Ecclesiæ Romanæ principatum labefactandum, & huic adæquandam, aut præferendam Patriarchæ Alexandrini jurisdictionem; quidam vero ex eodem canone inferri putant, Romani Patriarchatus limites comprehendendi in Vicariatu Romano superius descripto, ubi pertractavimus de Imperii distributione.

VERUM prædictus Canon perperam producitur contra Romanæ Ecclesiæ Primatum. Perspicuum est enim editum illum fuisse ad reparanda Patriarchatus Alexandrini jura Meletiano schismate violata. Cum enim Meletius Lycopolitanus in Thebaide Episcopus, lapsus in persecutione Diocletiani, a S. Petro Alexandrino, ejusque Synodo damnatus fuisset, Ægyptum finitimalque provincias complevit tumultu, & contentionum procellis, ubique instituens Episcopos, & presbyteros, atque Petri, hujusque successorum Achillæ, & Alexandri jurisdictionem invadens. Ad hanc itaque reparandam Nicæni Patres decreverunt, non in Alexandrino tantum Episcopatu, verum etiam in Ecclesiis Ægypti, Lybiæ, & Pentapolis frui Alexandrinum Præsulem auctoritate consecrandi Episcopos, aliaque Patriarchalia munia exercendi; depromto exemplo ab Episcopo Urbis Romæ, ceterorum principe Patriarcharum, qui non in Romana tantum provincia, sed ubicunque Patriarchatus sui extenditur amplitudo, consimilem jurisdictionem exercet. Quæ cum apertissima sint, constat prælaudato canone definiri, in exercenda Patriarchali potestate ab Episcopo Alexandrino petendam esse regulam a Patriarchatu Romano, ideoque non de *Papali*, sed de Patriarchali jure illic agi. Immo eidem canonis titulus iste adinvenitur præfixus, *De Primatu Ecclesiæ Romanæ, & aliarum civitatum Episcopis*; atque in Synodo Chalcedonensi, act. 16. canon ipse perlectus fuit ex quodam codice cum hoc exordio, *Quod Romana Ecclesia semper habuit primatum.* Non itaque sextus Nicænus Canon, contra Romani Pontificis in Ecclesia primatum, quidquam efficit.

ILLI vero, qui eodem canone utuntur ad coarctandos inter

inter

inter Ecclesias suburbicarias fines Patriarchatus Romani, ajunt Rufinum ita canonem illum fuisse interpretatum, *Ut apud Alexandriam, & in urbe Roma vetusta consuetudo servetur, ut vel ille Ægypti, vel hic suburbicarium Ecclesiarum sollicitudinem gerat.* Ac Rufini auctoritas non levis videtur ponderis, quippe qui vixerit eodem Nicænæ Synodi seculo, & optime noverit eorum temporum consuetudinem. Non est tamen hæc ratio firma prorsus, & inconcussa: primum quia in canone nulla Ecclesiarum suburbicariarum fit mentio; deinde quia vidimus Romano Patriarchatui universum Occidentem subesse: rursus quia Rufinus ut solam Ægyptum commemorans non excludit Pentapolim & Libyam, ita laudans Ecclesias suburbicarias non excipit alias Occidentis Ecclesias: demum, etsi *suburbicaria Ecclesia* servato verborum rigore sint illæ, quæ sunt Urbi Romæ subjectæ; ratio tamen postulat, ut dum agitur de Romano Patriarchatu, Ecclesiæ suburbicariæ dicantur; quæ ab Episcopo Urbis reguntur peculiari quadam sollicitudine, & subjectæ sunt juri Patriarchatus Romani, quemadmodum in differt. 2. *de Suburbicariis* contra Salmasium demonstrat Cl. Jacobus Sifmondus.

QUÆRET forte aliquis, quanam sint Ecclesiæ passim appellatæ suburbicariæ. Salmasius, & Gothofredus illas Ecclesias, provinciasque suburbicarias esse censent, quæ intra centesimum ab Urbe lapidem continentur, Tusciz nempe suburbicariæ, Piceni item suburbicarii, Latii, & Valeriæ. Innititur hæc opinio legi 1. *de calcis rostoribus*, in lib. 12. Cod. Theodosiani, inscripta Præfecto Urbis, qua lege Constantinus jubet, ut ad calcem vehendam trecenti boves ex quatuor provinciis eidem Præfecto subjectis subministrantur. Eas autem provincias non excedere centesimum ab Urbe milliare; ex libro 2. prælaudati Codicis Theodosiani l. 62. *de Hæreticis*; ex libro 1. Ulpiani *de Officio Præfecti Urbis*, & ex Dione lib. 52. res est admodum perspicua. Sed hæc ratiocinatio infirmo titubine nititur: neque enim aliud ex productis locis inferitur, nisi ad Præfectum Urbis spectasse dare operam, ut ex quatuor provinciis proximioribus calx Romam deferretur, quas solas dici suburbicarias nequit inde concludi.

SUBURBICARIE itaque Provinciæ sunt illæ, quæ Vicario Urbis parebant. Quousque vero Vicariatus urbis ex-

tenderetur, dictum est capite vigesimo. Hæc de Suburbicariis sententia constat ex Codice Theodosiano lib. 9. tit. 30. num. 3. & lib. 11. tit. 16. n. 9. Ibi enim inter Urbicarias provincias recensentur eæ omnes, quæ in Vicariatu Urbis, prout distinguitur a Vicariatu Italici, comprehenduntur. Subscribit huic sententiæ etiam Dupinius de antiq. Eccl. disciplina dissert. 1. §. ult., eamque erudite corroborat citato in loco Sirmondus. Du-Cangius in Glossario ait *Suburbicarias* regiones ac provincias dici, quæ subjectæ erant Vicarii urbis jurisdictioni, *Urbicarias* vero, quæ a Præfecto urbis administrabantur. At ex præcitatæ legibus liquet provincias, quæ suburbicariæ sunt, appellari quoque *Urbicarias*.

HIS DE Romano Patriarchatu præmissis, lectorem admonemus non esse hujus loci texere Romanorum Pontificum Vitas, quæ nostrarum dissertationum principem tenent locum. Afferimus tantum a Petro ad hæc usque tempora, in quibus Catholicæ Ecclesiæ præest Clemens XIII. numerari Romanos Pontifices 250. quorum 77. in Fastio Sanctorum celebrantur. Singulorum autem nomen, patriam, ætatem, annos Pontificatus, & characteres cum laudis, tum dedecoris, ad calcem Historiæ ipsorum Pontificum, quam conscripserunt Burrius, & Sandinus, legi possunt. Quinam vero in eadem Historia diligentiam adhibuerint, studiumque accuratius, præmonui in priori dissertatione I. Ecclesiastici Seculi.

C A P U T VIII.

DE PATRIARCHATU ALEXANDRINO, ET ANTIOCHENO.

SEQUITUR post Romanum Patriarchatus Alexandrinus. Hunc enim secundo loco recensent Gelasius, Gregorius Magnus, Nicolaus Primus, & sextus Canon Nicænus, ut dixi cap. præcedenti. Rationem inde petendam arbitror, quod *Sedes Alexandrina Beati Petri nomine a Marco ejus discipulo & Evangelista consecrata est*, ut in Romana septuaginta Episcoporum Synodo inquit prælaudatus Gelasius. Patriarcham Alexandrinum non fuisse inauguratum Episcopum propria consecratione a tempore Marci usque ad Dionysium, idest, spatio annorum prope ducentorum, non ii tantum asseruerunt, qui presbyteros æqua-

æquales autumarunt Episcopis, sed etiam eruditus Morinus Exercit. 7. cap. 7. Quorum opinio præcipue innititur testimonio Hieronymi asserentis Alexandriæ viguisse consuetudinem, ut presbyteri unum ex se electum in excelsiori gradu collocarent, & nominarent Episcopum. Verum Hieronymi testimonia expendimus lib. 36. Th. discipl. cap. II. ubi diximus illa intelligenda esse de electione facta suffragiis presbyterorum, non autem de Electi consecratione peracta ab Episcopis.

PROFECTO Patriarcham Alexandrinum ab Episcopis consecratum, & ordinatum fuisse, monumenta historica evidenter commonstrant. Etenim Eusebius in Chronico ait post Marcum Evangelistam *ordinatum* fuisse Alexandrinæ Ecclesiæ Episcopum Anianum; idem legitur de Meliano successore Aniani, ceterisque usque ad Alexandrum decimumoctavum Patriarcham. Solet autem ea *ordinatio* apud Eusebium, & in Chronico Alexandrino, necnon in Chronico Orientali edito ab Abrahamo Echellensi, designari verbo *χρηρορία*, quo exprimitur vera ordinatio, manuumque impositio. S. Athanasium successorem Alexandri consecratum fuisse manibus Episcoporum, ipsemet in 2. Apologia demonstrat epistola encyclica Synodi Alexandrinæ celebratæ anno 339. adversus Arianos objicientes eundem Athanasium clam, & aliis Episcopis inficiis, a septem Episcopum inauguratum consecratumque fuisse. De qua Arianorum calumnia legendus etiam Sozomenus lib. 2. H. E. cap. 17. Ex quibus inferitur ad consecrationem Patriarchæ Alexandrini, præter populi vota, & presbyterorum suffragia, convenisse Ægypti, & finitimarum provinciarum Antistites.

Ex SYNODO Alexandrina nuper commemorata colligitur olim Patriarchatum Alexandrinum constasse quatuor provinciis, Ægypto, Thebaide, Pentapoli, & Libya: præfigitur enim Epistolæ, ab Athanasio productæ hæc inscriptio, *Ἡ ἐκ τῶν ἐκκλησιῶν τῶν ἐν Ἀλεξανδρίᾳ συναχθεῖσα, ἀπὸ τῆς Αἰγύπτου, καὶ τῆς Θεβαίδος, καὶ Λιβύης, καὶ Πενταπόλεως, Sancta Synodus Alexandria congregata ex Ægypto, Thebaide, Libya, & Pentapoli*. Connumerantur eadem quatuor provinciæ in Synodo Jerosolymitana an. 350. in quâ pertractatum est de recipiendis in communionem episcopis, qui sententiæ in S. Athanasium subscripserant, suumque fatebantur errorem. De iisdem provinciis, omiffa Thebaide, quoniam idem est, ac Ægyptus superior,

agitur in sexto canone Concilii Nicæni . S. Epiphanius h. 68. inter provincias, quarum Episcopus Alexandrinus gerit sollicitudinem, connumerat etiam Mareotidem, * & Ammoniacam . At ex præcitata Apologia S. Athanasii perspicuum est, Mareotidem fuisse agrum Alexandriæ, ibique nec Episcopum, neque Chorepiscopum unquam fuisse. Α'μυνιαννὴν verò fuit civitas Libyæ inferioris, ut constat ex Notitia provinciarum Hieroclis Grammatici num. 64. Quare fallitur vir aliqui doctissimus, Petavius, qui in sua Epiphanii editione Mereotidem, & Ammoniacam recenset inter provincias.

EX PREDICTIS quatuor provinciis sub Theodosio imperatore decem conflatae erant; nam idem Imperator ad Synodum Ephesinam, quæ *Latrocinialis* vulgo dicitur, coactam anno 449. invitavit Dioscorum Alexandrinum cum decem sub ejus dicecesi degentibus Metropolitanis Episcopis. Quinam hi Metropolitanis fuerint, non est adeo facile definire. In præcitata notitia Provinciarum Hieroclis à Luca Holstenio, & ab Emmanuele Schellstratio plurimum laudati, octo inveniuntur descripti. In Provincia Ægyptiaca designatur Metropolis Alexandria, sita inter mare Ægyptium, & Mareotidem paludem. In Augustamnica, seu Provincia Augusta Prima, *Περὶ ὁρὸς τοῦ Ῥινόκορυς*, in ipso limite Palæstinæ, sed alibi Pelusium ad ostium Nili, nunc Belbais, vel Damiera. In Augustamnica secunda *Ἀσσυρί*, *Λεόντο* ad Rusiriticum Nili alveum. Provinciae autem Arcadiæ metropolis Oxyrynchus, civitas sic appellata ab oxyrincho pisce, quem olim pagani colebant, non procul a Nilo. Metropolis Thebaidos Antinò, quæ nunc in ruinis jacet, Babylonem inter, & Copton, & Thebaidos superioris Ptolemais, Rhodophoros etiam dicta à rosarum feracitate, ad sinistram Nili ripam, & prope lacum Moeridem. In Libya denique superiori Sozusa, atque in inferiori Darnes, quam urbem Baudrandus cum Xephyrio confundit.

QUAS postmodum regiones occupaverit Patriarchatus Alexandrinus, constat ex Tabula Geographica ad calcem Historiæ Eusebii illustratæ ab Henrico Valesio editionum Cantabrigiensis, & Taurinensis. Illic ante Indicem extat quo-

(*) Eo loci Epiphanius duas Mareotides commemorat, ut si una duntaxat Geographis nota sit.

ISAGQGE, CAPUT VIII. 43

quoque Catalogus Patriarcharum Alexandrinorum usque ad Alexandrum S. Athanasii prædecessorem. Sed plura de iisdem, ceterisque Patriarchis in sua Historia Eusebius Renaudotius, & Continuatores Operis Bollandiani in dissertatione præfixa quinto volumini mensis Junii.

SEDERUNT Alexandriæ Patriarchæ Sanctissimi, S. Marcus Evangelista, Anianus, Abilius, Heraclas, Dionysius, Maximus, Theonas, Petrus, Achilles, Alexander, Athanasius, Cyrillus, Eulogius, Joannes Eleemosynarius, alii. Verum eandem Sedem occuparunt quoque hæretici Eutychiani, Dioscori duo, Petrus Mongus, Joannes Hemulla, atque, ut alios prætermittam, Theodosius pulsus in exilium ab Imperatore Justiniano an. Ch. 538. Tenuerunt insuper eandem Sedem Monothelitæ quidam, ut Cyrus, & Petrus, septimo vertente seculo; necnon permulti sectæ Jacobitarum (Genus Eutychianorum a Jacobo monacho Syro nomen trahentium) addiisti.

NUNC de Patriarchatu Antiocheno, cujus Geographice descriptionem, & Patriarchas ab Evodio usque ad Tyrannum habemus post Eusebium in præfatis Valesii editionibus. Tertius olim Patriarchæ Alexandrino locus attributus fuit, non secundus, ob præfaturam Alexandrinam magnificentissime ab Augusto nobilitatam, & quoniam ejusdem Urbis Ecclesia a Marco instituta est Petri Apostolorum Principis nomine; Ipse autem Petrus, suffecto Antiochiæ Evodio, inde discedens sedem principem transtulit in urbem Romam. Ceterum civitas Antiochiæ, condita a Seleuco juxta Daphnem, & ad fluvium Orontem, cognomento Magna, & universæ Syriæ Metropolis, ea est, in qua primum discipuli appellati fuerant *Christiani*, ut legitur cap. 11. Act. Apostol. 26; eamque urbem appellat Synodus Chalcedonenlis aët. 7. τὸν θρόνον τῆς Ἀντιοχείας μεγαλοπόλεως, καὶ τοῦ ἁγίου Πέτρου, *Thronum Antiochiæ, magnæ civitatis, Beati Petri.*

CERTUM est Patriarchæ Antiocheno subiectam fuisse totam Dioccesim Orientis, illam nempe, quam cap. 20. diximus Præfecto Prætorio Orientis paruisse. In ea dioccesi quindecim numerabantur provinciæ, videlicet, Palæstina, Phœnice, Syria, Cilicia, Cyprus, Arabia, Isauria, Palæstina Salutaris, Palæstina secunda, Phœnice Libani, Euphratenensis, Syria Salutaris, Osroëna, Mesopotamia, & Cilicia secunda. Hinc Patriarcha Antiochenus dicitur *Exarchus Diæcesis Orientalis, & Antiochia Civita-*

Civitatum sub Oriente positarum Caput, & mater. In notitia Provinciarum Hieroclis hæc distinguuntur Metropoles: Palæstinæ I. Cæsarea: Palæstinæ II. Scythopolis: Palæstinæ III. Petra: Phœnicie Tyrus: Phœnicie Libani Emiffa: Syriæ Consularis Antiochia: Syriæ Libani Apamea: Ciliciæ Primæ Tarsus: Ciliciæ secundæ Anazarbus: Cypri Constantia: Isauriæ Seleucia: Arabiæ Bosra: Provinciæ Euphratensis Hierapolis: Osroënæ Edessa, & Mesopotamiæ Ameda. Harum tamen omnium Civitatum Episcopos Metropolitico jure fuisse præditos non existimo.

CYPRII Episcopi, tamen si Cyprus contineretur intra limites Patriarchatus Antiocheni, decreto Ephesini Concilii, immo ex antiquiori consuetudine a Metropolitano Constantiæ, non a Patriarcha Antiochiæ ordinabantur, & ipsius Metropolitæ ordinatio commissæ Synodo illius provinciæ, & Patriarchæ vetita fuit. Post exortam enim hæresim Arianam cœpisse Episcopos Cyprios excutere Patriarchæ Antiocheni jurisdictionem asserit Alexander Patriarcha in epistola ad Innocentium I. Romanum Pontificem. Videtis ejusdem Pontificis epistolam 18. Petrum de Marca lib. 6. Concordiæ cap. 4. & Christianum Lupum in Scholio ad Ephesini Concilii Decretum *De Ecclesia Cypriorum*. Tandem Provincia Cypri declarata fuit autocephala, ob honorem & reverentiam S. Barnabæ Apostoli, quod in ea inventus sit ad pectus habens Evangelium secundum Marcum, ut legitur in Notitia Leonis Sapientis tempore Photii conscripta.

TREDECIM Archiepiscopatus sub Patriarcha Antiocheno extitisse suo tempore scribit lib. 14. de Bello Sacro capite 22. Guilelmus Tyrius. Duodecim alii enumerant, Episcopatus autem supra centum & quinquaginta. At subacta a Saracenis Antiochia anno 1268, cæsis in ea hominum 17000., & inde 100000. abductis, miserrime Patriarchatus Antiochenus discissus, & laceratus est. Tres enim modo Patriarchæ creantur, Latinus, & legitimus, a Romano Pontifice, Græcus Schismaticus & segregatus a Romanæ Ecclesiæ communione, & Jacobita qui eligi solet in Cœnobio Barfuma, sedet autem Alepi, observatque ritum Syriacum. Sunt inter fines Antiocheni Exarchatus & alii Patriarchæ: Unus Catholicus Maronitarum habitans in Monte Libano; Alter hæreticus Nestorianus, qui sese nominat Patriarcham Chaldæorum, seu Babylonum,

ISAGOGĒ, CAPUT VIII. : 45

nium, sedetque prope antiquam Ninivem : Tertius Patriarcha Armeniæ majoris-residens in Perside, & in monasterio prope civitatem Ervan : Quartus Armeniæ minoris, qui residet in Cilicia in Civitate Sis. Ex his autem colligi potest, quantum numerus, & dignitas Patriarcharum ab antiqua nobilitate deciderit.

FLORUERUNT, utique inter Patriarchas Antiochenos plurimi sanctitate conspicui, ac præter Principem Apostolorum Evodius, Ignatius Martyr, Hero, Theophilus, Serapion, Asclepiades, Babylas Martyr, Philogonius, Stephani duo, ac tres Anastasii, quorum memoria in Sanctorum Fastis. recolitur. Sed occuparunt quoque prædictam Sedem Paulus Samosatæus hostis individuae Trinitatis acerrimus, Petrus Fullo Eurychianus, & sex saltem Arrianorum labe infecti, Paulinus, Eulalius, Flaccillus, Leontius, Eudoxius, & Euxojus, omisissis cæteris, quos, si claruerunt splendore virtutum, nolumus debita laude privari; si hæresibus, vitiisque adhæserè, commendare, & celebrare non possumus, hoc interim gratulantes Romanæ Ecclesiæ, quod numquam adversus illam prævaluerunt portæ inferorum, secus ac evenit duabus aliis Patriarchalibus, Alexandrinæ, & Antiochenæ; de quibus hæcenus,

C A P U T IX.

DE RELIQUIS PATRIARCHIS.

MULTIPLICATIO Patriarcharum in solo Exarchatu Antiocheno, quam multiplicationem paullo superius attigimus, evidens est argumentum complures denominari Patriarchas, qui vix Metropolitani dicendi forent. Ac ne rursus commemorem Patriarchas Maronitarum, Armenorum, Chaldaeorum, Jacobitarum, habent Patriarcham suum Cophi in Ægypto, & in Æthiopia Abyssini: Georgii quoque, inter Pontum Euxinum, & mare Caspium, Episcopum suum venerantur tanquam Patriarcham, & *αὐτοκεφάλους*. Præterea Concilium Constantinopolitanum IV. anno 536. act. 5. Patriarchæ nomen attribuit Episcopo Tyri Epiphanio, Concilium Matifconense in Burgundia an. 585. Prisco Episcopo Lugdunensi; Nicolaus I. resp. 73. ad Consulta Bulgarorum, istorum Primati; & Codex Justinianus sæpe sæpius Patriarchas appellat

lat omnes Dioceſeon Exarchos, ut Novella 3. cap. 2. Novel. 6. c. 3. & epilogo Novellæ 123. c. 22. Denique etiam Hæretici Patriarchas ſuos jaſtitant, nomenque Patriarchæ ſibi met arrogavit in Collatione Carthaginiendi primus epiſcopus Vandalorum, cum riſu ab Orthodoxis exceptus, ut auctor eſt Viſtor Vireniſis lib. 2. de Perſecutione Vandalica.

COMMUNITER tamen quatuor inſigniores Patriarchatus, præter Romanum, connumerantur, videlicet, Conſtanti-nopolitanus, Alexandrinus, Antiochenus, & Jerofolymitanus. Hoc ordine recensentur apud Gratianum diſt. 22. c. 3. & 7., & a Juſtiniano Novel. conſt. 123. Ita vero Conſtantinopolitana Eccleſia, quæ tribus prioribus ſæculis, ſubjecta erat Metropolitano Heracleæ, ad Patriarchatus honorem eveſta eſt. Conſtantinopolitana I. Synodus, ſive II. Œcumenica anno 381. hunc tertium canonem edidit: *Conſtantinopolitana civitatis Epiſcopum habere oportet Primatus honorem poſt Romanum Epiſcopum, propterea quod ſit nova Roma.* Eundem tamen canonem, utpote contrarium Nicænæ Synodo, a qua can. 6. definitum fuerat, *ut ſuis privilegia ſerventur Eccleſiis*, a Romana Eccleſia non fuiſſe receptum conſtat ex Epiſtola 53. S. Leonis Magni ad Anatolium, & 55. ad Pulcheriam Auguſtam, atque ex teſtimonio Lucentii Legati Sedis Apoſtolicæ in Concilio Chalcedonenſi actione 16. In hac eadem Actione Epiſcopo Conſtantinopolitano confirmatus eſt honor Patriarchatus, a Romano Myrorum Epiſcopo, Seleuco Amaſiæ, & Petro Gangrorum, quorum exemplum ſecuti ſunt alii plurimi, ſponte ſeſe Sedi Conſtantinopolitanæ ſubjecerunt.

ANTE prælaudatam Chalcedonenſem Synodum congregatam anno 451. conſtat quosdam Conſtantinopolitanos Epiſcopos Patriarchalia munia in aliorum ordinationibus exercuiſſe. Nam S. Joannes Chryſoſtomus quindecim Epiſcopos in Aſia depoſuit, & eorum loco alios ordinavit, depoſitoque Gerontio Epiſcopo Nicomediendi ſuffecit illi Panſophium: Siſinnius conſecravit Proclum in Antiſtitem Cyzicenorum, & Proclus ad Sedem Conſtantinopolitanam eveſtus Epiſcopum Cæſareenſem Thalaſium. De Chryſoſtomo putat Joannes Morinus exercit. 14. de Patriarcharum, & Primatum origine, id præſtituiſſe, non propria auctoritate, ſed Apoſtolicæ Sedis indulto. Siſinnius, & Proclus aut præcitati canonis tertii auctoritate, aut Chryſoſto-

ISAGOGE, CAPUT IX. 47

foetomi exemplo, aut ratione alia nobis incómperta, idem sibi jus arrogarunt.

QUAM late post Concilium Chalcedonense sese diffuderit Patriarchatus Constantinopolitanus, colligi potest ex Notitia Patriarchatuum Nili Dioxopatrii in Appendice ad Opus Geographicum Emmanuelis a Schelstrate pag. 721. Recensentur in ea Notitia sub Patriarcha Constantinopolitano Metropoles 65. & Archiepiscopatus 34. Extat ejusdem Patriarchatus accurata descriptio facta jussu Imperatoris Andronici Palæologi Senioris, apud Curopalátam in Opere de Officialibus Palatii Constantinopolitani pag. 220.

HABUIT Constantinopolitana Sedes viros doctrina, & sanctitate præclarissimos, Gregorium Nazianzenum, Joannem Chrysostomum, Flavianum, Germanum, Tharasium, Methodium, & Ignatium. At sederunt & ibi homines perditissimi, & hæreticorum antesignani, Eusebius Ariannus, Macedonius oppugnator divinitatis Spiritus sancti, Nestorius duarum in Christo personarum assertor, Aca-cius, Timotheus, & Anthimus sanctores Eutychianorum, Sergius, & Pyrrhus Monothelitæ, Anastasius Iconoclasta, & Photius Sedis invasor, & perniciosi atque diuturni confiator schismatis. Atque hæc de Patriarchatu Constantinopolitano.

JEROSOLYMITANUS, qui post illum censetur, execrandum habuit initium. Cum enim Juvenalis in Ecumenica Synodo Ephesina anno 431. obtinere Palæstinæ provinciæ principatum, & esse, ac dici Apostolicæ sedis Exarchum frustra tentasset, repugnantibus una cum Cyrillo Alexandrino legatis Romani Pontificis; in Latrocinio Ephesino anno 449. idem attentans contra septimum Nicænum canonem, opera Dioscori, & Chrysaphii Eunuchi, quorum scelera descripsimus in Historia Eutychianorum, obtinuit pragmaticam sanctionem, qua tres Palæstinæ, Arabiæ, & duæ Phœnicie ipsius juri Patriarchico subjiciebantur. Ea pragmatica Sanctione consensu Marciani Augusti abrogata in Synodo Chalcedonensi actione quarta, post magnam contentionem actione septima ejusdem Synodi prædictus Juvenalis, & Maximus Patriarcha Antiochenus ita concordii animo convenere, ut Jerosolymorum Episcopus tres regeret Palæstinas, Antiocheno autem cederent duæ Phœnicie, & Arabia. Id vero nec Maximus in præjudicium Ecclesiæ suæ, & contra Nicæ-

na decreta poterat exequi, nec approbandum censuit Leo Magnus, qui epistola 62. admonet ipsum Maximum, ne tertiæ Sedis privilegia quodammodo minuat, & Juvenalis insolentes ausus coercet.

NIHILOTAMEN minus Juvenalis, & successores ejus Jerosolymorum episcopi jus in tribus Palæstinis postmodum exercuerunt, ut a Synodo Chalcedonensi firmatum erat, & *imperatoris patrocinio*, quemadmodum scribit Liberatus in Breviario cap. 13. Jamvero in superioribus dictum est, fuisse olim unicam Palæstinam subjectam Cæsareæ, seu Turri Stratonicæ, ac postea in tres Palæstinas divisam, inter quas Jerosolyma, Ælia etiam dicta, nec jure Metropolitico fungebatur. Quare septimus canon Nicænus sancivit, Æliæ Episcopum habendum esse in honore, sed *salva Metropolis*, idest, *Cæsareæ dignitate*. Progressu temporis Patriarcha Jerosolymitanus Arabiam quoque, & utramque Phœniciam invasit. In *Notitia* enim Imperatoris Leonis VI., cognomento Sapientis, qui parenti suo Basilio successit anno Ch. 886. numerantur sub Patriarchatu Jerosolymitano metropoles quatuor, Ælia Jerosolymorum, Cæsareæ, Scythopolis, Petra, & Bosra; nec aliter legitur in *Notitia Nili* conscripta anno 1143., & in Codicibus Vaticanis, quorum titulus, *Ἀνακεφαλαιώσις τῶν ἐκκλησιαστικῶν πατριάρχων τῶν ὀρθόδοξων*, *Brevis descriptio finium Sanctissimorum Patriarcharum*, habetur, Hierosolymorum Throno subjici *πᾶσαι τῆς παλαιστίνης χώραι ἀπὸ τῆς Ἀραβίας*, totam regionem Palæstinam usque ad Arabiam.

JEROSOLYMORUM Episcopos XXXIX. a Jacobo Domini fratre usque ad Hermonem, circa annum 300. ad Sedem illam evectum, habemus in Chronico & Historia Eusebii. De aliis legendus Papebrochius in *Tractatu Preliminari* ad Tom. 3. mensis Maji. Horum Episcoporum Romana Ecclesia inter Sanctos veneratur Jacobum, Simeonem, Zachæum, Matthiam, Marcum, Maximum, Narcissum, Zambdam, Cyrillum, Macarium, & Sophronium. Hæc tamen Sedes habuit & ipsa scelerosos Antistites, ut Herennium, & Hilarium Arrianos, & Macarium, hujus nominis secundum Origenistam, sed ad frugem anno 553. revocatum, quo anno in Synodo quinta damnavit Origenem, Didymum, & Evagrium.

PRÆLAUDATA Synodus V., & progressus Patriarchatus Jerosolymitani ad memoriam revocat meam Patriarchatum Aquile-

Aquilejensem. Episcopum Aquilejæ, vetustissimæ Urbis, sitæ ad Tarrî, & Alpiæ confluentes, potitum circa tempora Damasi jure Metropolitico animadvertimus supra capite 22. Orto itaque occasione Quintæ Synodi Schismate, Macedonius Aquilejensis Episcopus iis adhæsit, qui eidem Synodo refragabantur, Transpadanis scilicet, Istriis, & Venetis. Hinc Schismaticorum opera, & Langobardorum Principum favore Antistes Aquilegiensis cœpit nomen & jura Patriarcharum arripere. Sedente autem Pelagio II. Romano Pontifice ad Petri Cathedram assumpto anno 578. Elias Aquilejensis, annuente Pelagio, sedem suam Metropolitanam transtulit Gradum, in ora litorali maris Adriatici, & sexto ab Aquileja lapide, ubi proximo anno 579. Schismatici Synodum coegerunt descriptam a Norisio in dissert. de V. Synodo cap. 9. §. 4.

Hinc eruitur Patriarchatum Aquilegiensem a Schismate ortum traxisse, ut cum Baronio, Sirmondo, Bollando, Christiano Lupo, aliisque viris clarissimis asserit contra Henricum Palladium prælaudatus Norisius capite 10. ejusdem dissertationis. Cum vero anno 605, consentiente Agilulpho rege Langobardorum, ad Sedem Aquilejensem promotus esset Joannes, ac per idem temporis in Civitate Gradenſi Episcopum creassent Candidianum; duæ ex una Sede, ac duo ex uno Schismate prodierunt. Candidianus erga Apostolicam Sedem obsequentissimus, ab ista condecoratus est pallio, & nomine Patriarchæ. Collata deinde fuerunt eadem Pallii, & Patriarchatus decora anno 719. Episcopo Aquilejensi a Romano Pontifice Gregorio III. Siquidem opera Sergii Pontificis, qui Romæ sedit anno 687. Istricum Schisma fuerat extinctum, & Aquilejensis Ecclesia in pristinam cum Romana communionem redierat. Habemus ergo Aquilejensis, & Gradenſis Episcopatus a Schismate initia.

AMPLISSIMAM Episcopi Aquilegiensis jurisdictionem describit præcitato cap. 9. Cardinalis Norisius, & ex eo Sandinus in Vita Pelagii Secundi. *Extendebatur* (inquiunt) *a Pannonia secunda usque ad Abduam in Insubria. Continebat Rhetiam II, cujus metropolis Sabio; Noricum, cujus primaria Urbs erat Tiburnia ad Dravum; complectebatur Istriam, Forum-Julium, ac Venetiam, quæ provincia una Istriæ nomine id temporis, ac in Sexta Synodo vulgo appellabatur.* Ex hæc quidem erat Aquilejensis Antistitis Me-

tropolitica jurisdictio, antequam ab Ecclesia Gradenſi ſe-
jungeretur.

DUORUM autem Patriarcharum diſiſione facta, Aquilejenſi ſuffraganei Epſcopi conſtituti ſunt, Mantuanus, Cumanus, Tridentinus, Veronenſis, Paduanus, Vicetinus, Tarviſinus, Concordienſis, Cenetenſis, Feltrenſis, Belunenſis, Polanus, Parentinus, Trigetiſinus, Cornaclenſis, Politanus, ſive Capitis Iſtriæ, Matriarienſis, & Civitatis Novæ Æmoniz in Iſtria ad fluvium Nauportum. Patriarchæ autem Gradenſi Epſcopi Caſtellanus, Torcellanus, Equilenſis, Capruleniſis, Cloſenus, & Civitatis novæ. Vide Baronium tom. XI. Annalium ad annum 1057. ubi Epſcopatus iſtos recenſet ex Autographo Codice Vaticano.

GRADENſIS Patriarchatus Venetiâ translatus fuit a Nicolao V. Pontifice Maximo, qui anno 1447. indeptus eſt Romanum Epſcopatum, & non a Leone IX. ut ad annum 1050. num. 3. ſcribit prælaudatus Baronius. Ac primus Venetorum Patriarcharum fuit S. Laurentius Juſtinianus, quem Eugenius IV. Epſcopum conſecraverat. In hac Patriarchatus translatione nec explorata, nec poſtulata fuit Veneti Senatus voluntas, ut ſcribit Bernardus Juſtinianus in vita S. Laurentii cap. 8. apud Bollandum priori volumine Januarii.

E SEDE autem Aquilejenſi, quam condecorarunt olim Sanctiſſimi Epſcopi Hermagoras, Hilarius, Quirinus, Cromatius, Niceas, atque e Patriarchis Paulinus, Fridericus, & Beltrandus, aliiſque in Sacris Monumentis Provinciæ Fori-Julii, deſcripti ab erudito Patritio Utinenſi, nuper a Benedicte XIV. duo conſtituti ſunt Archiepiſcopatus: Unus in civitate Utini memoratæ provinciæ metropoli, & poſt everſam Aquilejam Sede Patriarchatus: Alter Goritiæ, urbis inter alpes ſinumque Tergeſtinum, in Dominio Auſtriaco, & quatuorlevis Germanicis diſſitæ ab Aquileja. Præcluſus eſt hac diſiſione aditus diſſidiis non ſemel vel ob inaugurationem, vel ob viſitationem Patriarcharum inter Auſtriacos Venetoſque ſubortis, adeo, ut Patriarchatus inchoatus in Schiſmate, concordiz & pacis cauſa ceſſaverit. Honore demum Patriarchatus anno 1716. à Clemente XI. P. M. cohoneſtatus eſt Archiepiſcopus Occidentaliſ Ulyſſiponenſis, adinſtar prælaudati Patriarchæ Venetiarum, & quoad provinciam

ISAGOGÆ, CAPUT IX. 51

tiam Archiepiscopatus Ulyssiponenſis : eique Summus Pontifex uſum Pallii, præcedentiam ſupra Archiepiscopos Bracharenſem, Ulyſſiponenſem Orientalem, Eborenſem, alioſque ſingulos illius Regni Prælatos, necnon privilegia alia complura largitus eſt.

HÆC ſunt, quæ *de locis* pro Eccleſiaſtica Histo-
ria intelligentia duximus conſcribenda. Neque enim propoſitum
noſtrum erat univerſam Sacram Geographiam tradere, &
explanare, ſed, quemadmodum fecimus *de Temporibus*,
ita ejuſdem Geographiæ declarare elementa, eaque ani-
madverſionibus exornare, ac firmiſſima auctoritate fulcire.
Quod quis Geographiam illam aſſequi modo peroptat,
hiſce præceptionibus imbutus perlegat *Notitiam Episco-
porum Orbis Chriſtiani* Auberti Miræi, *Geographiam Sacram*
Caroli a S. Paulo, *Eccleſiarum notitiam* tempore Cæleſti-
ni III. a Milone Abbate conſcriptam, & *Michaelis An-
tonii Baudrand* opusculum inſcriptum, *Archiepiscopatus &
Episcopatus totius Orbis*, impreſſum poſt Lexicum Geo-
graphicum, ne verbum faciam de Geographico Indice
deſcripto ante Histo-
riam Conciliorum Marci Battaglini,
in Appendice Voluminis 2. Antiq. Eccl. Emmanuelis
a Schelſtrate, & in fine Histo-
riæ Eccleſiaſticæ Hyacin-
thi de Graveſon; quos in præſentiarum commemoraviſſe
ſat eſt.

UNDECIMUM ECCLESIAE SECVLUM. CAPUT I.

ROMANÆ, ET APOSTOLICÆ ECCLESIAE
PASTORES.

SILVESTER II. anno 1003. V. idus Majas Ecclesiam Catholicam supremo Pastore viduatam reliquit. Commissum est itaque illius regimen Seculo XI., post Silvestri obitum, *Joanni XVII. Joanni XVIII. Sergio IV. Benedicto VIII. Joanni XIX. Benedicto IX. Gregorio VI. Clementi II. Damaso II. S. Leoni IX. Victori II. Stephano IX. Nicolao II. Alexandro II. S. Gregorio VII. Victori III. Urbano II. Paschali II.*

CXXXIII. DE JOANNE autem XVII. qui sex in Pontificatu menses non explevit, nam satis cessit eodem anno 1003. VIII. Idus Decembris, nil aliud scimus, nisi *Siccum* fuisse cognominatum, ex vetusta familia, Patriaræ, ac Senatoriæ *Paschalicorum* Venetorum conjuncta.

CXXXIV. SUCCESSIT alter *Joannes* Romanus, hujus nominis XVIII. cognomento *Fasanus*, summis laudibus a Fulberto Carnutensi Episcopo celebratus. Qui Romanam Ecclesiam Constantinopolitanæ conciliavit; S. Brunonem Episcopum, deinde martyrem, ad Ruthenos misit Apostolum; & post quinque annos, ac totidem menses evivis excessit anno 1009., Majo exeunte.

CXXXV. HUNC *Sergius IV.* excepit. Petrus antea vocatus, (1) qui ob reverentiam Apostolici culminis Sergii nomen assumpsit, liberalitate in pauperes, ceterisque clarus virtutibus, nec immerito recensitus in Menologio Benedictino. Obiit anno 1009. XV. Cal. Septembris.

CXXXVI.

(1) Ditmarus, alique tradunt, ante Pontificatum fuisse illi nomen, *De porci*. Quidam id narrant de *Sergio II.*, ut dixi Seculo IX. cap. 1. Vide Vop. Baronium ad annum 844. num. 1. & ad annum 1009. nu. 3.

CXXXXVI. AT SERGIO successit *Benedictus VIII.* Tufculanus, antea Joannes Episcopus Portuensis. A Gregorio quodam Pontificatus invasore in Germaniam fugere coactus est: sed a S. Henrico rege Sedi suæ restitutus est omnium plausu, eundemque Henricum corona, aureoque globo gemmis & cruce distincto insignivit. Ut Symbolum caneretur in Missa, ad Henrici precès mandavit: Saracenos Tyrrheni maris litora infestantes cohibuit: cantum promovit Ecclesiasticum; & naturæ concessit post exactum annum Pontificatus XI. die 6. Junii anno 1024.

(1)

CXXXXVII. SEDIT postea annis 9. *Benedicti* frater *Joannes XIX.*, a quo magna pompa antio 1027. coronatus est imperator *Conradus*: posuitque vitam anno 1033. die 8. Novembris.

CXXXXVIII. JOANNI successus est *Benedictus IX.* Theophilactus etiam dictus, filius Alberici Comitis Tufculani. E Sede a Romanis dejectus est, intruso *Silvestro*; at restitutus opera imperatoris *Conradi*. Vendidit tamen Pontificatum Joanni *Gratiano* anno 1044.

CXXXXIX. JOANNES *Gratianus* simoniace electus post biennium; (2) idest anno 1046. in Synodo Sutrii habitata, sponte se abdicavit Pontificatu, quem sub *Gregorii VI.* nomine administraverat.

CL. POST *Gregorii* abdicationem electus est Pontifex *Clemens II.* Saxonicus, antea *Suidgerus* Episcopus Bambergensis, qui damnata Simoniaca labe diem clausit extremam anno 1047. VII. Cal. Octob. ejusque corpus Bambergam translatum est.

CLI. ABPTUS tunc Sacerdotium *Damasus II.* Germanus anno 1048. die Julii 17., proximo mense sextili obiit Præneste, &, si *Bennoni* adhibenda sit fides, veneno sublatu a *Benedicto IX.* qui supremam Ecclesiæ dignitatem venalem fecerat.

D 3

CLII.

(1) Ego quidem non credo quod aliqui narrant de *Benedicto VIII.* hunc nempe post mortem cuidam Episcopo apparuisse insidentem equo nigerrimo, & desossi a se thesauri locum indicasse, ut suo nomine pecunias ibi reconditas, & ex rapinis partas pauperibus erogeret. Legi tamen *Benedictum* precibus S. Odilonis Abbatis Cluniacensis, & Sanctorum ejus fratrum, cruciatus evasisse tartareos, & celestem Jerusalem consecutum fuisse beatitudinem. Vide S. Odilonis Vitam tom. 1. Jan. Aët. SS. Bollandi, & epistolam 9. S. Petri Damiani ad Nicolaum II. Rom. Pontif.

(2) Joannes *Gratianus* sedit annos duos, & menses 2. ex *Desiderio* Catinensi Ab. & Leone Ostiensi.

CLII. SPLENDOREM autem pristinum Apostolicæ Cathedralæ reddidit *S. Leo IX.*, antea Bruno Tullensis Episcopus, electus in Conventu (1) Vormatiensi. Qui Simoniacis pluries damnatis, Berengarii proscripta hæresi, amoto a Sacerdotii honore Gregorio Vercellensi, reo adulterii ac perjurii, devictisque hostibus religione potius, quam armis, dum ageret sextum Pontificii muneris annum, ad cæleste regnum migravit ann. 1054. die 19. Aprilis.

CLIII. DIUTURNUM non fuit Pontificium opus *Victoris II.*

CLIV. STEPHANI IX.

CLV. ATQUE *Nicolai II.* Enimvero *Victor* Confiliarius *Henrici III.* inauguratus anno 1055. idibus Aprilis, Berengario rursus damnato, obiit in Etruria anno 1057. die 28. Julii. (2) *Stephanus IX.* antea *Federicus* filius Ducis Lotharingæ, Abbas Cassinensis, & Cardinalis, electus anno 1057. IV. Nonas Augusti decessit Florentiæ proximo anno 1058. Cal. Apriles, intruso post ejus obitum Joanne Mincio Episcopo Veliterno, qui sub nomine *Benedicti X.* Pontificatum decem fere mensibus usurpavit: & *Nicolaus II.* e Burgundia Episcopus Florentinus, (3) admissio ad communionem laicam *Benedicto X.* veniam in Synodo Sutrina petente, Florentiæ item vita functus est, tertio Pontificatus anno labente, nimirum 1061. die 22. Julii.

CLVI. Ultra annos XI. ac dimidium sedit postea *Alexander II.* Mediolanensis, dictus antea *Anselmus* Luccensis Episcopus; tametsi *Agnetis* imperatricis, & *Henrici IV.* jussu (4) illegitime intruderetur *Cadolaus* Parmensis

(1) *Leo IX.* electio contigit anno 1048. , sed ea conditione, ut ejus electio approbaretur a clero, populoque Romano. Adveniens itaque Romam omnium consensu, plausuque thronum Pontificium conscendit proximo anno 1049. pridie Idus Februarii. Fuit filius Comitis Dasburgensis, natus anno 1002. Creatus est Tullensis Episcopus ex Monacho Ord. S. *Benedicti* anno 1026. Plura de illo *Richerius* in *Chronica* *Abbatæ Senoniensis*, edito a *Luca d'Acbery* tom. 2. Spicilegii.

(2) *Victor II.* appellatur in scriptis hujus ævi *Papa, Dux, & Marchio*; quoniam *Henricus III.* ducatum Spoletanum, & Marchiam Camerini regenda illi commiserat.

(3) *Nicolaus II.* antea *Gerardus* appellabatur. Creatus est Senis, anno 1058. die 28. Decembris, inthronizatus autem Romæ proximo an. 1059. mense Januario. Florentinam Ecclesiam etiam ad summum Pontificatum evectus administravit. Decessisse Florentiæ tradunt fere omnes, Excipe *Panvinum*.

(4) *Henricus IV.* impuber erat, omnisque ad nutum *Agnetis* matris sue agebatur.

sis Antistes, sub nomine *Honorii II.* electus a duobus tantum Episcopis (1) Placentino, & Vercellensi. Ægre tulerant Augusti Principes inauguratum Alexandrum, illorum non expetito consensu. At Pontifex jura propugnans sua, Simoniacos, & incontinentes clericos compescuit, communem Canonicorum regularium vitam instituit in æde Lateranensi, Ecclesiam suam Lucensem, quam adamavit summopere, cruce coram Episcopo deferenda, ac si Primas foret, aliisque privilegiis condecoravit, atque mortalitatem exiit XI. Cal. Majas anno 1073.

CLVII. SEQUITUR S. *Gregorius VII.* antea Hildebrandus S. Rom. Eccl. Archidiaconus, Soanensis, ut fertur, filius cujusdam Bonitii, ad cujus ligna dolantis pedes dicitur parvulus & litterarum incius formasse ex reje-ctis segmentis verba illa Davidica, *Dominabitur a mari usque ad mare.* Attamen an Etruscus, an Romanus fuerit, & an fabri lignarii filius, an genere ortus nobili, controvertitur. Fuit monachus Cluniacensis, & Abbas monasterii S. Pauli extra muros Urbis, & S. R. E. Cardinalis. Pro Ecclesiastica libertate pugnavit acerrime, adeo, ut Henricum IV. imperatorem anathemate obstrinxerit, & exauctoraverit, missa Rodulpho Svevix duci, & oreo Regi Germanix, corona cum inscriptione, *Petra dedit Petro, Petrus diadema Rodulpho* (2). Simoniacos repressit; Berengarium damnavit; obsidionem Romæ urbis,

D 4

(1) Episcopus Placentinus erat *Dionysius*, de concubinato convictus, & sede postea dejectus a Gregorio VII. & Vercellensis *Gregorius*, excommunicatus a Leone IX.

(2) Sunt qui eundem versum ita allegant, *Petra dedit Romam Petro: sibi Papa coronam.* De S. Gregorio VII. nulla ratione credenda sunt, quæ post Beannonem, qui se archipresbyterum Cardinalem vocat, promotus ad Purpuram a *Clemente III.* Pseudopontifice, stylo mendacissimo, impudentissimoque scripserunt Auctores citati a Sagittario, a Schmidio, a Christiano Matthiæ, & postremo a Mosheimio. Dum enim ajunt Gregorium vitis omnibus fuisse inquinatum, addictum magiæ, per vim inauguratum Pontificem, eumque appellare non verentur superbissimum atque turbulentissimum; aperte evidentque suam palam faciunt nequitiam, audaciam, maledicentiam. At refutarunt obtrectatorum calumnias S. Anselmus Lucensis Episcopus, Papirus, Massonus, Berllaminus, Gretserus, Vincentius Ludovicus Gotti, Lambertinus, & alii. S. Gregori VII. *Diffatum*, quem *vesanum* dicit Mosheimius, Gregorio autem abjudicant Lausojus libro Epist. 7. ep. 13. Nat. Alex. Differt. 3. Seculi XI. & Franc. Pagius num. 116. amplissimis Scholiis illustravit Christianus Lupus. Cautè etiam prudenterque legendi, qui S. Gregorii adversus Henricum IV. improbant æstæ, ut Barclajus contra Berllaminum, Dupinius de Ecclesiæ disciplina, Bodart lib. 4. & 7. de-

urbis, ejus expugnationem ab Henrico factam anno 1084, ceterasque ærumnas invicto pertulit animo. Inauguratus est adversus Gregorium pseudopontifex Guibertus Raven-
nās, *Clemens III.* nominatus. Ad Henrici vitandas insidias Salernum confugit, ibique sancto fine quievit, anno 1085. VIII. Calendas Junias.

CLVIII. TRES alii sederunt Romæ Seculo XI. Pon-
tifices Maximi, scilicet *Victor III.*

CLIX. URBANUS II.

CLX. ET PASCHALIS II. *Victor* electus anno 1086, decessit anno 1087. XVI. Cal. Octobris extinctus veneno calici opera Henrici IV. injecto, ut scribit lib. 19. Hist. Eccl. Ptolomæus Lucensis. *Urbanus II.* Gallus vita functus est anno 1099. IV. Cal. Augusti. *Paschalis II.* mortem oppetiit anno 1118. XII. Cal. Februarii. Priorem Pontificatum dignum reddidit posterorum memoria insignis victoria ab Exercitu cura Victoris ex universa Italia collecto, reportata de Saracenis in Africa, quorum cæsi fue-
runt 100. M. Sedente autem Urbano decretum est Bel-
lum Sacrum ad liberandam Terram Sanctam, & præfer-
tim Sepulcrum Domini a Saracenorum tyrannide. *Pascha-
lis II.* in Menologio Benedictino, & a Scriptoribus Cl.
titulo *Beati* insignitus, adversus tres pseudopontifices ab
Henrico IV. unum post alium intrusos, scilicet, *Albertum*,
Theodoricum, & *Magninulsum*, stetit impavidus; multa-
que ab Henrico V. perpressus, hunc tandem delinivit, &
imperiali ornatum corona in templo Vaticano anno 1116.
declaravit Augustum.

CA-

sensionis declarationis Cleri Gallicani. Quamquam aliud judicium fe-
rendum est de Catholicis Scriptoribus pugnantibus pro Cæsarum Regum-
que supræma dominatione; aliud de hæreticis auctoritatem Romanæ Se-
dis conculcantibus, & maledictis conviciisque Sanctissimos Pontifices
proscindentibus. Nos quæstionem de summa Regnantium potestate præ-
termittimus: sed nullo modo patimur, quæ in S. Gregorium VII. eja-
culantur heterodoxi, illum appellantes cum Guilietno Cave in XI. Se-
culo, quod in beatissimi Pontificis irrisiorem vocat Seculum *Hildebran-
dinum*, „ falsum monachum, magum, divinaculum. somniorum con-
jectorem, male sentientem de religione, supra, incestus, adulteria casto
præferentem connubio, „ & iis consimilia, quæ me pudet referre.

CAPUT II.

SYNODI UNDECIMO SÆCULO CELEBRATÆ.

ADVERSUS Pseudopontifices, Simoniacos, incestuosos, & hæreticos, plura Seculo XI. celebrata fuere Concilia (1). Primi generis est coactum *Sutri* anno 1046. in quo Gregorius VI. Simoniacus Pontificatum, quem numerata Benedicto IX. pecunia illicite emerat, abdicavit: Alterum in eadem arbe *Sutrina*, sive Colonia-Julia, anno 1059. in quo Mincius Veliternus, qui assumpto nomine Benedicti X. supremam occupaverat sedem, omni Sacerdotali munere, & honore privatus est, & in ordinem laicorum redactus: *Manituanum* anno 1064. in quo damnatus est Cadolaus Parmensis Antipapa, & Alexandri II. iniquissimus calumniator; & *Romanum* anno 1078. in quo & Guibertus Ravennas Episcopus, idest, Antipapa Clemens III. & Theodolus Mediolanensis, alique Guiberto adherentes amori fuerunt a communione fidelium.

SIMONIACI vero damnati sunt in Synodo *Romana* Clementis II. anno 1047. a multis prætermissa, sed memorata a S. Petro Damiani Opusc. 6. cap. 35. in altera *Romana* anno 1049. sub Leone XI. ubi Kilianus Sutrinus Episcopus negans jurejurando admissum a se crimen Simoniacæ, cum omnium terrore divinitus percussus est: in *Remensi*, & *Moguntina* eodem anno 1049., & in *Rotomagensi* proximo anno 1050. in *Lugdunensi* celebrata anno 1055. per Hildebrandum S. Ap. legatum; in qua Synodo Episcopus Simoniacus nunquam Spiritus Sancti nomen proferre potuit, antequam suum palam fateretur errorem: in *Moguntina* altera anno 1071. in qua Episcopus Constantiensis Carolus simoniace electus, e Sede dejectus est; ac in *Romana* 1078. S. Gregorii VII. in qua multa decreta fuerunt contra Simoniacos, bonorumque Ecclesiasticorum raptores.

Ad

(1) Inter Synodos Seculi hujus XI. doctissimus Christianus Lupus tom. 4. pertractat de Concilio Remensi S. Leonis IX. anno 1049. celebrato. Tomo autem 5. illustrat Concilium Tolosanum indictum anno 1056. sedente Victore II. Alterum Colonienſe sub eodem Pontifice: Romanum itidem Stephani IX., quem idem Lupus *decimum* vocat. Nicolai item II. Romanum, Amalphitanum, Beneventanum, & Andegavense. Præterea Romanum Alexandri II. & præcitatum *Disertum* S. Gregorii VII. Hujus undecim Concilia, & decreta protizæ explanat tomo sexto.

AD HANC classem referri possunt Concilia contra *Investituras*, sive rei beneficiaræ possessiones auctoritate secularium Principum initas. Falso investituræ dicuntur Othoni III. concessæ ab Innocentio VIII. tametsi hæc concessio a pseudopontifice facta, esset irrita ac nulla. Damnatae fuerunt investituræ in Synodo *Romana* S. Gregorii VII. anno 1075. & rursus anno 1080. qua in Synodo etiam exauctoratus est Henricus IV. ablati ei Theutoniarum & Italarum gubernaculis, & corona imperii, ut diximus, collata Rodolpho. Quæ contra Henricum, & Investituras confirmata fuerunt in Synodo proximi anni 1081. In Concilio item *Beneventano*, anno 1087. sub Victore III. Investituræ fuerunt inhibita, damnatis cum Guiberto Antipapa Episcopis, Abbatibus, cunctisque clericis beneficium, vel dignitatem aliquam Ecclesiasticam a laicorum manu recipientibus. Idem in *Romana* Synodo statutum fuit anno 1099. sub Urbano II. a quo Pontifice partim in Italia, partim in Gallia celebrata fuisse *duodecim Concilia*, contra Investituras, contra Simoniacos, contra Pseudopontificem Guibertum, sive Clementem, & contra hujus Seculi turpitudines, pestesque teterrimas, tradunt Acta Pontificum Romanorum.

TETERRIMAS pestes voco turpitudines libidinum, & adulterina connubia. Ad hæc vero coercenda in *Moguntino Concilio* an. 1049. non solum simoniacæ ordinationes, sed etiam conjugia Clericorum fuerunt inhibita. In *Romano* anno 1051. depositus ob adulterium Episcopus Vercellensis, de quo cap. præcedenti. Gregorii VII. Synodo an. 1074. decretum promulgatum est in Clericos concubinos; & ipsum decretum eodem anno innovatum est in Concilio *Erphordiensis* congregato ab Archiepiscopo Moguntino. Urbanus II. an. 1095. in Synodo *Claramontana* damnavit Nicolaitas, frædumque mulierum abusum, dirisque devovit Philippum Francorum regem, qui Berta conjugem repudiata, Bertradam raptam Fulconi Comiti Andegavensi viro suo, pellicem habuit, deinde uxorem, vivente Berta, duxit, voluitque reginam inungi, rursus, iterumque pro ea causa perculsus anathemate. Idem Urbanus in Synodo *Placentina* an. 1095. causam judicavit Adelaidis-Praxedis imperatricis: quam a se repudiatam, & detrusam in carcerem Henricus IV. ab alienis jusserat violari invitam: quare Praxedes absoluta est, & Henricus hoc etiam nomine anathemati subjectus.

AD

Ad eliminandas hæreses celebrata fuere, quæ sequuntur, Concilia. Anno 1017. *Aurelianense* contra Lisoium & Heribertum Manichæos, Sabellianos, & Fanaticos: anno 1050. contra *Berengarium*, eodem anno proscriptum tribus alijs Synodis *Brionenſi*, *Vercellenſi*, & *Parisenſi*; quarum primæ plurimi præter Episcopos eruditi viri interfuerunt, alteri S. Leo IX. Papa, tertix rex quoque Francorum Henricus. Damnata est pariter hæresis Berengarii an. 1059. sub Nicolao II. & anno 1079. in Synodo *Romana* sub S. Gregorio VII. & in *Burdigalensi* sub Amato Apostolicæ Sedis Legato. In Concilio *Romano* sub Alexandro II. anno 1065. proscripta est hæresis Incestuorum: atque in *Barenſi* anno 1097. statutum est, ac propugnatum, opera præsertim S. Anselmi Cantuariensis, dogma de processione Spiritus Sancti a Patre & a Filio contra errores Græcorum. De Nicolaitis dictum est paulo supra: de Synodis vero pro reformandis moribus, & pro disciplina restituenda habitis, non opus est agere singulatim.

C A P U T III.

UNDECIMI SEculi HÆRESSES.

HERIBERTUS & *Lisoius*, quorum supra meminimus, Clerici Aurelianenses Manichæorum aliorumque veterum hæreticorum deliramenta sectantes, divinæ utriusque Testamenti derogabant auctoritati, individuum Trinitatem irridebant, negabant Christum natum de Virgine, & vere passum, ac vere mortuum, cælum terramque semper extitisse autumabant, æternorum suppliciorum, præmiiq; sempiternæ beatitudinis tollebant retributionem, & in baptismo deleri originale peccatum, in Eucharistia Corpus Domini contineri tanta negabant pervicacia, ut damnati in Synodo Aurelianensi, flammis jubente Roberto rege fuerint exusti. Flammis item in Oriente iussu Alexii Comneni viventes absumpti fuerunt Manichæi alii consimilibus erroribus implicati, quos *Bogemilos* dixere.

Novi hujus Seculi *Nicolaitæ*, & *Incestuosi* secerni debent. *Nicolaitæ* enim dicti sunt Clerici in sacris ordinibus constituti, qui ut effusæ in femineum sexum libidini velum quoddam honestatis obtenderent, fas sibi esse tradebant uxorem ducere: quorum tanta fuit multitudo,

tudo, ut sedente Nicolao II. vix unus in Mediolanensi inveniretur Ecclesia, qui non esset vel turpi concubitu; vel Simoniaca labe pollutus. *Incestuosi* autem consanguinitatis gradus pervertebant, affirmantes quod germani fratres & sorores sint inter se in secunda generatione; filii eorum vel filiae in quarta, nepotes vel nuptae eorum in sexta; ac tali modo progeniem computantes, & in huiusmodi sexto gradu terminantes, aiebant viros ac mulieres deinceps inter se posse nuptialia iura contrahere. Vide Gratianum XXXV. 5. 2. *Simoniaci*, quorum pariter ingens numerus, contendebant posse a Principibus laicis sine crimine emi episcopatus & abbatias, dummodo consecratio gratis acciperetur; quoniam hoc pacto non emittitur Ecclesiastica dignitas, sed possessio praediorum, quae sunt venalia.

BERENGARIUS Archidiaconus Andegavensis dogmatizavit panem, & vinum in Eucharistia non converti in substantiam Corporis & Sanguinis Domini, saepe damnatus, ut diximus cap. praec. interdum rediens ad vomitum; in Romana Synodo sub Nicolao II. anno 1059. Catholicam fidei professionem emisit: postea virulenta edidit iterum scripta: rursus sub Gregorio VII. anno 1079. haeresim solenni fidei confessione ejuravit, obiitque poenitens & in communione Catholica die 5. Januarii anno 1088. (1)

Duo alii prodierunt Seculo, in quo versamur, haeretici *Wecilo*, & *Roscellinus*. Primus pro Henrico imperatore adversus S. Gregorium VII. decertans, contendebat saeculares nullatenus Ecclesiastico subiacere iudicio; nec pro quovis excessu posse excommunicatione perstringi. Ex Clerico fugitivo ab Henrico acceperat investituram Archiepiscopatus Moguntini, & condemnatus fuit in Conventu *Quintiliniurgensi*, prope Halberstadtium Saxoniae urbem, anno 1085. *Roscellinus* vero dialecticus Compendiensis in Gallia Belgica, Petri Abaelardi magister, docuit tres in Deo reperiri personas, substantia ab invicem distinctas, quomodo sunt tres homines, vel tres angeli, licet eadem potestate, & voluntate praeditas; omnes pariter eandem assumpsisse humanam naturam, nec incongruum futurum fuisse tres deos nominare, si invatesceret usus. Damnatus est autem an. 1092. in Synodo *Suessonensi*.

Hoc

(1) Apud plurimos legi obiisse Berengarium die 9. Jan. sed in Epitaphio edito ab ejus discipulo Hildeberto Cenomanensi habetur, *Januaria die absulis causa veses*.

Hoc demum Seculo Græci ab Ecclesia Romana sejuncti sunt, dissidia enim sub Photio exorta, fuerant pridem sopita sedente Stephano V, & imperante Leone Philosopho. Renovati schismatis causa *Michael Cerularius*, qui renunciatus Patriarcha C. P. an. 1043. cepit voce, scriptisque debacchari in Romanam Ecclesiam, obloquens præsertim adversus ejus primatum, adversus particulam *Filioque* insertam Symbolo, & adversus usum azymi in Eucharistia conficienda. (1) Concordiam frustra tentavit per legatos Apostolicos S. Leo IX. nam hujus quoque nomen e diptychis Michael abrasit, fuitque auctor, ut idem facinus auderent quidam alii Orientales Episcopi. Obiit *Cerularius* relegatus in Proconnesum Propontidis insulam ab imperatore Isaacio an. 1058.

C A P U T IV.

ECCLESIASTICI SCRIPTORES SEculi XI.

ALTIQUOS seculi hujus Scriptores inter Sanctos veneratur Ecclesia. Hi sunt, *Petrus Damiani*, *Bruno*, *Ivo*, & *Anselmus*. S. *Petrus* Ravennas, a fratre, quem habuit loco parentis, Damiani appellatus, familia de *Honestis*, & monachus ad Fontem Avellanum, coëlibatus Clericorum strenuissimus vindex, & Simoniaci criminis hostis acerrimus, Faventia piissimam efflavit animam an. 1082. die 22. (2) Februarii, cum plures sermones scripsisset, Vitas S. Odilonis Abbatis Cluniacensis, S. Romualdi Camaldulensium Institutoris, aliorumque SS. necnon Tractatus 52, S. *Bruno* Colonienfis patria, & Canonicus Remensis, postea Carthusianorum institutor, in Psalmos Davidis, & in omnes Epistolas Pauli edidit Commentaria, Fideique Confessionem, variaque opuscula. Secessit in Carthusia eremum anno 1084. & in Calabriam anno 1095. ex hac autem vita anno 1101. die 6. Octobris. S. *Ivo* Bellovacensis, Abbas primum in patria monasterii S. Quintini, deinde Episcopus Carnutenfis in Gallia Celtica creatus ab Urbano II. anno 1092. præter epist. 287. breve Chronicum Regum Francorum, sermones varios,

(1) Noti sunt alii Græcorum errores circa Purgatorium, quod negant, & circa animarum Sanctorum beatitudinem, quam differri opinantur ad extremam usque diem universalis judicii, &c.

(2) Aliis 23.

varios, aliaque hujusmodi scripta, edidit librum Decretorum in partes 17. distributum, & *Panormiam*, scilicet, Decretorum summam, divisam in partes octo. Decessit tamen proximo Seculo XII. nempe anno 1115. die 23. Decemb. *S. Anselmus* ex Abbate Beccensi, in diocesi Rothomagi, inauguratus Archiepiscopus Cantuariensis an. 1093. defensor Processionis Spiritus S. a Filio contra Græcos, complurium Theologicorum, & Asceticorum Tractatum Scriptor luculentissimus: quem caelum terris rapuit die 21. Aprilis anno 1109.

PERMULTI alii in omni scientiarum divinarum genere claruerunt. Sacras enim Litteras exquisitis commentariis interpretati sunt, *Michael Psellus* (1) Constantinopoli profapia ortus consulari, de Aristotelis quoque philosophia, ceterisque disciplinis egregie meritis, & jure appellatus *σοφιστὴς ἢ τῶν φιλοσόφων ὑπερσ*, a quo Cantica Canticorum eleganti metro fuerunt expolita: *Thoros* Armenorum Patriarcha quatuor Evangeliorum Scholiastes: *Lanfrancus* patria Ticinensis, Beccensis Abbas, & Archiepiscopus Cantuariensis, qui non tantum Berengarii hæresim confutavit, & monachorum digessit statuta, verum etiam in omnes Epistolas Pauli, & in Psalmos Davidicos edidit commentarios: *Villeramus* Teutonicus, item monachus, qui patrio idiomate, & Latino carmine Canticum Canticorum geminam scripsit paraphrasim: *Theophylactus* C. P. & Bulgarorum Archiepiscopus, qui IV. Evangelia, Acta Apostolorum, Epistolas Pauli, & XII. minores Prophetas, desloratis Chrysostomi aliorumque Patrum libris, explanavit; & *Bruno* in oppido Soleria apud Infubres ortus, deinde Canonicus Senensis, postea Signiensis Episcopus, omnium fere Scripturarum divinarum Interpret.

PRÆTER hunc Brunonem, & Lanfrancum, refutarunt hæresim Berengarii *Albericus* monachus Cassinensis, & *S. Romanæ Ecclesiæ* Cardinalis, *Hugo* e Cluniacensi

mona-

(1) Distinguentus ab altero, de quo in Appendice Seculi IX. Iste enim fuit præceptor *Michaelis Duca*, quo a Nicephoro Botoniata exautorato, Psellus coactus solum vertere obiit mœrore confectus. Pselli plures fuere, de quibus Allatius, & in Biblioth. Gr. Fabricius. Is vero *κατασκευαστὴς* nuncupatus omni scientiarum genere excelluit, & carmina etiam elegantissima dicebat ex tempore. Versibus quoque Politicis, jussu *Michaelis Duca*, conscripsit Legum Epitomen; quam tamen aliqua MSS. editam indicat, jubente Constantino *Duca* Patre *Michaelis*. Editam puto monente Patre, & absolutam, dum imperaret *Michael*, & huic nuncupatam. Non multum tamen illa Pselli Synopsis ab Antonio Augustino J. C. præstantissimo æstimabatur.

monacho Episcopus Lingonensis, in finibus Burgundiæ, *Theoduinus* Leodiensis Episcopus, & *Adelmannus* Episcopus Brixienfis; qui omnes de veritate Corporis, & Sanguinis Domini in Eucharistia pertractarunt. Pro Romana autem Ecclesia calamum exercuerunt *Humbertus* e monacho Tullenfi S. R. E. Cardinalis, a quo refutati sunt libri Michaelis Cerularii, Leonis Achridani, metropolitæ Bulgarorum, & Nicetæ Pastorati monachi, & presbyteri C. P. qui scripserunt contra usum azymi, ieiunium Sabbati, & coelibatum Sacerdotum: *Guilmundus* item, *Albericus*, alique professione monastica, Ecclesiasticis insulis, sacrorumque dogmatum defensione percelebres. De Messie quoque adventu contra Iudæos disputavit *Samuel* e Marocho, ex Hebraica ad Christianam religionem conversus, in libro Arabice scripto ad R. Isaac, & latinitate donato, & inserto Volumini XVIII. Bibliothecæ Patrum.

IN ECCLESIASTICA historia tam universali, quam particulari, versati sunt plurimi. *Aimoinus* Aquitanus, monachus Floriacensis scripsit 4. libris Historiam Francorum; *Ditmarus* Germanus res gestas quinque Imperatorum Saxonum, Henrici I. trium Othonum, & Henrici II. *Sampirus* Hispanus Chronicum regum Legionensium: *Leo* Grammaticus Chronographiam ab anno 813. in quo desinit Theophanes, ad annum 1013. *Ademarus* monachus Lemovicensis Chronicon Francorum ab anno 829. usque ad annum 1029. *Hermannus* a contractione membrorum *Contractus* denominatus, monachus Augiæ majoris apud Constantiam, de sex mundi ætatibus ab initio mundi ad annum 1054. (1) *Nilo Dioxopatrius* Græcus, sed patriæ adhuc incertæ, de Sedibus majorum Patriarcharum. *Gabriel Radulphus* monachus Cluniacensis historiarum libros 5. ab anno 900. ad an. 1045. *Anselmus* Leodicensis historiam Episcoporum Leodicensium ab anno 666. ad an. 1048. *Georgius Cedrenus*, monachus Græcus, Compendium historiarum ab Orbe condito ad an. Christi 1057. *Marianus Scotus* Hibernus Chronicon ab initio mundi ad an. 1083. *Bertholdus* Constantiensis historiam suorum temporum ab an. 1053. usque ad an. 1100. *Joannes Xiphilinus* Trapezun-

(1) *Hermannus* obiit eodem anno 1054. Chronicum vero sub ejus nomine editum a Canisio tom. 1. Antiquæ lect. creditur esse diversum. Certe auctius est, & prolixius. Vide Biblioth. PP. tom. 18.

zuntinus in Epitomen redegit historiam Dionis Cassii, (1) *Amatus* monachus Cassinensis conscripsit libros 4. de gestis Apostolorum Petri, & Pauli, & libros 8. historię Normannorum: *Ingulphus* Anglus historiam monasterii Croylandensis ab anno 664. ad an. 1091. *Adamus* canonicus Bremensis in Saxonia inferiori libros quatuor Ecclesiasticę Historię: *Joannes Scylitzes* natus in Asia minori historiam rerum in Oriente gestarum ab anno 811. usque ad annum 1081. *Raymundus de Agiles* Episcopus Podiensis in Gallia Celtica historiam Jerosolymitanam.

Complures alii historias ediderunt peculiares, ut *Fulbertus* Vitam S. Authberti Episcopi Cameracensis: *Adelboldus* S. Henrici I. Imp. *Berno* SS. Uldarici, & Magirandi: *Varmannus* S. Pirminii: *Theodoricus* monachus Trevirensis inventionem & miracula S. Celsi: *Gerardus* monachus Corbejenfis Vitam S. Adaihardi Abbatis: *Ubertus* R. E. archidiaconus vitam S. Leonis IX. *Alphanus* monachus, & Archiepiscopus Salernitanus passionem S. Christinę, & XII. Fratrum martyrum Beneventi: *Osbernus* Anglus Vitas SS. Odonis, Dunstani, & Elphegi Cantuariensium: *Gualfredus* Episcopus Senensis Heroico descripsit carmine sacram Gothofredi Bullionis in Orientem expeditionem. (2).

RES DENIQUE Ecclesiasticas, ad ritus, Festorumque solemnitatem spectantes exposuerunt *Lupus* Anglo-Saxo, *Berno* paullo supra laudatus, *David* Syrus Maronitarum in monte Libano Episcopus, *Philippus Solitarius*, *Hildebertus* monachus Cluniacensis, & *Guido* monachus Aretinus, qui miram cantandi artem docuit in Opere musico, quod appellavit *Micrologum*, & inscripsit Episcopo Aretii Theobaldo. Adde Seculi hujus Scriptoribus *Alulphum* monachum Tornacensem, qui ex omnibus S. Gregorii Operibus librum contexuit, quem appellavit *Gregorialem*, & *Bonitium* Episcopum Sutrinum, qui præter Epitomen Historię Pontificum Romanorum a Petro ad Urbanum II. omnia Opera, omnesque sententias S. P. Augustini in

(1) *Joannes Xiphilinus* iste non fuit Patriarcha C. P. ut vulgo dicitur, sed Patriarchę nepos.

(2) Historici quidam plurimum laudant *Pomerium* ex Clerico Trevirensi electum anno 1075. Vercellens. Episcopum: cujus librum de Discordia regni, & Sacerdotii citat Trithemius. At sciendum est Venericum istum fuisse a partibus Henrici IV. & S. Gregorii VII. adversarium, fautorem quoque Guiberti, seu Clementis III. Pseudopontificis, & Conciliabuli Moguntini coacti anno 1085.

SECULUM XI. CAPUT V. 65

in unum volumen collegit, divisum in libros 8. cum titulo *Paradisi Augustiniani*.

C A P U T V.

OCCIDENTIS, ET ORIENTIS IMPERATORUM,
SANCTORUMQUE MULTORUM CHRONOGRAPHIA.

MATURABAT in Germaniam reditum *Otho III.* Imperator post ædificatam Romæ in insula Tiberina in honorem S. Adelberti Pragensis Ecclesiam, eamque S. *Bartholomæi* Apostoli, cujus modo titulum præfert, translatis Benevento exuviis decoratam, nisi Beneventani S. *Paulini*, vel alterius reliquias, pro Apostoli cineribus supposuerunt; quando Paterni decessit anno 1002. die 28. Januarii, veneno, ut fertur, in chirothecis ei propinato a concubina. Aquisgranum Othonis cadaver translatum fuit, (1).

Post Othonem III. in Comitibus Germanicis eodem anno 1002. inauguratus est *Henricus II.* Sanctorum Falsis adscriptus, aureo coronatus diademate anno 1014. die 22. Febr. a Benedicto VIII. Qui solos decoratos corona a Romano Pontifice, vocant Imperatores, S. *Henricum II. Germanie regem*, & Imperatorem *hujus nominis I.* appellitant. Quam nos distinctionem ad confusionem vitandam omittimus. Fuit *Henricus* filius ducis Bavarie, & nepos Othonis I. Uxor illi S. *Cunegunda* filia Sigefridi Palatini ad Rhenum, appellata

Tom. II.

E

Mater

(1) *Otho III.* venenum hausit infectis chirothecis opera mulieris, qua familiariter utebatur. Ea fuerat uxor *Crescentii*, quem affectantem imperium, atque rebellem *Otho*, ut alibi diximus, iusserat suspendi. Patravit femina tantum facinus, dum Imperatore reditum parante in Germaniam, excidit a spe conjugii, & Augustalis, quam immodice concupierat, dignitatis. Othonis III. cadaver ex Italia in Germaniam aromatibus conditum deferri curavit S. *Henricus*, qui illi in Imperio successit. Intestina viscera Augustæ Viadelicorum, vulgo *Auxbourg*, fuerunt recondita in templo Sanctæ Afræ. Reliquum corpus delatum fuit Aquisgranum. In laudata S. Afræ modo legitur Epitaphium;

Romani Imperii datus amplum, tertius OTTO,

Offa in Aquis-Grani, hic viscera clausa tenet.

Nullam *Otho III.* reliquit procreatam ex se prolem; impleturque ajuat in Othone I. Græcum illum versiculum,

Αὐτός ἐ ναιῖς, ἐ ναιῖς ἐν αὐτῷ ναιῖς,
Sive Latinum

Tu, natique tui, sed non stirps ulla nepotum.

Mater pauperum: quam, etsi venit aliquando in adulterii suspicionem, a se candentis ferri remotam experimento, Henricus moriens parentibus suis reddidit illibatam. Obiit S. Henricus anno 1024. die 14. Julii, & S. Cunegunda anno 1040. die 3. Martii. (1)

S. HENRICO II. successit *Conradus II.* cognomine *Salicus*, inauguratus prædicto anno 1024. coronatus vero a Joanne XX. anno 1027. Qui obiit repentina morte Trajecti in Brabantia anno 1039. die 6. Julii (2). Arripuit autem tunc imperium *Henricus III.* filius ipsius *Conradi*, & *Gisela* filia *Lotharii Francorum regis*; qui imperavit usque ad annum 1056. diem vero 7. Octobris. Obiit *Burdeldia* in Saxonia, afflitus septem dierum morbo, non suffocatus, ut quidam scripsere, panis fragmento. Illius cadaver *Spiram* ad *Rhenum* fuit adsportatum. A capillorum colore appellabatur *Henricus Niger* (3).

PRÆ-

(1) Nomen Patris *S. Henrici* fuit *Henricus* cognomine *Hezelo*; mater vero *Bertha*, filia Ducis *Lotharingæ*, matrona piissima, atque religiosissima. Hunc *Henricum* Martyrologium Romanum pridie Idus Julii vocat *Henricum Primum*, Molanus vero in Addit. ad *Ufuardum* appellat *Henricum Secundum*. Causam hujus variationis nuper attulimus. Conversionis ad Christi fidem Hungarorum, & sanctitatis *Stephani* illorum regis, *Henricus* auctor fuit, eidem *Stephano Gisela* sororem despondens ea conditione, ut susciperet populi lavacrum, regnumque suum ad Catholicam pertraheret religionem. Sepultus fuit *Bambergæ* in *Æde S. Petri*, ejusque sepulcro insculpta fuit *Iustitia* libram manu tenens.

(2) Hujus *Conradi* genus non satis compartum est, illud quibusdam deducentibus ab *Eberhardo* fratre *Conradi I.*, quibusdam vero a *Conrado* Sapiente duce *Lotharingæ*, qui uxorem duxit filiam *Othonis Magni Ludgardem*. *Conradi* pater *Hermannus*, mater *Adelhaida* vocabatur. Obiit *Trajecti*, *Massriche*, in Belgio: at sepultus est *Spiræ* ad *Rhenum* in templo B. M. V. a se constructo. En tumuli Inscriptio:

Conradus Imp. obiit anno Domini 1039. pridie Nonas Julii.

Filius hic, Pater hic, Proavus jacet istic,

Hic Proavi Conjug, hic Henrici Senioris.

Non unus tamen Historicus *Conradum* obiisse tradit die 4. Junii, forte in prædicto Epitaphio legens, *Pridie Nonas Junii*.

(3) *Henricus III.* cognomento *Niger*, natus est anno 1017. Ex prior uxore *Cunilda* filia *Canuti* regis *Daniæ*, & *Norvegiæ*, cum qua nuptias celebravit anno 1036. nullam suscepit prolem. Ex altera vero conjug. *Agnete* genuit *Henricum IV.* & *Conradum*, qui patri non diu supervixit, necnon tres filias, *Juditham*, *Mathildem*, & *Ittam*. Prima filio Regis *Hungariæ*, altera *Suevorum* duci, ac tertia *Austriæ* principi in matrimonium juncta fuit. Prior uxor *Cunilda*, aut *Chunelinda* biennio post contractas nuptias extincta est pestilenti febre, nos, ut quidam ajunt, a viro repudiata. Una cum *Agnete* *Henricus III.* anno 1026. In festo *Dominicæ* *Nativitatis* coronatus est a *Clemente II.* Illius annus, diæque emortualis constant ex inscriptione sepulcri *Spirænsis*:

Anno Dom. Incarnationis MLVI. Henricus Imp.

Non. Octobris obiit.

PRÆCEDENTI anno 1054. die 21. Junii eligi in regem, & coronari curauerat Aquilgrani filium suum parvulum *Henricum*, susceptum ex conjugē Agnete, filia ducis Aquitanie Guilelmi. *Henricus* iste, hujus nominis IV. in Ecclesiastica historia famosus, imperium indeptus est prædicto anno 1056. adhuc quinquennis, sub matris tutela. Is spiritualia vendidit, jus Investiturarum nimia sibi audacia vindicavit, Agnetem parentem suam prudentissimam feminam, ne sano ejus uteretur consilio, e tutela imprudens adolescentulus amovit: contra S. Gregorium VII. intrusit Antipapam *Clementem III.* seu Guibertum Episcopum Ravennatem: in Romanam Urbem hostis truculentus irrupit. Cum Rodolpho Svezie duce, a Gregorio VII. & a Saxonibus acclamato imperatore, sæpius conflixit; at Rodolphus anno 1080. commisso prælio ad Elystrum, non procul a Neuburgo, vulnere discisso ventre, & dextera manu amputata, obiit 15. die Octobris. Bello pariter extincti sunt alii duo, qui se contra *Henricum* Imperatores dixerunt, *Hermannus* e Lotharingia, & *Ecbertus* Saxonie Marchio. Adversus autem *Henricum* anno 1093. rebellavit quoque filius ejus *Conradus*, ac patrem privavit Italie regno. Coronatus est Mediolani, fidemque suam Urbano II. sacramento devinxit. Verum extinctus est repentino obitu, abdicatus a patre, nono post anno. Acclamantibus denique Germanie principibus anno 1105. alterum *Henrici IV.* filium, & hunc *Henricum* nomine, ei Pater tradidit invitus imperii insignia; egitque postmodum vitam miserrimam, vita functus Leodii anno 1106. die 7. Augusti, cum regnasset a morte patris annis 50. Post mortem, utpote non semel excommunicatus, fuit e tumulo extractus: anno tamen 1111. a filio *Henrico V.* Spire honorificentissime conditus est tumulo, annuente Paschali II., quoniam ante obitum poenitentiam egisse testimonio complurium fuerat confirmatum. De *Henrico V.* agendum proximo Seculo XII. (1)

E 2

IN

(1) *Henrico IV.* adhuc superstitute Imperium occupare tentarunt *Rodolphus* anno 1077. *Hermannus* a Lotharingia anno 1081. & *Ecbertus* a Saxonia. Perierunt omnes in pugna. *Rodolphus* anno 1080. *Hermannus* anno 1089. *Ecbertus* anno 1089.

Ad tantam egestatem *Henricus IV.* redactus fuerat, ut nullo Clericorum stipem illi erogante, cum beato Job gemebundus clamaret: *Miseremini mei, miseremini mei, saltem vos amici mei, quia manus Domini tetigisti me*. Videntur verba poenitentis. Vide libro 9. de Regno Italie Sigonium.

IN ORIENTE post Basilium II. extinctum anno 1028. imperarunt ab hoc anno usque ad annum 1034. *Romanus Argyrus*: hinc *Michael Paphlago* ad annum 1041. tum *Michael V. Calaphatas* ad annum 1041. postmodum *Constantinus Monomachus* usque ad annum 1054. deinde *Theodora* soror *Zoes*, proximo anno defuncta: deinceps anno 1055. *Michael VI.* cognomento *Stratonicus*, qui senio confectus insequente anno 1056. cessit imperio. Post Michaelis abdicationem imperavit *Isaacius Comnenus* usque ad annum 1059. quo anno vitam amplexus est monasticam: ab anno autem 1059. sive 1060. ad annum 1067. *Constantinus Ducas*, ab anno 1067. ad annum 1071. *Eudocia* ejus uxor, nupta Romano *Diogeni*: ab anno 1071. ad annum 1078. quo patrem secutus secessit in monasterium, *Michael VII.* filius *Constantini Ducæ*: ab anno 1078. ad annum 1081. *Nicephorus Botaniates*, & ipse tandem attonsum in monachum; atque ab anno 1081. usque ad annum 1118. administravit Græcorum imperium *Alexius Comnenus* *Isaacii Comneni* filius minimus. Hæc utriusque imperii Occidentalis, & Orientalis Chronographia.

REGIO tamen Augustorum principum diademate gloriosior est regnantium in cælis corona: quam consecuti sunt anno 1002. die 26. Sept. *S. Nilus Junior*, abbas monasterii *S. Agathæ Cryptæferratæ* duodecimo ab Urbe lapide: anno 1004. *Abbon* abbas *Floriacensis*, martyr affectus die 13. Novembris: anno 1007. *S. Petrus* fundator monasterii *Perusini*, nunc ejus nomine nuncupati, die 10. Julii: anno 1009. *Bruno* Ruthenorum Apostolus coronatus die 15. Octobris: anno 1011. *Elphegus* Cantuariensis Archiepiscopus, a piratis occisus die 19. Aprilis: anno 1012. die 10. Aprilis *Macarius* Antiochenus, eodemque anno die 4. Januarii *Libentius* Archiepiscopus *Bremenensis*, & *Colmanus* peregrinus, laqueo in Austria suspensus die Octobris 13. Migrarunt insuper ad superos anno 1021. die 16. Martii *S. Heribertus* Archiep. *Coloniensis*: anno 1022. die 27. Jan. *Theodoricus* *Aurelianusensis*: anno 1027. die 19. Junii *Romualdus* abbas *Camaldulensium* institutor (1); anno 1028. *Olavus* rex *Norvegiæ*, & martyr anno 1029. die 10. Apr. *Fulbertus* *Carnotensis* Episcopus: anno 1031. *Guilelmus* abbas *Divionensis* mortuus die 1. Januarii: anno 1035. die 1. Junii *Simeon* monachus mon-

(1) *Grandius* male refert *S. Romualdi* transitum ad annum 1037.

montis Sinai, deinde Trevirensis anachoreta: anno 1038. die 15. Augusti *Stephanus I.* rex Hungariæ, cuius etiam filius *Emericus* inter Sanctos colitur die 4. Novembris. Decessit eodem anno 1038. die 4. Maji *Episcopus Hildefix Gothardus*: anno 1048. *Odilon* Ab. Cluniacensis Calendis Januarii: 1060. *Dominicus* eremita, dictus *Loricatus*, pridie Idus Octobris: (1). *Eduardus* rex Angliæ obiit Nonis Januarii 1067. *Robertus* abbas in Arvernica VIII. Cal. Majas, & *Maurilius* Episcopus Andegavensis Idibus Septembris. *S. Joannes Gualbertus* Florentinus Auditor monachorum Vallis Umbrosæ obiit anno 1073. die 12. Julii (2) *S. Leo* abbas Cavenfis an. 1075. eadem die Julii 12. *S. Stanislaus* Episcopus Cracoviæ in Polonia ab impio rege *Boleslao* occisus est anno 1079. die septima Maji. *S. Anselmus* Episcopus Lucensis obiit Mantuæ anno 1086. die 18. Martii. *S. Canutus* rex Daniæ trucidatus est anno 1087. die 10. Julii. *Canutum* alterum, regem item, ac martyrem laudat Ven. Baronius in notis ad Martyr. Rom. VI. Idus Januarias. Adhæc Sanctorum Fasti recolunt IV. Idus Junii *Margaritam* Scotorum reginam, & V. Cal. Julias Hungariæ regem *Ladislauum*; quorum illa obiit anno 1093. die 18. Novembris, & iste anno 1095. die Julii tricesima.

C A P U T VI.

SECVLI XI. DOGMATA, ET DISCIPLINA.

UBI BERENGARIUS cœpit veritatem Corporis & Sanguinis Domini in Eucharistia negare, Synodis, scriptique refutatum fuisse, constat ex dictis: ac turpiter Novatores allucinantur, tergiversatorem potius, quam communem Ecclesiæ traditionem sectantes, maxime quod & ille in sententia non persistit, suamque abjuraverit hæresim. Utriusque Testamenti auctorem esse Deum, sacramento baptismatis originalem noxam deleri, bonis operibus esse incumbendum, Christum de Virgine natum,

E 3

veram-

(1) *S. Dominicus Loricatus* Eremita Camaldulensis anno 1060. pridie Idus Octobris, non ut quidam scripsere anno 1061. aut 1062. aut 1066. Vide Annales Camaldul. tom. 2. pag. 229. *S. Theobaldus* ejusdem Ordinis a. 1066. Kal. Julii.

(2) *S. Petrus Ignor* ejusdem Joannis Gualberti discipulus obiit an. 1094. juxta Brev. Flor., juxta aliquos Scriptores anno 1088.

veramque gessasse carnem, in quafubiit crucis patibulum, ac Spiritum Sanctum Patris Filiiſque confubſtantialem Amorem, ab utroque procedere, definitum eſt rurfus contra novos Manichæos, Græcoſque fractarios. Promiſcuos concubitus, ſœdaſque libidines damnavit Eccleſia nullam habens rugam, vel maculam, in recentioribus Nicolaitis. Sacramenta Pœnitentiæ, ac Matrimonii, Sanctorum invocationem, Purgatorium, & ſepulturam Chriſtiano ritu ſervandam, in quadam Synodo Atrebatenſi fuiſſe contra hæreticum Gandulphum expreſſe corroborata, tradit in libro 13. *Spicilegii* Dacherius.

DIXIMUS Cantus Eccleſiaſtici facilem methodum do- cuiſſe *Guidonem* Aretinum: hunc Benediſtus VIII. ut clericos inſtrueret, Romam accerſivit. Qui a Laicis Principibus accipiebant inveſtituras, quæ fieri ſolebant traditione baculi, & anuli, ac præſertim qui perſolventes pecuniam acquirebant Eccleſiaſticorum bonorum poſſeſſionem, pluries percuſſi ſunt anathemate. Etiam *Pafchalis II.* negavit Henrico V. conferre imperialem conſecrationem, niſi prius dominium illud conferendi Eccleſiaſticas dignitates ac poſſeſſiones dimitteret; quamvis tandem ærumnis preſſus indulſerit, ut electis regni ſui Episcopis & Abbatibus liceret illi baculum anulumque præbere, præter omnem tamen violentiam ac Simoniam. Pontifices Maximi non expectato Imperatorum aſſenſu canonicæ fuerunt electi: & qui fuere intruſi Imperatorum arbitrio, tanquam raptores & adulteri, Eccleſia uniſ ſponſa execrata eſt, ac deſpexit. Latini uſum Azymi, qui apud ipſos, mea quidem ſententia, ſemper viguit, retinuerunt, fruſtra obloquentibus *Michaelæ Cerulario*, ceteriſque Græcis Schiſmaticis. Gradus conſanguinitatis canonicis ſan- ctionibus ita ſunt conſtituti, ut filii & filiæ fratrum & ſorum in ſecunda generatione numerentur, nepotes in tertia, pronepotes in quarta, & ſic deinceps: qui vero germanos fratres & ſores in ſecunda, eorum filios & filias in quarta, ac nepotes vel neptes in ſexta generatione locantes, inter hos poſtremos licita aſſerebant connubia, *Inceſtuoſi*, ut diximus cap. 2. appellati, ab *Alexandro II.* declarati ſunt pro ſua temeritate cæleſti pœna, & gladio perpetui anathematis puniendi.

IDEM *Alexander II.* ſtatuit, ut ſacro Presbyteratus ordi- dine conſecrati unam tantum ſingulis diebus Miſſam cele-

celebrarent, excepto die Dominicæ Nativitatis. Definitum id fuit in Synodo Romana anno 1063. ex qua depromptus est can. *Sufficit*, de Consecr. dist. 1. Olim quippe non una fuit in *Missis* agendis consuetudo. Nam fuerunt dies a Card. Bona libro 1. cap. 18. dicti *Aliturgici*, in quibus non offerebatur sacrificium altaris, cuiusmodi est etiamnum *Parasceve* Paschatis, & apud Græcos Quadragesimæ tempus, quo utuntur missa *Præsanctificationum*. Caruit item apud Romanos, & Alexandrinos liturgia dies Sabbati, & quæ modo viget in Sabbato majoris hebdomadæ, ut ex divino liquet Officio, ad insequentem spectabat noctem. Contra consuetum fuit duas celebrare *Missas* prima die Januarii, in vigilia Ascensionis Domini, in tribus diebus jejuniorum post Pentecostem, aliisque, quos prælaudatus Cardinalis Bona appellat dies *Polyliturgicos*. At de his plura tum Scriptor ille doctissimus, tum Edmundus Martene, & ceteri de Sacris Ritibus pertractantes. Nam quantum ad quotidianam attinet oblationem, commendatam invenimus a Tertulliano de Jejunio cap. 14. a Cypriano Epistola 54. ad Cornelium, a Petro Chrysologo, &c. Unius vero a quolibet Sacerdote Sacrificii eadem die offerendi, congruam affert rationem Innocentius III. cap. *Consuluit*, de celebrat. Missarum.

MULTIPLICATÆ demum sunt Seculo XI. mirum in modum religiosæ Familix. Quidam a S. Joanne Gualberto institutam ajunt anno 1010. Congregationem *Vallis Umbrosæ*, cujus originem nos retulimus ad annum 997. Instituti itaque fuerunt hoc Seculo Monachi *Cavenses* in regno Neapolitano, sectantes consuetudines Cluniacensium, anno 1075. Ordo monachorum *Grandimontensium* a S. Stephano Arverno institutus in nemoribus Mureti in districtu Lemovicensi, anno 1076. sed ita denominatus a Generalibus Comitibus ad *Grandem-montem* habitis anno 1267. in eadem provincia Lemovicensi. Canonici regulares S. *Quintini* Bellovacensis, quorum origo consignatur anno 1078. *Carthusiani* auctorem habuere anno 1086. vel, ut supra diximus, anno 1084. (discrepant enim Historici) S. Brunonem, & S. Hugonem Episcopum Gratianopolitanum in Gallia Narbonensi, nomen sortiti a *Carthusia* ejusdem diocesis eremo. Institutus anno 1095. a Gastone Viennensi in Delphinatu Equite Ordo S. *Antonii*,

cujus alumni infirmis (1) infervientes in veste deferunt litteram *Tau*. Anno demum 1098. S. Robertus abbas Molismensis in Gallia Celtica, B. Albericus, & S. Stephanus, qui Molismense Cœnobium successive gubernarunt, annuentibus Hugone Archiepiscopo Lugdunensi, Valtero Cabilonensi, & Odone duce Burgundiar, instituerunt sacrum Ordinem *Cisterciensium*.

A P P E N D I X

RERUM EXTERNARUM.

FRANCORUM rex *Robertus F.* Hugonis Capeti administravit rempublicam summa pietate & justitia usque ad annum 1031. Regnavit postmodum *Henricus I.* Roberti Filius usque ad annum 1060. deinde *Philippus I.* filius Henrici usque ad annum 1108. spatio scilicet annorum 48., primum ab Urbano II. ob repudiatam Bertham sacrorum usu interdictus, sed postea reconciliatus Ecclesie.

IN HISPANIA post Alphonsum V. anno 1028. regnum Legionis & Castillæ auspicatus est *Veremundus III.* Anno 1038. *Ferdinandus Magnus*, cui etiam cesserunt Asturiz. Anno 1065. *Sanctius II.* Ferdinandi filius natu maximus. Anno 1072. *Alphonfus VI.* Sanctii frater minor, qui regnavit annis 37. nimirum usque ad annum 1109. Dixi regnum *Castilla*, jam enim tria surrexerant in Hispania regna, idest, *Castilla*, *Aragonia*, & *Navarra*; & Seculo XI. in Navarra regnarunt *Sanctius*, (2) *Garcias*, ac *Sanctii* alii duo: (3) in Aragonia autem *Ramirus*, *Sanctius*, & *Petrus I.* (4)

SUB HUIUS Seculi initia, ut libros 8. de Regno Ital. tradit Sigonius, tres originem habuerunt Respublicæ, Florentinorum, Pisanorum, & Genuensium. Saracenis hoc

ver-

(1) Laborantibus præsertim elephantia, & impetigine, vel potius erysipelite, quam *sacrum ignem*, seu *ignem S. Antonii* dixerunt; & de qua Virgilius in fine 3. libri Georg.

Nec longo deinde moranti

Tempore, contractos arvens sacæ ignis cæbas;
nisi mavis hoc in loco intelligere pestilentiam.

(2) Major appellatus.

(3) Nimirum *Sanctius F. & VI.* ac *Petrus* filius *Sanctii F.*

(4) Ad annum usque 1036. regnavit in Anglia *Canorus*. Ad annum 1040. *Avaldus*. Ad 1042. *Harde-Canorus*. Ad 1043. *Alfridus*. Ad annum 1066. *S. Eduardus*. Eodem anno *Eraldus*. Usque ad annum 1087. *Gustelmus I.* Usque ad 1135. *Henricus I.* In Polonia *Boleslaus I.* regnavit usque ad annum 1025. *Miscislaus II.* ad 1035. *Casimirus* 1058. *Boleslaus II.* 1079. *Ladislaus* 1102.

vertente Seculo, quæ subijcimus, evenerunt. Anno 1005. Pisani eis eripuerunt Sardiniam, Genuenses Corsicam. Ipsi autem, anno 1007. Capuam, anno 1008. Jerosolymam, & anno 1009. Consentiam in Calabria, & Bituntum in Apulia expugnarunt. (1) At Michael Paphlago anno 1034. Saracenis, duce Marnace, eripuit Siciliam. Turcæ anno 1045. adversus Saracenos arma vertentes paulatim totum pene Orientem occuparunt. Hi quoque Mahumetis receperunt Alcoranum, & anno 1048. tota devicta Perside, cæsoque Saraceno Arvira, regem suum Tangrolipicen *Sultanum* (quod idem sonat ac *Rex regum*) primum nominarunt. Caliphas Ægypti anno 1056. Jerosolymis Sepulcrum Redemptoris nostri claudi mandavit, inhibito Christianis ingressu. Tunetini Mahumetani anno 1074. fines ac litus Calabriæ, & Siciliæ infestarunt. Rogerius Siciliæ Comes anno 1078. Tauromenio, & anno 1091. ex universa Sicilia Saracenos fugavit. (2)

ADVERSUS Saracenos & Turcas sedente Urbano II. & hortante *Petrus Eremita*, anno 1095. decretum est Bellum Sacrum, (*Cruciatam* vulgo appellant) seu expeditionem militarem, cui se addicentes cruce rubri coloris in dextero humero obsignabantur. Collectæ multitudini, & in varias copias distributæ dux & imperator anno 1096. constitutus est *Gothofredus Bullionus*, Dux Lotharingiæ. Quamvis multi perierint, non Turcarum tantum, verum etiam Græcorum insidiis; pervenerunt tamen Niczam perditum 600. M. & equitum 100. M. Urbs illa Solimani regia, cum aliis civitatibus 41. & oppidis, plus, minus, 200. a Christianis expugnata fuit anno 1097. Fidelium 13. millia, Turcarum 200. M. vario certamine ceciderunt.

An-

(1) Hoc anno 1009. die 6. Octobris feria 5. hora una ante mediam noctem, lunam coopertam teterrimo sanguine tradunt *Chronica Belgica*.
 (2) Poterat inter Seculi XI. calamitates commemorari incendium Papæ anno 1014. Terramotus ingens in Franconia, præsertim Fulde, anno 1013. Horribilis cometes, & pluvia sanguinis in Gallia an. 1014. Intolerabile frigus anni 1030. Rapta apud Anglos a diabolo mulier venefica cum vehementi ejulatu anno 1045. Colubrorum agmina in finibus Tornaci inter se consistantia, & consecuta inde pestilentia, & fames anno 1059. Aquarum in Italia, & in Belgio talis inundatio, ut innumera ædificia corruerint, & gallinæ, anseres, aliæque domestica animalia in sylvas confugerint, anno 1086. Erumpens fons sanguinis in Normannia, incendia, imbres, & locustarum agmina anno 1091. pestis, quæ apud Gallos, Germanosque anno 1093. deservit: igneus draco per aërem volitans, jacula ignita, arma in celo eruenta, monstruosi partus, pluraque id genus ostenta anni 1099.

Antiochia a nostratibus capta est anno 1098. valde Christianorum exercitu diminuto. Proximo anno 1099. Christiani obsidione cinxerunt S. civitatem Jerusalem die 5. Junii: expugnarunt autem & occuparunt die 25. Julii, feria 6. Primus omnium moenia superavit miles, (1) quem concivem suum Pisani opinantur, secundus Gothofredus, tertius ejus frater Eustachius. Die a capta urbe octavo *Gothofredus* rex Jerusalemorum cunctorum suffragiis fuit declaratus. (2)

QUAMQUAM plura dixi de Saracenis; alia tamen occurrunt commemoranda. Nam *Basilius* Græcorum imperator anno 1014. Bulgaris superatis, crudelissime victoriam exercuit, jubens illorum 1500. oculos erui. *Bohemi* anno 1038. eripere Polonis Uratislaviam, & Cracoviam. *Seythe* anno 1064. depopulati sunt Thraciam, Macedoniam, & Græciam: at a Bulgaris anno 1066. interfectione deleti sunt. *Henricus IV.* anno 1068. domuit Illyricos, quos appellant *Sclavos*. In ipsum Henricum anno 1073. arma converterunt Saxones & Thuringi, adeo, ut vix elapsus sit fuga. Anno 1081. rursus cum Rodulpho pugnavit, infausto hujus obitu ex hac pugna consequente. In Italiam venit, urbemque Romam obsedit, & occupavit anno 1083. In ipsam Romam anno 1084. armis, incendio, & rapinis sævit *Robertus Guiscardus* dux Calabria: quem necessitate adactus ad expellendum Henricum vocaverat S. Gregorius VII.

SCRIPTORIBUS hujus ævi adnumeremus oportet Avicennam philosophum Arabem, ac medicum præstantissimum, qui nunquam dormivisse fertur integram noctem, ut studiis vacaret, & anno ætatis suæ 18. totam absolvet

rat

(1) Brietius ait in muros omnium primum conscendisse *Raimbaldum Croconium* nobilem Picardum.

(2) Procumbenti ad Sepulcrum Domini Gothofredo, aureamque coronam abjicienti spinea imposita fuit. Hinc epigramma illud,

Lauræ non hominem gustare, nec auræ Regem

Pas, ubi Rex Divum spinea ferta tulit.

Qui ajunt *Petrum* Eremitam Ambianensem ad promovendum bellum Sacrum ostentasse epistolam e caelo ad Christianum populum missam, id referunt ex *Dodechino* continuatore Chronici Mariani Scoti. *Voltaire*, ceterisque objicientibus, summa imprudentia susceptam expeditionem, ex qua Europa privata est incolarum suarum parte maxima, profusa immensa thesaurorum copia, extinctæ nobilissimæ familiæ, exortæ innumeræ cædes, pestilentia, & calamitates quammaximæ; respondemus plura Deo auctore præcipi, & fieri bona, & utilia, quorum exitus, non ex Deo, sed ex hominum improbitate permultis extorsus est, atque infelix.

rat *ἡγκολομαΐδεια* (1). Obiit Alcorano addictus, aut forte nullius religionis, circa annum Ch. 1050. Claruerunt præterea in historia Germanica *Lambertus Schafnaburgensis*, ex quo plura exscriptis Trithemius; inter hæreticos tamen 1. Cl. rejectus in Indice Hispanico anni 1067. atque in Historia regum Dalmatiæ & Croatiae Auctor *anonymus*, latinitate donatus a Marco Marulo Spalatensi. Ex antiquorum medicorum libris plura collegit *Constantinus Afer*, post universum fere orbem peragratum, omnemque Chaldaeorum, Persarum, Arabum, & Saracenorum comparatam sibi disciplinam, insidiis elapsus, & inter Cassinenses monachos cooptatus. *Joannes* Italus, atque, ut arbitrator, Siculus tantum in philosophia excelluit, ut profectus Constantinopolim, Michaeli Psello suffectus, cum omnium admiratione Aristotelis, Platonis, Porphyrii, Jamblici, & Procli explanaverit libros: sed propugnans Pythagoricam *Metempsychosin*, transmigrationem scilicet animorum, & sacrarum imaginum cultum evertens, tanquam hæreticus damnatus est, & coactus iussu imperatoris Alexii ex ambone anathematizare undecim prævar, quam tradiderat, doctrinæ capita (2). Tres libros de Henrici IV. contra Saxones bello condidit carmine Auctor, qui ne sibi conflaret invidiam, diraque arcesceret, consulto nomen suppressit suum. Fertur pro Henrico scripsisse quoque *Sigebertum*, de quo proximo Sec. cap. 4. & qui tam prosa, quam carmine plura elucubrav. Sub hujus Seculi exitum, idest, anno 1099. medici *Salernitani* versibus conscripserunt *Opusculum* de conservanda valetudine (3) inscriptum Roberto Normanniæ Duci, illos de fistula brachii sananda consulenti. Incipit vero idem Opus,

Anglorum regi dicit Schola tota Salerni,
quoniam Robertus designatus fuerat rex Angliæ.

D U O

(1) *ἡγκολομαΐδεια*, quasi *circularis scientia*, ab *ἡγκολιος*, *circularis*, & *μαΐδεια*, *disciplina*, vel *eruditio*, significat omnem fere scientiam simul compactam, & ductum quendam multarum disciplinarum consertum.

(2) Rab. *Moser Ben-Maimon*, ab initialibus litteris appellatus *Rambam*, præcellens fuit in omni Hebræorum litteratura, in jure, in medicina, in mathesi; natus Cordubæ anno communioris computi Hebræorum 4861. ætæ Christianæ 1130. laudatus a Rabbiniis *Abraham Zabus*, & *Isaac*, necnon a *Joanne Buxtorfo*, quem vide in *Præfat. ad Opus Maimonidis* inscriptum, *Doctor Perplexorum*.

(3) Libri titulus pervulgatus, *Schola Salernitana*. Auctor vere unus *Joannes* Mediolanensis, qui omnium Medicorum nomine scripsit, sicut opus inscriptum *Colligium Bononiense*, unius Ulyssis Aldrovandi festura est.

DUODECIMUM ECCLESIAE SECVLVM.

CAPUT I.

PONTIFICES MAXIMI RECENSENTUR.

ITaque Paschalis II. an. 1118. mortem oppetiit : post quem XVI. federunt in Petri Cathedra Romani Pontifices, nempe *Gelasius II. Callistus II. Honorius II. Innocentius II. Celestinus II. Lucius II. Eugenius III. Anastasius IV. Hadrianus IV. Alexander III. Lucius III. Urbanus III. Gregorius VIII. Clemens III. Celestinus III. & Innocentius III.*

CLXI. GELASIUS II. antea Joannes Cajetanus electus est, repugnante licet imperatore Henrico V. Is ergo inaugurari Pontificem iussit Mauritium Episcopum Bracarensem, ei Gregorii VIII. nomine imposito. At Gelasius damnatus in Synodo Capuana Mauritio, & Henrico, in Gallias secessit, obiitque pleuritide in monasterio Cluniacensi IV. Cal. Februarias anno 1119.

CLXII. SUFFECTUS ei est Guido Burgundus Archiepiscopus Viennensis, electus Cluniaci suadente Conone Episcopo Prænestino, appellatus *Callistus II.* Qui rursus Henrico, & Mauritio damnatus, & in Synodo Œcumenica Lateranensi compositis circa Investituræ dissidiis, ad finem vergente 6. anno Pontificatus sui, anno scilicet 1124. Idibus Decembris excessit e vivis.

CLXIII. POST CALLISTUM sedit *Honorius II.* Bononiensis, (1) antea Lambertus Ostiensis Episcopus, qui Henrico V. sine prole defuncto, per Apostolicæ Sedis Legatos dedit operam, ut imperator eligeretur Lotharius Dux Saxo-

(1) *Bononiensis* vulgo dicitur, & loco natus obscurus : at Platina Imolensem facit. Inter Bononiam vero, Imolamque, est oppidum nunc fere dirutum, vulgo *Pignagnano*. Fertur hinc Lambertum, seu Honorium II. prodixisse, & annuo Jubilæi privilegio sacram ejusdem oppidi, patriæque suæ Ædem locuplexisse.

Saxonum, & Conradum Franconiz, ac Fridericum Svevix Duces filios Agnetis sororis Henrici, armis infectantes Lotharium, ut avunculi potirentur imperio, communi-
one privavit, deposito quoque Anselmo Archiepiscopo Mediolanensi, a quo Conradus Modoetiz acceperat Italici regni coronam. Obiit vero morte Honorius sexto anno Pontificatus, Æ. Ch. 1130. XVI. Calendas Martii.

CLXIV. ELECTUS deinde est, licet invitus, *Innocentius II.* antea Gregorius Card. S. Angeli: sed eadem die intrusus est factione seditiosa Petrus Leonis, nomine Anacleti II. usurpato, Roma Innocentius cedens ad Ludovicum VI. Galliarum regem, deinde ad Lotharium, a quo Romam deductus est, & restitutus, perrexerat summo ubique exceptus honore. Discedente autem ex urbe Lothario imperii corona decorato, Innocentius nondum extincta Anacleti factione Pisas advenit, ibidem commoratus usque ad obitum Anacleti (1). Verum huic seditiosi substituerunt pseudopontificem alterum, quem appellarunt Victorem IV. Hic post tres menses dejectus est: ac Innocentius celebrata Synodo II. Lateranensi Œcumenica, rebusque aliis præclare, & magnifice gestis, anno 1143. humanis exemptus est rebus die 24. Septembris. (2)

CLXV. ADMINISTRAVIT deinde Ecclesiam quinque dumtaxat mensibus, paucisque diebus *Cælestinus II.* Petrus, vita functus anno 1144. die 9. Martii. Ab hoc Pontifice incipiunt vaticinationes, quæ tribuuntur S. Malachiz Archiepiscopo Hiberno: quarum prima est, *Ex castro Tiberis*. Nam Cælestinus erat Tiphernase castro S. Felicitatis ad Tiberim, vulgo e Civitate Castellana. Ingeniose Pontificibus ante Benedictum XIII. eadem vaticinia fuerunt aptata. Huic, & sequentibus Clementi XII. & Benedicto XIV. nescio quo jure conveniant. Vaticinatio de primo est illa. *Miles in bello*: de altero, *Columna excelsa*, de tertio, *Animal rurale*. Proxime futurus prænunciatus est eo symbolo, *Rosa Umbrie*. Post hunc ad extremum usque Judicium supersunt dumtaxat XVIII. Sed nemo credat vaticinationes istas esse S. Malachiz, atque interpretamenta aliud esse præter alicujus luxuriantis ingenii commentationes, aut alicui mortalium

(1) Hujus rei causâ S. Bernardus ad Pisanos scribens urbem illorum summopere commendavit.

(2) De Innocentio II. in Concilio Remensi anno 1131. sequenti capite laudando, ait S. Bernardus: *Plusquam Moyses hic, &c.*

talium momenta innotescere, *quæ Pater posuit in sua potestate*, ut inquit Dominus Act. 1. 6.

CLXVI. SEQUUTUS est *Lucius II.* antea Gerardus Caccianemicus Bononiensis, extinctus post mensem II. ictu lapidis anno 1145. V. Cal. Martias.

CLXVII. SEDIT postea ultra annos 8. *Eugenius III.* discipulus S. Bernardi, Abbas S. Anastasii Ordinis Cisterciensis, (1) qui non sine sanctitatis fama obiit Tibure in Latio. Viget apud Pisanos traditio Eugenii Patriam fuisse Montemmagnum sexto a Pisis lapide.

CLXVIII. EXTINCTO Eugenio anno 1153. Nonis Julii successit *Anastasius IV.* Romanus, antea Conradus, & Episcopus Sabinensis, sublatus e vivis anno proximo 1154. die 2. Decembris.

CLXIX. ANASTASIO IV. successor datus est *Hadrianus IV.* natione Anglus, cui Nicolai nomen erat. Romanos Senatores conantes sibi pristinam vindicare libertatem ad officium redegit; multaque passus a Federico imperatore, quem decoraverat imperii corona, ob Guilelmum Siciliæ regem, decessit Anagninæ Cal. Septembris anno 1159.

CLXX. REXIT deinde Ecclesiam 22. annis *Alexander III.* Senensis, appellatus antea Rolandus Papiensis. Diuturnum Schisma invicta patientia compescuit, & quatuor Pseudopontifices, *Victorem V. Paschalem III. Callistum III. & Innocentium III.* temere se nominantes, percussit anathemate: atque omnes, teste Pandulpho Pisano, miserrime perierunt. Patrocinatus est Thomæ Archiepiscopo Cantuariensi, quem etiam Sanctis adscripsit: Venetis

(1) Antea vocabatur Bernardus Pisanus. Mirabatur S. Bernardus hunc Pontificem fuisse a S. R. E. Cardinalibus electum. Vide Papirium lib. 5. pagina 201. Ornatum ab Eugenio III. templum Virginis in Exquilis constat ex verbis, quæ legebantur in vestibulo,

*Tertius Euginius Romanus Papa benignus
Obtulit hoc munus, Virgo Maria, tibi.*

In Prophetia Malachie Euginius III. prænuntiatus eo symbolo, *Et magnitudine montis*, ob patriam *Montem magnum*. Anno 1148. Eugenius in Etruria versabatur: eodem quippe anno XI. Kal. Decembris, templum oppidi S. Geminiani, assidentibus pluribus Cardinalibus solemniter consecravit. Proximo anno 1149. Pisis eodem S. Pauli ad Arripam dedicavit, ut constat ex asservato illic lapide. Et si dicitur a S. Bernardo *russianus, pannosus homuncio*, & eversus a securi, *ab ascia, a ligone*; parentes tamen habuit nobilis prosapiæ Bernardum Paganellum & Mariam Cajetanam. Fuerat majoris templi Vicedominus, deinde monachus Camaldulensis, & Abbas monasterii S. Zenonis, postea Cisterciensis, S. Bernardi discipulus, & Abbas monasterii SS. Vincentii & Anastasii Romæ ad Aquas Salvas.

netis plura largitus est privilegia: Lateranenſe Concilium III. Ecumenicum XI. celebravit; ac Federicum imperatorem ad pedes ſuos provolutum & veniam petentem elevans cum lacrymis excepit oſculo, ut veritati, & huius Pontificis manſuetudini contraria tradant, qui ajunt hunc pede imperatoris preſſiſſe caput, eique inſultaſſe verbis ex pſalmo 90. petitis, *Super aſpidem, & baſiliſcum ambulabis, & conculcabis leonem, & draconem.* Obiit Alexander III. Tiphernii, III. Cal. Sept. anno 1181. (1)

CLXXI. DEINDE Romanam Eccleſiam rexit Lucius III. antea Humbaldus Allucingolus Lucenſis, qui deceſſorum exemplo civili ſeditione exagitatus adiit Veronam, ubi anno quinto ſui muneris inchoato perſolvit naturæ debitum anno 1185. VIII. Cal. Decembris.

CLXXII. NON abſolvit in Epiſcopatu Romano bien-
nium ſucceſſor Lucii *Urbanus III.* antea Lambertus Cri-
bellus Archiepiſcopus Mediolanenſis. Etenim Venetias migraturus ad claſſem adverſus Turcas comparandam, Ferrariæ triſti accepto nuncio de expugnatis a Saladino Jeruſolymis, conceptoque ex mœrore animi morbo, anno 1187. XIV. Cal. Nov. occubuit.

CLXXIII. AT BREVIOR fuit Pontificatus *Gregorii VIII.* antea Alberti de Mora Beneventani, qui Ferrariæ inaugu-
ratus, adveniens Piſas huius urbis cives cum Genuen-
ſibus conciliaturus, ibi intempeſtivo conſectus eſt morbo,
anno ipſo 1187. die a ſui electione 57. & 17. Decembris.

CLXXIV.

(1) Mendacium eſſe, quod aliqui narrant, Alexandrum Venetiis anno 1177. in veſtibus S. Marci ſuperba tyrannide, & pede ſuper caput ejus impoſito, Federico inſultaſſe, demonſtrat Ven. Baronius ad prædi-
ctum annum numer. 86. Sane Federicum I. humiſſime receptum ab Alexandro conſtat ex Romualdo Archiepiſcopo Salernitano, qui præſens adfuit, ex Chronico Andrew Danduli, & ex Epiſtolis ipſius Alexandri III. Vide Sandinum pag. 384. Oppoſitum tradunt Georgius Luckſeld de Rerum German. Scriptoris pag. 175. Chriſt. Matthiæ pag. 939. Gaſpar Hedion. lib. 10. Hiſt. Eccl. cap. 8. Funcius lib. 4. Chron. Ajunt non-
nulli ſpectatorem fuiſſe huius facti Theodorum Marchionem Miſnæ, qui ad erigendum Imperatorem accurſerit. Mirum fabulæ fidem adhibuiſſe pag. 205. 2. Papirum Maſſonum! De Guilermo Cave 10. ſeculo Valden-
ſi, aliique Proteſtantiſtis eandem adſtruetibus nil dicam aliud, niſi unius Theodori incerto teſtimonio illorum narrationem innoti, noſtram vero notis, integerrimis, & ocularibus teſtibus. Iniqua & illa de Alex-
andro III. Frederici expoſtulatione apud Chriſt. Matthiæ præciat.

Ecece paternæ fides, & magni Præſulis alma
Integritas, humiliſque Petri veſtigia ſeſſans.

Jam non ſerra crucem Domini, ſed trahere regna

Gaudet, & Auguſtus movet, quem Petrus habet.

Plura ibidem leguntur huius ſuſſuris.

CLXXIV. Vix tres Apostolici regiminis expleverat annos *Clemens III.* antea Paulinus Scholarius Episcopus Prænestinus, post obitum Gregorii electus Pisis; quando seditione Romanorum civium composita, e vivis excessit IV. Calend. Apriles anno 1191.

CLXXV. ET SI Hyacinthus Ursinus, dum renunciatus est Pontifex, assumpto nomine *Celestini III.* ageret annum ætatis suæ 85. superstes fuit tamen annis fere septem, & de Christiana republica optime meritis fatiscit anno 1198. VI. Idus Januarias.

CLXXVI. CHRISTIANAM exeunte Seculo XII. moderabatur rempublicam *Innocentius III.* antea Lotharius Comitiss Signiæ Filius, electus statim ac Cælestinus reconditus fuit tumulto. Fuit in utroque Jure doctissimus, potestatis, ac ditionis Pontificiæ vindex acerrimus, Quæstorum Fidei adversus Albigenes primus auctor, & pacis, atque incrementi religionis studiosissimus. Celebratum ab illo IV. Lateranense Concilium, Œcumenicum XII. Istud vero, & Innocentii obitus, qui contigit anno 1216. diæ 16. Julii, ad Seculum spectant Decimumtertium.

PATRIARCHARUM NOMINA.

SUPERIORI Seculo dictum est recuperatam fuisse a Christianis civitatem Sanctam Jerusalem. Series itaque Patriarcharum ejusdem civitatis est iterum assumenda. Eodem anno 1099. captæ urbis electus est *Daibertus* Pisanus, Apostolicæ Sedis Legatus, a Balduino depositus anno 1103. Deinde sederunt Seculo XII. *Ebremaus*, *Gobelinus*, *Arnulphus*, *Germundus*, *Stephanus*, *Vuilelmus*, *Fulcherius*, *Almaricus*, *Heraclius*, *Albertus* Eremita, & *Monachus*, (1) qui decessit anno 1204. Antiochiæ vero, quam Christiani expugnarunt anno 1098. primus sedit usque ad annum 1136. *Bernardus* natione Gallus: postea vero *Rodolphus*, *Aimericus*, & *Rodolphus II.* qui ex hac vita migravit anno 1220.

CA-

(1) Proprium nomen. Ortus fuerat in diocesi Florentina.

C A P U T II.

SYNODORVM SECVLI XII. ELENCHVS.

ROME plura hoc Sæculo celebrata fuere Concilia, eaque præsertim ad abolendum jus a principibus laicis usurpatum conferendi Ecclesiastica beneficia, siue, ut ajunt, investituras, tot schismatum, anathematum, bellorumque originem. Nam eam ob rem superstitè adhuc Paschali II. anno 1102. & rursus anno 1104. 1110. 1112. & 1116. quinque celebrata fuere *Lateranensia Concilia*: quorum primo Henricus IV. rursus sacrorum usu fuit interdictus: altero eadem poena multati regii Consilarii, aliiq; in Anglia investituras exequentes: in tertio item vindicantes sibi Ecclesiasticorum bonorum dispositionem, simulque diripientes res naufragorum diris devoti fuere: in quarto jus dandi investituras, quod per vim Henricus V. extorserat, revocatum est, promulgato in eundem imperatorem anathemate; & in quinto proscriptis item investituris præcedentis Concilii acta confirmata fuerunt. Lateranensibus hisce Synodis definitione ac sententia concordēs fuere, *Jerusalemiana* anno 1111. celebrata præside Conone Apostolicæ Sedis Legato; *Anfana* anno 1112. collecta ab Archiepiscopo Lugdunensi Joanne: *Bellovacensis* anno 1114. in Archiepiscopatu Remensi sub prælaudato Conone: *Capuana*, & *Coloniensis* anno 1118. & *Remensis* anno 1119. In his vero postremis una cum Henrico V. damnatus est Mauritijs cognomento Burdinus, siue Antipapa Gregorius VIII. de quo præced. capite n. 161.

MAGNA de *Investituris* controversia componi cœpit anno 1122. in Concilio Constantiensi adstantibus Legatis Callisti II. atque concordia firmata est, Henrico eique adherentibus ab omni censura absolutis, in Concilio *Lateranensi VI.* & Generali IX. proximo anno 1123. Præfuit Synodo idem Callistus, & interfuerunt Episcopi 300. In Pandulphi Pisani scriptis *nongenti* mendose leguntur. Restituit in his duobus Synodis Henricus Catholicæ Ecclesiæ omnes investituras, quæ per baculum & anulum fieri consueverant, omnemque liberam Ecclesiasticarum dignitatum electionem & consecrationem: & Callistus concessit imperatori, ut electiones Episcoporum & Abbatum regi.

Teutonici fierent eo præsente, absque simonia & violentia; & Electi ab eodem imperatore reciperent *regalia*, idest Feuda per sceptrum, vel signum externum.

PSEUDO-PONTIFICES sequentibus Synodis depositi & damnati fuerunt: Gregorius VIII. anno 1117. in Concilio *Beneventano*, & in Generali Lateranensi nuper laudato. Petrus Leonis, seu Anacletus II. anno 1130. in Concilio *Aniciensi* ad ripam Ligeris: anno 1131. in *Remensi*, cui adfuit Innocentius II. & regi Francorum Ludovico regalem imposuit coronam: anno 1132. in *Placentino*; & anno 1134. in Concilio *Pisano*; in quo etiam depositus fuit Alexander Leodiensis Episcopus Simoniacus, Victor III. Antipapa, & Fridericus imperator, a quo fuerat intrusus, excommunicationis poenam subierunt in Synodo Papiensi anno 1160. & *Lateranensi VIII.* anno 1168. In Veneta anno 1177. in qua Alexander III. & Federicus imperator reconciliati fuerunt, Paschalis III. dejectus est.

HERETICOS proscribere, quæ sequuntur, Concilia: *Florentinum* anno 1105. vanitatis errorisque redarguit illius urbis Episcopum Fluentium effutientem natum jam esse Antichristum, & mundi interitum imminere: Concilium *Lateranense VII.* & X. Generale anno 1139. rescissis Actis pseudopontificis Anacleti II. condemnavit hæresim Arnaldi Brixienfis, Petri de Bruiis, atque his adhaerentium. Præfuit Concilio Innocentius II. & interfuerunt Archiepiscopi & Episcopi mille. Damnatae in hoc etiam Concilio hæresis Simoniaca, Investiturae, & Nicolaitarum turpitudines; iudiciumque anathemæ iis, qui in clericum, aut monachum violentas manus injiciunt. In Senonensi anno 1140. damnata sunt Petri Abaelardi nefaria dogmata; atque in *Jerusolymitano* 1142. proscripti Armeniorum errores. Bogomilos damnavit anno 1143. *Constantinopolitanum* Concilium collectum a Michaelē Oxita Patriarcha, & in *Parisiensi* anno 1147. reprobatum fuerunt errores, de quibus accusabatur Gilbertus Porretanus Episcopus Pictavenfis. Anno demum 1179. in Concilio *Lateranensi IX.* & *Œcumenico XI.* sub Alexandro III. statutis iis, quæ ad Ecclesiasticam attinent disciplinam, ab Episcopis tercentis damnati sunt Valenses, & Albigenes heretici.

E RELIQUIS Synodis notandæ sunt, *Parisiensis* anno 1105. qua Philippus rex, & Bertrada, ob incestas nuptias excommunicati, præstito juramento omnimodæ separationis, impetrarunt absolutionem; *Moguntina* anno

1105. in qua deposito Henrico IV. hujus Filius euectus est ad imperium: *Tarsensis* in Cilicia, in qua anno 1177. Græci Armenique Eutychianam damnarunt pariter hæresim, & ad communionem redierunt: *Abrincatensis* in finibus Normanniæ, ac Britannię, quæ a cæde S. Thomæ Cantuariensi anno 1172. absoluit Henricum II. regem Angliæ; & *Divionensis* in Burgundia, in qua anno 1199. damnatæ fuerunt illicitæ nuptiæ Philippi Francorum regis, qui ducta altera uxore Ingeburgem legitimam conjugem repudiaverat. (1)

CAPUT III.

HÆRESSES SEculi DUODECIMI.

SEQUITUR, ut hæreses describamus. Harum Auctores fuere *Tanchelinus*, *Petrus de Brui*, *Henricus Tolosan*, *Petrus Abaelardus*, *Constantinus Chrysolalus*, *Bogomilus*, *Arnaldus Brixien*, *Gilbertus Porretanus*, *Joachimus Abbas*, & *Petrus Waldo*. De Tanchelino perditissimo homine, tam delirio, ut se Dei filium esse jactaret, ac tam impuro, ut virgines in conspectu parentum, nuptasque coram viris dixerit comprimendas, nil attendendum est aliud, quam illum Anruerpiam claram Brabantię Urbem, & emporium toto orbe celeberrimum corrupisse, sed opportune extinctam pestilentissimam contagionem opera S. Norberti, de quo capite proximo.

PETRUS DE BRUIS, & *Henricus* ejus discipulus circa annum 1140. errores spargebant suos. Nam ad illorum evertendam hæresim Eugenius III. anno 1147. Tolosam misit Albericum Episcopum Ostiensem. Hi vetus Testamentum rejiciebant, baptismum ante usum rationis administratum improbabant, adhærebant Iconoclastis, crucisque frangebant, sacras demoliebantur ædes, psalmodiam, precesque ore prolatas irridebant, Sacrificium Missæ, & Sacerdotum abjiciebant consecrationem. Petrus Anatiłiæ, sive ad Fanum S. Ægidii crematus est.

F 2

Hen-

(1) Jure meritoque prætermisimus Pseudo-concilium Moguntinum anni 1085. in quo statutum fuit obedientiam præstandam esse Antipapæ Guiberto; auctoritatus fuit S. Gregorius VII., & depositi quindecim Episcopi eidem Gregorio adherentes. Agunt de hoc Concilio Conradus. Uspergensis, & Sigebertus in Chronicis; plura autem Leo Hostiensis lib. 5. cap. 70.

Henricus prædicto anno 1147. fuit coniectus in carcerem, ubi decessit.

MEMORAVIMUS superiori Seculo *Bogomilos*, quamdam sectam Manichæorum, horumque ducem Historici ajunt fuisse Basilium medicum, cum suis igni traditum jubente Alexio Comneno. Verum fuit quoque *Bogomilus* monachus, damnatus, ut superiori cap. diximus, anno 1143. in Synodo C. P. cujus meminere perpauci. Ad Manichæorum dogmata addebat dæmones habitare in corporibus defunctorum, quos proinde relinquebat insepultos, effodiendo, & projiciendo extra Ecclesias ossa cineresque fidelium. Fas esse autumabat tondere in monachos etiam copulatos conjugio, & invitos quidem, ac reluctantes, nec verebatur Deo, quem nos colimus, maledicere. Fuit per id temporis *Constantinus Chrysomalus*, duas in homine commentus animas, baptisma parvulorum irridens, exhibendum principibus honorem, ac si diabolo conferretur, execrans, atque id genus ineptiarum nugarumque plenissimus.

PETRUS ABAELARDUS ortus in oppido Palatii diocesis Nannetenfis, post consuetudinem cum Heloïsa, ex qua filium suscepit, & cujus causa a femina consanguineis amputata fuerunt illi virilia (1), S. Dionysii monachus Parisiis effectus, nimis argute de divina Trinitate disputando, aliaque Theologiæ capita pertractando, non evitavit supinos errores, dogmatizans Deum esse prorsus inaspectabilem beatis, castum Dei timorem non futurum in cælis, nullum dari ignorantia peccatum, atque his consimiles errores alios: quos tamen morti proximus dicitur retractasse; immo in Senonensi Concilio anno 1140. S. Bernardo erroris capitula designanti, & asserenti Abaelardum loquentem de Trinitate sapere cum Ario, agentem de gratia sentire cum Pelagio, & de Christi persona scribentem adhærere Nestorio, ipse Abaelardus ad Sedem Apostolicam provocavit, ad quam accessurus præ-

(1) Effectus est Abaelardus procurante Fulberto Canonico Parisiensi cui Heloïsa neptis erat. Hæc ad preces Episcopi Trecentis præfecta fuit insigni virginum monasterio. S. Bernardi de Abaelardo judicium confirmatur Innocentii II. epistola ad Episcopos Galliarum assertiva Lutetiam Parisiorum ad S. Victoris cœnobium. In ea etenim hæc habetur: *Docemus quod in Petri Abaelardi perniciofa doctrina Arit, Manichei, Nestorii, Eutychiani & Dioscori hereses pullulare capiunt; unde universa ipsius Petri perversa dogmata cum suo auctore damnamus, &c.*

peditus est aegritudine, obiitque anno 1142. apud monachos Cluniacenses, a Petro Venerabili cohonestatus amplo, splendidoque Epitaphio (1).

ARNALDUS e Brixia contendebat omnia bona temporalia esse laicorum, & injustissime a Clericis detineri, nec salutem consequi posse Episcopos regalia, & monachos possessiones habentes: quod postea Marsilius Patavinus, Joannes de Iamduno ICC. Waldenses, Hussitæ, & alii hæretici propugnarunt. Arnaldus vero Roma expulsus sub Hadriano IV. captus est in finibus Hetruriæ,

Appensusque cruci, flammaque cremante solutus,
ut lib. 3. de Gestis Federici inquit Gunterus.

GILBERTUS Porretanus, cum Deum a Deitate, & relationes divinas ab essentia distingui affirmasset, istorum articulorum damnationi factæ anno 1147. in Synodo Parisiensi, & sequenti anno in Remensi præsentate Eugenio III. sponte læciterque subscripsit, Pictavensi Ecclesiæ ob hanc laudabilem demissionem honorifice restitutus. Etiam Joachimus abbas Calaber de Trinitate non recte sensit; negavit enim divinas personas esse revera unum, & idem cum divina natura; sed post ejus obitum, cui proximus scripta sua judicio Sedis Apostolicæ subjecit, vetuit Honorius III. Innocentii III. successor, ne hæresis nota infametur.

WALDENSIUM Secta erupit anno 1160. cum Petrus Waldus Lugdunensis, sociorum suorum uno repentina morte sublato, perterritus ceteros ad Evangelicam paupertatem sectandam hortatione exemploque perduxit. Hinc Waldenses appellati etiam sunt Pauperes de Lugduno, Cathari, seu Puritani, in Sabaudia autem & Pedemonii vallibus *les Barbets*. His conjuncti sunt Albigenenses, nomen sortiti ab Alba Helviorum, seu Albiga Gallia urbe, in qua frequentissimi infederunt. (2) Non divitiarum contemptus, sed hæresion portenta, in Waldensibus, & Albigenensibus reprehenduntur. Etenim Ecclesiam Romanam a Silvestri temporibus defecisse, ac modo esse vitiorum omnium fentinam, jejunia, ritus, indulgentias, obedientiam, Ecclesiasticis Prælatibus exhibendam, juramentum res esse

F 3

inu-

(1) Epitaphium Petri Abaelardi, ut habetur apud Caveum in Seculo Valdensi, ita clauditur,

Est satis in summo, Petrus hic jacet Abailardus,

Cui soli parvis scibile quidquid erat.

Ibidem ob isse dicitur XI. Kalendas Majas.

(2) De his rursus proximo Seculo XIII.

inutiles, & interdictas, nullum dari Sacramentum præter Baptismum, & Eucharistiam, hanc etiam a laicis confici sola recitatione orationis Dominicæ, & Sacerdotes in grave peccatum lapsos consecrandi amittere potestatem, sunt dogmata Waldensibus & Albigenibus communia. Fleurius ad annum 1184. scribit Waldenses initio errasse in eo duntaxat; quod paupertatem desiderem, & fanaticam profitebantur, spernebantque Ecclesiasticam potestatem. At paulatim ex crescere errorum monstra, & facile improbos convenire, experimento compertum est. *Sabatatos, & insabatatos* quidam dixerunt, non quod in Sabbato judaizarent, ut commenti sunt aliqui; sed quod ob nimiam paupertatem calceos deferrent ligneos, quos Galli vocant *Sabots*.

IN PRÆLAUDATO Concilio Remensi anno 1147. demeritæ potius, quam hæresis laborare malitia visus est *Eudon* quidam, Gallice *Eon*: qui sæpe in Ecclesia audiens clausulam illam Exorcismorum, *Per eum, qui judicaturus est vivos & mortuos*, se futurum esse universorum iudicem prædicabat: & quod nemo satis mirabitur, tam infana, & absurda vendicans, magnam Vasconiz atque Armorizæ, sive Britanniz minoris partem corruperat. Quidam denique Seculo XII. ostentantes vitæ integritatem, omniaque exercentes exterioris pietatis officia, & se *Apostolicos* nominantes, abhorebant a nuptiis, & nihilominus mulieribus turpi concubitu frequentissime miscebantur; quamobrem illos exagitat ac perstringit S. Bernardus sermone 66. in Cantica. Atque de hæresibus hætenus (1).

CA-

(1) Erupit Seculo XII. nova hæresis *Catharorum*, longe ab ea diversa, quæ emerfit Seculo III., aliter vocata Novatianorum. Horum Catharorum meminit ad annum 1163. Trithemius in Chronica Hirsaugiensi, ubi refutatos ait ab Ecberto Abbate S. Florini, & a S. Hildegarde. Dicitur ab Ughello in Archiepiscopis Mediolanensibus ab an. 1173. Galdinum rediisse Catharorum hæresi bellum indixisse. At *Catharorum* nomen iis omnibus, qui se puros, probosque Christianos iactarunt, commune est. Hi Cathari, ut apud D. Acherium tom. 3. Spicilegii refert *Bonacursus*, qui Mediolani fuerat illorum magister, dogmatizabant, diabolum divisisse elementa, creasse hominem de limo terræ, vi in illum intrusisse angelum lucis, concubuisse cum Eva, & genuisse Caim, ex huius sanguine procreatos fuisse canes, omnia fere, quæ in Veteri Testamento narrantur, diabolo auctore evenisse. Addebant ad hæc, abique veterum Manicheorum deliramenta, crucis signum esse characterem bestiz, Silvestrum fuisse Antichristum, defecisse ab illius ætate Ecclesiam. Negabant Christum ea, quæ de ipso narrantur, fecisse, nisi apparenter, ejusque cum Arianis impugnabant divinitatem. Omnes manducantes carnem animalium, ova, caseumque damnari asseriebant. Hi *Cathari* videntur esse progenitores *Albigensium*, de quibus proximo Seculo XIII. & paulo supra in *Faldensibus*.

SCRIPTORES ECCLESIASTICI SECVLI DUODECIMI.

CCXL. CIRCVTER enumerat Secvlum, in quo versamur, Scriptores: Digni sunt, quorum recolatur memoria, saltem XXIII. tribus additis lectissimis Feminis, quamvis nec ceteri flocci habendi sint, ac spernendi.

HORVM itaque primus est *Leo Mariscanus* a patria *Lutaniae* urbe ita appellatus, monachus *Cassinensis*, & *S. R. E.* Cardinalis; qui monasterii sui *Chronicon* edidit, obiitque post annum 1115. Secernendus est autem ab alio *Leone* *Cassinensi* item monacho & Cardinali, a quo editum fuit *Epistolarum PP. RR.* Regestum, Sequitur *Sigebertus* monachus *Gemblacensis* (1), praelari in *Belgio*, seu finibus *Brabantiae* coenobii, scriptor *Chronici* ab anno 381. ad annum 1112. libri de *Scriptoribus Ecclesiasticis*, & alterius de *Gestis Abbatum Gemblacensium*. E vivis sublatu est anno 1113. Tertiū locum damus *Ruperto Abbati Tuitiensi* ad ulteriorem *Rheni* ripam, & e regione *Coloniae Agrippinae*: quem conscriptis in utrumque *Testamentum* *Commentariis* plurimis, de divinis *Officiis*, *dialogis Asceticis*, aliisque libris multiplicis argumenti, rapuit inexorabile fatum anno 1135.

QUARTO laudandus mihi foret, si facundia, ac tempus adestet, *S. Bernardus*, ortus anno 1091. in *Gallia Celtica*, seu *Burgundia*, non procul a *Divione*, amplexus cum adolescentibus aliis supra 30. institutum *Cisterciense*. *Innocentii II.*, ad cuius obedientiam anno 1135. perduxit *S. Guilelmum* ducem *Aquitaniae*, contra *Anacletum* invictae partes tutatus, *Petri Abaelardi*, *Gilberti Porretani*, *Petrobruisianorum*, & *Apostolicorum* strenuus impugnator; sermonum, *Epistolarum*, variorum *Tractatum*, moralium institutionum, hymnorum quoque, Odarumque, quibus universam ferme sacram eruditionem complectitur, auctor egregius, atque a styli fluiditate & dulcedine dictus *Mellissimus*. Migravit ad superos anno 1153. post erecta *Ordinis* sui monasteria 160.

F 4

Oc-

(1) *Sigebertus* *Henrico IV.* adversus *Romanos Pontifices S. Gregorium VII.* & *Paschalem II.* dicitur adhæsisse. Scripsit & *Chronicon* *Otho Frisingensis*, cuius urbis pars amplior igne consumpta octavo post obitum *Chronographi* mense anno 1159. *Honorius* itidem *Augustodunensis* *Chronicon* usque ad annum 1138. perduxit: ejusque hoc eodem capite *Ecclesiastica Scripta* recensemus.

OCcurrunt modo duo Græci, *Euthymius Zigabenus* monachus C. P. & *Nicetas Byzantinus*, quorum unus edidit *Commentaria* in Sacros libros, & *Panopliam* adversus hæreses; alter tractatum *Apologeticum* pro Synodo Chalcedonensi. Floruit autem uterque circa annum 1120. Quæ ætate Græco item annales, epistolæ, variosque tractatus conscripsit *Michael Glycas* natione Siculus.

TRES ordine servato sequuntur inter Latinos percelebres, *Hugo de S. Victore*, *Honorius Augustodunensis*, & *Petrus Mauricius* cognomento *Venerabilis*. Atque *Hugo*, quem alii dixere Saxonem, alii Belgam, & Ipreensem, Canonicus Ord. S. P. Augustini, & ipsius *Augustini* lingua vocatus, adnotationibus in Sacros libros, sententiarum summa, institutionibus religiosæ vitæ, librisque compluribus Theologicis, & philosophicis, & liturgicis præclarissimus, obiit florida adhuc ætate anno 1140. *Honorius* dictus Solitarius eodem tempore floruit, scripsitque *Gemma* animæ, de officio & ceremoniis Missæ, de Luminaribus Ecclesiæ, idest, Scriptoribus visisque illustribus, de Romanis Pontificibus, Synopsis mundi, ac de Prædestinatione & libero arbitrio: & *Petrus Venerabilis* appellatus ob morum honestatem, abbas Cluniacensis, contra Judæorum perviciam, adversus Saracenos, hæreticosque, & in statutis Cluniacensibus, in Rithmis hymnisque studium impendit, o vita excedens anno 1156.

SINGULARI commemoratione recolendus est *S. Norbertus* Præmonstratensium Parens, & Archiepiscopus Magdeburgensis, quem diximus oppugnasse Antuerpiæ hæresiarum impurissimum Tanchelinum, quod contigit circa annum 1126. quamvis unum tantum Sermonem Norberti exhortatorium ad Fratres exhibeat nobis vicesimum primum Bibliothecæ Patrum volumen.

RECENSENDI nunc *Gratianus*, *Petrus Lombardus*, *Joannes Sarisburiensis*, & *Hugo Etherianus*; Primus patria Clunias, sed monachus cœnobii S. Felicis Bononiæ, scripsit *Collectionem Canonum*, sive *Decretum* in partes tres distributum. Complectitur pars una dist. 101. altera causas 36. quarum singulæ varias continent quæstiones; & pars tertia agit de Consecratione distinctionibus 5. Approbavit Gratiani *Decretum* anno 1151. *Eugenius III.* atque iussit, ut publice in Academiis legeretur. *Petrus Lombardus* patria Novariensis, & Parisiensis Archiepiscopus, a quatuor sententiarum libris, in quos tot com-

mentaria ediderunt Doctores Scholastici, vulgo appellatus *Magister Sententiarum*, scripsit quoque Glossas Psalmorum, & Epistolarum, ut inquit illius Epitaphium. Emortualis ei annus 1164. (1) *Joannes* Sarisberie in Anglia ortus, de nugis Philosophorum, de omni re philologica, de Epistolis S. Pauli, de rebus gestis SS. Thomæ, & Anselmi Cantuariensium, ac supra 200. epistolas scripsit erudite, eleganterque: addidit venustum Poema inscriptum *Eutheticon*; obiitque mortem anno 1182. *Hugo* autem *Ethervianus* Etruscus labente Seculo Constantinopoli, ubi plurima Manuelis Imp. gratia fruebatur, ad Alexandrum III. scripsit contra errores Græcorum, & pertractavit quoque erudite de regressu animarum.

S. THOMAS nuperrime laudatus, & coronatus martyrio anno 1170. scripsit Epistolarum libros 6. quas edicavit noster Christianus Lupus. Secernendus est autem a *Thoma Anglo*, qui conscripsit Historiam cœnobii Elvensis, vita functus circa annum 1195.

LAUDANDI nunc *Richardus a S. Victore*, & Petri duo, *Blesensis*, & *Cellensis*. *Richardus* Scotus Canonicus Regularis permulta scripsit Asectica, Theologica, & Exegetica, (2) obiitque Parisiis anno 1173. *Petrus Blesensis* Anglus soluta oratione de Sacramento Pœnitentiæ, & metro de Eucharistia, aliæque doctè sollerterque conscripsit, extinctus circa annum 1200. Ac *Petrus Cellensis* ex monacho Carnotensis Episcopus, epistolis ac sermonibus, aliisque spectantibus ad disciplinam claustralem conscriptis, naturæ concessit anno 1187.

COMPLEMENT præfixum XXIII. numerum duo Latini, quos superiori memoravimus capite, *Petrus Abaelardus*, & *Gilbertus Porretanus*, ac duo Græci, *Constantinus Manasses*, & *Theo-*

(1) Addendus *Petrus Comestor* Trecentis, auctor Historiæ Scholasticæ, Canonicus Reg. S. Victoris Paris. Obiisse aliqui scribunt an. 1160. sed revera obiit an. 1198. legitur ejus Epitaphium, quod sequitur;

*Petrus erat, quem petra tegis; dissusque Comestor,
Nunc comeder vermis; docui, nunc cesso docere.*

Quod sumus, isto suis; possidet erimus quod hic est.

Item addendus *Hildebertus* creatus Archiepiscopus Turonensis ab Honorio II. *Arnulphus* Archidiaconus Sagienensis, qui scripsit de Schismate orto post decessum ejusdem Honorii. *Anselmus* Episcopus Havelbergensis, qui pertractavit de Latinorum, Græcorumque controversiis, sedente Eugenio III. &c.

(2) *Exegetica* dicimus scripta, quibus divini libri explanantur, a Græco vocabulo *ἐξηγημα*, quod idem significat, ac *interpreter*, *expono*.

Theodorus Balsamon. Constantinus Historias in compendium redegit a mundi initio usque ad annum 1181. unde illius colligitur ætas. *Theodorus* vero C. P. collectis Ecclesiasticis Constitutionibus, editisque Commentariis in Canones Apostolicos, & in Nomocanonem Photii, ad annum usque 1203. quo Latini occuparunt Constantinopolim, vitam protraxit (1). Expletum tamen numerum amplificarent, si agendum foret de singulis, bene multi, *Guibertus* Normannus, *Theodorus* Syrus, *Theodoricus* Episcopus Leodiensis, *Berengosus* Abbas, *Laurentius* Veronensis, *Guido* Carthusianus, *Eadmerus*, sive. *Emundus* monachus Anglus, *Simeon* itidem Anglus, *Wilhelmus* monachus Malmsburiensis, *Guilelmus* Claravallensis, *Philippus* Eleemosynarius Abbas Bonæ Spei in Hannonia, *Constantinus* Hermenopolus, *Arnoldus* Carnotensis Abbas Bonævallis, *Eustachius* Thessalonicensis, *Andronicus* Comnenus Byzantinus, *Joannes Zonaras*, *Radulpus* decanus Londinensis, *Balduinus* pariter Anglus, *Stephanus* Aurelianensis, &c.

POSTREMO tres mihi laudandæ sunt Feminae. Harum prima est *Anna Comnena* filia Alexii Comneni Imp. & Irenis, quæ circa annum 1148. elegantissime scripsit libros 15. historiarum ab anno 1069. usque ad annum 1118. Altera *S. Hildegardes* abbatissa monasterii S. Ruperti ad Bingham prope Rhenum, cujus Revelationum libros 8. approbarunt Eugenius III. alique Pontifices. Ad cælestem Sponsam migravit anno 1186. Tertia est *S. Elisabeth* abbatissa Sconhaugensis in diocesi Trevirensi; quæ obiit anno ætatis suæ 36., Christi 1165., conscriptis per multis epistolis, librisque tribus Revelationum.

CA

(1) *Theodorus Balsamon* confundendus non est cum *Antiocho Balsamone*. Is enim composuit *πρόχειρον νόμον*, *Prompsiarium Legum*, vixitque, ut fertur, superiori seculo XI. circa eadem tempora, quibus floruit *Michael Psellus*, de quo in Adnotat. ad caput 4. ejusdem Seculi undecimi. At *Theodorus Balsamon*, vir proculdubio doctissimus, claruit imperante *Isacio*, de quo infra capite 5. Ex præposito Ecclesiæ B. Virginis ad *Blasernas* extra monia C. P. electus est Patriarcha Antiochenus. Huius doctrinam commendans nullatenus ea adprobo, nec laudo, quæ scripsit adversus Latinos, & contra Romanam Ecclesiam.

IMPERATORUM, SANCTORUMQUE CATALOGUS.

HENRICUS V. Henrici IV. (1) & Berthæ filius, assumpto contra parentem imperio anno 1105. post illius obitum, qui contigit anno proximo, imperavit annis 19. & e vivis excessit anno 1125. nulla prole ex Mathilde conjuge, præter filiam Christianam nomine, suscepta. Anno 1111. Romam profectus vi, & armis a Paschali II. investituræ extorsit, & in Germaniam rediens Patri iusta persolvit. Revocatis deinde in Synodo Lateranensi privilegiis ei violenter concessis, Romam reversus est iratus & furens, & Gelasio II. a quo percussus est anathemate, surrogavit Mauritium Burdinum, hoc est, Gregorium VIII. pseudopontificem. Ab isto rursus, quod acceperat a Paschali, recepit imperiale diadema. Reconciliatus est tamen anno 1122. Apostolicæ Sedi.

SUCCESSIT Henrico anno 1125. *Lotharius II.* dux Saxonum, quem anno 1133. coronavit Innocentius II. Rogerium Siciliæ regem eidem Innocentio adversantem, & antipapæ Anacleto adhærentem, semel iterumque devicit, sed vitare non potuit mortis arma, quibus prope Tridentum vili in tugurio, dum repeteret Germaniam, anno 1137. coactus est cedere die 3. Decembris (2).

ELECTUS deinde est *Conradus III.* nepos Henrici V. ex sorore. Repressit rebelles, Henricum Saxonie & Bavarie Ducem, & hujus filium Guelphum. Filium habuit Henricum ex Geltrude susceptum, ante parentes extinctum. Is contra Guelphum, pro Genitore pugnavit: & exortum fuisse *Guelphi*, & *Gibellini*, factio armigera & diuturna. Et Guelphi quidem a memorato Henrici filio, Gibellini ab urbe *Geblinga* (3), ubi Henricus

(1) In quibusdam Diplomatis appellatur Henricus IV. a pluribus Historicis V. inter Reges Germanie, & IV. inter Imperatores. Vide præced. Sec. cap. V.

(2) Obiisse quidam ajunt die 4. Decembris, alii die 6. sed liquet dies emortalis ex ejus Epitaphio, in quo legitur in monasterio prope Brucksum, quo illius cadaver Henricus cognomento *Superbus* translulit: legitur, inquam,

Exiit membris, heu, trina luce Decembris.

Tugurium ubi decessit in valle Tridentina situm erat inter *Ænum* & *Lycum* fluvios.

(3) Ita Historici quidam. Conradus autem in Chronico. Lurishamensi cognominatur *de Weibelingen*. Hinc puto Gibellinos nomen duxisse suum.

ricus Conradi Filius fuerat ablactatus, nomen traxere. Conradus e Palæstina reversus Bambergæ in Franconia obiit anno 1152. die Februarii 15. & in monumento S. Henrici I. recondi meruit.

FRIDERICUS ÆNOBARBUS (1) Conradi nepos, electus est eodem anno 1152. die 4. Martii, coronatus primum ab Arnolde Colonienſi Archiepiſcopo, Aquisgran, deinde ab Hadriano IV. R. P. Verum huic offensus propter privilegia concessa Guillelmo Siciliæ regi, pertinaciter adheret Schismati, quod per annos duodeviginti turbavit Ecclesiam. Recole dicta cap. 1. numer. 170. Anno demum 1177. inter Imperium ac Sacerdotium Venetis inita est concordia: ac Fredericus ad Sacram expeditionem contra Saladinum profectus, anno 1190. in amne, cui *Ferri* nomen, in Cilicia, sive Caramania, die 10. Junii nimium fugiens calorem, mortifero extinctus est frigore.

EODEM anno 1190. imperium auspicatus est *Henricus VI.* Frederici & Beatricis filius. Coronatus est anno proximo a Callisto III. Is devicta Sicilia, aut veneno, aut vi frigoris attracti inter venandum apud gelidissimum fontem cubando, periit Messanæ anno 1197. die 28. Septembris, invisus magnopere Siculis.

AB HOC tempore usque ad annum 1208. incertus fuit Occidentis Imperator; in duas enim partes divisi Germaniæ procures, alii elegerunt *Philippum* ejusdem Henrici fratrem, alii vero *Othonem* filium Ducis Saxonie. At predicto anno 1208. Philippus Bambergæ ab Othone Palatino de Witelspach pugione per insidias confossus est: atque ex eo tempore solus imperavit *Otho*, qui est hujus nominis IV.

IN ORIENTE *Alexius Comnenus* imperium administravit usque ad an. 1118. Deinde usque ad annum 1143. Alexii

(1) *Fridericus I. a rufa barba Ænobarbus, Italis Barbarossa vocatus. Ita quoque appellabatur Cn. Domitius a barba anni, seu aheni coloris. Hujus emblemata desumptum ex Thucydide, Qui nescit dissimulare, nescit imperare: ait enim Thucydides, καὶ δὲ δὴ αὐτοῦ τοῦ ἀνοῦρτος ἀρχεῖν. Flumen, ejus frigore interit, ab aliis dicitur *Serres*. Idem esse fertur cum *Cidno*, in quo post æstum Alexander Magnus se lavans vix periculum mortis vitavit. In urbe Tyro Cadaver Frederici sepultum. Tyrum post duodecim obsidionis annos expugnavit delevitque Nabuchodonosor. Postea flammis Alexander consumpsit, alio tamen situ post expugnationem regis Assyriorum ædificatam. Vide cap. 26. Ezechielis.*

xii filius *Joannes Comnenus*. Tum ad annum 1180. *Manuel* Joannis filius. Postmodum *Alexius* a Manuele genitus, puer annorum duodecim, ab Andronico illius tutore anno 1183. crudelissime trucidatus. Post *Alexium* imperium biennio tenuit ipse parricida *Andronicus*, anno 1185. a furente plebe affectus ignominia, excruciat, & cæsus. Salutat, tunc Imperator *Isaacius Angelus*, decimo post anno, nempe 1195. a proprio fratre *Alexio-Angelo* exæcatus, & coniectus in carcerem. *Alexius-Angelus* anno 1203. a nepote suo *Alexio* Juniore, filio *Isaaci* Angeli, depositus est, & e throno dejectus.

PRÆTER *S. Bernardum* abbatem *Claravallensem*, ac Doctorem mellissimum, alii ejusdem nominis sanctitate conspicui claruerunt, maxime *S. Bernardus* Florentinus ex nobili Ubertorum gente, septimus monachorum *Valisumbrotæ* Generalis, primus abbas cœnobii *S. Salvii* prope Florentiam, *S. R. E.* Cardinalis, & *Parmensis* Episcopus; & *Bernardus* *Tironensis* in Gallia Celtica Abbas, regibus atque optimatibus acceptissimus, & magnæ sanctitatis fama in Aquitania, in Burgundia, & in Anglia. In Sanctorum autem Episcoporum cœtu connumerantur *Anselmus* *Cantuariensis*, *Gothofridus* *Ambianensis*, *Otho* *Bambergensis* Apostolus *Pomeraniæ*, *Anthelmus* *Belicensis* in Sabaudia, *Bruno* *Signinus* in Latio, *Albertus* *Leodiensis*, *Hugo* *Lindunensis* in Anglia, *Beno* *Misnensis* in Saxonia, *Petrus* institutor *Congregationis Cellensis* Episcopus *Palæocastri*, *Bertradius* Episcopus *Convenarum* in Vasconia, *Laurentius* Archiepiscopus *Dublinensis*, *Petrus* *Tarantasiæ* in Sabaudia, seu *Fori-Claudii*, & *Galdinus* *Mediolanensis*.

ET MONASTICÆ vero, & eremiticæ vitæ asperitate ad cœlestia gaudia transierunt, *Stephanus* *Grandemontensis* Familiae Parens, *Malachias* monachus, & Primas *Hiberniæ*, *Famianus* *Cisterciensis*, *Guilelmus* *IX.* dux *Aquitaniæ* eremi cultor rigidissimus, *Guilelmus* alter institutor *Guilelmitarum* (1), *Hugo* *Cluniacensis*, *Gerardus* frater *S. Ber-*

(1) Hi *Guilelmi* imperite a pluribus confunduntur. Quem *Augustinenses* colunt IV. Idus Februarias, decessisse Historici ejusdem Ordinis, aliique tradunt anno Vulgaris *Æræ* 1157. Locus dormitionis ejus in horrida Senensis ditionis solitudine, olim *Stabulum Rhodis*, nunc *Sancti Guilelmi* appellatur Eremitus. Fama est silvam etiam incoluisse non procul ab Aufure, & a Fano *Herculis Etruriæ* oppido. De *S. Norberto* Episcopo *Magdeburgensi* seq. capite 6. *S. Galgenus* civis *Senensis* obiit anno 1187.

S. Bernardi, *Gilbertus* & *Godricus* natione Angli, alique complures. Nec prætermittendi sunt viri principis virtute magis, quam sanguinis claritudine celebrandi, *Henricus* nempe rex Sveciæ, *Leopoldus* Pius Austriæ dominus, *Canutus* alter rex Daniæ, & *Ida* Gothofredi Bullionis parens sanctissima. Addamus martyribus tres pueros a Judæis enecatos, nempe *Guilelmum* anno 1146. affixum Cruci in Anglia, *Richardum* anno 1179. in Galliis eodem affectum supplicio, & *Robertum* anno 1181. item in Galliis a proprio patre suffocatum. Addamus ex femineo sexu *Hombelinam* S. Bernardi sororem, atque ex laicorum numero *Cremonensem* civem *Homobonum*.

CAPUT VI.

HUIUS SEculi DOGMATA, ET DISCIPLINA.

NULLAM esse in re distinctionem inter Deum & deitatis substantiam, adeo perspicuum est ex ipsa divinitatis idea, ut non percipiam, quomodo oppositum in mentem Gilberti venire potuerit. Graduum discrimen in ipsa deitatis natura tribus communi personis, si affirmavit *Abaelardus*, huius dogma prædamnaverät in Arianis, sibi que semper constans, recte iterum damnavit Ecclesia. Christus *filium hominis* sese appellavit, natum ex muliere, & factum ex *semine David* tradit Apostolus; & qui proprie non esse dicendum hominem autumarunt, ab Ecclesiæ incunabulis Joannes appellavit antichristos: eosque merito XII. seculo execrabatur S. Bernardus. Contrahi ab omnibus, qui carnali generatione procreantur ex Adam, originale peccatum, huiusque reatum solvi Sacramento Baptismatis, ut quinto Seculo, ita duodecimo declaravit Ecclesia. Atque idem statuit de gratia, sine qua liberum arbitrium vitare nequit peccata. Dari ignorantia peccata, quæ sibi non imputari orabat S. David, Romanam Ecclesiam fidei servasse depositum, cunctaque ejus dogmata, ut singula verbo comprehendam, firmissima esse, Apostolica, atque divina, suadet etiam atque etiam damnatio hæreseon, quas tertio capite memoravimus.

FREQUENTES fuerunt hoc Seculo Episcoporum recursus ad Apostolicam Sedem; nam adversus investituras ad Palchalem II. accessere Otho Bambergensis, Anselmus Can-

tuariensis, & Ivo Carnotensis. Ab Innocentio II. pal-
lium petiit S. Malachias Archiepiscopus Armachanus. Ad
Eugenii III. Judicium delatus fuit error Gilberti Por-
retani. Lucio II. Alphonfus rex Lusitanæ regnum suum
reddidit vestigale. Colonienfis, & Moguntini Archie-
piscoporum causa apud Eugenium III. fuit actitata; &
Alexandro III. Parisios proficiscenti pedes osculatus est
rex Ludovicus: eidem Venetiis subiecit se Imperator
Fridericus, ad eundem confugit ob Ecclesiasticam li-
bertatem tuendam contra Henricum II. regem Angliæ
S. Thomas Cantuariensis. Habuit itaque inter tanta
discrimina, & schismata Romanus Pontifex debitam a
principibus, & a præsulibus venerationem.

CANONIZATIONES Sanctorum ampliori, quam antea,
solemnitate fuerunt peractæ, Conradi Constantienfis a
Callisto II. Gothardi Saxonis, & Hugonis Gratianopo-
litani ab Innocentio II. Henrici Imperatoris, Eduardi
Anglorum regis, Thomæ Episcopi & Marty-
ris, & Bernardi Abbatis, necnon Theobaldi Ere-
mitæ Vicetini ab Alexandro III. Stephani Grandemon-
tensis, & Othonis Bambergensis a Clemente III. Petri
Episcopi Tarantasiæ, Ubaldi Eugubini, Joannis Gual-
berti Abbatis, Ladislai regis, aliorumque a Cælestino
III. Homoboni Cremonensis, & Cunegundis Impera-
tricis ab Innocentio III. Canonizationem Caroli Ma-
gni factam a Paschali III. Pseudopontifice nunquam ap-
probavit Romana Ecclesia, ut diximus Seculo IX. Cap.
5. Colitur enim tantummodo inter Beatos.

FUERUNT nonnulli, qui ceperunt aquam vino admisce-
re antè Missæ initium ob controversiam hoc Seculo exor-
tam, an aqua immediate in vinum, an in Christi sangui-
nem convertatur: in qua priorem sententiam propugnant
Thomistæ: in alteram propendere videtur Innocentius
III. de Celebratione Missarum. Quidam putant opinio-
nem hanc postremam comprobari miraculo, quod ad
annum 1192. referunt Baronius, ac Pagius. Qui aquam
in vinum verti negant, & solam adstruunt liquidorum
permixtionem, non admodum quæstionibus hujusmodi com-
moventur. De baptismo autem, quod Agareni ad abi-
gendum foetorem, & dæmones expellendos, conferri in-
fantibus suis petebant a presbyteris orthodoxis, quidquid
Græci in Synodo CP. statuerint, tenendum est, modo ba-
ptizantes Evangelicis verbis illud contulerint, ratum fuisse,
nec

nec repetendum, quamvis recta non fuerit intentio parentum. Secus dicendum de baptismo Turcarum, administrato absque formula in Evangelio præscripta. Vide ad annum 1148. Venerabilem Baronium.

INCREMENTA habuit hoc XII. Seculo Monastica disciplina. Institutus enim fuit anno 1120. Ordo Canonico-rum Præmonstratensium a S. Norberto (1): anno 1152. Congregatio Monachorum Montis Virginis in Regno Neapolitano a S. Guilelmo Vercellenſi: anno 1155. Congregatio Guilelmitarum: anno 1197. Ordo SS. Trinitatis Redemptionis captivorum a S. Joanne de Matha, & a S. Felice de Valois; cujus Instituti Fratres in Gallia *Mathurini* appellantur (2). Plures item instituti fuerunt Equitum Ordines, inter quos Jerosolymitani S. Joannis Eleemosynarii anno 1104. Templarii ann. 1118. aut sequenti, Calatravæ in Hispania anno 1158. Teutonicæ in Alemannia anno 1191. Sancti Spiritus Agarthopolis, seu Montis-Pessuli anno 1198. Templariorum Ordo in Concilio Viennensi anno 1311. sub Clemente V. extinctus fuit. Jerosolymitani (3) S. Joannis, expugnatis anno 1187. a Saladino Jerosolymis, Marathon Syriæ, deinde Acam, olim Ptolemaidem Phœnicæ urbem migrarunt, hinc autem anno 1290. Amathum, seu Limissum civitatem Cypri maritimam: insulam Rhodon anno 1310. occuparunt: Hinc discedentes anno 1523. Viterbii a Clemente VII. fuerunt recepti. Melitenſem maris Africi insulam ab Imperatore Carolo V. anno 1530. acceperunt.

A P P E N D I X.

EXTERNARUM RERUM SYNOPSIS.

VITA functo anno 1108. Philippo I. Galliarum rege, successit patri *Ludovicus VI.* cognomento *Cra-*

(1) Obiit S. Norbertus anno 1134.

(2) *Theodorus Balsamon*, de quo supra capite 4. commemorat Monachos *Rasphoros*. Etenim inter Opera Theodori editæ Gr. Lat. a Cotelerio, extat tom. 3. *Epistola ad Theodosium Abbatem de Monachis Rasphoris*. Ita dicti sunt, quoniam pannu raso, non hirsu, aut villosa tunica induebantur.

(3) Confirmati fuerunt ab Honorio II. anno 1124 & primus Ordinis Magister fuit Raymundus Podius. Florentinus dicitur a quibusdam Historicis. Lucensem fuisse puto. Lucæ enim etiamnum viget Podiorum Gens nobilissima.

Crassus. Huic extincto anno 1137. successit *est Ludovicus VII.* Quo e vivis sublato anno 1180. regnavit usque ad annum 1223. *Philippus II.* cognominatus Augustus.

Post obitum Alphonfi VI. Castellæ regnum ab anno 1109. administravit usque ad annum 1122. *Urraca* ejus filia: tum usque ad annum 1157. *Urracæ Filius Alphonfus VII.* Tum *Sanctius III.* ad annum usque 1158. uno nempe anno dumtaxat. Postea *Alphonfus VIII.* usque ad annum 1214. In regno autem Legionensi regnavit, *Ferdinandus II.* usque ad annum 1188. cui successit Filius *Alphonfus IX.* qui sceptrum tenuit, usque ad annum 1231. In Navarra post Petrum filium Sanctii V. (1) regnaverunt Seculo XII. *Alphonfus, Garfias VI. Sanctius VII. Sanctius VIII.* atque in Aragonia post Petrum I. filium Sanctii I. *Alphonfus I.* idem ac rex Navarræ, *Ramirus II. Petronilla, Alphonfus II. & Petrus II.* (2)

GOTHOFREDUS primus rex Jerosolymorum, subacta Lycaonia, Cilicia, Cappadocia, Mesopotamia, atque ditio-
ne sua ad Arabiam usque protracta, decessit cum omni-
um mœrore anno 1100. Ei in regno successit *Balduinus*
frater (3) qui anno 1104. potitus est Ptolemaidis, auxi-
lium ferentibus Genuensium triremibus. Anno autem 1109.
& sequenti idem *Balduinus* expugnavit Byblum, Tripo-
lim, Berythum, & Sidon. Fatis *Balduinus* cessit anno
1118. eique successit *Balduinus II. de Burgo*, illius
affinis, & Comes Edessæ. Cæsus anno 1119. a Saracenis
Rogerius prætor Antiochenus. At rex *Balduinus* hanc cæ-
dem ultus est die proxima, hostes Antiochia expulit, &
principatum Antiochenum conjunxit regno Jerosolymitano.
Veneti insequenti anno 1120. Saracenorum classem supe-
rarunt. Verum *Balduinus* a Sultano *Barac*, Solimani
nepote, prælio superatus & captus, arctissimis constri-
ctus est vinculis. Liberatus est anno proximo, quo MMM.

Tom. II.

G

Chri-

(1) Vide Appendicem superioris Seculi XI.

(2) In Anglia an. 1135. obiit *Henricus I.* Anno 1154. *Stephanus*. Anno 1189. *Henricus II.* Anno 1199. *Richardus I.* Regnavit tum *Joannes* nuncupatus *Senzaterra*. Decessit in Polonia an. 1139. *Boleslaus II.* 1146. *Ladislavus II.* 1173. *Boleslaus III.* Anno 1202. *Micislavus. Casimirus* 1194.

(3) *Balduinus I.* dono misit Genuensibus pretiosam patinam, in qua fertur Dominus postremum Pascha celebrasse. A quodam Syro, aut Graeco, magno pretio a Balduino redemptam ajunt. At deceptum regem fraude venditoris, post Joannem Baptistam Labat Ord. Prædicat. *Mosheim*, alique tradunt.

Christianorum fuderunt exercitum Saracenorum LX. M. Opportune superveniens Veneta classis Saracenos e portu Joppe, nunc Zaffae, anno 1123. fugavit: anno autem sequenti Tyrum amplissimam olim & munitissimam urbem expugnavit Veneti; atque ad Jerapolim, nunc Alep-pum, Joscelinus superavit, & occidit *Balac* Turcarum regem. Apameam anno 1126. Balduinus in suam redegit potestatem; aliisque onustus victoriis cessit fato anno 1131. & illi successit *Fulco* Andegavensis. Is obiit anno 1142. succedente patri *Balduino III.* cum matre sua *Mel-lifenda*. Duce *Sanguigno* Aleppi principe, & Armenii cujusdam proditione, Turcæ anno 1144. juxta Baronium, & Pagium 45. Edessam, nunc Orsam, ceperunt, ingenti Christianorum numero trucidato. *Balduinus* vero obsedit anno 1153. & subegit Ascalonem. Eidem regi mortuo, juxta Vossium & Pagium anno 1163. juxta alios 1165. suffectus est frater illius *Almericus*; qui anno 1167. *Alexandriam* & *Damiatam* expugnavit: decessit vero anno 1173. relicto regno *Balduino IV.* filio suo adolescentulo annorum 13. Huic anno 1184. in regno Jerosolymitano successit, tanquam administrator & tutor, levir ejus *Guido Lusitanus*, maritus *Sibyllæ* ipsius *Balduini* sororis, corona tamen imposita *Balduino V.* filio *Sibyllæ*, nato annos duntaxat quinque (1). Puer anno proximo acerbo demersus est funere, vi, ut aliqui tradunt, veneni. Ita *Guido* regnum indeptus est, cum magna Christianorum Principum indignatione. Quare ortis inter istos dissidiis, ingens Saracenorum numerus duce *Saladino* in Palæstinam anno 1187. irrupit, fuditque una die univerforum Christianorum exercitum: *Guido* rex abductus est captivus, *Rinaldus* strenuus princeps ejusdem *Saladini* dextera confos-

sus

(1) Extant etiamnum in Jerosolymitano templo ad Sepulcrum Do. mini Gothofredi, *Balduini I.* & *Balduini V.* Epitaphia. Prioris regis Epitaphium incipit:

Francorum generis Jion loca sancta potenter;

Mirificum fidus Dux hic recubas Gothofridus, &c.

Alterius Regis:

Rex Balduinus, Judas alter Machabeus,

Spes patria, vigor Ecclesie, virtus utriusque, &c.

Balduini V.

Septimus in tumulo puer isto rex tumulatus

Est, Balduini Regum de sanguine natus,

Opem tulit e mundo fors prima conditoris,

Et Paradisi loca possides regionis.

sus interiit, Raymündus Comes Tripolitanus, & proditor Christi fidem negavit; Equites Jerofolymitani, & Templarii fere cuncti perierunt. Capta Ptolomais, Aſcalon, Laodicæ, aliæ urbes, & quædam certis deditæ conditionibus, inter quas libertas *Guidonis* regis; aliorumque principum quindecim. Capta demum eodem anno die 2. Octobris Jeruſalem, ideſt, anno LXXXVIII., ex quo in poteſtatem venerat Chriſtianorum. Anno 1191. ab exercitu Cruciferorum non ſemel Saraceni fuerunt deſicti, & *Richardus* rex Angliæ Cypri potitus eſt: quam inſulam vendidit Guidoni Luſiniano. Hujus idcirco poſteri per annos præter præter 300. in Cypro regnarunt. Verum rursus diſcordia res Chriſtianas peſſundedit: *Saladino Richardus*, turpiter e Palæſtina pedem referens, reliquit pugnandi, & vincendi facilitatem. Eidem *Saladino* vita functo anno 1193. aut ſequenti, ſuffectus eſt frater *Sphadinus* (1). Hoc princip: anno 1198. captam Joppen ſolo adæquarunt. Atque in Oriente hæc omnia evenerunt.

PLURA etiam in Occidente contigerunt non oblitteranda. Etenim Piſani anno 1114. in Mediterraneis inſulis Balearibus glorioſe contra hoſtes pugnarunt. Sequenti anno Bondeni in ducatu Ferrarienſi deceſſit Comitiffa *Matthildes*, cujus magna erat potentia & auctoritas, & quæ ſemper Romani Pontificis adhæſerat partibus: Tumulata fuit in Æde S. Benediſti prope Padum: ſed anno 1635. ſedente Urbano VIII. Romam ejus oſſa fuerunt translata. Piſani eodem anno 1115. occuparunt Majoricam, Balearem nempe majorem; & Piſas adducta Regina Chriſtianam amplexata eſt religionem (2). Anno 1128. obiit ſenex annorum 361. Joannes nomine, qui militarem ſecutus fuerat vitam Carolo Magno imperantē (3). Aniliſ

G 2

dice-

(1) Sphadinus ut regnaret, novem filios *Saladini* fratris necavit, uno tantum ab amicis ſubtracto patrui furori.

(2) Epitaphium illi appoſitum:

Regia me proles genuit, Piſæ rapuerunt;

Hic ego cum nato bellica præda fui.

Majorica regnum tenui, nunc condita ſaxo,

Quod cernis, jaceo ſine poſita meo.

Quiſquis et ergo, tua memor ſis conditionis,

Atque pia pro me mente precora Deum.

(3) Appellatus *Joannes de Temporibus*: de illo *Naclerus*, *Cromerus*, *Chriſtianus Mathiæ* in *Lothario* II. & alii. Eodem *Lothario* imperante, uno anno 1132. tres in Anglia occiſi ſunt Reges, *Ericus*, *Captus* & *Nicolaus*.

diceretur fabulâ, nisi fulciretur plurimorum Historicorum testimonio. Pisani anno 1135. Neapolim liberaturi, captam superiori anno a Rogerio Siciliæ rege, expugnaverunt Anzaphim civitatem Picentinarum; ibique inventæ fuerunt Pandectæ: quæ ideo Pisanz, & postea dictæ sunt Florentinz. Irnerius J.C. eas recta disposuit methodo, suadente imperatore Lothario (1). Fridericus Imperator anno 1155. Derthonam, anno 1158. Mediolanum, anno 1160. Cremam expugnavit. Rursus an. 1162. Mediolanum ei subijcitur. Hoc vel superiori anno Saraceni ædificaverunt ad fratrem Herculeum, & montem Calpem, arcem munitam Gibaltariam, dictam a Mauro duce *Gibal-Tarif*, vulgo *Gibilterram*. Vehementi terræmotu anno 1184. concussa Calabria, parietum macerie oppressus fuit Rufus Consentinus Episcopus. Parmenses & Placentini anno 1199. pro Fidentia Julia, quam vulgo appellant Burgum Sancti Domnini, belli simulacro, in quo multorum effusus est sanguis, hastis concurrentes hostili furore certarunt (2).

RELIQVUM est, ut scriptores addamus nonnullos. Iis, qui dicuntur Ecclesiastici, quamplurimi Monachorum, ut cap. 4. præmonui, accessere. Videtis Vossium de H. Latinis lib. 2. cap. 48. & seqq. Scripserunt præterea de rebus gestis regum Britanniz circa annum 1150. *Carodocus*, & de regibus Anglosaxonum *Joannes Marciannus*. Chiliades 13. variarum historiarum conscripsit *Joannes Tzetzes* Grammaticus præstantissimus, qui etiam edidit scholia in Hesiodum, & in Homerum. Floruit hoc Seculo *Averroës* (3) philosophus Arabs, secta Mahumetanus. In Ægypto scholam erexit Rabbi *Moses Maimonides* (4), in Hispania Rab. *David Kimchi*, & Rab. *Aben-Ezra*, Judæorum doctissimi. De Sæculi hujus Poetis, quoniam non videntur

tur

(1) Irnerius dictus fuit *Lucerna Juris*, docuitque Bononiæ.

(2) Alia contigerunt memorabilia. Ingent per universam Syriam, terræmotus anno 1114. Veronam itidem & in Infubria an. 1117. Dira per Germaniam pestilentia famelique anno 1124. Exundatio maris, quo absorpti sunt in Sicilia hominum fere duodecim millia an. 1165. Ibidem eversa funditus terræmotu Catania an. 1169. die 4. Februarii, extinctis hominum 15000.

(3) Sive Aben-Roes, educatus in Africa, deinde Medicus Cordubensis, edidit in omnes libros Aristotelis Commentaria: unde in Scholas Philosophorum barbaries. Æmulus fuit Avicennæ; & floruit circa annum D. 1149.

(4) Maimonidem hoc in loco iterum laudamus propter Historicos.

huc admodum celebres, adeat qui plura expetit Liliunt
Gyraldum dialogo 5. & Gerardum Joannem Vossium de
Poetis Latinis cap. 6.

DECIMUM TERTIUM E C C L E S I Æ S E C U L U M. C A P U T I.

SUMMORUM PONTIFICUM SERIES CÔNTEKITUR.

INNOCENTIO III. humanis rebus exempto anno 1216.
Romanæ, & Apostolicæ præfuerunt Ecclesiæ tertio-
decimo Seculo *Honorius III. Gregorius IX. Celestinus*
IV. Innocentius IV. Alexander IV. Urbanus IV. Clemens IV.
Gregorius X. Innocentius V. Hadrianus V. Joannes XXI.
Nicolaus III. Martinus IV. Honorius IV. Nicolaus IV. Ce-
lestinus V. & Bonifacius VIII.

CLXXVII. HONORIUS e nobilissima gente Sabellorum,
Cincius antea vocatus, a die XV. ante Kal. Augusti an-
no 1216. usque ad diem XV. Kalendarum Aprilium an-
no 1227. per annos nempe X. & menses 8. Romanam
gubernavit Ecclesiam. Perusiz electus, & Romæ sum-
ma civium exceptus gratulatione, ad opprimendam hære-
sim Albigensum solemnem nudis pedibus habuit supplica-
tionem. Coronavit Corteniacum Imperatorem Græcorum,
& Fridericum II. Imperatorem Occidentis. Pro Cruce
signatorum expeditione maximam gessit sollicitudinem.
Genuensibus partem cessit insulæ Corsicæ: Cardinalium
coetum magnopere decoravit. In eorundem Cardina-
lium Conclavi primum omnium fuisse electum, falso qui-
dam scripsere: id enim ante Gregorium X. non fuit in

G 3 usu

asserentes floruisse illum hoc Seculo XII. Rejiciendum arbitror in Secu-
lum præcedens; tametsi potuit ad istud vitam protrahere. Addi heic
potest R. Salomon Jarchi, qui scripsit Tabulas Astronomicas & Ephe-
merides, natus in Galliis anno 1150. Hebraici Computi 4911. Eusta-
thius Thessalonicensis Episcopus, qui edidit Commentaria in Homerum,
floruit hoc Seculo.

us receptum. Ab hujus Pontificis anno quarto coepisse fertur Vicecancellariatus R. E. dignitas, præcipua post Apostolicæ Sedis auctoritatem (1).

CLXXVIII. SUFFECTUS Honorio *Gregorius IX.* Antea Ugolinus dicebatur, Cardinalis, & Ostiensis Episcopus. Curavit, ut per S. Raymundum de Pennafortio in unum Corpus redigerentur decessorum suorum Responsa, vulgavitque anno 1234. quinque Decretalium libros. Fredericum II. compulit ad sacram, quam voverat, expeditionem, ac turpem cum Sultano pacem cum pactus foret, diris devovit (2). Indixerat Concilium, quando partim captis, partim submersis ab Entio Federici notho, & a Pisano (3) classe Episcopis, qui Genuensium ratibus profecturi ad Concilium vehebantur, mærore confectus occubuit anno 1241. XII. Cal. Septembris, annis XIV. & mensibus V. in Apostolico exactis regimine.

CLXXIX. Post Gregorium Ecclesiæ præfuit diebus tantum XVII. *Celestinus IV.* Mediolanensis, antea Gaudfridus Castilionæus, extinctus anno nuper citato, VIII. Idus Octobris.

CLXXX. Post interpontificium mensium ferme viginti inauguratus est Pontifex anno 1243. VIII. Cal. Julias Sinibaldus Fliscus Genuensis, *Innocentii IV.* nomine adscito. Fertur omnium primus Rosam auream solemniter benedixisse. Verum id ante annum 1400. non obtinuisse, Pagius, alique contendunt. Fuit Canonum scientissimus,

(1) Honorii, & ab eo confirmati Ordinis Minorum S. Francisci meminit quoque Cantu XI. de Paradiso Danthes Aligherius. Extat in V. Decretalium tit. 33. cap. 28. Honorii constitutio lata anno 1220. qua inhibetur lectio, studiumque Juris civilis, Parisiis, & in aliis locis vicinis, propterea quod in Francia & nonnullis Provinciis laici Imperatorum legibus non utuntur.

(2) Gregorius legatos misit ad S. Ludovicum Galliarum regem, Jacobum & Othonem Cardinales belli sacri causa: qui in reditu capti sunt temeritate Obriaci Genuensis. Contentione orta inter Biturigum, & Burdigalæ Archiepiscopos, uter utri subesset, Gregorius Simplicium metropolitanum constituit.

(3) Pisani anno 1296. absolutionem impetrarunt, & quotannis suam commemorant expiationem Idibus Novembris. De Gregorio IX. ejusque cum Friderico II. diffidiis legendus Ricordanus Historicus Florentinus, ceteris hac in parte accuratior. Eundem Gregorium ostendendo Capita SS. Apostolorum Petri & Pauli avertisse Romanorum animos a Friderico, Fulgosius & Papirius scripsere. Obiisse an. 1299. ait idem Papirius, repugnantibus aliis. Idem Papirius appellat Celestinum IV. *de cem & octo dierum Pontificem.* Burius mortuum ait ante consecrationem, quod & affirmat cum aliis Sandinus.

tissimus, ut ejus scripta declarant. Præfuit Lugdunensi I. Concilio Ecumenico, ejecitque a fidelium communione Conradum filium Federici II. affectantem imperium. Diem obiit Neapoli anno 1254. die 7. Decembris, in Cathedrali Ecclesia sepultus, post annos XI. menses V. diesque XV. Pontificatus.

CLXXXI. Huic pridie Idus Decembris successit est Neapoli Raynaldus Episcopus Ostiensis, & Veliternus, *Alexandri IV.* nomine assumpto. Patria illi Hernicorum caput Anagnia. Regularium Ordines in precio habuit, urbemque Patavium eripuit immanissimo tyranno Eccelino. Compulit ad obsequia Bononienses, gymnasium illis, & sacra interdicens. Viterbii celebrato Concilio, ut Genueses Venetosque conciliaret, ibidem obiit, cum sexennium & menses quinque Episcopatus exegisset, anno 1261. VIII. Kalendas Junias.

CLXXXII. PONTIFICATUM deinde consecutus est *Urbanus IV.* Augustæ Trekarum in Gallia Celtica natus: qui cum esset Patriarcha Jerosolymitanus, Jacobus Pantaleon nuncupatus, & forte de rebus Palæstinis acturus Romam venisset, a Cardinalibus inter se Viterbii dissidentibus præter spem creatus est. Corporis Christi solenne festum instituit: & post triennium, ac mensem naturæ concessit Perusie VI. Nonas Octobris anno 1264.

CLXXXIII. TRIENNIO, & mensibus novem post Urbanum Romanam rexit Ecclesiam *Clemens IV.* Gallus item, ac Narbonensis, juris peritissimus, vir tantæ probitatis, & tam a propinquis alienus, ut nulli horum permisit ad Urbem accedere; & duæ, quas ante Sacerdotium susceperat, filiæ non potuerint nubere ob dotis tenuitatem. Singulare in Summo Præfule exemplum! Extinctus est Viterbii anno 1268. Novembri mense exeunte, humili sepulcro sibi in Ecclesia FF. Prædicatorum designato.

CLXXXIV. DISSIDENTIBUS tum Cardinalibus, horumque Comitibus prorogatis in annum tertium, electus est tandem *B. Gregorius X.* antea Theobaldus Placentinus, & Archidiaconus Leodiensis, ob res præclare gestas in Syria plurimum commendatus. Hinc de inauguratione ista vulgatum est distichon:

Papatus munus tulit Archidiaconus unus,

Quem Patrem patrum fecit discordia fratrum.

Ne ad tantæ dignitatis fastigium eveheretur, S. Philippus Benitius Ordinis Servorum Propagator, decusque Florentino-

rum, diu apud Tuniatum montem delituit. Gregorius Syriæ rebus & sacræ expeditioni prospexit, Lugdunensem II. Synodum celebravit, Guelphorum & Gibellinorum factiones studuit extinguere, recuperavit Romandiolam, & Exarchatum Ravennæ, & decessit Aretii IV. Idus Januarii anno 1276.

CLXXXV. QUATUOR deinde Romani Pontifices brevissimo temporis intervallo sederunt, *Innocentius V.*

CLXXXVI. HADRIANUS V.

CLXXXVII. JOANNES XII.

CLXXXVIII. ATQUE *Nicolaus III.* *Innocentius V.* ex Familia Prædicatorum assumptus, ortusque Tarantasiæ, civitas Allobrogum in Sabaudia, Pisanos conciliavit Lucensibus, & plura facturus illustriora, post quintum Pontificatus mensem, XI. Kal. Julias decubuit. *Hadrianus* vero, antea Ottobonus Fliscus Genuensis XV. Kal. Sept., quæ dies fuit XXXVII. ab illius electione, nec sacra ordinatione, aut consecratione suscepta decessit. *Joannes XXI.* genere Lusitanus octavo mense Episcopatus nondum exacto, Idibus Maji cameræ ruina percussus interiit anno 1277. *Joannes* iste dicitur XXI. cum revera sit XX. non propter Joannam Papissam, ut putat Ciaconius, sed quia in Pontificum catalogos irrepsit quoque nonnulla Pseudopontificum nomina, ut *Benedicti X.* (1) *Bonifacii VII.* *Joannis XVI.* & *Leonis VII.* Arbitror Joannem intrusum esse illum, de quo diximus Seculo X. num. 142. quo Catalogis inserto, *Joannes*, de quo nunc agimus, erit XXI. *Nicolaus* autem III. Romanus Ursina natus gente, tranquillitatis Ecclesiæ, probatissimorumque virorum promotor, anno 1280. XI. Kal. Septembris, regiminis sui anno altero, & nono fluente mense diem obiit extremam (2). Simonis redarguitur a Danthe cantu Inf. 19.

CLXXXIX. POST Nicolaum sedit ultra annos quatuor ac mensem *Martinus IV.* (3) antea Simon de Bria, angusta

(1) Benedictum X. verum fuisse Pontificem evincere solet vir CI. Stephanus Borghia.

(2) Nicolai III. obitum præcessit tanta Tibridis exundatio, ut ad Pantheon quatuor supergredere pedes. Præfagium ejusdem obitus putarunt nonnulli, ut olim Julii Cæsaris illuvio Padis.

(3) Appellatus est *Martinus IV.*, quoniam *J. Martinus I.* inauguratus

angusta Galliarum provincia. Michaellem Palæologum se a Romana segregantem Ecclesia anathemate perstrinxit; damnavitque pariter auctores conjurationis, quæ *Vesperis Siculis* nomen dedit, necnon Petrum Aragoniæ regem invadentem Siciliam. Vita functus est Perusiæ IV. Kal. Apriles anno 1285.

CXC. SEDIT deinde biennio, & extinctus est anno 1287. III. Nonas Aprilis *Honorius IV.* ex nobilissima Romana gente Sabella, auctor, ut exoticæ linguæ Parisiis traderentur ad faciliorem Orthodoxæ fidei propagationem.

CXCI. HUC susceptus est *Nicolaus IV.* ex Minorum Familia, patria Asculanus ad Truentum fluvium: quo auctore Tartari Christiana fide fuerunt imbuti, Veneti Quæsitorem Fidei excepere, & instauratæ fuere Romanæ Urbis Basilicæ; eoque sedente Nazarethana Deiparæ domus fertur Tersactum (1) apud Dalmatas fuisse divinitus transvecta VIII. Idus Majas anno 1291. quo anno Saladinus rex Babyloniz Jerosolymam expugnavit. Nicolaus autem satis cessit proximo anno 1292. inchoato Pontificatus sui quinto, die Aprilis quarta.

CXCII. S. CÆLESTINUS V. cognominatus antea a monte Aprutii, in quo agebat vitæ genus asperissimum, Petrus de Murrohe, & Cælestinorum institutor, tanta præditus fuit humilitate, ut ad summam dignitatem evectus in Cardinalium discordia, quæ ultra biennium suo Romanam Ecclesiam destituerat Pastore, anno 1294. die 5. Julii, sessus duntaxat precibus, invitique delatum honorem suscepit, Aquilam Vestinorum caput adierit vestus asello, ad frena Siciliæ & Hungariæ regibus præeuntibus; & post mensem V. diemque octavam, eodem anno 1294. die 13. Decembris sese summo Sacerdotio abdicaverit. De quo maximæ virtutis exemplo haud recte sentire videtur Danthes Aligherius in *Inferno* cantu 3. quamquam aut de Esau, aut de aliis poetam fuisse locutum post Benvenutum Imolensem Victorellus, Bar-

ratus est Pontifex anno 649. *Martinus* autem II. idem est, ac *Marinus I.* electus anno 882. & *Martinus* III. idem cum *Marino* II. ad summum Pontificatum evecto anno 942.

(1) Hinc vero in agrum Lauretanum translata IV. Idus Decembris anno 1294. sedente S. Cælestino V.

Barcellinius, aliique contendunt. Sed legito Christophori Landini Commentarium. pag. 20. 2. necnon S. Antoninum 3. p. Chron. tit. 20. cap. 8. Sane Cælestinus a Bonifacio VIII. in arcem Fumonis inclusus, illic anno proximo 1295. XIV. Kal. Junias obdormivit in Domino.

CXCIII. QUID de Bonifacio Cælestini successore senserint ætati ejus proximiores, constat ex prælaudato Florentino Poeta *Inferni* cantu 19. & 27. & Comment. Landini & Vellutelli (1). Idem Bonifacius hujus nominis VIII. Anagninam Latii urbem patriam habuit, primum illi nomen Benedictus Cajetanus; infensissimus fuit Columnensibus Romanorum potentissimis. Libris quinque Decretalium Gregorii IX. addidit *Sextum*; seditque annis 8. m. 9. d. 18., extinctus anno 1303. V. Idus Octobris.

PATRIARCHARUM NOMINA.

OCCUPATA C. P. a Latinis anno 1204. federunt ibidem usque ad annum 1261. quo civitas recuperata fuit a Michaele Palæologo, Patriarchæ Latini, Thomas Maurocenus, *Matthæus*, *Nicolaus*, & *Pantaleon* Justinianus. In Concilio Lateranensi anno 1215. post Romanam Patriarchatus honor Sedi C. P. collatus fuit. E Græcis vero federunt *Germanus* Adrianopolitanus anno 1261. intrusus a Michaele, post ipsum vero *Joseph* Monachus, *Joannes Vecchus*, *Georgius* Cyprius Schismaticus, *Anastasius*, & *Joannes Sozopolites* Monachus, qui obiit anno 1300. Sederunt Antiochiæ post Radulphum II. *Petrus*, *Petrus* alter, *Raynerius*, *Albertus* Regiensis, *Christianus*, &c. Jerosolymis autem post Monachum *Albertus*, *Rodulphus*, *Lotharius*, *Gerondus*, *Jacobus* de Vitriaco, *Robertus*, *Jacobus*, *Pantaleo*, *Guilhelmus*, *Thomas*, *Thomas* alter, *Joannes* Vercellensis, *Elias*, & *Nicolaus* de Anapiis, atque *Rodulphus* de Grandivilla, Episcopali exutus honore a Bonifacio VIII.

CA.

(1) Quantum Bonifacius oderit Gibellinos, & quem protulerit verba sacros imponens cineres Procheto Genuensium Pontifici, videtur apud Petrum Crinitum de *Honestâ disciplina* libro 7. cap. 13. Italicum de Bonifacio VIII. proverbium, & illud quidem dedecoris & infamie, refert P. Pompejus Venturi S. I. in suis *Adnot. in Purgas. Danstis*, cant. 20. 90.

C A P U T II.

DE CONCILIIS SECVLO XIII. CELEBRATIS.

INTER Scvli hujus Concilia principem tenent locum tria Generalia, sive Œcumenica, nempe, *Lateranense IV. Lugdunense I. & Lugdunense II.* quamvis alia plura cum ad hæreses profligandas, tum ad Ecclesiasticam disciplinam instaurandam fuerint indicta.

AC PRIMO Lateranense IV. inter Œcumenica XII. convocatum fuit ab Innocentio III. anno 1215. Congregatum fuit, ut Albigenſium hæresis, erroresque Joachimi Abbatis, & Almarici damnarentur, atque ut ageretur de Palæstina recuperanda. Episcopi (1) 412. inter quos Patriarchæ Constantinopolitanus & Jerosolymitanus, Oratores Christianorum principum, necnon supra octingentos cœnobiarchæ huic Concilio interfuerunt. Statutum can. 3. ut hæretici magistratibus civilibus puniendi tradantur; in 5. post Romanam Ecclesiam locus nobilior conceditur Constantinopolitanæ, quæ illum a Concilio Constantinopolitano I. anno 381., ut alibi diximus, usurpaverat. Vicesimo autem primo fidelibus cunctis præcipitur, ut saltem semel in anno, recurrente Paschate, proprio Sacerdoti peccata confessi sacrum Domini corpus accipiant. Decretum quoque, ut Judæi & Saraceni inter Christianos commorantes, aliquo indumenti genere ab iis secernantur: præter quæ alia complura fuerunt saluberrime constituta.

CONCILIVM vero *Lugdunense I.* seu Œcumenicum XIII. indixit Innocentius IV. anno 1245. Huic adfuere cum ipso Innocentio Episcopi 140. plus, minus, præter S. R. E. Cardinales, & Patriarchas C. P. Antiochenum, & Aquilejensem, necnon Balduinum II. imperatorem, aliorumque Principum Oratores. Condicti ibidem canones XVII. quorum XII. a Bonifacio VIII. inserti fuerunt VI. Decretalium, cum pertractent de iudiciis

(1) In Tabulis Subiectis Volumini II. Rationarii Temp. Petavii legitur adfuisse Patres 1283. inter quos Episcopi erant 671. Joachimus Abbas Cisterciensis, genere Calaber, florebat Seculo XIII. ineunte. Per multi tamquam insigne prophetam eum habuerunt, præsertim rex Angliæ Richardus in Sicilia agens. Aiebat natum jam Antichristum, aliæque hujus furfuris nugabatur. Edidit futurorum Pontificum Vaticinia, De illo rursus infra cap. 4.

diciis Ecclesiasticis; reliqui spectant ad subsidia mittenda Crucesignatis, & Latinorum imperio in Oriente periclitanti, arcendosque a Christianorum finibus Tartaros. Concessus in eodem Concilio Cardinalibus pileus rubrus. Quod legitur apud Baronium ad annum 996. §. 64. nonnullos asserere in hoc ipso Concilio Septemviris collatum jus eligendi Imperatorem, opponitur iis, quæ dicuntur de Gregorio V. Recole dicta Seculo X. cap. 1.

ALTERUM Generale Concilium *Lugdunense* II. celebratum fuit sub Gregorio X. anno 1274. Interfuere Episcopi 500., Abbates 70., Prælati alii 1000. Præfuit quidem Gregorius, sed cuncta eodem iubente Pontifice directæ sunt a S. Bonaventura. Definita est Processio Spiritus Sancti a Patre, & a Filio, ac rursus Græci in communionem recepti sunt: statuta auxilia Christianis bellum in Syria gerentibus; pluraque constituta canonibus 30. regimini Ecclesiarum perutilia.

PRÆTER hæc vero Concilia Œcumenica ad hæreses extirpandas habita sunt anno 1201. *Parissense*, in quo damnatus est Eurandus miles infectus hæresi Bulgarorum, qui & publice exustus est. In altero *Parissensi* Concilio anno 1209. Almericus Carnotensis, atque in altero anno 1223. Bartholomæus quidam antipapa Albigensum damnatus est. Iidem Albigenes una cum Raymundo Comite Tolosano ipsorum fautore synodali sententia proscripti fuerunt *Narbonæ* anno 1207. *Avenione* 1209. & 1210. *Tolosæ*, & *Arelatæ* eodem anno: *Vauri*, & *Mureti* in Occitania, parva Galliæ Narbonensis provincia, anno 1213. *Montispeliensis*, aut *Maglone*, anno 1214. *Tarriacone* item anno 1242. aditante Raymundo de Pennaforti, ibique rursus anno 1244. damnati fuere cum omnibus fautoribus suis Valdenses, qui irruerant in Aragoniam. Expungimus nos Constantinopolitanum Concilium anni 1185. in quo adstantibus imp. Andronico Palæologo cunctisque magnatibus, disputatum est de Processione Spiritus S. a Filio, & Vecchus pridem Patriarchæ Latinis adhaerens iterum in carcerem injectus est: de qua Synodo plura apud Pachimerem lib. 7. Hist. & Leonem Allatum lib. 2. de Conf. Orient. & Occid. Eccl. cap. 2. Conciliis ad disciplinam spectantibus Jo. Cabassutius in Notitiæ Ecclesiæ. accenset *Tolosanum* 1229. quo post revocatum ad frugem Raymundum comitem editi fuere canones 45. *Narbonense* anni 1235. in quo certæ quædam leges Inquisitoribus fidei fuerunt

præscriptæ; *Turonense* anni 1236. quo Advocatorum muneri, converforum nuper ad fidem institutioni, & hospitalitatis consuetudini provisum est: *Londinense* anno 1268. in quo restituta fuit collapsa sacrorum rituum, morumque sanctiorum ratio: *Avenionense* anno 1270. in quo pertractatum est de bonis Ecclesiarum non alienandis, & de puniendis Clericis, qui Episcopum, sibi que præpositos læserint, & *Regiense* 1285. in quo preces pro Christianorum principum pace, 40. dierum additis indulgentiis, clero, ac populo fuerunt indictæ. His vir eruditus addidit S. Ludovici Francorum Regis statuta XXV. edita Parisiis anno 1254. ejusdemque Regis Pragmaticam Sanctionem (1). Sed plurâ etiam Concilia recenferi possent, cum Historici circa 36. Seculo, in quo versamur, commemorent (2), immo Caveus in Seculo *Scholastico* enumeret 158. (3) & quædam addat tom. 3. Concil. Hisp. Cardin. de Aguirre: at ejusmodi non sunt momenti, ut singula necessum sit numerare.

C A P U T III.

HÆRESEON SECULI XII. RECENSIO.

ALBIGENSES, quos nonnulli exortos ajunt sub hujus Seculi initia, & Innocentio III. sedente, cum Valdenibus dogmata habuisse communia diximus superiori Seculo cap. 3. Appellati sunt autem Albigenfes ab Albigenfi civitate, seu Albia, aut Albiga provinciæ Narbonensis in Occitania, ubi plurimum invaluerunt regnantibus Philippo Augusto, & Ludovico VIII. Seculo XIII. adolescente (4). Albigenfium fautorem fuisse, & non semel damnatum Raymundum Tolosæ Comitem dictum est paullo supra. Is tamen sæpe armis profligatus anno 1226. ad pedes Legati Rom. Pontif. Cardinalis S. Angeli, ac præfente S. Ludovico IX. Francorum rege hæresim ejuravit,

(1) Pragmatica Sanctio est *regium Rescriptum*, de quo Calv. *Lxx. Jurid. Meminit* & Aug. Collat. 3. & Conc. Chalched. act. 5.

(2) Indice Tom. 1. Rat. Temp. Patavii edit. Ven. pag. 632.

(3) Cave tom. 2. edit. Basil. pag. 342. &c.

(4) Apud Raynaldum ad annum 1223. legitur, Albigenfes in finibus Bulgarorum, Croatia, & Dalmatim creasse sibi pseudopontificem Bartholomæum nomine, & producantur verba *Parisi* id in Historia Anglorum afferentis.

vit, eamque infectari, & conterere iurejurando spondit; Tradunt aliqui ad Valdensium deliramenta Manichæorum & Gnosticorum dogmatibus valde affinia, Albigenium nonnullos adeo turpia & probrosa addidisse, ut veriti non sint concubitus cum sorore, vel matre fornicationi cum alia qualibet femina comparare, & quod horrent audire Christianorum aures, intemeratam castissimamque Deiparam vocare scortum.

MEMINIMUS paullo supra *Almarici*. Is Camunti (1) in Gallia Celtica ortus, & dialecticæ peritia tumidus commentus est, nullam futuram fore generationem, sexusque discrimen, si Adam in innocentia stetisset: nullam aliam esse inferorum poenam præter conscientiæ vermem, quem omnis peccator gerit in corde; cessasse jam cum lege Moysis potestatem Patris, & ipsius Almarici ætate legem Christi, vigere autem modo legem Spiritus Sancti, per quam Sacramentis, cunctisque exterioris cultus sublati officiis, unusquisque sola interiori gratia salvetur. Hos vero aliosque Almarici articulos refert tom. 4. Anecd. Edmundus Martene, & Fleury ad an. 1210. num. 59. Obiit Almaricus præ animi tristitia; atque post obitum exhumatus fuit, atque in sterquilinum projectus.

POST Almarici obitum quidam ejus discipuli dilatantes potiora præter recensitos errores dogmatizarunt in Eucharistia nil præter substantiam panis adinveniri, Romanam esse Babylonem, & Romanum Pontificem Antichristum, Sanctorum cultum esse idololatriam, eodemque pacto loquutum fuisse Deum ore Augustini, ac ore Ovidii Nasonis. Ex his Wilhelmus Augustoriti (2), Bernardus quidam subdiaconus, Guilelmus faber aurarius hujus sectæ propheta, Stephanus parochus Corbolii, seu Josedi, Dudon Almarici clericus, Elimandus acolythus, Guarinus presbyter, & quidam alii, anno 1210. die 20. Decembris in campo extra Parisii mœnia fuerunt combusti.

CONTRA Prædicatorum, Fratrumque Minorum Ordines, ceterosque in religiosa paupertate viventes verbis scriptisque inlilit Guilelmus de S. Amore, ita ab oppido Comitatus Burgundiæ cognominatus. Huic nonnulli Aca-

(1) Chartes.
(2) Poitiers.

Academiae Parisiensis adhæſere, acceſſitque poſtmodum Laurentius Anglus, Guilermo in eadem Academia ſuecandaneus. In libro inſcripto, *De periculis nouiſſimorum temporum aduerſus Mendicantes Ordines*, qui etiamnum legitur inter ejus Opera in lucem edita anno 1632. tradidit religioſis neſas eſſe vivere ex eleemoſynis, docere laicos, prædicare, adſcribi Magiſtrorum collegiis, & excipere ſecularium conſeſſiones ſacramentales. At Guilelmi liber ab Alexandro IV. anno 1256. damnatus flammisq; adjudicatus eſt: quin auctor proximo anno 1257. Pariſiis ac toto Gallia regno diſcedere, & in poſterum a docendo & ſcribendo abſtinere juſſus, extorris vixit, deſpectus, ac miſerrimus, obiitque poſt paucos annos.

ERUPIT per idem tempus ſecta *Fraticellorum*, ſeu *Bizzochorum*, auctore Hermannſo Pongilupſo Ferrarienſi. *Bizzochos* dictos arbitror a biſaccio quod manticis victum oſtiantim emendicaret: unde illorum nomenclatura, quomodo & *Pinſocherarum* apud Bocaccium quoque, vulgaremque ſermonem, etiamnum permanent. *Bizzoco* apud Bocaccium legimus Nov. 24. *Pinzochere* Nov. 27. Parum his abſimiles *Beguini*, de quibus proximo Seculo. Fraticelli autem, qui ſectabantur Hermannum, hypocriſi, & falſa pietate orbem deludebant, peſſime de Romana ſentientes Eccleſia, quam apud ſe tantummodo ſervari autumabant. In additis locis perpetrabant turpia, & neſanda (1). Hermannus autem oſſa poſt mortem exhumata, & igni tradita fuere.

PROSCRIPTUS inſuper fuit hoc Seculo XIII. ab Alexandro IV. liber blaſphema dogmata continens, cui titulus *Evangelium æternum* (2). Combuſtus Gerardus Segarel-

(1) His tamen longe turpior Secta *Guilelmina* Bohemæ, a Boſſio & Puticellio deſcriptæ. Hujus ſectæ viri, ac mulieres, non ſolum conventibus antelucanis cum præbyterorum indumentis poſt quaſdam preces, ſub modio lumine abſcondito, ad fortuitos concubitus gradiebantur, ut Spondanus refert ad annum 1300. ſed Guilelminam quoque aſſerebant eſſe Spiritum Sanctum ſemineo ſexu incarnatum, aliæque abſurdiſſima eſſutiebant deliramenta. Obiit hypocrita & inſana mulier anno 1381. & anno 1300. exhumata fuit & combuſta. Vide Jo. Mabill. Muſei Ital. P. 1. 30.

(2) Hujus libri auctor Joannes de Parma Minorita. Labente item hoc Seculo edidit *Poſt illam* in Apocalypſim F. Petrus Joannes Oliva ejusdem Ord. provincie Provincie. Dogmatizavit Eccleſiam Catholicam eſſe Babylonem, & Rom. Pontificem Antichriſtum. Legi apud Balluzium auctorem vixiſſe circa annum 1300. ſed alibi mortuum inveni an. 1397. Articuli autem ejus LX. cenſura notati, & proſcripti fuerunt an. 1318. ſedente Joanne XXII.

garellus Parmensis, de cujus erroribus agendum est rursus seculo proximo.

PERMULTA itidem quorundam Scholasticorum absurda damnarunt Archiepiscopi Parisienses Guilelmus, & Stephanus Le-Templier. Idem fatum quibusdam Aristotelis lucubrationibus, proscriptis in Synodo Parisiensi anno 1209. propter quorundam Scholasticorum abusum. Vide hujus Synodi Acta tom. 11. Conc. p. 1. pag. 49. Ulterius David quidam Dinantius Belga, & ditionis Leodiensis, auditor olim Almarici, de quo supra, adeo delirus fuit, ut assereret Deum esse materiam primam. *Stadingi* (ita appellantur populi siti in finibus Frisæ, & Saxoniz, in viis paludibus fluviiisque circumdati) eo immanitatis propudique devenerunt, ut sacros omnes ministros crudelissime necarent, sacra mysteria polluerent, promiscuam exercerent libidinem, & Christi corpus in Paschate tantum e manu Sacerdotis recipientes in latrinam horrendissimo sacrilegio expuerent. Judæi demum hoc Seculo ob execrabilem avaritiam, & aliquos Christianos pueros circumcisos, aliquos vero affixos cruci, adeo exosi, infamesque evaserunt, ut anno 1290. ejecti fuerint ex Anglia, anno 1295. e Galliis, & anno 1298, ex nonnullis Germaniz urbibus.

C A P U T IV.

SCRIPTORES, QUI TERTIODECIMO SEculo FLORUERUNT.

THEOLOGIAM Scholasticam, quam superiori Seculo ad certam methodum Magister Sententiarum perduxerat, plures, iique clarissimi viri illustrarunt: quorum præcipuos, servato temporis ordine, recensebo. Claruit itaque initio hujus Seculi, & Commentaria edidit in quatuor libros Sent. (1) *Guilelmus* e Seilliniaco Burgundiz oppido, Doctor Parisiensis Academiae, deinde Episcopus Antisthodorensis, ac tandem Parisiensis Archiepiscopus: qui obiit anno 1223. eodemque tempore *Guilelmus* alter, item Gallus, similia Commentaria exornavit,

(1) Potius *Summam Theologicam*, editam Parisiis anno 1500. Cæterus duos istos *Guilelmos* distinguit.

navit: qui tamen de Justificatione, quam videtur repetere potius a fide, quam a caritate, non censetur accurate pertractasse, nisi tamen illius scripta, ut putat Posselinus, fuerint depravata. Sequitur *Alexander de Hales* natione Anglus Ordinis Minorum appellatus *Doctor irrefragabilis*, cujus præter sacrorum librorum interpretationes, aliaque scripta, habentur Commentaria in IV. Sent. libros, & Summa universæ Theologiæ distributa in partes quatuor. Obiit autem Alexander Parisiis anno 1245. Floruit item hoc seculo nunquam satis laudandus *S. Thomas Aquinas*, regio ortus sanguine, puer eruditus a monachis Cassinensibus, sed postea FF. Prædicatorum institutum professus, merito *Doctor Angelicus* nuncupatus. Nam ut libros ejus plurimos prætermittam tum philosophicos, tum Exegeticos, præclarum illud nomen Thomæ comparavit multiplex de re Theologica lucubratio, Commentaria in 4. Sent. Summa contra Gentiles, & Opuscula 73. ad Theologiam singula spectantia, maxime vero digna cedro, & aurea *Summa* in partes tres divisa, in qua continentur Qq. 512. & art. 2654. Migravit ad Superos *S. Thomas Nonis Martii* anno 1274. in Cœnobio Fossæ novæ (1) non procul a Tarracina, cum rogatus a Gregorio X. Lugdunum versus ad Synodum Œcumenicam iter arripuisset.

EODEM anno 1274. Idibus Julii decessit *S. Bonaventura* (2) Balneoregionensis, appellatus *Doctor Seraphicus*, Ord. Min. Cardinalis, & Albanensis Episcopus. Et ipse scripsit in quatuor sententiarum libros, Opuscula Theologica & Ascetica LXXIII. præter Expositiones divinatorum librorum, sermonesque sacros complures. Florebat item circa annum 1260. *Albertus Magnus* Ord. Præd. cui memoria ingeniumque beneficio Deiparæ colatum fertur, ablatumque triennio ante mortem, quæ contigit anno 1280. Ejus Opera XXI. amplissimis voluminibus comprehenduntur, & per omnem Philosophicam, Sacramque eruditionem, pro Seculi hujus genio, exspatiantur. Discipulus Alberti Magni fuit *Ulricus* de Argentina, & ipse de Theologia, prout in scholis

Tom. II.

H

tra-

(1) Ordinis Cisterciensis. Dies *S. Thomæ* immortalis Non. Martii. Quidam scribere *S. Thomæ* propinatum fuisse venenum a medico Caroli II. Siciliæ regis. Vide *Danthis Purgat. cant. 20.*

(2) Joannes in baptismo nuncupatus, *Bonaventura* autem puerulus dictus a *S. Francisco* FF. Minorum parente.

traditur, optime meritis. Referendus ad eandem ætatem *Henricus* Gandavenfis, seu *Mudanus* a patria, & *Doctor Sollemnis* a *Parisiensi* Academia appellatus, qui & in 4. Sententiarum libros, & *Summam Theologiæ* conscripsit, obiit *Tornaci* in *Belgio* anno 1293.

IN EREMITANA quoque S. P. Augustini familia claruerunt cum doctrina, tum sanctimonia morumque integritate *Augustinus Triumphus*, & *Ægidius Romanus*. Quorum primus *Anconitanus* patria *Summam* edidit de *Potestate Ecclesiastica*, & inedita plura, inter quæ extat Opus in 4. Sententiarum libros. Interfuit autem *Triumphus* anno 1274. Concilio *Lugdunenfi*, tametsi vitam protulit usque ad annum 1328. ætatis suæ 85. At *Ægidius* ex *Columnenfium* Familia, *Bituricensium* Archiepiscopus, *Aquitaniæ* Primas, necnon S. R. E. Cardinalis, ut demonstrat *Lud. Dattichius Hist. Card. tom. 1. pag. 372.* naturæ concessit *Avenione* anno 1316. cum ageret ætatis suæ annum 69. posteaquam & in Sententias, & singillatim in varias Theologiæ partes, & in sacras litteras Commentaria exornaverat, necnon Philosophicos, & politicos libros conscripserat, atque adversus *Guilelmum Lamerensem* Ord. Min. professorem *Oxonix* doctrinam S. Thomæ strenue vindicaverat. Quare *Doctor Fundatissimus* dici meruit *Ægidius*, atque *Caveo* etiam testante Vol. 2. pag. 340. *Theologorum Princeps*.

PRÆTERIVI autem brevitatis causa alios permultos in Theologicis disputationibus egregie versatos, quemadmodum & sanctissimos viros, *Dominicum*, *Franciscum*, & *Antonium Patavinum*, qui licet in *Scriptorum* recensiti albo, magis tamen ob sanctitatem, quam ob litteras celebrantur; missis pariter *Romanis Pontificibus* doctrinæ laude præclaris, *Innocentio IV.* *Clemente IV.* *Gregorio X.* & *Bonifacio VIII.* *Scriptoribus* item adnumeratis: istorum quippe meminimus cap. 1. neque modo fas est ceteros, saltem præstantiores, penitus prætermittere.

CLARUERUNT itaque hoc vertente Seculo *Joachimus Calaber Abbas Cisterciensis*, haud ignobilis *Scripturarum* divinarum interpres, & prophetiæ fama clarus; (1) qui obiit anno 1215. *Rodericus Ximenius Archiepiscopus Toletanus* de *Historia Hispanica*, *Romana*, *Ostrogothorum*, *Hunorum*, *Arabumque* bene meritis: qui decessit

(1) Vide tamen superiori sæculo cap. 3.

cessit anno 1245. *Helinandus* monachus Cisterciensis aut
 etor Chronici ab orbe condito usque ad annum 1204.
 qui naturæ concessit anno 1227. *Conradus* Præmonstra-
 tensis scriptor alterius Chronici a Belo rege Assyriorum
 usque ad annum Christi 1229. *Jacobus* de Vitriaco Car-
 dinalis & Episcopus Tusculanus, scriptor Historiæ Ori-
 entalis & Occidentalis, a Mahumedis tempore ad suam
 usque ætatem, anno 1244. migravit e vita. *Guilelmus* Ar-
 vernus Archiepiscopus Parisiensis, cujus obitus contigit
 anno 1249. præter Exegetica quædam scripta variosque
 sermones, conscripsit de Theologicis quæstionibus libros,
 seu Tractatus 25. Excelluit in Historia, præsertim An-
 glicana, quam scriptis exornavit *Matthæus Paris* An-
 glus, Monachus S. Benedicti, cujus obitus consignatur
 anno 1259. Speculum unum Historicum, alterum Do-
 ctrinale edidit *Vincentius* Bellovacensis ex Ord. Præd. qui
 e vivis excessit anno 1256., aliis 1264. deditque operam
 per idem temporis exemplis rebusque similibus colligen-
 dis, scribendisque orationibus, etiam ad funera celebra-
 da, *Joannes* a S. Geminiano ejusdem Ordinis. *Hugonis*
 de S. Caro ejusdem familiæ vita functi anno 1260. est
 elaboratissimum Opus Concordantiarum Latinorum Bi-
 blicorum. Accedunt prælaudati instituti *Raymundus* *Mar-*
tini, qui edidit *Pugionem fidei* contra Judæos, scripsit-
 que contra Saracenos, hortatu S. Raymundi de Penna-
 fortio sacre illius Familiæ Magistro: idem S. *Raymun-*
us collector librorum V. Decretalium, ad superos evo-
 catus centenarius anno 1275. & *Martinus* Polonus scriptor
 Chronici, quod vocant *Martinianum*, a Christo usque ad
 annum 1277. defunctus Bononiæ anno sequenti 1278.
 Diem obiit anno 1284. *Rogerus Baconus* Anglus Ord.
 Min. vir omni scientia, præsertim philosophica exorna-
 tus, & *Doctoris mirabilis* nomen adeptus, de magia in-
 simulatus, & eam ob rem jubente Nicolao IV. con-
 jectus in carcerem (1). Supremus fuit annus 1298.

H 2

Jacobi

(1) *Rogerus Baconus* Ord. Min. Philosophus acutissimus, tamquam
 præstigiator & magus denunciatus Clementi IV. & a proprio quoque Ge-
 nerali damnatus, & conjectus in carcerem, per calumniam tamen ne-
 scientium arcana naturæ, obiectum sibi crimen consortii cum malignis
 spiritibus exussilavit, anno 1266. & 1278. Obiitque Oxonii anno 1284.
 Vindicant virum doctissimum Wadingus, & Spondanus ad præd. annum
 1278. necnon Naudeus in Annalibus, & Caveus, etsi humiliter, in Se-
 culo Scholastico. Plura in distion. Petri Bayle.

Jacobi de Voragine apud *Ligures* Ord. Præd. Chronici *Januensis*, & *Legendæ aureæ* de vitis Sanctorum, Sermonum autem plurimorum, pius, sed fortassis nimium credulus, concinnator. Omitto cum quibusdam aliis *Richardum* de Mediavilla Minoritam, qui floruit Seculo definente, & appellatus fuit Doctor *Solidus* & *auctoratus*; ne Græcorum Scriptorum, quorum nullum hætenus commemoravi, videar oblitus.

INTER Græcos itaque oratoria enituit arte *Michael Coniata*, atque in Historia frater ejus *Nicetas* Seculo XIII. ineunte. Claruerunt circa annum 1255. *Theodorus Lascaris*, & *Nicephorus Blenaida*; quorum tamen unus in quæstione de origine Spiritus Sancti a Filio, quam Theologi *processionem* vocant, scripsit contra Latinos; aliter aliquando pro Latinis pugnavit: ideoque a Leone Alatio Orthodoxæ Græciæ scriptoribus, & ab Oderico Raynaldo Ecclesiasticis Annalibus istius scripta inferuntur. *Gregorius Acropolis*, quem vocat Ephremius ἀρχερα τεινται καὶ πρῶτος (1). Constantinopolitanam seu Bizantinam historiam condidit ab anno captæ per Latinos urbis 1203. usque ad recuperatam a Michaele Palæologo, nempe ad annum 1261. Joannes autem Vecchus invictus pro Latinorum de Spiritu Sancto dogmate athleta, cum ea de causa edidisset scripta, collecta citato in loco ab Alatio, veritus ne discerneretur a commota in ipsum plebe, relicta C. P. sede, quam octennio Michaeli Imperatori acceptissimus occupaverat, eo e vivis sublato confugit ad monasterium Panachranti, quod contigit anno 1283. atque inde relegatus fuit ad radices montis Olympi, postmodum in Bithyniam: ibique inedia, ærumnisque confectus interiit.

C A P U T V.

QUINAM IMPERII CORONA, CÆLITUMQUE GLORIA
FUERINT DECORATI.

OTHO igitur hujus nominis IV. extincto Philippo imperium occæpit anno 1208. atque proximo anno 1209. eidem Innocentius III. Augustalia contulit insignia. At spreto jurejurando invadentem Romanæ Ecclesiæ provincias idem Pontifex a communionem fidelium amovit;

(1) Omnium principum, primique sublimiti.

amovit; cumque anno 1214. *Philippus Augustus* Galliarum rex apud Bovinum in Gallia Belgica ingenti clade prostravit: qua devictus etiam imperio dejectus est; tamen vitam protraxerit ad annum 1218. quo poenitens, & absolutus ab Episcopo Hildeshemienfi (1) diem obiit.

TRANSIERE interea temporis ad caeleste regnum *Guilelmus* abbas in Dania VIII. Idus Aprilis anno 1203. relatus inter Sanctos ab Honorio III. anno 1224. *Petrus* a Castronovo primus contra Albigenes quasitor fidei, martyrio affectus jubente Comite Tolosano Raymundo anno 1208. *Felix* de Valois, & *Joannes* de Matha initutores Ordinis SS. Trinitatis Redemptionis captivorum: quorum primus obiit anno 1212. XII. Cal. Decem. alter anno 1213. XII. Cal. Januarias: & anno 1214. die 14. Septembris martyr occubuit *Albertus* Patriarcha Jerosolymitanus, Ordinis Carmelitici propagator.

PREDICTO anno 1214. post exauctoratum Othonem imperium assecutus est *Fridericus II.* filius Henrici VI. & Constantiae filiae Rogerii regis Siciliae. Haec illum edidit in tentoriis prati Panormitani, ad omnem veri parvis suspicionem amovendam, quoniam, ut inquit Hospinianus, ad decrepitam pervenerat senectutem. *Fridericus* ab Honorio III. coronam accepit: at Ecclesiam vexando, & iniqua perpetrando non semel subiit anathema. Ab eodem Honorio propter dejectos & injuria affectos Episcopos, a Gregorio IX. ob non susceptam, quam pollicitus fuerat, expeditionem in Palaestinam, & post simulate susceptam, & pacem contumeliose initam cum Sultano, rursus ab eodem Pontifice ob Italiae regiones incendio & caede vastatas, arque ab Innocentio IV. ob perviciam in bonis Ecclesiasticis retinendis, excommunicatione multatus est. Privatus quoque fuit imperio in I. Lugdunensi Concilio anno 1245. & derelictus a suis obiit an. 1250. in Arce Apuliae, aut Panormi; non enim consentiunt Historici (2).

H 3.

Quo-

(1) *Hildeheim* in Saxonia inferiori.

(2) Puto decessisse in Apulia in arce, cum *Florentina* dicebatur. Ajunt semper vitasse urbem Florentiam, quod ei fuisset praenuntiatum, moriturum in Florentino castro. Nothus eius Filius, qui dicitur patrem injecto in os decumbentis pulvina praefocasse, fuit *Manfredus* honore ducatus Tarantini insignitus, aere ferens quod ei Pater praetulisset filium alium nothum Henricum regem Sardiniae qui postea Bononia captivus obiit an. 1271. Fertur Manfredum ad amovendam a se paternam mortis suspicionem *Friderici* cadaver adportasse Panormum, ibique sepulcro

Quorum etiam alii veneno peremptum ajunt, alii suffocatum a filio suo notho, alii gravissimo morbo correptum. Instituit Academiam Neapolitanam, & juxta scriptores aliquos Viennensem, quam tamen institutam alii tradunt ab Alberto III. Archiduce Austriæ anno 1365. Post mortem Friderici diuturnum fuit interregnum usque ad annum 1273. quamvis enim alii principes ad Imperii coronam aspiraverint; maxime *Henricus* Thuringiæ Landgravius, *Guilelmus* Brabantiae Comes, *Richardus* Comes Cornubiæ in Anglia meridionali, & *Alphonfus X.* rex Castellæ, attamen nec coronam imperii consecuti fuerunt, nec ejusdem imperii administrationem auctoritatemque potiti.

INTERIM ad Beatorum translati sunt sedes septem Fratres Ord. Minorum martyrio coronati apud Marochium Africæ civitatem anno 1220. contigit & martyrium *Angeli* Carmelitæ eodem anno in Sicilia interfecti, aliorumque Sanctorum septem Martyrum Minoritarum Exiliisæ (Ceutam vulgo dicunt) Mauritanie Tingitanæ urbis intersectorum insequenti anno 1221. quo item anno Bononiæ decessit *S. Dominicus* pridie Nonas Augusti; qui anno 1216. (1) inclytum Prædicatorum Ordinem instituerat, Albigenium oppugnaverat hæresim, & anno 1234. a Gregorio IX. Sanctorum catalogo fuit adscriptus. Idem autem Gregorius Fastis Sanctorum adscripserat Seraphicum Patriarcham *Franciscum* anno 1228. qui Fratribus suis regulam tradiderat anno 1209. (2) in Arvernia Etruriæ monte receperat Crucifixi stigmata anno 1224. atque e vita migraverat anno 1226. IV. Nonas Octobris. Superiori anno 1225. VII. idus Novembris pro Ecclesiastica libertate martyrium subierat sanctus Coloniensis Episcopus *Engelbertus*, Decessere anno 1231. *Antonius* Olyssiponenfis, a loco dormitionis appellatus de *Padua*, idibus Junii, virtutibus signisque conspicuus, anno

Porphyretyco condidisse. Quidam id factum ajunt ab Archiepiscopo Pannonitano. Melanchthon, & hæretici alii celebrant illud epitaphium:

Si probitas, sensus, virtutis gloria, census,

Nobilitas orti, possent obfistere morti;

Non foret extinctus Fridericus, qui facit letus.

Sed nunquam viris Principibus defuerunt assentatores.

(1) Aut 1207. an. enim 1216. confirmatus fuit, ut dicam proximo capite. Fuerat Canonicus Regularis Oxomenfis; ejusque nobilissimam ex Gulmanorum gente prosapiam vindicavit *Antonius* Bremond Ordinis Prædicatorum Magister.

(2) Juxta alios an. præcedenti. Primum ipsius nomen *Joannes*.

anno sequenti a Gregorio IX. canonizatus; ac *Elisabeth* vidua filia Andreæ Hungarorum regis, cujus natalis colitur XIII. Cal. Decembris, Sanctorum fastis ab eodem Gregorio anno 1235. adscripta fuit. *Hedowigem* Polonorum reginam cælum terris rapuit anno 1243. idibus Octobris, retulitque inter sanctos anno 1267. Clemens Papa IV. (1) Diem obiit anno 1250. beatus *Simeon Stock Carmelita*, at non hujus Ordinis habitusque, ut quidam autumant, institutor. Ab hæreticis anno 1248. trucidatus est *Marcellinus Albergotti* Episcopus Aretinus, & anno 1252. occisus est *Petrus* martyr Veronenfis Ordinis Prædicatorum, cujus memoria recolitur III. Cal. Majas. Innocentius IV. proximo anno 1253. Sanctorum numero illum adscripsit: eumque generalem Fidei inquisitorem in ditio- ne Mediolanensi anno 1232. constituerat Gregorius IX. *Clara* S. Francisci concivis ex hac vita decessit anno 1253. & anno 1255. ab Alexandro IV. inter Sanctas relata fuit. Colitur ejus memoria pridie Idus Augusti. Instituerat vero pauperum Sanctimonialium Ordinem, vulgo *Clarissarum* nuncupatum, anno 1212. Obdormivit in domino in nocte vigiliæ Nativ. Domini *S. Petrus Nolasus* Carcaltonensis, anno 1256. Qui unacum *S. Raymundo* de Pennafort, & Jacobo I. Rege Aragoniæ instituerat anno 1218. Ordinem Beatæ Mariæ de Mercede redemptionis captivorum (2). *Hyacinthi* Poloni Ord. FF. Prædicat. beata mors contigit anno 1257. XVIII. Cal. Sept. & a Clemente VIII. adscriptus fuit Sanctorum catalogo anno 1594. (3) Anno denique 1267. (nam de Ecclesiæ Doctoribus Thoma, & Bonaventura vita functis anno 1273. egimus precedenti capite) migravit in cælum *S. Silvester* abbas VI. Cal. Decembris Fabriani in Piceno, a quo Congregatio monachorum Silvestrinorum anno 1231. fuerat instituta. At ad annum 1273. quo diuturnum Augustorum Principum cessavit interregnum, redeundum est tandem.

(1) Anno 1149. obiit *B. Joannes Bonus* Mantuanus Ord. Eremit. S. P. Aug. Propagator. *S. Albertus* Collensis ad superos migrasse dicitur an. 1202.

(2) *Humiliana* de Cerchiis Florentina obiit an. 1246. *Ferdiana* virgo Reclusa an. 1221. *Ubaldesca* Monialis Pisana an. 1206. *Benignus* Abbas Vallisumbrosi an. 1236.

(3) *S. Raynerius* Pisane Civitatis patronus obiit an. 1261. die 17. Junii, qua die colitur etiam in Martyrologio Romano. *S. Peregrinus* Foroliviensis Ord. Servorum B. M. Virg. decessit an. 1284.

IGITUR anno 1272. pridie Cal. Octobris inauguratus est imperator *Rodolphus Magnus* Comes Aufpurgi, Conditor imperii Austriaci, & Landgravius Alsatiæ. A cultu SS. Eucharistiæ repetuntur imperii ejus auspicia. Commendatur quoque ipsius pietas, quoniam pro Cæsareis insignibus crucem arripuit. Ottocarum Bohemiæ regem implorato Deiparæ nomine ingenti clade superavit, accessitque victori quasi præmium certaminis Austria, quam Alberto filio suo regendam commisit. Hinc Austriacæ Gentis origo: quam Alciatus arcessit ex Aventino; alii repetant ex vetustissimis regibus Austrasiæ. Felici etiam Marte cum Othone Burgundiæ regulo, cum Thuringiæ populis, aliisque hostibus decertavit; atque universa pacata Germania, obiit princeps piissimus atque invictissimus anno 1291. Calendis Augusti.

POSTQUAM vero imperium tenuit septennio, sc. usque ad annum 1298. *Adolphus* Comes Nassaviæ, atque is ob avaritiam, crudelitatem, libidinem, aliaque flagitia proceribus cunctis visus est indignissimus principatu, electus est Rodulphi & Annæ filius *Albertus* Austriacus. *Monoculum* dixere, quoniam oculum amiserat ex propinato sibi veneno: quamquam, ut olim Annibal, altero oculo amisso, ferocius irruit in hostes, & Adolphum, non procul a Vormatiæ superioris Germaniæ urbe, illustri prælio fregit, & vulneravit, *Triumphatoris* cognomentum adeptus. Pugione tamen a conjuratorum manu confossus est ac trucidatus an. 1308. Auctor conjurationis Joannes fratris filius (1), cum quo lis erat de hereditate paterna: atque ille stipatus Ulrico, Valtero, & Rodolpho proceribus in parricidii confortium adscitis, primus omnium Alberti jugulum pugione petivit. Patratum facinus Calendis Maji.

IN HAC autem Seculi XIII. postrema parte oppetierunt mortem anno 1275. die 23. Januarii *Raymundus* Barcinonensis; de quo supra cap. 4. in Sanctorum album relatus anno 1601. a Clem. VIII. Anno 1285. *Philippus Benitius* Florentinus, cujus item mentionem fecimus cap. 1. in Gregorio X. Hunc quidam institutorem faciunt

Or-

(1) Quidam Joannem dicunt Alberti patrum; sed falluntur. Joannes enim filius fuit Rodulphi ducis Sverici, quo extincto Albertus egit nepotis tutelam: unde seminarium diffidit. Joannes tamen in Pisano Augustinensium cœnobio in monachum attonsus, poenitentia, signisque clarus vita illic functus est an. 1313.

Ordinis Servorum B. M. V. quum tamen hic Ordo incepit anno 1233. auctoribus VII. beatis viris, Bonfilio Monaldio, Bonajuncta Manetti, Manetto Antelensi, Amideo de Amideis, Ugucione Ugucconio, Sosteneo de Sosteneis, & Alexio de Falconeriis. Fuit itaque S. Philippus ejusdem Ordinis propagator, & V. Generalis, non Institutor: ejusdemque testum diem recolimus X. Cal. Septembris. Anno 1292. *Albertus* Carmelita Siculus, qui obiit Messanæ VII. Idus Augusti, & anno 1292. *S. Petrus Caelestinus*: de quo item cap. 1. *Margarita* itidem, Cortonenlis vocata a dormitionis suæ loco, & cognominata Etruriæ, ac Seraphici Ordinis Magdalena, obdormivit VIII. Calendas Martias anno 1297. eodemque anno relatus est inter Sanctos *Ludovicus IX.* rex Galliarum, qui anno 1270. die 25. Augusti, inita contra Saracenos expeditione, pestilentia decessit. Ipsomet anno 1297. ad cælos migravit *S. Ludovicus* Episcopus Tolosanus Ord. Min. hujusque nomen Martyrologio Rom. inscriptum legitur XIV. Calendas Septembris. Postremo denique anno, scilicet 1300. ad aram peractæ Sacro a Mahumetanis trucidatus est episcopus Giennii, seu Oningis in Andalusia, *Petrus Paschalis*.

RELIQUUM est, ut Imperatorum Orientis subjiciamus chronologiam. Dejecto e throno anno 1203. Alexio Angelo ab Alexio Juniore nepote suo, is anno sequenti 1204. vita imperioque excessit. Successit Alexius Ducas, cognomento *Murtzulphus*, seu *Myrsilus*, a conjunctis superciliis, qui propriis manibus Alexii fauces laqueo confregit: at idem scelestissimus parricida eodem anno extremo supplicio affectus est a Latinis, qui Constantinopolis potiti sunt, & omnium fœderatorum consensu imperatorem Orientis crearunt Balduinum Flandriæ Comitem. Græci vero imperii sedem laceratam atque divisam transtulerunt Trapezum Cappadociæ, Nicæam Bithyniæ, & Adrianopolim Thraciæ urbem. Quare usque ad annum 1261. quo anno Michael Palæologus recuperavit C. P. regnarunt Adrianopoli, & Nicææ *Theodorus Lascaris* filius Alexii Angeli, *Joannes Ducas Vataci* illius gener, *Theodorus Lascaris* Junior, Joannis filius, ac prioris Theodori nepos, atque *Joannes* filius Theodori Junioris, quem anno 1260. Michael Palæologus excæcavit, atque Nicææ ipse Michael arripuit imperium. Trapezi vero (*Tra- bifundam* vulgo dicunt) imperarunt ab anno 1204. *Comneni*,

ab Alexio filio Emmanuelis, & nepote Andronici Imp-
usque ad *Davidem Comnenum*, qui anno 1462. coactus est
Trapezuntinum imperium cedere Mahumeti Secundo.

POSTQUAM igitur C. P. Imperium tenuerat ex La-
tinis *Balduinus* anno tantum uno, captus & occisus anno
1205. a Joannicio rege Bulgarorum, *Henricus* Balduini
Frater inauguratus anno 1206. & vita functus anno 1216.
Petrus Comes Antissiodorensis gente *Cortiniacus*, extinctus
proximo anno 1217. *Rupertus* Petri filius occisus anno
1228. *Balduinus II.* *Ruperti* F. quicapta 1261. a Michael-
le Palæologo C. P. fuga elapsus mortem evasit; Michael
Constantinopolitana Urbe recuperata, ibique pulsus Lati-
nis restituit imperium Græcorum, & illud administravit
usque ad annum 1280. eique successit *Andronicus* Palæo-
logus ipsius filius, sive *Andronicus II.* ab Andronico Ju-
niore nepote suo dejectus, & carceri mancipatus anno 1327.

C A P U T VI.

QUENAM SECULO XIII. IN ECCLESIA DOCTRINA,
ET DISCIPLINA VIGUERINT.

PRAVA hæreticorum dogmata descripta superiori
cap. 3. hujus Seculi Conciliis pariter enarratis 2: cap.
fuerunt proscripta. Quare confirmata fuere quæ de fide
Trinitatis, & Dominicæ Economix, seu, ut ajunt,
Incarnationis, tradidere Majores. Corroborata est Eccle-
siastica Hierarchia, Romani Pontificis auctoritas, Sacer-
dotalis Ordinis dignitas, ac potestas. Intemerata item
Deiparæ virginitas, cultus Sanctis exhibendus, sacrarum
usus imaginum, psalmodiæ, rituum, precumque vetusta
consuetudo, atque sanctorum indulgentiarum concessio,
aliaque tradita a magistra veritatis Romana Ecclesia,
fuerunt iterum stabilita. Desinitum est insuper non pugna-
re cum Evangelicâ paupertate ex quæstu vivere, etiam
Christianis fas esse gubernare rempublicam, ac præter
conscientiæ synderesim manere reprobis sempiterna infer-
orum supplicia. Quæ omnia ex præcit. cap. 3. & seq.
perspicua sunt.

ANNUE Paschalis communionis ad fideles ab infide-
libus discernendos, revocandosque ad frugem improbos,
cum a Christo & ab Apostolis fuerit indicta perceptio,
tempus recte novimus esse præscriptum. Recitandi Ro-
farii

farii B. V., devotio utique, siue orationum qualitas, siue contemplanda mysteria attendantur, summo opere commendanda, usus promulgatus est a S. Dominico, quem illius auctorem esse, quidquid obganniant nonnulli, declararunt Romani Pontifices Leo X. Pius V. Gregorius XIII. & Sixtus V. Fertur primus omnium Innocentius IV. Rosam auream musco & balsamo permixtam solemnī ceremoniā benedixisse, quod alii referunt ad Leonem IX. alii ad Urbanum II., alii rejiciunt post annum 1400. Sed hæc, & consimiles quæstiones obscuræ facili negotio solvuntur, si antiqua dicatur institutio, hujus ævi benedictionis solemnitas, posterioris formula in Ordine Romano præscripta. Fratribus mendicantibus, & nominatim Ord. Prædicat. facultatem excipiendi Confessiones Sacramentales indulgit Gregorius IX. Festum Corporis Christi, quod anno 1208. celebrari cœperat in diocesi Leodiensi, ab Urbano IV. anno 1264. præscriptum fuit universæ Ecclesiæ, una cum Officio edito a S. Thoma Aquinate. Obtinuerunt hoc Seculo hymnus, *Stabat Mater*, & Antiphona, *Salve Regina*, necnon sequentia, *Veni Sancte Spiritus*. De auctoribus hæsitatur. Quidam enim hymnum illum, seu rhythmum compositum a beato Jacopono, quidam vero ab Innocentio III. editum affirmarunt: *Antiphonam* alii S. Bernardo, alii Haimero Episcopo Podiensi, alii Petro Compustellano, alii Hermano Contracto monacho Benedictino, de quo Seculo IX. adscribere: *Sequentiam* Innocentio III. prælaudato. Inclusio Cardinalium in Conclavi ad eligendum Summum Pontificem cœpit anno 1276. in electione Innocentii V. ex præscripto Constitutionis latæ a prædecessore Gregorio X. cujus extat decretum in Sexto cap. *Ubi periculum*, 3. de Elect. Annus Jubilæi, cujus quædam imago præcesserat in Veteri lege Levit. cap. 25. institutus est a Bonifacio VIII. ac primo celebratus anno 1300. Extat Bonifacii decretum Cap. *Antiquorum*, Extravag. Comm. lib. 3.

PRÆC. capite commemorans viros Sanctissimos mentionem feci Ordinum religiosorum ab illis institutorum. Æquum est, ut etiam ceteros, atque singulorum recensam approbationem. Sacer itaque Ordo Prædicatorum confirmatus fuit anno 1216. ab Honorio III. Idem Honorius confirmavit Ordinem FF. Minorum, quem tamen oraculo vivæ vocis approbaverat Innocentius III. anno

anno 1209. Regulam quoque Carmelitis traditam ad Albertum Jerosolymitano idem Honorius confirmavit; quam tamen postea mitigavit Innocentius IV. Unionem Eremitarum in unum Augustinensium cœtum ratam habuit probavitque Alexander IV. anno 1257. (1) Hi sunt quatuor Ordines *Mendicantium*. A Gregorio autem IX. approbatus fuit Ordo Beatæ Mariæ de Mercede anno 1235. Ab Innocentio IV. Ordo Servorum B. M. V. & Monachorum Silvestrinorum anno 1247. Cælestinorum institutum a Cælestino V. ante 1294. nomen traxit, ac firmitudinem. Instituit anno 1215. B. Eusebius Archiepiscopus Strigoniensis Ordinem Eremitarum S. Pauli primi cultoris Eremiti, sed confirmatus tantum fuit a Joanne XXII. anno 1328. Prætermittimus quarumdam Congregationum, Ordinumque Equestrium institutionem ad hoc Seculum referendam (2).

EXTERNARUM RERUM ACCESSIO.

AD MINISTRAVERUNT Galliarum regnum post Philip-pum Augustum extinctum anno 1223. *Ludovicus VIII.* qui decessit anno 1226. Deinde *S. Ludovicus IX.* vita functus anno 1270., de quo etiam supra cap. 5. inter Sanctos relatus anno 1297. a Bonifacio VIII. Regnavit postmodum *Philippus III.* cognomento *Audax* usque ad annum 1285. deinde *Philippus IV.* a fortunæ elegantia dictus *Pulcher*, ad annum usque 1314.

REGNUM vero Castellæ post Alphonsum VIII. vitæ functum 1214. tenuerunt *Henricus I.* qui obiit anno 1217. (3) *Ferdinandus III.* rex etiam Legionis, qui sancte decessit anno 1252. *Alphonsus X.* cognomento *Sapiens* (4) a filio San-

(1) Ordo Eremitarum S. P. Augustini Unionem istam præcessit et nam Concilium II. Lugdunense celebratum an. 1274. declaravit eundem Ordinem connumerandum non esse inter recentiores tum institutos, eo quod ille, sicut & Carmeliticus, præcesserit Generale Concilium Lateranense IV. celebratum an. 1215. Vid. caput *Religionum*, de Relig. Dom. in 6.

(2) Primo hujus Sæculi anno, idest 1201. institutus Ordo S. Spiritus in Saxia Romæ.

(3) *Alphonsus IX.* mortuus an. 1231. rex Legionis.

(4) Anno 1252. *Alphonsus* rex Hispaniarum fixit æcum suam Kal. Junii feria 7. & motuum cælestium tabulas, quas appellant *Alphonsinas*, conquestis Astronomorum exercitatissimis expenditque eam in rem quatuorcentena milia aureorum.

Sanctio pulsus e throno anno 1284. Idem *Sanctius* hujus nominis IV. qui cessit e vita anno 1295. & *Ferdinandus IV.* qui regnavit usque ad annum 1312. Interea temporis regnarunt in Navarra *Sanctius VIII. Theobaldus, Theobaldus II. Henricus, & Joanna*, quæ decessit anno 1304. in Aragonia vero post Petrum II. defunctum anno 1213. *Jacobus I. Petrus III. Alphonsus III. & Jacobus I.* qui obiit anno 1327. atque in Lusitania, cujus regnum incepit superiori Seculo XII. in quo ab anno 1139. usque ad annum 1212. regnaverant *Alphonsus I. & Sanctius I.* post Sanctium regno potiti sunt *Alphonsus II. Sanctius II. Alphonsus III. & Dionysius*, qui naturæ concessit anno 1325. (1)

Quæ in Oriente contigerunt hoc Seculo, ista præsertim sunt. In Syria anno 1202. ingenti terræmotu, quem consecutæ sunt pestilentia & fames, concidit Tyrus, omnesque urbes maritimæ concussæ sunt. Occupata a Latinis anno 1204. C. P. anno autem proximo pactæ ab iis ad sexennium cum Saracenis inducæ. Themiatthem, vulgo *Damiatam*, apud Pelusium in Ægypto, Christiani anno 1219. expugnarunt. Reddiderunt tamen anno sequenti, incensis a Saracenorum exercitu navibus illorum 750. & Nili hærentes paludibus. Theodorus Angelus anno 1221. occidit ad Dyrrachium (2) Macedoniæ urbem Latinum Imperatorem Petrum Cortiniacum juxta Vossianam Historiæ Epitomen; quod tamen anno 1217. evenisse putamus. Aulicus, qui anno 1228. interfecit Rupertum Imp. Orientis, Imperatrici cujus nuptias consequi non poterat, nares abscidit. Fridericus II. imperator anno 1229. cum Sultano Babylonie iniit fœdus, eique, partem aliquam Jerosolymæ adeptus, templum arcemque reliquit. Tartari anno 1244. ex Hungaria, & Perside pulsi sese in Christianos commorantes in Syria effuderunt, instigante Sultano, a quo in suam ditionem redacta Jerusalem, templique supellex in Mahumetis ædem translata fuit. S. Ludovicus Galliarum rex anno 1249. Tamiathem recuperavit, quæ tamen sequenti anno diruta est, cæsis Christianis quamplurimis. Tartari Christianam amplexi religionem anno

1258. oc-

(1) In Anglia rex *Joannes* anno 1216. *Henricus III.* 1273. *Edwardus* 1308. In Polonia autem *Micislaus* anno 1203. restitutus. *Lesus* 1226. *Boleslaus IV.* 1279. *Lesus II.* 1289. *Primislaus* 1296. *Venceslaus* an. 1305 satis cesserunt.

(2) Vulgo *Durazzo*.

anno 1209. Regulam quoque Carmelitis traditam ad Alberto Jerosolymitano idem Honorius confirmavit; quam tamen postea mitigavit Innocentius IV. Unionem Eremitarum in unum Augustinensium cœtum ratam habuit probavitque Alexander IV. anno 1257. (1) Hi sunt quatuor Ordines *Mendicantium*. A Gregorio autem IX. approbatus fuit Ordo Beatæ Mariæ de Mercede anno 1235. Ab Innocentio IV. Ordo Servorum B. M. V. & Monachorum Silvestrinorum anno 1247. Cælestinorum institutum a Cælestino V. ante 1294. nomen traxit, ac firmitudinem. Instituit anno 1215. B. Eusebius Archiepiscopus Strigoniensis Ordinem Eremitarum S. Pauli primi cultoris Eremitæ, sed confirmatus tantum fuit a Joanne XXII. anno 1328. Prætermittimus quarundam Congregationum, Ordinumque Equestrium institutionem ad hoc Seculum referendam (2).

EXTERNARUM RERUM ACCESSIO.

ADMINISTRAYERUNT Galliarum regnum post Philippum Augustum extinctum anno 1223. *Ludovicus VIII.* qui decessit anno 1226. Deinde *S. Ludovicus IX.* vita functus anno 1270., de quo etiam supra cap. 5. inter Sanctos relatus anno 1297. a Bonifacio VIII. Regnavit postmodum *Philippus III.* cognomento *Audax* usque ad annum 1285. deinde *Philippus IV.* a formæ elegantia dictus *Pulcher*, ad annum usque 1314.

REGNUM vero Castellæ post Alphonsum VIII. vita functum 1214. tenuerunt *Henricus I.* qui obiit anno 1217. (3) *Ferdinandus III.* rex etiam Legionis, qui sancte decessit anno 1252. *Alphonsus X.* cognomento *Sapiens* (4) a filio San-

(1) Ordo Eremitarum S. P. Augustini Unionem istam præcessit & nam Concilium II. Lugdunense celebratum an. 1274. declaravit eundem Ordinem connumerandum non esse inter recentiores tum institutos, eo quod ille, sicut & Carmeliticus, præcesserit Generale Concilium Lateranense IV. celebratum an. 1215. Vid. caput *Religionum*, de Relig. Dom. in 6.

(2) Primo hujus Seculi anno, idest 1201. institutus Ordo S. Spiritus in Saxia Romæ.

(3) *Alphonsus IX.* mortuus an. 1231. rex Legionis.

(4) Anno 1252. *Alphonsus* rex Hispaniarum fixit ænem suam Kal. Junii feria 7. & motuum cælestium tabulas, quas appellant *Alphonsnar*, conquistis Astronomorum exercitatissimis; expenditque eam in rem quæter centena millia aureorum.

Sanctio pulsus e throno anno 1284. Idem *Sanctius* hujus nominis IV. qui cessit e vita anno 1295. & *Ferdinandus IV.* qui regnavit usque ad annum 1312. Interea temporis regnarunt in Navarra *Sanctius VIII. Theobaldus, Theobaldus II. Henricus, & Joanna*, quæ decessit anno 1304. in Aragonia vero post Petrum II. defunctum anno 1213. *Jacobus I. Petrus III. Alphonsus III. & Jacobus I.* qui obiit anno 1327. atque in Lusitania, cujus regnum incepit superiori Seculo XII. in quo ab anno 1139. usque ad annum 1212. regnaverant *Alphonsus I. & Sanctius I.* post Sanctium regno potiti sunt *Alphonsus II. Sanctius II. Alphonsus III. & Dionysius*, qui naturæ concessit anno 1325. (1)

QUÆ in Oriente contigerunt hoc Seculo, ista præsertim sunt. In Syria anno 1202. ingenti terræmotu, quem consecutæ sunt pestilentia & fames, concidit Tyrus, omnesque urbes maritimæ concussæ sunt. Occupata a Latinis anno 1204. C. P. anno autem proximo pactæ ab iis ad sexennium cum Saracenis induciæ. Themiatthem, vulgo *Damiatam*, apud Pelusium in Ægypto, Christiani anno 1219. expugnarunt. Reddiderunt tamen anno sequenti, incensis a Saracenorum exercitu navibus illorum 750. & Nili hærentes paludibus. Theodorus Angelus anno 1221. occidit ad Dyrrachium (2) Macedoniæ urbem Latinum Imperatorem Petrum Cortiniacum juxta Vossianam Historiæ Epitomen; quod tamen anno 1217. evenisse putamus. Aulicus, qui anno 1228. interfecit Rupertum Imp. Orientis, Imperatrici cujus nuptias consequi non poterat, nares abscidit. Fridericus II. imperator anno 1229. cum Sultano Babyloniz iniit fœdus, eique, partem aliquam Jerosolymæ adeptus, templum arcemque reliquit. Tartari anno 1244. ex Hungaria, & Perside pulsi sese in Christianos commorantes in Syria effuderunt, instigante Sultano, a quo in suam ditionem redacta Jerusalem, templique supellex in Mahumetis ædem translata fuit. S. Ludovicus Galliarum rex anno 1249. Tamiathem recuperavit, quæ tamen sequenti anno diruta est, cæsis Christianis quamplurimis. Tartari Christianam amplexi religionem anno

1253. oc-

(1) In Anglia rex *Joannes* anno 1216. *Henricus III.* 1273. *Eduardus* 1308. In Polonia autem *Micislaus* anno 1202. restitutus. *Lesus* 1226. *Boleslaus IV.* 1279. *Lesus II.* 1289. *Primislaus* 1296. *Poncesslaus* an. 1305 fatis cesserunt.

(2) Vulgo *Durazzo*.

1258. occupaverę Babylonem ; recepitque anno 1261. Michael Palæologus C. P. ut dictum est alibi . Benedectar Sultani dux anno 1268. expugnavit Antiochiam , cæsis Christianorum XVII. M. & C. M. in captivitatē abductis . Anno 1289. Sultanus cepit evertitque Tripolim : expugnavit deinde Tyrum , Sidonā , & Berytum ; ac Ptolomaidem quoque anno 1291. excidit , (1) deletumque est regnum Christianorum in Syria . Sequenti tamen anno Sultanus cum invadere meditaretur Cyprum , trucidatus fuit a suis . Palæstina , quam anno 1294. recuperavit Cassanus rex Tartarorum factus Christianus , rursus anno 1300. p̄ditione præfecti Damasceni rediit ad Saracenos . Hoc anno Seculi XIII. postremo fertur Othmen , vulgo *Othomanum* , præfectum Ciliciæ , creatum fuisse mortuo Aladino Sultano , & Othomanicam condidisse familiam ; quod alii ad annum 1298. retulerunt , alii ad annum 1302. seu 1303.

VIDEAMUS , an feliciora in Occidente contigerint . Philippum Imperatorem anno 1208. parricidio necatum , dictum est supra . Germani duce Andrea Hungariæ rege anno 1216. in Palæstinam expeditionem instituerunt . Fridericus II. anno 1234. Hungaros superavit , addiditque Imperio Viennam Austriæ . Idem Fridericus anno 1249. Parmam occupavit . Guilelmus acclamatus Imperator anno 1256. interfectus in Frisia (2) : Manfredus

(1) Ptolemais , seu *Acra* , dicta a nostratibus Civitas *S. Joannis* , quod fuerit olim sedes Equitum *S. Joannis* Jerosolymitanorum , ut diximus præced. Seculo cap. 6. *Colonia Claudio* appellatur a Plinio . Olim *Acra* ab Aco Ptolomæi regis *Ægypti* fratre dictam voluit . Expugnaverat illam ante adventum Domini Tigranes Armenius rex . Coloniam constituit Claudius Cæsar . A Tigrañe dirutam instauraverat Pompejus . Occupatam anno 1104. a Balduino diximus in Appendice Seculi XII. Rursus illam post quinquennium tenuerunt Christiani . Rediit ergo an. 1191. die 3. Maji ad Saracenorum tyrannidem . Perierunt tum gladio fidelium 15000. in captivitatem abducti 20000. Nil modo , si percommo- dum portum excipias , vestigium pristinae amplitudinis illic apparet . In cruce Signatorum expeditione , quæ coepit anno 1095. suadente Petro Eremita a Græcis appellato *Concupetro* , usque ad annum 1291. perierunt fidelium militum circa 2000000. atque divisione principatuum , Christianorumque Principum dissensione , victoria in luctum pertransiit : quæ enim pepererat Christiana caritas & Crucis humilitas , ea sustulit atrox discordia & turpis ambitio .

(2) Superiori anno 1248. *Victoriam* ligneam Urbem , quam Fridericus in obsidione Civitatis Parmæ construxerat , Parmenses expugnaverunt , affixis illic in edito & conspectuo loco hæc verbus :

Per te , Rex alme , cecisse Victoria Parma .

Antiphrasi dicta cecisse Victoria victa .

fredus apud Beneventum anno 1265. & Conradinus in Marſis anno 1268. a Carolo Andegavenſi, Sicilia regnum indepto, fuerunt deviſti. *Vespera Sicula*, in quibus omnes Galli, quotquot in inſula erant, interfecti fuerunt, conſignantur anno 1282. III. Kal. Auguſti. (1) Præſium ad Spiram, quo Albertus Auſtriacus interfecit Adulphum Naſſavium Imp. contigit poſtridie Kalendas Julias anno 1298. Ultimo hujus ſeculi anno, idelt; 1300. exortæ fuerunt Piſtorii factiones, quas Nigrorum, Blancorumque dixere.

AD LITTERARUM incrementa plurimum contulerunt inſtitutæ hoc ſeculo Academiae, nempe ſeculi initio Sal-
manticensis, Patavina anno 1222. Toſoſana anno 1233.
Neapolitana anno 1239. Aboenſis in Svecia anno 1240.
Cantabrigienſis anno 1280. Monſpeſulana anno 1289. &
Olyſſiponenſis anno 1290. Inter Scriptores vero, præter
Eccleſiaſticos commemoratos cap. 4. alioſque præſtantif-
ſimos cauſa brevitatſ prætermiſſos, cujuſmodi fuerunt
Stephanus Langtonus, Lucas Tudenſis, Robertus Groſt-
head, ſeu Capito, Manuel Ephelinus, Joannes Caſtor,
Remigius Florentinus, aliique complures, honeſtiſſimum
ſibi compararunt nomen, in Hiſtoria quidem Joannes
de Oxonio, qui res Anglicas ſcripto tradidit, Conradus
cognomento Philoſophus, cujuſ eſt Chronicon inſcriptum
Αὐριγγαῖον, Joannes alter Angluſ, & patria Eboracenſis,
vulgo *Holiſax*, appellatus *De ſacro Boſco*, librum condi-
diſ de Sphæra mundi, Rodulphus Niger, a quo item
duplex Chronicon editum fuit uſque ad annum 1213.
deductum, Sozomenus preſbyter Piſtorienſis, & Vincen-
tius Cadluccus Polonus Hiſtorici; atque de temporibus
carmine, pro genio ſeculi haud ineleganti, ſcripſit Juſti-
nus Lippienſis, ac de bello Trojano, ſegregatiſ ab hi-
ſtoria fabuliſ, Joſephus Devonius Iſcanus libros ſex, quo-
rum eſt initium, *Illiadum lacrymas, conceſſaque Pergama
ſatiſ*. Adde poetiſ Philippum Gualterum Caſtellionium,
quem ab Epiſcopatu *Magalonenſem* appellant, qui car-
mine

(1) Comes Hugolinuſ de Gherardeſca anno 1288. Piſiſ ob patriæ
proditionem in turre cum filiis ſame necatuſ fuit. Hiſtoriam tamen a
Joanne Villani lib. 7. cap. 120. & 127. deſcriptam pluribus ſcatere er-
roribuſ, iſſidemque implicari viroſ Clariffimoſ, qui Commentaria edi-
derunt in Danthem Aligherium *Inf. Cens.* 33. ex authenticis monumen-
tiſ demonſtrat vir præſtantiffimuſ Flaminuſ de Burgo Equuſ, & IC.
Piſanuſ, in patrio Lyceo Profeſſor publicuſ.

128 SEcul. DECIMITERT. ACCESSIO

mine condidit Alexandreida, idest, libros IX. de rebus gestis ob Alexandro magno; extatque illius Epitaphium apud Vossium de Poetis Latinis cap. 6.

*Insula me genuit, rapuit Castellio nomen,
Perstrepuitque modis Gallia tota meis.*

Excelluit demum in utroque Jure Franciscus Accursius Florentinus (1), Acronis quondam auditor, & Glossatorum veterum coryphæus; quem Cujacius præferendum esse putabat cunctis Græcis Latinisque legum Interpretibus.

DECIMUM QUARTUM
ECCLESIAE
SEculUM.

CAPUT I.

QUI SEculo XIV. SEDERUNT IN PETRI
CATHEDRA.

ANNO 1303. V. Idus Octobris extinctum Bonifacium VIII. dictum est supra. Post obitum autem Bonifacii Ecclesiae præfuerunt Catholicae B. Benedictus XI. Clemens V. Joannes XXII. Benedictus XIII. Clemens VI. Innocentius VI. Urbanus V. Gregorius XI. Urbanus VI. & Bonifacius IX.

CXCIV. BENEDICTUS XI. antea Nicolaus Boccasini Tarvisinus, supremum Ordinis Prædicatorum magistratum indeptus, & a Bonifacio VIII. purpura Vaticana exornatus, decima ab hujus obitu die inauguratus est Pontifex, sedemque Romanam tenuit mensibus 8. e vivis

(1) Obiit Bononiæ anno 1229. Accursius ejus Pater: distinguendi sunt enim. Is filium habuit, quæ Jus Civile Bononiæ publice docuit. Vide Pancirol. lib. 2. cap. 29. Francisci Accursii frater Cervotius; cujus Glossæ *Cervotiana*, ineptæ, a paternis dissitæ, & passim rejectæ. De Petro Vineæ Campano, & optimarum Epistolarum Scriptore, ejusque infelici exitu, Ricordanus in Historia Hetrusca, Danthes Inferni cantu 23. Landinus & Vellutellus ibidem, & Jo. Villani lib. 6. cap. 3.

vivis sublatus anno 1304. die 6. Jul. Ferunt extinctum veneno ei in ficibus propinato Perusiar. Quo auctore non constat. Virtutes omnes mirifice coluit, pacis studium præsertim, & humilitatem, adeo ut parentem suam nonnisi vili indutam habitu exceperit. Sanctorum Fastis illius insertum est nomen.

CXCV. SEDIT postea *Clemens V.* pridem Bertrandus Archiepiscopus Burdigalensis, electus die 21. Julii Perusiar, (1) & coronatus Lugduni die 14. Novemb. an. 1305. in Galliarum regem beneficentissimus, sedem Apostolicam transtulit Avenionem, (2) Templarios extinxit, Vienneſe Concilium celebravit, Clementinas in unum volumen coegit, Henricum VII. Imperatorem aliosque invadentes regnum Neapolitanum diris coercuit, S. Petrum Cæleſtinum adſcripſit Sanctorum Catalogo, obiitque non procul ab Avenione *Roguemaure* anno 1314. die 20. Aprilis. Vitia ei complura exprobrat Joannes Villani lib. 60. cap. 58. ambitionem præsertim, avaritiam, simoniacam labem, incestuosam consuetudinem, artemque magicam; nec dissentit 3. Hist. p. S. Antoninus: sed has criminationes Henricus Spondanus, Raynaldus, aliiſque diluerunt.

CXCVI. POST diuturnum interpontificium ob Cardinalium diffidia, anno 1316. die 7. Augusti electus est *Joannes XXII.* antea Jacobus Eufius Card. Episcopus Portuenſis. Non ille ſemetipſum, ut quidam ſcripſere, nominavit, ſed pleno electus eſt Cardinalium ſuffragio (3). Exortum eo ſedente ſchiſma *Petri de Corbaria* Ord. Minorum, (4) erupitque ſecta proſanorum hominum, quos *Begunos* & *Fratricellos* dixere. Petrus Aprutinus opera Ludovici Bavari intruſus, anno 1330. Pontificis perſonam depoſuit, pœnitentiam egit, ac poſt tres annos ac menſem Avenione deceſſit. At Joannes Cleri

Tom. II.

I

ava-

(1) Bertrandus cognomento *Gothus* ſum electionis nuncium accepit, dum viſitaret prioratum de Liſinhaco in diœceſi Piſtavienſi.

(2) Inter Pontifices, qui Avenione ſederunt, plures vitæ extiterunt integerrimæ, & mendacii redarguendi ſunt, qui cum Petro *Giannone* ſcripſere, propter ipſorum Pontificum improbitatem dici a Petro Joanne Olivi Ord. Min. *Comment. in Apoc.* Eccleſiam Avenionenſem *Babylonem*. Iſte enim auctor obiit an. 1297. ſ. ante Clementem V. Vide Sec. Præc. cap. 3. Not. Clementis V. theſaurus expulſus fuit, ad Bertrandum illius nepos tuſtuliffe dicitur florenos 300000. ad ſacrum bellum comparatos. V. *Plutur* libro XCII. num. 11.

(3) Cardinales, qui elegerunt Joannem XXII. fuerunt num. 23. Oldoinus 19. enumeravit.

(4) Petrus Antipapa *Nicolaus V.* nomen aſſumpit.

avaritiam ambitionemque compescuit, Marfilii Patavini, & Joannis Gandavenis proscripsit asserta, pro Sanctorum presenti gloria quaestionem, in qua erroneam partem falso dicitur sequutus, agitari curavit, *Clementinas* Constitutiones divulgavit, addiditque *Extravagantes*, atque e vivis excessit Avenione die 4. Decembris anno 1334. exa-
cto Pontificatus sui anno 18. (1)

CXCVII. SUCCESSIT Joanni XXII. *Benedictus XII.* antea Joannes Furrarius Cardinalis S. Priscæ Ordinis Cisterciensis, & cujus Ordinis habitu albo Blancus appellabatur. Electus est die 20. Decembris anno 1334. obiitque die 25. Aprilis anno 1342. octavo Pontificatus sui. Beneficia Ecclesiastica sapientibus probisque tantum contulit: redditus ad Ecclesiæ commoda reservavit, sanguine conjunctis nil contulit, neptemque suam nulli viro nobili ac prædixiti, sed mercatori tantummodo nubere indulgit: solitus dicere, Pontificem debere esse, sicut Melchisedech, sine patre, sine matre, sine genealogia, atque interdum ea verba repetere, Pl. 18. *Si mei non fuerint dominati, tunc immaculatus ero.* (2)

CXCVIII. POST *Benedictum XII.* sedit *Clemens VI.* Ord. S. Bened. antea Petrus Rogerius electus die 7. Maji anno 1342. & vita functus anno 1352. die 6. Decembris: tenacis memoriæ, atque in nepotes liberalissimus fuit. In parricidas Andree regis Neapolitani, in Nicolaum Laurentium in urbe Roma nimia libertate abutentem, atque in Flagellantium sectam edidit Constitutiones. Annum remissionis ad quinquagesimum coarctavit. Egit cum Joanne Cantacuzeno de unione Græcorum: in Ecclesiæ ditionem anno 1347. redegit Avenionem; & grassante eo temporis pestilentia, impendit fidelibus spiritualia, ac temporalia remedia (3).

CXCIX.

(1) Qui Joannem XXII. Tabernarii filium dixere, illius egregia celebrant merita, quibus ex infimo genere ad supremam adscenderit dignitatem.

(2) *Benedictum XII.* omnes laudant, etiam nuper auctor Operis inscripti, *Les vies des Papes*, aut *Histoire des Papes*. Apud Baluzium tamen n. 8. habetur huius Pontificis Vita, cujus Scriptor illum iniquissime insinuat, tamquam scurrilem, immanem, impurum, atque ebriosum, profanum & sarranicum distichon: *Iste fuit Nero, mors laicit, vipera Clero, Deus a vero, cuppa repleta vero.* Vide, quo progreditur temeritas calumniantium!

(3) Ad *Clementem VI.* iniquissimam epistolam nomine *Diaboli* homines quidam nefarii scripsere. De hac Epist. plura apud *Fleury* libro 26. n. 9. & *Vies des Papes* tom. 3. pag. 462.

CXCIX. INAUGURATUS deinde *Stephanus Aubertus* Gard. & Episcopus Ostiensis, electus cit. an. 1352. die 18. Decemb. & sublatuſ e vivis anno 1362. die 12. Sept. *Innocentii VI.* nomen assumpsit: Commendatur autem ob morum simplicitatem, peritiam canonum, & beneficentiam in pauperes: Vide tamen *Revelat. S. Birgittæ* lib. 1. cap. 41. & Not. *Consalvi Durandi*.

CC. SUCCESSIT *Urbanus V.* qui sedit a postrema die Octobris anni 1362. usque ad diem 19. Decemb. an. 1370. Appellabatur antea *Guilelmus Grimoaldus* abbas S. Victoris Massiliensis Ordinis Cluniacensis. Venit in Italiam anno 1367. rediitque anno 1370. Avenionem, S. Birgittæ, cujus tamen Ordinem in oppido Montis Falisci approbavit, spreto consilio. Sedavit Viterbiensium, & Bononiensium tumultus; Vicecomitum pacato dissidio, Græcorumque imperatoris Joannis Palæologi abjuratorem schismatis anno 1369. excepit festâ die Lucæ Evangelistæ recurrente.

CCI. REXIT deinde Ecclesiam *Gregorius XI.* nepos Clementis VI. electus exeunte Decembri anno 1370. & vita functus die 27. Martii anno 1378. Romæ, in quam urbem reduxit sedem Avenione discedens die 12. Septemb. anno 1376. hortante S. Catharina Senensi, Romamque pervenit die 17. Januarii anno 1377. Damnâvit eodem anno Joannem Vicleſum.

CCII. Ubi fatis cessit *Gregorius*, inauguratus est Pontifex *Urbanus VI.* seu Bartholomæus de Prignano Neapolitanus, & Archiepiscopus Barensis, anno 1378. die 9. Aprilis, ingenti clamore minisque Papam Romanum, aut saltem Italum populo postulante. Illius tamen electionem, cessante quoque tumultu, Cardinales probarunt, id Leonardo Arretino, Flavio Blondo, Platina, aliisque licet liberioris calami attestantibus. Quare Urbanum esse legitimum Pontificem nequit in dubium verti. Nonnulli tamen Cardinales, inter quos tres Itali, quamvis Romæ Urbano VI. post electionem omnem exhibuissent honorem, numero XVI. Fundis in Campania eodem anno 1378. die 19. Sept. elegerunt Antipapam Robertum Gebennensem Cardinalem, imposito ei nomine Clementis VII. Hæc atrocissimi schismatis origo fuit. Cum magno fidelium scandalo, bullis, excommunicationibus, armisque Urbanus, & Pseudo-Clemens invicem pugnarunt. Hinc Galliarum, Castellæ, & Siciliæ Reges adhæsere: ceteri

fere omnes Urbano: qui pluribus discriminibus superatis decessit Romæ, non absque sumpti veneni suspitione die 15. Octobris anno 1389. At Clemens VII. naturæ concessit Avenione anno 1394. die 16. Sept. correptus apoplexia.

CCIII. POST Urbani obitum Romæ electus est eodem anno 1389. die 2. Novembris *Bonifacius IX.* idest, Card. Petrus Tomacelli Neapolitanus; qui decessit anno 1403. Kal. Octobris. Post mortem etiam Pseudopontificis Clementis VII. Avenione anno 1394. die 28. Septembris electus est *Benedictus XIII.* Antipapa, scilicet Petrus de Luna Cardinalis Aragonensis, cui suprema dies fuit prima Junii anno 1424. Frustra pro schismatis extirpatione adlaboratum est. Dicitur Bonifacius IX. instituisse redditus, quos vocant *Annotas*, vindicans Apostolicæ Sedis Episcopatum, aliorumque beneficiorum Ecclesiasticorum proventus unius anni. Id contigit anno 1398. Exemplum tamen præcesserat anno 1406. in Clemente V. & anno 1319. in Joanne XXII. Decessit Bonifacius, ut inquit, ne pudicitiam labefactaret: *λιδιδον*, seu calculorum morbo alii tradunt extinctum.

PATRIARCHARUM NOMINA.

CONSTANTINOPOLI, quæ anno 1261. a Michaelæ Palæologo fuerat recuperata, post Joannem Soropalitem vita functum anno 1300. sederunt *Nipho*, antea Metropolitæ Cyzicenus, *Joannes XII. Glycys* dictus, *Gerasimus* monachus, *Esaïas* item monachus, *Joannes XIII. Callistus*, *Philotheus*, & *Antonius IV.* Is e vita migravit anno 1403. Jerosolymis vero post Rodolphum a Bonifacio VIII. exauktoratum, Patriarchali functi sunt munere ab anno 1305. *Antonius* Dunelmensis, *Petrus* Episcopus Ruthenus, *Raymundus*, & *Petrus de Palude* Ord. Prædicatorum. Post Petrum autem vita functum anno 1340. qui consecuti sunt Patriarchæ, hanc dignitatem solo nomine, ac titulo obtinere.

C A P U T II.

CONCILIA SEculi XIV. RECENSENTUR.

UNICUM est hujus Seculi Generale Concilium, nempe *Viennense*, Viennæ Allobrogum ad Rhodanum, celebratum: indictum quidem anno 1307. a Clemente

mente V. sed habitum anno 1311. Interfugere huic Concilio Patriarchæ Alexandrinus, & Antiochenus, Episcopi 114. juxta Joannem Villanum 300. & aliorum Prælatorum ingens numerus. Actum in ea Synodo de recuperatione Terræ Sanctæ, extinctus est Ordo Templariorum, cujus nimia erat potestas, & affluentia divitiarum, his Ordini S. Joannis Jerosolymitani addictis; ob ipsorum Templariorum flagitia, adeo nefaria, ut Christum abnegarent, turpissimasque exercerent libidines (1), non, ut quidam scripsere, opera Philippi Pulchri Galliarum regis illorum opibus inhiantis. Damnati item fuerunt in Viennensi Concilio Beguardi & Beguinæ, Fraticelli, ac Dulcinistæ, de quibus infra: latum decretum de Festo Corporis Christi quotannis celebrando feria 5. post octavam Pentecostes; indictumque, suadente Raymundo Lullo, ut in Oxoniensi, Parisiensi, aliisque Academiis, Hebraica, Chaldaea, & Arabica lingua traderentur. De Templariis actum fuerat in Synodo Salmanticensi præcedenti anno 1310. ut refert Mariana lib. 15. cap. 11. & in Conciliis Hisp. Cardinalis de Aguirre; necnon eodem anno Ravennæ, & Moguntia, ut liquet ex Volumine XI. Conciliorum.

AD STATUENDAM reformandamque Ecclesiasticam disciplinam plures habitæ fuerunt Synodi: apud Italos Romana sub Bonifacio VIII. anno 1302. & Ravennatenfes quinque sub Archiepiscopo Raynaldo: atque in priori de obedientia Romano præstanda Pontifici actum est; in aliis anno 1307. 10. 11. 14. & 17. coactis, de divino cultu reparando.

CELEBRAVIT & Hispania Synodos plures, præter Salmanticensem paullo supra commemoratam, nimirum *Pintia* vulgo *Pennafiel*, Castellæ oppido anno 1302. *Vallisoletæ* 1322. *Toletæ* 1323. 24. 39. 55. *Complatæ* 1326. & 79. *Palentia* 1388. Hæ pariter Synodi ob Dei cultum, morefque, maxime Clericorum, celebratæ fuerunt. Omittimus Synodum *Salmanticensem* anni 1381. & *Barcinonensem* anni 1387. in quibus præside Petro de Luna Clemens VII. antipapa, non autem Urbanus VI. declaratus fuit verus Pontifex.

(1) Inter Templariorum flagitia quidam recensent, sacra peregrisse rejecto Crucis vexillo, suum profitentes institutum initiatos ad simulacrum, cui superinduxerint hominis cutem, & pro oculis infixerint carbunculos duos: morientium cadavera in cineres redeisse, & ceteris in potum propinasse: subiecto igne torrefecisse natos ex Templariis virginis que conjugio, foedissimoque masculorum amore exarisse.

ACCESSERE Synodi Galliarum, *Compendiensis* in Gallia Belgica, sive in regione Vallesia, initio Seculi, & rursus anno 1303. celebrata: *Auscitana* in Armeniacis anno 1308. Senonensis in Gallia Lugdunensi anno 1320. *Rotomagensis* in Normannia an. 1330. Andegavensis in Gallia Celtica anno 1336. *Narbonensis* anno 1374. alizque in Collect. Conciliorum tom. XI. apud Baluzium in Conc. Galliz *Narbonensis*, Gravesoniam in Hist. hujus Seculi Colloquio IV. & Natalem Alex. cap. 6. art. 47. & seqq. Egerunt Synodi istz de Ecclesiastica Jurisdictione, & Immunitate, de clericorum, & monachorum moribus, de Ecclesiasticis jejuniis, de Sacramentis, & casuum reservatione, de congrua parochorum portione, & aliis pluribus ad Ecclesiarum regimen pertinentibus. Expungendus est Conventus Ecclesiastico-politicus Parisiensis anni 1303. in quo Bonifacius VIII. simoniæ, hæresis, & homicidii inquam subiit infimulationem: de qua decreta Ecclesiz Gallicanz, Puteani Fratres, de Marca, & Caveus.

ADVERSUS hæreses, præter Viennense Concilium, celebratum est anno 1341. *Constantinopolitanum* contra monachos Thessalonicenses montis Athi: de quorum errore Nicop. Gregoras lib. XI. Hist. Justellus ad calcem Nomocanonis Photii, ac Dionysius Petavius lib. I. Theolog. dogmatum cap. 12. & Natal. Alex. cit. in loco art. 14. sed vide proximo capite quæ dicuntur de Balamitis. In collectione Concilior. Britanniz & in Antiquitatibus Britannicis extant duo Concilia *Londonensia* anni 1382. & 1396. indicta a Guilelmo de Courtenay Archiepiscopo Cantuariensi: in quibus articuli Joannis Viclei tanquam hæretici fuerunt proscripti.

CAPUT III.

DE HÆRESIBUS SEculi XIV.

MEMINIMUS superiori Seculo sectæ *Fraticellorum*, quos *Regardos*, & *Beguinos*, nec non *Fratres Spirituales* nuncuparunt. Qui ex ordine FF. Minorum apostatæ, dampnati anno 1297. a Bonifacio VIII. in Siciliam se receperunt. Regulam S. Francisci specietenus a se observari jactantes, duas fingebant Ecclesias, unam virtute, decorem, & paupertate succinctam apud se commoran-

rantem, carnalem alteram & affluentem deliciis, cuius Romani Pontifices dominarentur; pleraque e Valdensium venenato fonte haurientes, Sacerdotes crimine pollutos jurisdictione & potestate excidisse, advenisse Antichristum, aliaque garrientes divulgabant, partim hæretica, partim insana, partim fabulosa. Henricum de Ceva schismaticæ suæ Congregationi præfecerunt: eandemque sectam in Galliis propagavit F. Petrus Joannes Olivi Biterrensis ejusdem Ordinis. (1) Hos itaque Joannes XXII. anno 1318. Const. *Gloriosam Ecclesiam*, post Bonifacium VIII. & Clementem V. damnavit.

VERUM cum idem Joannes XXII. edita Extravagan-
ti, *Cum inter multos*, anno 1323. tanquam hæreticam pro-
scripsisset sententiam asserentium Christum & Apostolos
nihil in communi, vel in particulari possedisse, *Michael*
de Cefena, Ord. Min. Generalis minister, necnon Vilel-
mus Ocharnus Doctor insignis, alique ejusdem Ordinis
plures oppositum, tanquam a Nicolao III. definitum,
propugnarunt, Michael anno 1328. suam coram Pontifi-
ce opinionem Avenione defendit, & anathemate cum
Ocharno percussus, ac depositus, a Joannis sententia ad
Ecclesiam Catholicam, & ad futurum Concilium ap-
pellavit. Vide ad cit. annum Vadingum, & Raynal-
dum. Michael idcirco an. 1329. damnatus est tanquam
hæresiarcha & schismaticus, & in Capitulo Generali Pa-
risiis congregato omnibus Ordinis sui muneribus expo-
siliatus. Suam Michael anno 1330. Monachii edidit Apo-
logiam, Sed nihilominus damnatus est etiam in Gene-
ralibus Ordinis sui Comitibus anno 1331. Perpiniani,
pluribus ei oppositis erroribus, præsertim quod Imperator,
& Clerus Romanus possint deponere Papam, & huic
exhibere obedientiam idem sit, ac animam damnare, &
se hæreticum profiteri. Adis Odoricum Raynaldum ad
annum 1331. n. 15. Michael tamen obiit Monachii po-
nitens anno 1353.

FLAGELLANTES, quorum cruenta poenitentia eruperat
in Italia circa annum 1260. coeperunt & hoc Seculo in
here-

I 4

(1) *Fraticellorum* non unam fuisse sectam putamus: neque credi-
mus omnes illicito concubitu fuisse pollutos. Indutos quosdam habitu
tertiæ Ordinis S. Francisci tradunt ad annum 1317. Raynaldus, & Bzo-
vius. Haud dissentit Alvarus Pelagius lib. 2. de *Placitu Eccl.* cap. 32.
Adversus Bzovium extat apud Vadingum tom. 3. *Annalium*, *Nitela*
Franciscanorum. Non sunt Memoritis attribuenda turpia, quæ innuimus
in Not. ad cap. 3. Seculi præcedentis.

hæresim & superstitionem degenerare. Aiebant enim neminem, nisi suæ sectæ nomen dedisset, absolvi posse a peccatis, quæ sibi invicem, etsi laicis, confitebantur. De his Scriptores agunt ad annum 1349. quo anno CC. Spiræ magno honore fuerunt recepti: C. alii ad ipsos illuc accesserunt, Argentorati M. numerabantur. Damnâvit illos eodem anno Universitas Parisiensis, veruitque Philippus rex, ne sub vitæ discrimine Gallias pervaderent. Anathemate pariter eos percussit Clemens VI. Refutati fuerunt a Joanne Gersone. Illorum conscripserunt historiam Albertus Argentinenſis, & Schottgen.

COMBUSTUM diximus supra *Geraldum Segarellum*, Parmensem: quod contigit Parmæ anno 1300. die 17. Julii. Illius errores propagabat anno 1308. ejus discipulus *Dulcinus Novariensis*. Dogmatizabat Romanam Ecclesiam post Silvestrum defecisse, inde Pontifices omnes, excepto S. Petro Cælestino, fuisse seductores. Ordines regulares esse Fidei Catholicæ detrimentum, laicos ad solvendas Ecclesiæ decimas non teneri, perinde esse in sacra arde, & in stabulis Deum orare. Et ipse Dulcinus cum scorto, cui Margaritæ nomen, sociisque, anno 1308. membratim cæsus, & igne crematus fuit.

IN AUSTRIA anno 1315. exorta est hæresis *Lolhardorum*, auctore quodam (1) Lolhardo: de qua hæresi Trithemius, Spondanus, Fleury. Luciferum & apostatas angelos commendabant. Michaelém & sanctos angelos omni afficiebant injuria. Salutem nomine diaboli apprecabantur. Deiparam Virginem hominem peperisse negabant: Sacramenta, omnesque Ecclesiæ ritus spernebant: negabant Deum agnoscere patrata sub terram peccata, rejiciebantque jejunia, sacrificium Missæ, invocationem cultumque Sanctorum. Lolhardorum unus flammis Viennæ in Austria damnatus, in Bohemia ac Thuringia plusquam 8000. horum hæreticorum adinveniri, affirmavit (2). Lolhardi etiam Vicesistæ dicuntur.

MARSILIUS de Padua, & Joannes de Jandem Gandavensis potestatem Ecclesiasticam subjicientes temporali docuerunt penes Imperatorem esse Pontifices instituere, deponere, punire, & sede vacante regere Ecclesiam, addentes Christum ex debito persolvisse didrachma, Petri

(1) Ei proprium nomen *Valterus*.

(2) Lénfant lib. 2. Hist. de la Guerre des Hussites.

tri aliorumque Apostolorum parem esse auctoritatem & Ecclesiam bona temporalia possidere non posse, omnia demum in Hierarchia ad nutum Imperatoris peragenda esse: quæ asserta proscripsit anno 1324. Joannes XXII.

TURLUPINI, hoc appellati nomine, quod deserta loca colerent ad instar luporum, quamvis hanc etymologiam rejiciat Beaufobre, nudi incedentes palam detegebant venter, & exercebant concubitus, Deumque sola mente orandum esse tradebant. Confundi solent cum Manichæis Bulgaris, aut cum Valdensibus. Forte melius cum Adamitis. Horum Turlupinorum quinquaginta sedente Gregorio XI. anno 1373. partim combusti sunt, partim viuentes desolli. De his Du-Cange in Glossario, Beaufobre de Adamitis, & ad præcitatum annum Raynaldus, & Fleurius.

NEC omittendi sunt commemorati superiori capite *Palamita*. Qui in monte Atho prope Thessalonicam, duce Gregorio Palama, jactabant se conspicerè divinum lumen ab æternitate diffusum, illud idem, quod refulsit in monte Thabor in transfiguratione Christi. *Quiescentes* hi Monachi appellabantur; ac refutati fuere a Barlaamo, qui imperante Andronico Juniore e Calabria adierat Constantinopolim, a Gregorio Acindino, & a Joanne Chrysolora, & damnati in Concilio Constantinopolitano de quo supra.

RESTAT hæresis *Joannis Viclefi*. Complures enim alii, qui errores hoc seculo disseminarunt, ut Arnaldus de Villanova, Joannes de Mercuria, Raymundus Lullus, Echardus Guido, Milicius, vulgo *Millexi*, & alii a Nat. Alex. descripti peculiarem sectam non constituerunt. Joannes itaque Viclefus ortus in Anglia circa annum 1324. anno vero 1367. expulsus a præfectura Collegii Cantuariensis Oxonii, cepit regnante Eduardo III. venenata dogmata spargere anno 1375. Marsilii Patavini & Janduni adversus Ecclesiasticam Potestatem adoptavit errores, substantiam panis & vini in Sacramento permanere cum accidentibus tradidit, Romanam Ecclesiam appellavit Satanæ Synagogam, Decretalium auctoritatem, studiumque damnavit, Monachorum institutionem, vota, & mendicitatem reprehendit, tanquam diabolo suadente adinventæ. Omnia docuit ex necessitate contingere. Avaritiæ Præfulum deputandum esse ait, quod sibi met confirmandi, & consecrandi Ecclesias, atque

atque ordines conferendi reservaverint facultatem. Donationem Constantini, & dotes Ecclesiarum censuit depu-
tanda esse peccato. (1) Decem & novem hujus generis
articulos proscripsit anno 1377. Gregorius XI. Quadra-
ginta quinque proximo seculo, idest, anno 1415. Syno-
dus Constantiensis. Patrocinia Joannis Lancastriz Ducis,
& Henrici de Perci castrorum Præfecti Vicesum reddi-
derunt pervicaciorum. Extinctus est anno 1387. Kalen-
dis Januarii (2).

CAPUT IV.

THEOLOGI SEculi XIV. ALIIQUE SCRIPTORES
ECCLESIASTICI CELEBRIORES.

EX INGENTI Scriptorum numero, qui Seculo XIV.
floruerunt, de re Theologica optime meritis est
Joannes Duns Scotus Ordinis Minorum, discipulus Guil-
elmi Varronis, omnium ætatis suæ Theologorum facili-
ter princeps, utriusque Juris peritissimus; qui florebat ad-
huc ætate obiit Coloniz anno 1308. die 8. Novembris,
festinato nimis, ut inquiunt, elatus funere. Floruerunt
in eodem Minorum Ordine *Petrus Aureolus* Archiepiscopus
Aquisgranensis, vita functus die 27. Aprilis anno 1322.
Antonius item Aragonius, qui obiisse fertur anno 1320
Franciscus Mayronis Gallus, extinctus Placentiz anno
1325. *Guilelmus Ochamus* Anglus, nimium ardens appel-
latus a Bellarmino, quod Ludovico Bavaro contra Joan-
nem XXII. adhereret, quem ferunt decessisse Monachii
anno 1347. die 10. Apr. *Pelagius Alvarus*, qui in Apolo-
gia, libroque de plantis Ecclesiæ prædictum Ochamum
confutavit, & naturæ concessit Episcopus Sylvensis post an-
num 1340. sepultus Hispali apud Clarissas, & *Thomas*
Bradwardinus, qui edidit præclarum Opus de *Causa Dei*
contra Pelagium; claruit autem in Anglia circa annum 1350.
Hunc

(1) Eruditus Editor *Doctrinalis Fidei Catholice* Thomæ Valdensis n.
2. Præf. ait sectam Viclei appellatam fuisse *Lollardicam*, ejusque secta-
tores *Lollardos*, quoniam vox Anglica *Lolard* idem sonat, ac latina
seminator levis: eandemque sectam erupisse affirmat anno 1378. eosque
omnes, qui Viclefo dexteram porrexerunt, Lancastrium, Ballium, ce-
terosque recenset. Vide Thomæ Valdensis *Doctrinale* Venetis typis an-
1757. præfatum.

(2) Anno 1385. die 29. Decembris, dum concionaretur in parochia
de *Lansverb*, correptus est apoplexia, qua post biennium occubuit.

Hunc a Vadingo prætermiffum *Ambrosius* de Altamura Dominicanis accenfer, *grifeis vestibus*, ut inquit Supplem. in Bellarminum Philippus Labbè, in albas mutatis.

At non eget alieno splendore clariffimus Ordo Prædicatorum: in quo hoc eodem Seculo claruerunt Theologi præstantiffimi, nimirum *Nicolaus Trivet* Anglus circa an. 1307. Hunc a Theophilo Raynaudo laceffitum Vincentius Baronius, Cafalas, & Graveson vindicarunt. Laudantur præterea *Joannes* de S. Geminiano, *Bertrandus* de Trilla, *Durandus* a S. Portiano, & Magifter Ordinis *Hervæus Britto* Aremoricus, quorum primus vivebat anno 1310. alter hujus sæculi initio, tertius florebat anno 1320. quartus autem obiit Narbone anno 1323. His accefferunt *Petrus Paludanus* Burgundus, *Bartholomæus Albitius* Pifanus, *Henricus Sufo* Suevus, *Rupertus Kolkot* Anglus, *Joannes Schadland* Germanus, *Joannes Tambacenfis*, aliique quamplurimi.

FLORENTISSIMA quoque germina protulit Auguftiniana Familia, ne etenim exscribamus Elſum, Pamphilum, Herreram, in ſolo 3. Volumine Oper. Ven. Bellarmini poſtremae Venetæ editionis, enumerantur *Jacobus Viterbienſis* Archiepiſcopus Neapolitanus pagina 465. *Auguſtinus Triumphus*, de quo ſuperiori Seculo, pag. 466. *Alexander* de S. Elpidio pag. 471. *Henricus* de Urimania Germanus pag. 482. *Simeon Fidatus* a Caſſia pag. 484. *Jacobus Tolofanus* pag. 487. *Thomas de Argentina* Prior Generalis pag. 489. *Bartholomæus Urbinaſ* ead. pagina, *Gregorius Ariminenſis* iſdem Generalis pag. 490. (1) *Alphonſus Vargas* Toletanus Archiepiſcopus Hiſpalenſis pag. 492. *Petrus* de Paternis pag. 493. *Jordanus* de Saxonia pag. 595. *Hugolinus Urbevetanus* pag. 498. *Auguſtinus Aſculanus* pag. 502. & *Simon Cremonenſis* eadem pagina, columna. 2. Hi quanta præditi fuerint Theologiæ ſcientia facile ex locis, quæ indigitavimus, erui poteſt.

SI AUTEM vacaret per alias vagari religioſorum viro-
rum familias; quot nobis occurrerent Theologi ſapientiffimi?

(1) *Thomas Argentinus*, & *Gregorius Ariminenſis*, uterque Auguſtiniæ Familia Prior Generalis, ſummique Theologi eodem Viennæ Auſtriæ conduntur tumulo, obiitque unus anno 1350. alter anno proximo. Cardinalis *Bonaventura Peragus* Patavinus occiſus anno 1289. *Albirtus* item Patavinus floruit hoc Seculo. *Joannes Dunch* de Saxonia, etiam Aſtronomus celeberrimus, qui an. 1331. condidit Canones Tabularum *Alphonſi* Regis.

simi? Exhiberet sacer Carmelitarum Ordo *Cidonem* Catalanum, qui de omnibus hæresibus pertractavit circa annum 1330. *Joannem Bacconem* Anglum, qui obiit Londini anno 1346. *Philippum Ribotum*, qui decessit anno 1391. *Joannem Angrianum*, cognomento *Incognitum*, vita functum Bononiæ anno 1396. & *Joannem Tolosanum* agnomine *Grossum*, labente Seculo electum Generalem Ordinis Moderatorem. *Clementem* Florentinum celebrat cum Servorum B. M. Virg. Annalibus Possevinus in Apparatu. Quid Monachorum Congregationes? Benedictini *Guilelmum* de Nangiaco, *Matthæum* Westmonasteriensem, *Durandum* Normannum, *Herveum* Cenomanensem, *Bernardum* Abbatem Cassinensem & S. Romanæ Eccl. Cardinalem, *Richardum* Cestrensem, *Ranulphum* Hidgeh, *Petrum* Berchorium: Cistercienses *Petrum* monachum Clavallensem, *Gallum* Abbatem Aulæ Regiæ in Bohemia: Carthusiani *Ludolphum* Bambergensem, *Henricum* de Hassia; & Canonici regulares *Joannem* Rysbrokium Belgam, & *Raymundum* Jordanum, cognomento *Idiotam* jure meritoque commendant. Atque hi omnes cum Theologiæ studio sacram eruditionem solertissime copularunt, præsertim sacrarum litterarum, Canonum, historiarumque peritiam. Quamquam in sacris exponendis litteris videtur diligentem locasse operam *Idiota*, & *Incognitus* nuper laudati, *Nicolaus Lyranus* ex Judæo Christianus, & regulæ Minorum professor, qui cessit e vita anno 1349. *Henricus* item de Hassia nuperrime laudatus, & *Nicolaus* de Gorham Anglus Ord. Prædicatorum, de quo vide Bellarminum de Script. Eccl. ad annum 1350. Canonum vero exposuerunt doctrinam in *Summa Aurea* *Monaldus* Justinopolitanus Dalmata, martyrio coronatus a Saracenis anno 1332. (1) *Joannes Andreas* Bononiensis J.C. doctissimus, qui scripsit Commentaria in V. libros Decretalium, in VI. & in Clementinas, periitque pestilentia anno 1348. *Albericus* Bergomensis cœvus Bartoli, & *Baldus Ubaldu* Perusinus Bartoli auditor (2) & J.C. cla-

(1) Fuit Ord. Min. & Archiep. Beneventanus, nisi potius *Monaldus* Archiepiscopus a *Monaldo* martyre, & a *Monaldo* auctore *Summæ* sit fecernendus.

(2) Ipse tamen Bartoli præceptoris sui nomen ob emulationem, magno ingrati animi vitio, 45. annis, quibus superstes fuit, semper

SECULUM XIV. CAPUT IV. 141

clarissimus, qui præter ea, quæ spectant ad Jus Civile, edidit etiam Commentaria in libros Decretalium, obiitque Ticini anno juxta Trithemium 1323., juxta alios 1320. Ecclesiasticam historiam illustrarunt ex Latinis *Siffridus* presbyter Misnensis in Epitome ab anno 458. usque ad annum 1307. *Eberardus* Ratisponensis Archidiaconus in Chronico ab anno 1273. usque ad annum 1305. *Joannes Belet* Parisiensis (qui scripsit etiam de Divinis officiis) in Chronologia Scriptorum Ecclesiasticorum. *Albertinus Mussatus* Patavinus defunctus Clodii exul anno 1329. *Ptolemæus* Lucensis Ord. Prædicatorum Episcopus Torcellensis in Annalibus impressis Lugduni, ab anno 1060. usque ad annum 1303. atque in 24. libris Hist. Eccl. MSS. asservatis in Bibliotheca Vaticana Cod. 3766. Protrahitur hæc Historia usque ad annum 1341. Demum, (neque enim plures illos memorare fas est, qui historias condiderunt peculiare) Annales conscripsit *Henricus* Monachus Rebdorfiensis Germanus ab anno 1295. usque ad annum 1372.

DIXI, Ex Latinis: nimium enim prolixus forem, si etiam Græcorum facienda esset mentio. Celebriorum dumtaxat recensenda sunt nomina. Sunt ii *Nicephorus Callisti* filius, *Nicephorus Gregoras*, *Gregorius Pachymeres*, *Joannes Cantacuzenus* Imperator; adde, qui de variis Theologiæ dogmatibus scripsere, *Theophanem* Archiepiscopum Nicænum, *Nilum Cabasilam* Thessalonicensem (1), *Gregorium*, *Acyndinum*, *Nicolaum Cabasilam* Nili nepotem & in Archiepiscopatu Nicææ successorem, *Matthæum Blastarem*, *Manuelem Calecam*, & *Joannem Cyparissiotam*.

PLURES utique, at non omnes hujus Seculi Scriptores enumeravimus. Nam & feminæ doctrina & virtutibus claruerunt. Eminent has inter *Birgitta* vidua, & *Catharina* Senensis. Illa Svecorum princeps Regulam
pro

deprimere, & obscurare Baldus curavit. De illo quidam cecinit:

Qui Baldum Juri negas accendisse lucernam,

Ille potest medio sole negare diem.

(1) *Nilus*, & *Nicolaus Cabasilas* fuerunt Schismatici, hostesque Latinorum.

pro instituto a se Ordine, librosque octo Revelationum conscripsit. Obdormivit Romæ die 23. Julii anno 1373. eamque inter Sanctas retulit Bonifacius IX. anno 1391. Catharina vero Ord. Præd. epistolâs 364. vernacula lingua, & dialogos sex litteris tradidit. In schismate ferventi studio adhaesit Urbano VI. impulitque Gregorium XI. ut Romam Sedem Avenione referret. Romæ & ipsa decessit die 29. Aprilis anno 1380. Sanctis eam adscripsit anno 1461. Pius II.

C A P U T V.

UTRIUSQUE IMPERII RECTORES :

ALBERTUS cognomento *Monoculus* anno 1308. Cal. Maji pugione ictus interiit, ut dictum est alibi. Quo perempto ad Imperatoriam dignitatem evectus est eodem anno Calendis Nov. *Henricus VII.* Luxemburgensis, approbante Clemente V. ea conditione, ut Romam veniens coronam acciperet ab Apostolicæ Sedis Legatis. Id anno 1312. peractum est, quum antea Mediolani ferreant Langobardorum coronam accepisset. Hujus urbis regimen Vicecomitibus commisit, Gibellinis adhaerens. Guelphis insensus. Eam ob rem Cremonæ muros disjecit. Florentiam cinxit obsidione, Rupertum regem Neapolitanorum throno deturbare tentavit. Peperit id Henrico cum Pontifice Clemente V. similitatem. Occubuit septimo anno imperii sui, 1313. *Bonconventi* duodecimo a Senis lapide. Bernardum Politianum Ord. Prædic. illi in die Assumpt. B. M. V. in sacrosancta Eucharistia porrexisse venenum quidam aperto affirmant mendacio. Non tantum illius Ordinis Scriptores, sed etiam Raynaldus, & Fleury ad præcitatum annum hanc exsufflarunt calumniam (1)

Duo post Henrici mortem constituti sunt Imperatores .

(1) *Navagerus* General. 44. Auctor Chronici Vrsperg. alique tradunt revera Henricum VII. perisse veneno, & monachum id ausum Florentinorum instigatione : ei ut abiret Henricum morti proximum præcepisse, at postea captum excoriatum fuisse vivum. Henrici Cadaver post biennium, anno scilicet 1315. Pisas delatum majori in Æde reconditum fuit in monumento cum inscriptione : *Hæc in Sarcophago Henrici olim Lucuburgensis Comitis, & post septimi hujus nominis Romanorum Imperatoris, ossa conjunguntur, &c.*

res, dissentientibus Electoribus, *Ludovicus Bavarus*, & *Fridericus Austriacus*. V. illum, hunc III. designant numismata. *Ludovicus* Aquisgranus coronatus est, atque anno 1322. *Fridericum* superavit, & in carcerem conjecit. Post triennium juri suo cedentem, liberum dimisit in Austriam. *Ludovicus* anno 1347. die 11. Octobris inter venandum præcipitatus ex equo: suprema *Friderico* dies decima tertia Januarii anno 1330. Sunt qui *Ludovicum* ex Augustorum albo dispungunt, quod approbatus non fuerit a Romano Pontifice, imò a Joanne XXII. & a Clemente VI. communionem privatus. Redarguit enim anno 1324. Joannem tanquam pacis inimicum, dissensiones foventem inter principes, hæreticum & Evangelicæ paupertati adversantem. Ecclesiastica beneficia contulit nullo habito personarum delectu, & a Pontifice collata cassavit. Eundem Pontificem anno 1328. deponere aufuse est, constituitque Antipapam *Petrum de Corbaria*. Recole dicta cap. 1. Clemens vero VI. diu monitum & obtemperare obtrectantem anno 1346. die 13. Aprilis Imperiali dignitate exspoliatum esse declaravit; deditque operam, ut in regem Romanorum eligeretur *Carolus* major natus Joannis Luxemburgensis regis Bohemorum per id temporis Avenione commorantis. Quidam propterea ab anno emortuali Henrici VII. usque ad annum 1346. thronum Imperii vacasse tradunt, negantibus aliis, qui Augustalem principatum nolunt ab Apostolica auctoritate pendere.

ITAQUE *Carolus* hujus nominis VI. renunciatus Romanorum rex anno 1346. die 11. Julii apud Confluentes, nempe inter Mosellam & Rhenum (Helenopolis enim seu Francfurtum parebat *Ludovico* Bavaro) proximo anno 1347. imperare cœpit post obitum *Ludovici*, quamquam electores quidam Francfurti convenientes primo regem Angliæ *Eduardum*, deinde *Fridericum* Langravium Thuringiæ, Cæsarem nominassent. Verum iis renuentibus sese turbis hisce immiscere, omnes demum in electionem *Caroli* conspirarunt. Is in Romanum Pontificem obsequentissimus fuit, & in clericos liberalis: coronam acceperat Romæ anno 1346. die 25. Novembris, posteaquam declaratus fuerat rex Romanorum: & ibidem imperii diadema suscepit anno 1355. die 5. Aprilis. Anno 1365. Avenionem adiit Urbanum V. salutaturus. Cessit autem fatis die 29. Novembris anno 1378. Pragæ in æde S. Vincenslai tumulatus.

EDIDERAT *Carolus IV.* anno 1356. in Comitibus Norimbergicis die 10. Januarii Pragmaticam Sanctionem de eligendo Imperatore : & de præminencia Electorum , quam a sigilli forma *Bullam Auream* appellant. Præscripta ibidem ratione peracta est ab eo tempore electio Cesarum . At successor *Caroli Vinceslaus* illius filius , qui vivente patre anno 1377. die 12. Junii declaratus fuerat rex Romanorum , nulla alia adhibita caeremonia , genitore defuncto , cepit Bohemiarum regnum imperiumque administrare , Electoratu Brandeburgensi Sigismundo fratri suo demandato . Vinceslaus autem iste , qui initio regni 17. agebat ætatis annum , adeo vino , voluptati , cunctisque vitiis se dedit , ut illi *Inertis* , & *Ignavi* accesserit cognomentum (1). Reipublicæ idcirco interesse arbitrati sunt Imperii Proceres , si a regimine ineptissimum hominem amoverent ; quod præstiteri anno 1400. die Augusti vicesima .

SUBSTITUTUS in locum Vinceslai *Rupertus* Palatinus dux Bavarie cognomine *Parvus* . *Fridericus* enim Brunsvicensis , quem initio Imperatorem designaverant Electores , dum in Hassia domum peteret , fuerat ab hostibus trucidatus . Colonia *Rupertus* electus fuit anno cit. 1400. mense Septembri , ibique coronatus anno 1401. die 6. Januarii . Neque enim aut electio Francofurti , aut coronatio Aquisgrani , juxta consuetudinem fieri potuit , renuentibus civibus , qui Vinceslaum adhuc viventem observabant . Is enim supervixit Ruperto ; nam apoplexia peremptus est anno 1418. die 16. Augusti : & imperator *Rupertus* decessit Oppenheimii anno 1410. die 21. Maji (2) . Hactenus de Imperatoribus Occidentis .

ANTEQUAM in Orientem nostra progrediatur narratio , celebriores Latine Ecclesie Sanctos commemoremus oportet . Ut a sanctis mulieribus exordiamur ; laudavimus superiori capite *Birgittam* , & *Catharinam* Senensem . Addendæ *Angela* de Fulgino , *Agnes* de Montepoli-

(1) Vinceslaus etiam *Margites* , *Thersites* , *Sardanapalus* , & hominis monstrum ludibrii causa appellabatur . Eodem modo , quo Constantinus *Cepronymus* , sacri fontis aquam sordavit . Norimbergenibus quatuor vini Rhenani plaustris vendidit immunitates , membranasque sigillo munitas , in quibus posset quisque pro suo libitu privilegia describere , soluto pretio distribuit .

(2) Scribunt quidam decessisse die 18. Maji , & sepultum fuisse Heilidelbergæ .

tepolitiano, *Elisabeth* Lusitaniæ regina, & *Catharina* filia prælaudatæ *Birgittæ*. Obiit *B. Angela* anno 1309. *Agnes* anno 1317. *Elisabeth* anno 1336. *Catharina* anno 1381. Sanctissimi quoque viri ad cælestem gloriam migrarunt, nempe *S. Ivo* presbyter Britannus anno 1303. (1): *Nicolaus Tolentinas* Ord. S. Aug. thaumaturgus an. 1309. (2) *Conradus Eremita* anno 1351. *Petrus Thomas Carmelita* anno 1366. *Andreas Corsinius* ejusdem Ordinis anno 1373. Apud Indos a Saracenis anno 1322. martyrium perpeffi sunt quatuor Fratres Ord. Minorum, scilicet, *Thomas Tolentinas*, *Jacobus Patavinus*, *Petrus Senensis*, & *Demetrius* laicus. Horum martyrium *Vadingus* narrat ad annum 1321. Quidam referunt ad annum 1319.

NUNC de Imperatoribus Orientis. Parricidii scelere, quo avum suum *Andronicum Michaelis Palæologi* filium dejecit, arreptum imperium *Andronicus III.* rexit usque ad annum 1341. quo obiit die 15. Junii. Deinde imperavit *Joannes Palæologus* ejusdem *Andronici* filius, dictus a pulchritudine oris *Calo Joannes*, sub tutela (erat enim novennis) *Joannis Cantacuzeni*. Is autem ex tutore imperii arripuit statim insignia; & ulterius bis diadema solenni ritu suscepit, *Adrianopoli* anno 1346. die 21. Maji, & CP. anno 1347. die 13. ejusdem mensis. Hujus usurpationis causas proferebat plurimas, ætatem præsertim principis, imperiique discrimina. Unionis Græcorum cum Latinis cupidissimus videbatur, uti & *Joannes Palæologus*, qui anno 1369. Romam ad Urbanum V. venit, auxilia adversus Turcarum aggressiones imploraturus. At *Cantacuzenus* assumptum imperium anno 1355. deposuerat, indutus monachum, totusque litteris deditus. *Joannes* autem *Palæologus* exinde regnavit usque ad annum 1391. quo anno, quinquagesimo a morte patris, migravit e vita.

Et SUCCESSIT filius *Emanuel*, cujus imperium *Bajazethes* Turcarum Sultanus armis vexavit, cincta quoque regia C. P. urbe largiori obsidione, donec *Themirlanc*, sive, ut vulgo dicitur, *Tamerlan* in *Bajazethis* ditio-

Tom. II.

K

nem

(1) *B. Clara* de Monte Falco Ord. Erem. S. Aug. obiit anno 1308. *Humilis* Sanctimonialis Ordinis, *Vallisumbrosæ* anno 1310. *Michael Aretinus* ejusdem Ord. anno 1370. Eodem anno decessit *Hugolinus Cortonesis* Augustinianus.

(2) Sancti, qui *Nicolaum* ad superos migrasse tradunt anno 1305. *B. Fridericus Ratissponensis* ejusdem instituti anno 1319. decessit.

nem irrumpens hujus in se arma convertit. *Emanuel* cognita rerum humanarum calamitate biennio ante mortem, quæ contigit anno 1425. ad instar monachi vitam egit, litterasque magnopere excoluit.

C A P U T VI.

SECVLI XVI. DOCTRINA, AC DISCIPLINA.

HAERESEON, quas cap. 3. memoravimus, condemnatio servatum in Ecclesia demonstrat perpetuum Fidei depositum. Sacramentorum numerus, & virtus est comprobata: in Eucharistia præsentia Dominici Corporis, & accidentium absque substantia panis, & vini, contra Viclesum confirmata est permanentia, & adversus novos Adamitas sanctitas Matrimonii. Ecclesiastica Hierarchia, manens in Sacerdotibus impiis consecrandi potestas, atque in ipsa schismatum perturbatione. Definita sub Benedicto XII. præsens Sanctorum beatitudo, de qua sub prædecessore Joanne XXII. fuerat acriter disceptatum.

CELEBRATA est eorumdem Sanctorum solemnî ritu Canonizatio. Clemens V. anno 1313. *Petrum Cælestinum*, Joannes XXII. anno 1317. *Ludovicum Tolosatium* Episcopum, & anno 1323. *Thomam Aquinatem*, Clemens VI. anno 1347. *Joannem Britannum*, Urbanus V. anno 1369. *Eleazarum* Comitem, & Bonifacius IX. anno 1391. *Birgittam* viduam Fastis Cælitum adscripserunt. Confirmata, ut diximus, anno 1311. in Viennensi concilio dies, festa Corporis Christi, & instituta anno 1389. festivitas Visitationis B. M. V. Annus Jubilæi coarctatus a Clemente VI. ad annum quinquagesimum, & celebratus anno 1350. ab Urbano VI. ad annum 33. & indictus pro anno 1390. celebratus tamen rursus anno 1400. sub Bonifacio IX.

INSTITUTÆ sunt Religiosorum virorum quæ sequuntur Familæ. Congregatio Monachorum *Montis Oliveti* a Beato Bernardo Ptolomæo Senensi anno 1313. *S. Birgittæ* anno 1363. Monachorum *S. Hieronymi* anno 1374. Eremitarum *S. Hieronymi* a B. Petro Gambacurta Pisano anno 1380. Congregatio Monachorum *M. Oliveti* confirmata est a Clemente VI. anno 1344. Ordo *S. Birgittæ* ab Urbano V. anno 1370. Hieronymianorum a Gregorio IX. anno cit. 1374.

HUNC Monachorum *Hieronymianorum* Ordinem institutum

tutum circa prædictum annum a *Petro Ferrando* Hispano, olim Episcopo in Provincia Bætica, tradiderunt Historici plurimi. Ex Chronico tamen Camporiensi, sive Monasterii S. Mariæ de Sepulcro, olim sit prope Florentiam in loco, quem vocant *Le Campora*, asservato in Archivio Florentinæ Cassinensium Abbatiz, D. Aloysius Galletti, atque ex hujus lucubrationibus Cardinalis Quirinus in Epistola ad Felicem Mariam Nerinium Hieronymianorum Abbatem Generalem, constare contendunt hunc monachorum Ordinem institutum fuisse anno 1334. a quatuor Fratribus Augustinensibus, *Bartholomæo* Bononæ Pistoriensi, *Benedicto* Thebaldo Florentino, *Bartholomæo* Thoma, & *Antonio Lapi* a S. Germiniano.

INSTITUTUS præterea hoc Sæculo, & anno 1355. a B. Joanne Columbino Senensi Ordo *Jesuatorum*: quem anno 1367. confirmavit Urbanus V. extinxit autem post tria Sæcula, nempe anno 1668. *Clemens IX.*

ACCEDUNT Ordines Equestres, *Montesia* in regno Valentiz institutus anno 1317. a Jacobo II. rege Aragoniz: *Christi* anno 1318. a Dionysio rege Lusitaniz: *Aquila Alba* anno 1325. ab Vladislao Rege Poloniz: *Periscelidis*, vulgo, *de la Jarretiere*, sub invocatione S. Georgii, anno 1335. ab Eduardo III. Rege Angliz: *Stella*, cum inscriptione, *Monstrant regibus astra viam* anno 1351. a Joanne Galliarum rege, vili tamen paullo post habitus, colatusque hominibus infimi quoque generis.

A P P E N D I X,

S I V E

ALIARUM RERUM MEMORABILIU ADDITAMENTUM.

GALLIÆ, Hispaniz, & Lusitaniz Reges initio sunt recensendi. Post Philippum *Pulchrum*, an. 1314. regnum indeptus est *Ludovicus X.* veneno extinctus anno 1316. Huic successit *Philippus V. Longus* dictus a corporis proceritate, ex vita raptus anno 1322. Regnavit deinde *Carolus IV. Pulcher*, mortuus anno 1328. Postea *Philippus VI.* e gente *Valesia* ab anno 1328. ad annum 1350. tum *Joannes Bonus* ejus nepos ad annum usque 1364. postmodum *Carolus V. Sapiens* ad annum 1380. ac tandem usque ad annum 1422. *Carolus VI.*

CASTILIÆ, & Legionis regnum post Ferdinandum IV. ab anno 1312. gubernarunt *Alphonsus IX.* *Crudelis* propter immanitatem cognominatus, *Henricus II.* *Joannes I.* & *Henricus III.* vita functus anno 1407. Navarræ regnum post Joannam administrarunt *Ludovicus Hutinus*, *Joanna II.* *Carolus Crudelis*, de quo dixi nuper, & *Carolus*, *Nobilis* denominatus, qui migravit e vita anno 1425. In Aragonia autem post Jacobum II. qui decessit anno 1327. regnaverunt *Alphonsus IV.* *Joannes I.* & *Martinus*, sublati e vivis anno 1402. Regnum denique Lusitanie, post Dionysii mortem, quæ contigit anno 1325. rexerunt *Alphonsus IV.* *Petrus I.* *Fernandus Menessus*, & *Joannes I.* qui exiit e vita anno 1433. regni sui quadragesimo octavo (1).

SED addenda ceteris Turcarum monarchia, quam in Oriente fundavit exeunte superiori Seculo, idest anno 1299. quo, defuncto Aladino Iconii Saltano, occupavit Bithyniam; *Othmanus* ex *Ogyziorum* stirpe, ortus Maçhanæ apud Parthos filiusque Ertogrulis, qui obiit anno 1299. Hegiræ 687. Imperavit annis 28. & decessit anno 1326. Hegiræ 727. Regnavit deinde Othmani filius *Orchanes*, qui per Solimanum filium Imperium Othomanicum longe lateque propagavit, humanis exemptus rebus Hegira 761. & anno Christi 1359. Successit *Amurathes I.* filius Orchanis natu minor, in bellis gerendis felicissimus; at anno 1390. Hegira 793. per invidias a transfuga milite occisus, sic, dum lustraret cætorum cadavera, in ejus ventrem adacta. Arripuit tunc Imperium *Bajazethes* filius Amurathis, dictus *Gilderum*, idest, *Fulmen*, quod fulminis instar ditiones alienas invaderet ac subrueret. Sed anno 1482. Hegira 805. a Tamerlane Tartarorum rege acie victus ad *Stellam* montem Ancyræ, (2) quam Turcæ vocant *Enguni*, & in captivitatem reductus mortem sibi met post aliquot menses concivit. Tradunt Latini Hiltorici Bajazethem a victore cavea ferrea inclusum, & circumductum, necnon illius pedibus pro scabello fuisse, quod tamen ex narratione Scriptorum Arabum negant nonnulli recentiores.

GRA-

(1) Regnum Angliæ auspiciati sunt, anno 1326. *Eduardus*. Anno 1377. *Richardus II.* & anno 1399. *Henricus IV.* Poloniæ vero regnum indeptus est anno 1306. *Uladislaus*. Anno 1333. *Casimirus III.* Anno 1370. *Ludovicus Hungarus*. Anno 1382. *Medvugia*.

(2) Ibidem Pompejus vicerat Mithridatem.

GRAVIORA modo bella, & peculiares eventus memoria repetam. Equites Jerosolymitani anno 1308. obsederunt Rhodum insulam, quam anno 1310. die 15. Augusti occuparunt. Andronicus I. Imp. Græcorum anno 1312. Turcas in Cherfoneſo ad Helleſpontum deviſtos fugavit e Thracia: eodemque anno Joannes Lucemburgius obtinuit Bohemiæ regnum. Rhodum anno 1322. Turcæ frustra expugnare tentarunt; quo anno Fridericus Austriacus invaſit Bavariam. In Sicilia anno 1324. intestinum ac truce excitatum est bellum. Mauros Alphonsus rex Aragoniæ, Cruciferorum auxilio, anno 1330. prostravit: Brixiam, Bergomum, Parmam, Mutinam, Regium, Lucamque Joannes rex Bohemiæ subegit Ludovici Bavari imperio. Ladislaus rex Poloniæ anno 1332. vastavit Sileſiam: eodem anno Turcæ adv. C. P. castra moverunt, insulamque Eubæam (*Negroponte* vocatur ab Italis) reddiderunt vectigalem; classis autem 33. triremium Cruciferorum anno 1334. incendit naves Turcarum 250. & barbarorum quinque millia peremit. Mauri rursus anno 1343. trucidati fuerunt ad Palmam oppidum Vandalitiæ. Christianorum copias Turcæ anno 1345. apud Smyrnam Joniæ urbem vexarunt. Anno 1346. Galli ingenti clade caſi fuerunt ab Anglis ad Cresciacum inter Sueſſiones & Laudunum. (1) Solimanus filius Orchanis anno 1357. expugnavit Callipolim urbem Thraciæ, figitque in Europâ sedem imperii. Quatuor tantum Equitum Rhodensium triremes anno 1359. XXIX. Turcicas deviſcerunt. Amurathes an. 1382. occupavit Theſſaliam & Macedoniam: Tamerlanis Scythæ regiſque Tartarorum anno 1386. quo anno occupavit Babylonem, fama percrebuit. Atque is, ut dictum est paullo supra, Bajazethem, qui anno 1390. magnam Ciliciæ partem, anno 1393. Armeniam, Græciam, & Peloponnesum, & anno 1396. quo Tamerlanes expeditionem movit in Parthos, aliam subjugaverat Ciliciæ partem, clade affecit, abduxitque captivum anno 1402.

K 3

PRO-

(1) Ceciderunt in hoc prælio Joannes rex Bohemiæ pater Caroli IV. Imp. Principes XI. Barones LXXX. Equites MCC. & pedites triginta mille. Rursus anno 1356. Galli decertantes cum Anglis ingenti clade succubuerunt, & rex Joannes bonus captus cum filio Philippo natu minimo in Angliam abductus fuit, obiitque Londini, redemptus tamen a captivitate, anno 1364.

PROSEQUAMUR cetera. Anno 1306. Philippus Galliarum rex regno Judæos expulit. Anno 1318. in potestatem Eitenfium concessit Ferraria. (1) Anno 1348. Joanna regina Neapolis, quæ fertur necesse virum suum Andream fratrem regis Hungariæ, ob causam, quam pudor proferri vetat, seipsam apud Clementem VI. purgare studuit, eique vendidit Avenionem. Cœptum anno 1351. supputari annos a Domini Nativitate in Catalaunia. Eo anno Joannes Vicecomes Mediolanensis Bononiæ potitus est. Pax inter Gallos Angloſque anno 1360. firmata fuit. Scaligeri anno 1375. a Galeacio Vicecomite Mediolanensi Verona & Vicentia fuerunt expulsi. Tormenta bellica, quæ dicuntur *Bombarda*, anno 1380. a quodam Germano monacho feruntur inventa, ac primum a Venetis usurpata. (2)

LOQUAMUR, & de rebus aliis infaustis. Anno 1315. grassata est sæva fames (3). Ex Ætnæ Siciliæ monte anno 1323. tantæ eruperunt cum terræ concussionibus flammæ, ut viciniæ vastaverint, cinisque nigerrimus flante Borea in Melitam insulam fuerit delatus. Arbores plurimæ anno 1334. ob nivis, & glaciæ intemperiem, frigusque hiemis perierunt. Fluminum exundationes maximæ anno 1342. ingens terræmotus in Germania, pestisque terrima anno 1348. ab Historicis adnotantur. Anno 1350. tempore Jubilæi, grassante adhuc pestilentia, & irruente hominum multitudine, perierunt quamplurimi (4). Pestis anno 1400. rursus per Italiam grassabatur.

RE-

(1) Ciccius Asculanus anno 1317. Florentiæ damnatus Magis, additus est flammis anno proximo, ætatis suæ 79. necatum invidia cuiusdam æmuli tradit in ejus Apologia Sebastianus Antonellus Asculanus.

(2) Inventor tormenti bellici, quod *Bombardam* vocant, adhibiti anno 1380. a Venetis non procul a Clodia adversus Genuensium classem, appellabatur *Bertholdus Niger*; ejusque nomen, atque eventus, quo sulphurei pulvis vim fortuito deprehendit, hoc epigrammate desclarentur:

*Dum parat humano generi Chymista medolam,
Sulphura mulieris dum sale mixta coquit;
Mulier ostendit mortalibus acie venenum,
Quo nullum letho corpora plura dedit.*

*Qua latuere alios. Munsterus nomina ponit,
Bertholdumque vocat nomine. reges Nigrum.*

Hæbet n. & epigrammatis auctorem.

(3) Ita huius anni egestas apud Calvisium adnotatur,
Us nullum lateat tempus famis, ecce CPC/LLVM. Postremæ distinctionis litteræ nota sunt temporis.

(4) Die 28. Januarii anno 1393. quinque viri nobiles choreas agen-

RELICUUM est, ut de litterarum fortuna addantur per-
pauca. Multæ ad illas promovendas institutæ fuerunt Aca-
demix. Avenionensis a Bonifacio VII. anno 1303. Au-
relianensis a Clem. V. anno 1305. Dublinensis anno 1320.
Pisana anno 1339. Andegavensis anno 1346. Heidelber-
gensis a Ruperto Comite Palatino eodem anno. Pragen-
sis a Carolo IV. 1358. (1) Arausica, Viennensis,
(2) & Genevensis anno 1365. Senensis anno 1387. &
Coloniensis anno 1388.

POST Scriptores Ecclesiasticos, de quibus cap. 4. ut alios
recenseam, temporis non sinunt angustix. Plurimos id.
circo prætermittimus, *Bartolum* quoque a Saxoferrato
J.C. clarissimum, qui publice Pisis docuit Jurisprudentiam,
Bononiæ anno ætatis suæ 21. consecutum doctoratus in-
signia: *Thomam* Florentinum cognomine *Del Garbo*, ne-
mini in arte medendi secundum, qui florebat anno 1340.,
& *Emanuelem Chrysoloram*, qui sedente Bonifacio IX.
Venetiis, Florentiæ, Romæ, ac Ticini tradidit Græcas
litteras, testimonio Leonardi Arretini, Raphaelis Vola-
terrani, Pauli Jovii, aliorumque Historicorum celebratis-
simum: *Maximum Planudem* Andronico Palæologo acce-
ptissimum, ab eo legatum ad Venetos, de quo Allatius,
Cangius, Gesnerus: *Constantinum Harmenopolum* Judicem
Theſſalonicensem, auctorem Promptuarii legum, cujus
obitum Fabricius tom. 2. Biblioth. Græcæ, & alii referunt
circa annum 1380. Tres tamen nulla ratione ab Etrusco
Scriptore debent præteriri silentio, *Danthes Aligherius*,
Franciscus Petrarcha, & *Joannes Boccaccius*.

DANTHES, cujus extat Poema elaboratissimum, cui ti-
tulus, *Divina Commedia*, & liber de Monarchia, præter
Eclogas, Epistolas, aliæque scripta omnium ore laudata,
obiit exul a patria Florentia anno 1321. & Ravennæ
in templo S. Francisci conditus sepulcro, cum inscriptio-
ne a seipso conscripta dum adhuc viveret;

K 4 .

Ju-

do induti vestibus villosis pice illicitis, ut viderentur satyri hominesque
sylvestres, eis joci causa admota face ab Aureliano patruo Caroli VI.
Galliarum regis, Lutetiæ plaoe cremati miserrime perierunt. *Annal.*
Fland.

(1) Potius a Clemente VI. anno 1347.

(2) Viennensem nonnulli institutam tradunt ab Agstria Duce Al-
berto circa annum 1390.

*Jura Monarchie, Superos Phlegætonta, Lacusque
 Iustrando cecini: voluerunt fata quousque.
 Sed quia pars cessit melioribus hospita castris,
 Actoremque suum petiit feliciter aëstris.
 Hic claudor Danthes, patriis extorris ab oris,
 Quem genuit parvi Florentia mater amoris.*

Addidere Ravennates Inscriptionem aliam longe amplio-
 rem, quæ incipit, *Theologus Danthes nullius dogmatis ex-
 pers; ac monumentum, temporis edacitate consumptum,
 magnificentius erexit Bernardus Bembus pater Petri S.
 R. E. Cardinalis Clarissimi, addita Inscriptione altera,*
 quæ incipit, *Exigua tumuli Danthes hic sorte jacebas, &c.* (1)

FRANCISCUS *Petrarcha* item Florentinus, sed natus Are-
 tii, Poeta Laureatus, Philosophus, & Historicus præstan-
 tissimus, post scripta cedro dignissima, quæ simul colle-
 cta Lugduni, & Basileæ prodierunt in lucem, sejunctim
 vero, carmina præsertim Italica, frequentissime procusa
 sunt, & quotidie fere sudant sub prælo, Arquati in dice-
 cesi Patavina, anno 1374. e vita decessit; ibique jacet
 marmoreo in tumulo, quem sibi vivens paraverat,

*Frigida Francisci lapis hic regit ossa Petrarchæ.
 Suscipe Virgo Parens animam: Sate Virgine parce;
 Fessaque jam terris Calî requiescat in arce.*

Tam demisse de se loquenti, apposita fuere, ut parerat,
 illustriora Epitaphia.

ET

(1) Inter ceteros, qui in Danthem Commentaria ediderunt, ut
 Christophorum Landinum, Alexandrum Vellutellum, Benvenutum Imo-
 lensem, Bernardinum Daniele, & Vincetium Bonannium, commo-
 morat Lilius Gyraldus. In Hist. Poetarum Dialogo 5. etiam Augustinia-
 num Scriptorem Joannem Stephanum Ferrariensem. Diverſas is fuit ab
 Augustiniano altero Florentino, de quo in recentissima, & elegantissima
 Veneta hujus Poetæ Editione. Noſtras illic insertas dissertationes non
 recensemus. Breves, sed accuratæ sunt P. Venturi, Vulpîi, aliorumque
 recentiorum ibidem appositæ Adnotationes. Latino carmine Danthis
 poetica Opera reddita quoque sunt.

Fecerat olim Latinam Versionem carmine Olivetanus Monachus Pi-
 storiensis, quam ætate sua diligenti custodia asservatam, sibi que non
 absque ambitione ostentam tradit citato dialogo Gyraldus. *Danthes* ob
 librum *de Monarchia* apud nonnullos tamquam hæreticus audiit. Vide
 Raphaelis Volaterrani *Anthrop.* lib. 23. & sententiam Bartoli ibi produ-
 ctam super lege 1. c. *Præfules*, lib. Digestorum, *de inquisendis testis*,
 necnon Spondanum ad annum 1321. num. 7. Sed caute procedendum in
 damnandis tamquam hæreticis iis, qui disserunt de Monarchia, tamque
 asseruat ab Ecclesia non dependere.

ET JOANNES *Boccaccii* filius Epitaphium sibi paraverat ante mortem, quæ contigit proximo anno 1375. (1) *Certaldi* ad *Elfam* fluvium. Nullus eloquentiori stylo scripsit *Italice*, nec fabulas jucundiori contextuit. Præter Opera alia complura, id testatur Opus, quod a decem dierum colloquiis inscripsit Græco titulo *Decameronem*. Plurimum tamen valuit etiam *Latissa* lingua, omnigena eruditione, & *Historia*; & singulos ejus libros, cum notissimi cuique sint, non opus est recensere. Prælaudatum vero Epitaphium est hujusmodi:

Hac sub mole jacent cineres atque ossa Joannis.

Mens sedet ante Deum meritis ornata laborum.

Mortalis vite genitor Boccaccius illi;

Patria Certaldum; studium fuit alma Poesis.

Addidit *Collutius* (2), & ipse Poeta atque Orator eloquentissimus, elegans Epigramma eidem tumulo inscriptum, cujus initium, *Inclyte cur vates humili sermone locutus, &c.*

DECIMUM QUINTUM ECCLESIAE SECVLUM.

CAPUT I.

SUMMI ROMANÆ, ET APOSTOLICÆ ECCLESIAE PASTORES.

GUBERNARUNT Romanam Ecclesiam Seculo XV. post Bonifacium IX. qui animam efflavit anno 1404. *Innocentius VII. Gregorius XII. Alexander V. Joannes XXIII. Martinus V. Eugenius IV. Nicolaus V. Callistus III. Pius II. Paulus II. Sixtus IV. Innocentius VII. & Alexander VI.*

CCIV.

(1) Insigni anachronismo labitur *Julius Niger* S. J. in *Hist. Scip. Florent.* pag. 289. ubi ait, Joannem Boccaccium fuisse auditorem Benedicti *Guommassei*, ab eoque didicisse *Etruscæ* linguæ facundiam; nam Benedictus anno 1645. inauguravit Majorum suorum monumentum in Claustro S. Spiritus Florentinæ, obiitque labente Seculo XVII. Agnoscent Boccaccii patris fult, *Gbellini*.

(2) *Pierius Petri Salsumani* filius, ex oppido *Stignani*,

CCIV. INNOCENTIUS VII. electus est die 17. Octobr. an. 1404. Patria ei Sulmo in Aprutio, ubi & natus Ovidius, ut ipse ait lib. 2. Amorum Eleg. 19. nomen vero *Cosmatus Melioratus*. Ob utriusque juris doctrinam, probitatemque vere assumpto nomine dignus, non tantum commendatur a Leonardo Arretino illius avi scriptore lib. 1. cap. 7. veram etiam a Theodorico Niem, Mainburgo, & a Neoterico auctore Operis *Histoire des Papes*, qui tamen Pontificum vitia insectantur. Propter nequitiam nepotis sui Ludovici, qui undecim Romanæ Urbis rectores fraude propria manu interfecit, nudosque projecit e fenestra, Innocentius Viterbum concitata Romana multitudo fugit, Romam redux anno 1406. mortem oppetiit die 6. Nov. correptus apoplexia. Vulgatum statim rumorem, Papam sublatum esse veneno, prælaudatus Leonardus Arretinus, qui præfens aderat, diluixit in Epistola ad Franciscum Principem Cortonensem.

CCV. EODEM mensē Novembris, ac die 20. suffectus est Innocentio *Gregorius XII.* Card. tit. S. Marci, dictus antea *Angelus Corarius* patritius Venetus. Præstitit iuramentum abdicaturum sese Pontificatu, si id necessum foret ad schisma abolendum. Se ad idem paratum esse, impellente Universitate Parisiensi, & Carolo VI. rege, etiam Petrus de Luna, idest, Antipapa Benedictus XIII. aiebat. Lucam proinde Gregorius, ac Benedictus ad Portum Veneris atque ad fines Etruriæ, quasi colloquim instituturi accesserunt. At utroque tergiversationes spretis sacramentis adhibente, Cardinales utriusque partis num. XXII. Pisis congregati anno 1409. die 26. Junii, (1) tam Gregorio, quam Petro exauctoratis, elegerunt in Pontificem Alexandrum V. Petrus autem de Luna perculsus timore Avenione se contulerat Paperianum arcem tum juris Hispanici in finibus Galliarum & Aragoniæ, semperque in schismate pertinax obiit anno 1424. die 1. Junii in Cheroneſo, seu Península Valentiniæ oppido. Gregorius anno 1409. in Aultriam, & inde Cajeram se contulit; hinc Ariminum venit sub exitum anni 1412. ibique anno 1415. Pontificatus deposuit insignia, summopere a PP. Concilii Constantinensis laudatus. Obiit autem Recineti anno 1417. VIII. Id. Octobr.

CCVI. AD *Alexandrum V.* revertamur oportet. Ejus ele-

(1) Inchoatum tamen Concilium die 25. Martii,

electionem supra adnotauimus. Appellabatur *Petrus Philargius*, Card. & Archiepiscopus Mediolanensis. Ordinem FF. Min. professus. Incerta ejus patria, incertum genus, incerti parentes. Novariensem aliqui apud Ciaconium; quidam Bononiensem, permulti Cretensem faciunt. Inverisimile non videtur, natum *Candii* oppidi Infubriæ, atque hinc postremam opinionem exortam. Vino mero delectatum scribit lib. 100, *Fleurius*: describit virtutes ejus *Graveson*, in quem invehitur recens Auctor Hist. Pontif. tom. 3. pag. ultima. Aliquandiu Pisis, Prati, Pistorii, & Bononiæ moram egit. Istic repentina morte sublatus est anno 1410. die 3. Maji. Haussisse in clystere venenum tradit S. Antoninus in Chronicis: hujusque criminis accusatus fuit *Balthassar Card. Coscia* Neapolitanus, non autem convictus.

CCVII. IDEM *Balthassar* Alexandro in Pontificatu successit, eodem anno die Maji 17. creatus in ipsa Urbe Bononia. Est hic *Joannes XXIII.* Confirmavit Concilii Pisani contra Gregorium duodecimum & Petrum de Luna sanctionem. Summa illi cum *Sigismundo Imp.* concordia. Ubi Romani ejus electionem intellexere, dejectis statuis Gregorii, illius erexerunt. Verum his, ceterisque ob immodicas exactiones, Simonias, scandala inuisus sessione 12. Concilii Constantiensis anno 1415. die 29. Maji depositus fuit (1). Sententiæ in se latæ acquiescens in arcem, in qua *Joannes Hus* detinebatur, deinde *Heidelbergam* abductus fuit. Ad pedes *Martini V.* electi in laudato Concilio anno 1417. die 11. Novemb. prouolutus, lacrymas ab omnium oculis expressit. Humaniter tamen exceptus Cardinalis decanus fuit constitutus. Id evenit anno 1419. quo anno die 22. Decembris Florentiæ obiit, pompa parum Pontificali absimili in æde S. Joannis Baptistæ sepultus æneo, marmoreoque monumento.

CCVIII. Quo die inauguratus fuerit Pontifex *Martinus V.* dictum auper (2). Nobilissima Columnensium gente ortus erat, Cardinalis tit. S. Georgii, ejusque nomen *Otho*. Constantia discessit anno 1418. die 16. Maji. Audaces Florentiæ pueri nimium licenter succedebant

(1) Vide caput proximum.

(2) Dicitur *Quinarius*, cum sit hujus hominis III., quoniam etiam *Marinus I.* & *Marinus II.* a pluribus *Martini* nomine designantur.

runt pertranseunti. (1). *Gilius* (2) *Magnos* Aragonensis anno 1424. post mortem Petri de Luna creatus Antipapa Cheroneſi, nomine aſſumpto *Clementis VIII.* anno 1429. arrepta inſignia depoſuit, ſuamque Martino V. exhibuit obedientiam. Atque ita magnum Schiſma extinctum eſt, inceptum anno 1378. in electione peracta Fundis Antipapæ *Clementis VII.* Deceſſit autem Martinus V. Romæ anno 1431. die 21. Februarii (3).

CCIX. SEDIT poſtea *Eugenius IV.* ideſt, nepos Gregorii XII. *Gabriel Condulmerus* Venetus Card. tit. S. *Clementis.* Pontificum Calumniatores fuiſſe tradunt, non Gregorii ex matre nepotem, ſed filium ſpurium. In eum Columnenſes ſeditionem, Philippus dux Mediolanenſis bellum excitavit. Roma diſcedens unionem Græcorum, utinam diuturniorem, Florentiæ convocato Concilio curavit (4). Conceſſit autem naturæ anno Pontificatus XVI. Chriſti 1447. vigefima tertia die Februarii. Concilium Baſileenſe anno 1439. Sefſione 34. die 25. Junii in eum depoſitionis iniquam ſententiam promulgavit, & die 5. Nov. in Pſeudopontificem elegit Amadeum Sabaudiz ducem, Eremiticam vitam ducentem ad lacum Lemannum. Huic *Feliciſ V.* nomen impoſitum.

CCX. REXIT deinde Eccleſiam *Nicolaus V.* ſeu Thomas Card. Sarzanenſis Bononiæ Epicoſopus, Bartholomæo

(1) Videatur Poggius Hiſt. Florent. 32.

(2) Ideſt, *Ægidius*, quem Martinus V. declaravit Majoricenſem Epicoſum. Hinc in Conclavi Vaticano extat hæc optimi Pontificis memoria: *Martinus V. Columna extincto Schiſmate pacem Eccleſiæ pa-*

peris. (3) Martinus V. tam patienti fuit animo, ut cum fratres duos, unum peſte, alterum fortuito incendio ſublato amiſiſſet, nullum dederit obſeſti animi indidum. Obiit die 20. Februarii cum ſediſſet annos 13. meſes 2. & dies decem, Papebrochius, Pagius, alique tradunt. At in Baſilica Lateranenſi extat huius Pontificis æneum Sepulcrum commemoratum quoque a Raynaldo, a Ciaconio, a Cæſare Raſpono, &c. cum inſcriptione: *Martinus Papa V. Sedis annos XII. meſes III: dies XII. Obiit anno MCDXXXI. die XXI. Februarii. Temporum ſuorum feliciſſus.* Non arbitramur, ut inquit Papebrochius, hoc epitaphium tempore attritum, fuiſſe ab aliquo infeliciter renovatum.

(4) In bibliotheca Vaticana ſub Concilii Florentini pictura legitur: *Eugenio IV. Pontifice Græci, Armeni, Æthiopes ad Fidei unitatem cedens;* atque in Valvis Baſilicæ bi verſus a Panvinio, Oldoino, & Bonannio relati:

Ut Græci, Armeni, Æthiopes hic adſpice ut ipſam Romanam amplecti eſt Gens Jacobica Fidem.

Sunt hæc Eugenii monumenta illuſtria Quærit:

Exulſa hæc animi ſunt monumenta ſui.

SECULUM XV. CAPUT I. 157

lomo medico, matre Fivizanensi in lucem editus (1). Nicolai Cardinalis Albergati, nunc inter Beatos relati, causa nomen ipsum assumpsit. Principes regesque omnes illum tanquam supremum Ecclesie Caput agnoverunt, eique etiam sese subjecit Felix V. anno 1449. ad pristinam reversus eremum. Cathedram Lunensem in patriam suam Nicolaus transtulit; decubuitque IX. Cal. Apr. anno 1455. Dotes ejus refert nobile Basilicæ Vaticanæ Epitaphium:

*Hic sita sunt. Quinti Nicolai Antistitis ossa,
Aurea qui dederat secula, Roma, tibi.
Consilio illustris, virtute illustrior omni,
Excoluit doctos doctior ipse viros.
Abstulit errorem, quo schisma infecerat orbem,
Restituit mores, mania, templa, domos.
Tum Bernardino statuit sua sacra Senensi,
Sancta Jubilæi tempora dum celebrat.
Cinxit honore Frederici conjugis auro:
Res Italas isto fœdere composuit.
Attica Romana, complura volumina lingua
Prodidit: en tumulo fundite thura sacro.*

CCXI. DIE Aprilis octava electus est eodem anno 1455. Pontifex Maximus Callistus III. vocatus antea Alphonsus Cardinalis Borgia Valentinus. Huic S. Vincentius Ferrerius prædixerat supremam Ecclesie dignitatem, quam tenuit usque ad diem 6. Augusti anni 1458. Nimii in nepotes suos, quorum duos purpura ornavit eodem die, notatur amoris (2).

CCXII. Evectus tum ad Sacerdotii fastigium Pius II. Aneas Sylvius Piccolomineus patria Senensis. Incidit hujus electio in anni 1458. diem 27. Aug. atque obitus in diem 14. ejusdem mensis anno 1464. In ejus exaltatione Roma exultavit. Excelluit litteris: damnavit Appellationes ad futurum Concilium: acta Concilii Basileensis cassavit: bello adversus Turcas gerendo incubuit ardentem. (3)

CCXIII.

(1) Familia Nicolai V. Parentumcella, nomen matris *Andresia Colatina*. Est tamen in Nummo inscriptio, *Tomas. Lugano. di. Sarzana MCDXXXXII*. unde quidam ei fuisse inferunt parentes humilis fortunæ, & cognomen *Lugano*. Referavit, clausitque Jubilæum anno 1450.

(2) *Callistus III.* moriens reliquit 115. milia nummorum aureorum; quos comparaverat in usus bellicos adversus Turcas.

(3) Victoria *Portugueria* Aneæ mater, cum in somnio sibi visa foret parere infantem cum mitra, diu ex cotinuit Familie ignominiam, proptereaquod improbis imponi aliquando soleant mitræ cartibacæ; neque hanc expulit suspicionem, nisi quando filius creatus est Episcopus, Tergellinus. Decessit Anconæ, sed Romam delatus primum in Vaticano

CCXIII. SUCCESSIT Pio II. *Paulus II.* scilicet, *Petrus Barbus Venetus* Card. S. Marci viva voce creatus, dum vix annum 48. (1) excessisset, anno 1464. opera Cardinalis Bessarionis. Juramenta, quæ tunc ab electis Pontificibus fieri solebant, noluit emittere. Abbreviatores, inter quos Baptista Platina, amovit; unde hujus scriptoris acerbior stylus, & concitator. Subita extinguitur apoplexiâ die 26. Julii anno 1471.

CCXIV. SEDIT postea *Sixtus IV.* Ordinis Min. Nomen ei Franciscus: familia *della Rovere*: patria Albixola (2) oppidum Liguria. Bononiæ, Papiæ, Senis, Florentiæ, Perusii publice tradiderat Theologiam: omnes in Ordine suo consecutus fuerat gradus, & Vaticanam denique purpuram. Per summam injuriam *Jurieu* minister Calvinista ei exprobrat, quod libidinem permiserit præposteram. Citat conviciator testem Balæum, & Vesseum, utrumque hominem hæreticum & mendacem. Sixtus anno 1484. die 13. Augusti migravit è vita.

CCXV. JOANNES Baptista *Cibo* Card. S. Cæcilie ex clarissima Genuensi familia electus est eodem mense, die 29. nomine assumpto *Innocentii VIII.* Pacis inter magnos principes auctor, infecutor Hussitarum, propugnator Ecclesiasticæ libertatis, Turcarumque hostis acerrimus fuit. Occasione Zizimi fratris Bajazethis II. quem Innocentius captivum tenebat, ad eundem Bajazethem litteras dedit, ac dono lanceam accepit, qua Redemptoris nostri transfixum fuit latus. Id contigit anno 1492. quo itidem anno Romæ inventus est Titulus Dominicæ Crucis. Nature persolvit debitum VIII. Cal. Augusti anno 1492.

CCXVI. ALEXANDER VI. post Innocentium præfuit Ecclesiæ. *Roderici Borgie* S. R. E. Cardinalis Cancellarii pristinum illi nomen. Quemadmodum nequit satis laudari Borgiæ Familiæ nobilitas; ita dici nequit quantum Ale-

conditus fuit, deinde anno 1623. in Æde Theatinorum S. Andrea & *Falla* honorifice tumulatus.

(1) Auctor *Hist. Pap.* tom. 4. proximum fuisse ait anno 83. Mendum irrepsisse puto. Arrisise Paulo II. *Formosi* nomen, & ad instar mulierum se ornasse, quod nimium de sua pulchritudine sibi plauderet, Platina non est credendum. Huic tamen aures præbuit prædictus Auctor, & qui scripsit Historiam Conclavium, necnon Agelotius Not. in librum I. Ann. Taciti.

(2) Natum *Celle* quinto a Savona milliario, scribit in suo *Theseuro* p. 2. pag. 93. Ghilinus. Haud secus Panvinus, qui in ejusdem Pontificis vita Roborem gentis originem ac nobilitatem describit.

Alexandri vitia ab Historicis amplificentur. Immodicum in filios amorem, incestam libidinem, ambitionem, avaritiam, flagitia reliqua cuncta describunt, præsertim Duchesne, Gordonius, Guicciardinus. Videtis satyricam in Alexandrum Epistolam, versusque improbos in Hist. Pontificum tom. 4. Maleficii etiam, & propinati veneni, quo incaute hâusto ipse perierit, culpant Alexandrum plerique. Id tamen criminis diluere nititur Raynaldus. Lege Continuatores Hist. Fleury libro CXX. num. 6. & seq. Nos chronologiam adnotatus solummodo. Creatus est annò 1492. III. Eidus Augusti, & sublatu e vis anno 1503. XV. Calend. Septemb. (1).

PA-

(1) Quod est in proloquio, *Genus irritabile Fatum*, præsertim in *Alexandro VI.* vidimus adimpletum. Nam de eodem Pontifice Maximo legitur inter Jacobi Sannazarii Carmina libro 2. Epigrammatum num. 29. Satyricum Epitaphium, quod incipit

Postquam nescis, ejus hic tumulus fiet.

Habetur ibidem & duplex distichon, quorum uniùs Hexameter est,

Mitum si vomuis nigrum post fata cruorem!

alterius vero, nam Pentametros exscribere nolumus,

Nomen Alexandri ne te fuisse moretur.

Extat & aliud,

Visuram se iterum Sixtum cum Roma putaret,

Pro Sixto Sextum vidit, & ingenuis.

Tribuitur eidem in Tumulum Lucretii inscriptio, à nonnullis falso attributa Pontano,

Hoc jaces in tumulo, &c.

Circumfertur & Epigramma, ejus initium, *Vendis Alexander, &c.* Hæc adnotamus, tum quia vulgatissima sunt, & etiam a Papirio in vita Pontificis Alexandri producta lib 6 pag. 373. tum etiam, ut Novatores percipiant, a nobis vitia quorundam Romanorum Pontificum non denegari: quamquam, nisi iidem novantes disteris, & cachinnis ubique patefacerent, honestius videretur ea præteriri silentio. Verum et si Pontifices etiam homines sunt, & circumdati infirmitate: nullus tamen illorum a recta fide descivit, & plurimum Romanæ Ecclesiæ firmitatem, auctoritatemque commendat, quod nunquam eam Spiritus Sanctus deseruit, etiam si aliquando improbo gubernatam Pastore. Vitiis, quæ Alexandro VI. exprobrantur, egregia ejus facta opponimus; cohibitam severioribus pœnis scilicet licentiam, statutos dies jux unicuique dicendi, decretum visitationis ægrotantium tempus, contentendum de novi Orbis dominatione Regum, Joannis Lusitaniz, & Ferdinandi Hispaniarum Monarchæ concordiam, innovationem consuetudinis, inductæ a Callisto III., salutandi in meridie Deiparam: inflictum anathema Librariis typis mandantibus Scripta ab Episcopis non impetrata facultate, lata sanctione, quam ad annum 1501. num 36 refert Raynaldus. Prætermitto comitatem, qua Princeps legatos ad se missos excepit, & præsertim Angelum Politianum, qui Senenium nomine orationem ad ipsum habuit, gravissimamque ejus ad omnes Reges exhortationem, ut pacem colerent, nec de gerendo bello cogitarent, nisi adversus Turcas spoliis Christianorum superbiales. Profecto iniqui dicendi fuit, qui summorum vitorum tenentium maxime Sacerdotii, aut Regni Imperii que fastidium, carpunt vitia, rectis ausum gesta prætereunt.

PATRIARCHARUM NOMINA.

QUINTODECIMO Ecclesiæ Seculo usque ad annum 1453. quo anno Turcæ Constantinopolim expugnarunt, sederunt post *Antonium IV.* qui anno 1403. decessit, *Callistus II.* *Joseph II.* Exmetropolita Ephesinus, *Metrophanes* Cyzicenus, *Gregorius III.* Hieromonachus, & *Georgius Scholarius* appellatus etiam *Gemadius* eodem electus anno, quo *Maumetes* Constantinopolim occupavit. Prætermittuntur ceteri extorres, & vix Patriarchali caractere insigniti.

CAPUT II.

SYNODI QUINTODECIMO ECCLESIAE SEculo
CELEBRATÆ.

PLENARIA hujus Seculi Concilia sunt *Pisanum*, *Constantiensis*, *Senensis*, *Basileensis*, & *Florentinum*. Num priora quatuor generalia dicenda sint, controvertitur: nulla de postremo hæsitatio.

DE Pisani Concilii convocatione facta anno 1409. dictum est capite superiori. Utriusque Communionis Cardinales, Gregorii nempe XII. & Benedicti XIII. ad hanc Synodum convenisse, depositum in illa Gregorium, electum Alexandrum V. exauctoratum Benedictum, eo loci narravimus. Nulla Gregorio illata injuria, siquidem juramentum emiserat abdicandi se Pontificatu, si id necessum fuisset ad schisma abolendum, demissisque precibus invitatus ad Synodum nunquam voluit accedere. Interfuere tamen Cardinales XXII. (1) Archiepisc. XXIV. Episcopi CLXXXII. Abbates ac Theologi plusquam CCC. Frustra adversus Pisanum Concilium depositi Pontifices reclamarunt. Qui Generale fuisse negant, in hanc abierunt sententiam, quoniam non fuit a Pontifice convocatum, nec Concilio ipso absoluto schisma cessavit. Verum quia Alexandrum V. omnes tanquam legitimum Pontificem agnoscunt, atque in Schismate aliis, quam Capiti, de cujus auctoritate controvertitur, committi debet Synodi congregandæ facultas, non potest Pisani Conventus firmitas oppugnari. (2)

PER-

(1) Alibi numerantur Card. XXI.

(2) De Concilii Pisani auctoritate dispar, & opposita est Clarissimorum Scriptorum sententia. Vide *Ist. Sacram* in Arch. Pisani sub *Alemanno Adimario*, &c.

PERSEVERANTE Schismate, Joannes XXIII. Alexandri successor indixit Concilium *Constantiense*, die 20. Martii anno 1414. Inchoatum est die 5. Novembris anno proximo, præfuitque sessioni 1. idem Joannes Romanus Pontifex. Adfuerunt Patriarchæ IV. Archiepiscopi XLIII. Episcopi CLX. Abbates ac Theologi supra CIX. necnon Romanorum Imperator Sigismundus. Damnatæ Viclefus, & cremati Joannes Hus, & Hieronymus Pragensis, de quibus infra. Joannes Pontifex, qui primum humiliter scripto & jurejurando sponderat dimissurum se Ecclesiæ regimen, si ad extirpationem schismatis videretur necessarium, id postea exequi detrectans, & clam e Synodo discedens, dejectus est adnotata superius die. Constitutum Martinus V. ac Synodus absoluta anno 1418. die 22. Aprilis. Concilium istud dicitur continuatio Pisani a Card. Turrecremata. An fuerit Oecumenicum post Joann. XXIII. discessum, vigeatque robur Sessionis 4. & quintæ, quibus Papa subjicitur Concilio, haud levis est controversia. Adversus Ven. Bellarminum & Christianum Lupum affirmantem partem strenue propugnat Cl. Bossuetus p. 2. defens. Decl. Cleri Gallic. lib. 9.

MARTINUS V. Sess. 44. Concilii Constantiensis habitans anno 1418. die 19. Aprilis indixerat Concilium pro reformatione morum celebrandum Papiæ, urbis in Insu-bria vetustæ. Inchoatum illud est an. 1423. mense Majo: sed paucis advenientibus ob pestiferam illic grassantem lucem, post menses duos translatum est Senas. Confirmata ibidem Viclefistarum, Hussitarumque damnatio, & depositio Petri de Luna, actumque de Græcorum cum Latinis unione. Verum temporis calamitas impulit Martinum V. ut hac Synodo abrupta, proximo anno 1424. die Februarii 19. indiceret *Basileensem* anno 1431. celebrandam. Senense Concilium in litteris quoque Martini V. & Eugenii IV. dicitur *Oecumenicum*; fuit vero quædam Constantiensis Synodi Appendix.

SUBLATO e vivis Martino V. Eugenius ei successus ratam habuit indictionem Concilii Basileensis in finibus Helvetiorum. Inchoatum fuit eodem anno 1431. die 19. Maji, indictaque prior Sessio pro 14. Decembris. Initio Concilium fuisse legitimum, non ambigitur: sed nimiam sibi quibusdam arrogantibus auctoritatem, & cogitantibus Pseudopontificem intrudere vivente Eugenio, bello insuper inter duces Burgundum

& Austriacum fervescere; idem Eugenius anno 1432. Constitutionibus, litteris, legatisque Synodum studuit dissolvere, indixitque anno 1437. Concilium Ferrariense. Ab eo tempore degenerans Synodus in conventum illegitimum ac seditiosum inique in Eugenium se gessit, Sessione præsertim 31. anno 1438. die 24. Januarii. De Felice V. Pseudopontifice dictum supra. Solutum denique hoc Concilium anno 1443. mense Majo.

FERRARIENSE Concilium Generale anno 1438. die 9. Aprilis inchoatum est, Florentiam vero anno sequenti translatum, ubi prima sessio habita fuit die 26. Februarii, postrema die 22. Novembris ejusdem anni 1439. Ferrariensi & Florentino Concilio præfuit ipse Eugenius IV. & interfuit Joannes Palæologus imperator Græcorum cum Joseph Patriarcha C. P. ac permultis cum latinis, tum Græcis. Inter quos de Purgatorio, de Primatu Papæ, de Azymo adhibendo in Eucharistia conficienda, de præfenti gloria Sanctorum, ac præsertim de *processione* Spiritus Sancti a Filio, & de additione facta Symbolo particulæ *Filioque*, longa fuit disceptatio. Sed inita tandem concordia, cui & Græci omnes subscribere, uno excepto Marco Ephesino, qui in Græciam redux complures ad Schisma instaurandum permovit. Subjicitur Synodo Florentinæ *Decretum pro instructione Armenorum*, non Synodi, sed solius Eugenii IV. nomine inscriptum, utpote editum post discessionem Græcorum decimo Kal. Decembris. Sed de Conciliis Œcumenicis, pro nostro instituto, satis multa.

CETERA ad disciplinam spectantia commemorabo tantummodo. In Galliis celebrata fuere *Remense* an. 1408. *Senonense* 1429. *Bituricense* an. 1438. *Rotomagensis* anno 1444. *Senonense* alterum 1485. In Hispania *Dertosa* anno 1429. *Matriti* 1473. *Toleti*, & *Raude* eod. anno, & *Compluti* 1479. In Germania *Colonia* 1423. & 1452. *Praga* 1405. *Salisburgi* anno 1420. *Frisinge* in Bavaria anno 1440. In Anglia *Oxonii* 1408. *Londini* 1420. & 1486. & *Haphniæ*, vulgo *Copenhagen*, in Silandia, vel Dania, anno 1425. Ad Clericorum, & Monachorum disciplinam, ad beneficiorum collationem, morumque probitatem, necnon erumpentium errorum pravitatem, eliminandam, singula pertinent.

CONCILIABULA *Benedicti XIII.* Pseudopontificis, seu Petri de Luna, Perpiniani anno 1408. & *Salmanticæ*

1410. ubi

1410. ubi ille verus Ecclesiæ Pastor fuit declaratus Utinense anno 1409. quo Gregorius XIII. seu Angelus Corarius, etsi Pisis exautoratus, cum paucis Episcopis schisma fulcire curavit; atque Constantinopolitanum, in quo imperante Constantino Palæologo anno 1450. scriptis actis Synodi Florentinæ Græci ad vomitum redierunt; hæc, inquam Pseudoconcilia omnino a nobis rejiciuntur.

C A P U T III.

DE HUSSITIS, CETERISQUE HÆRETICIS
SEculi XV.

PRETER nefaria Vicleſi dogmata in Concilio Constantienſi damnata ſeſſ. 8. anno 1415. die 4. Maji. Joannes Hus, & Hieronymus de Praga ejus discipulus eadem fere omnia dogmata propugnantes, vivi fuerunt combusti. Sumptum de Joanne Huſſo ſupplicium eod. anno 1415. die 6. Julii, ac de Hieronymo Pragenſi anno 1416. die 30. Maji. Queruntur hæretici, hos ſectarum ſuarum patriarchas, quos tanquam martyres venerantur, rogo fuiſſe impositos, & exuſtos, etſi Conſtantiam acceſſerint obtenta ſecuritatis fide, quam vocant *Salvum conductum*. Sed queruntur inique, & injuſte. Nam Joannes Hus neque a Pontifice, neque a Concilio, ut ex ejusdem Huſſi litteris conſtat, ſecuritatem illam obtinuerat, ſed tantum a Sigismundo, coarctatam ad iter, hujuſque incommoda, ad ſolutionem tributi, vel telonii, ut apparet ex litteris Imperatoris datis Spiræ anno 1414. die 18. Octobris. Cum autem contra promiſſa, & pacta, quibus ſponſederat ſe judicium Concilii ſubiturum, diſceſſiſſet Conſtantia, & in hæreſi poſt damnationem evaſiſſet perſvacior; Ipiſus Sigismundi juſſu conjeſtus in carcerem, merito pertulit poenam perſidiæ ſuæ. Hieronymus vero, tametſi a Synodo, non a Sigismundo, obtinuerat *Salvum Conductum*, quia tamen damnationi Vicleſi, & Joannis Huſſi conſenſit, horum hæreſim ejuravit ſeſſione decimanona; palam poſtea teſtatus ſe fraude & mendaciter id egiſſe, ac in priſtinos prolapſus errores, ſui non poterat ea ſecuritate, quæ ipſi conceſſa fuerat ea appoſita conditione, ut *juſtitia ſemper ſalva maneret*, quantum Fides exigeret Orthodoxa. Videatur in Hiſtoria Huſſitarum

strum Joannes Cochleus, & differt. 7. hujus Seculi Nat. Alexander.

DOGMATIZAVIT Joannes Hus, Ecclesiam constare ex solis prædestinatis, carere visibili Capite, Hæreticos tradi non posse seculari Judici puniendos, & neminem Sacerdotum a prædicatione verbi Dei posse ab Episcopis, vel a Pontifice removeri, aliaque his affinia XXXIX: comprehensa articulis (1) proscriptis a PP. Constantiensibus, Circa Eucharistiam tamen, Confessionem Sacramentalem, Invocationem Sanctorum, & Purgatorium Joannes Hus nunquam oppugnavit doctrinam Catholicæ Ecclesiæ, ideoque frustra illius concordiam jactant posteriores hæretici.

ORTI ex Hussitis *Thaborita*, *Orphani*, & *Calixtini*. Primi ita appellati sunt a monte, in quem dux Joanne Zischa homine æque impio, ac strenuo, sese receperunt, & cui *Thabor* nomen dederunt. Horum quidam *Orphani* dicti sunt, quasi orbat patre, post mortem ipsius Zischæ: qui obiit pestilentia anno 1424. die 6. Octobris in castro *Priscon*, mandans ut a pelle sua ad terrendos hostes tympanum conficeretur. *Calixtini* denominati fuere qui communionem sub utraque specie necessariam putantes, Calicis formam ubique pingebant, unde pervulgatum dictichon,

*Tot pingit calices Bohemorum terra per urbes,
Ut credas Bacchi numina sola coli.*

PRODIERUNT pariter ex Gallia Belgica, & in Bohemiam irrupere novi *Adamita*, nudi incedentes, addicti promiscuis connubiis, in omnem exardescentes libidinem, atque adeo inverecondi, ut memoratus Zischa dux Hussitarum illos gladio, flammisque ulticibus deleverit. Quorum dux *Pickardus* nomine se Adam ac Dei filium audacter nominabat. Paullulum modestiores *Fossarii*, qui adimitar brutorum promiscuam explebant libidinem in abditissimis locis fossisque, unde sortiti sunt nomen. Quidam detum e Viclei secta erumpentes coeperunt adversus *Pado baptismum* insurgere, asserentes regenerationis lavacrum parvulis inutiliter conferri, neque illo indigere filios & fidelibus procreatos.

HÆC de hæresibus tantum; nam errores a pluribus

(1) Vid. Continuat. Hist. Fleury lib. 103. num. 74. Sessione tamen Concilii XV. redacti sunt ad XXX.

bus hoc Seculo absque pertinacia assertos, quoniam non coaluerunt in sectam, licet proscriptos, non est loci huius singulatim exponere (1).

C A P U T IV.

REGENSENTUR SCRIPTORES PRÆCIPUI, QUI
SECOLO XV. PERTRACTARUNT DE
REBUS ECCLESIASTICIS.

INTER plurimos illos, qui vertente Seculo XV. sapientia honestissimum sibi nomen compararunt, Theologicis claruerunt erudimentis ex Latinis quidem *Petrus de Alliaco* Armbianensis Card. S. R. E. qui pro fide Catholica in Concilio Constantiensi egregiam navavit operam, editisque exquisitis lucubrationibus diem obiit in urbe, cui præerat Antistes, Cameracensi anno 1425. *Joannes* a pago agri Remensis, ubi in lucem editus est, cognominatus *Gersonius*, ipsius Petri de Alliaco discipulus, cum sapientia, tum pietate conspicuus, humanis exemptus rebus anno 1429. Augustinenses duo, (2) *Paulus* Utinensis, a domicilio *Venetus* nuncupatus, & *Andreas Bilius* Mediolanensis: quorum ille anno 1428. iste vero anno 1429. naturæ persolvit debitum. *Thomas Valdensis* Carmelita, cujus mors contigit anno 1431. celeberrimus Fidei Catholicæ Propugnator, atque a nonnullis inter Beatos connumeratus. *Joannes* S. R. E. Card. de *Turrecremata*, & *Joannes Capreolus* Ord. Præd. unus 1468. alter hoc quidem Seculo, sed incerto anno defunctus. *Nicolaus* S. R. E. Card. de *Cusa*, (3) qui decessit anno 1464. *S. Joannes a Ca-*

L 3

pistrano

(1) Errorum, quos præmittimus, auctores sunt *Matthæus* Græbon Ord. Præd. *P. Nav. Alex. cap. 2. art. 4.* *Manfredus* ejusd. Ord. *V. S. Am. 1. P. tit. 22. cap. 7. n. 8.* *Alphonfus* Tostatus, *P. Rayn. ad an. 1443. n. 24.* FF. nonnulli Carmelita, *Spond. ad annum 1473. num. 13.* *Joannes* Farvus (*Pais*) de quo *Gerson* tom. 5. edit. *Dupinii*. *Aureliani* de *Roma* Aug. de quo *Acta* *Cont. Basil. Sess. 22.* *Laurentius* Val. la, apud *Dominicum* *Bernardinum* *Sæc. XV. cap. 6. Cc.* Accedit *Pomponius* *Lotus*, quem, si revera, ut ajunt, abjecto Christiano nomine *Petri Pomponius* dici voluit, & si colebat Romulum, atque celebrabat patrem diem Urbis, non a fide extorem diutaxat, verum etiam idolo, intram vocemus oportet.

(2) *Guilelmus* *Beschi* Flor. Episcopus *Fesulanus* obiit anno 1491. *Henricus* vero de *Langesteta* florebat initio Seculi. Augustinensis uterque.

(3) Calumniantur quidam Heterodoxi *Cusanum* in *Consecratione* de *novissimis* diebus assertere Pontificem Romanum esse Antichristum. Mentiantur plane; capite enim 7 aperte loquitur de Antichristo venturo paullo ante universale Judicium, de quo agitur proximo capite 8.

pistrano Ord. Min. cujus beata mors contigit anno 1456.
& *Gabriel Biel*, qui e vita migravit circa annum 1495.

Ex GRÆCIS vero clauerunt *Bessarion* Archiepiscopus Nicænus & S. R. E. Card. qui obiit anno 1472. (1) Is pro Latinis decertavit invicte: nam *Simeon Thessalonicensis*, *Macarii* duo, unus Monachus montis *Atho*, alter *Episcopus Ancyranus*, & *Georgius Scholarius*, vel *Gemadius C. P.* studiose Græcorum schisma foverunt; atque *Georgius Trapezuntinus*, (2) qui steterat pro Latinis, ad Mahumetis insanias defecit, luitque morte repentina pernam perfidiae.

ILLAM vero Theologiae partem, quæ spectat institutionem morum, & vitam asceticam, magnopere illustraverunt *S. Antonius* Archiepiscopus *Flor.* Ord. Præd. *S. Bernardinus Senensis* Ord. Minorum, *S. Laurentius Iustinianus*, Venetorum Patriarcha, *Jacobus Magnus Tole-tannus* Ord. Eremit. S. P. Aug. & *Thomas a Kempis* Canonicus Regularis. E. vivis autem primus excessit anno 1449. alter anno 1444. tertius anno 1455. quartus anno 1462., ac postremus anno 1471.

SACRAS Cohiciones verbis, scriptisque illustrarunt *S. Vincentius Ferrerius* Ord. Prædicatorum, ad superos translatus anno 1419. *Nicolaus Auximanus* Ord. Minorum sublatus e vita paulo post annum 1442. Augustinenses duo *Florentini*, *Honuphrius Stecutus* patriæ Archiepiscopus, & *Simeon Tornaguinci*; quorum ille sublatus est anno 1403. ac ille 1429. Nec prætermittendus *Hieronymus Savonarola* Ord. Præd. in magna temporum calamitate combustus *Florentiæ* anno 1498, quamvis etiamnum disceptetur, an Christi martyr, an pseudopropheta sit nuncupandus (3).
AT COMMENTARIIS Sacras Scripturas illustrarunt, præter *Alphonsum Tostatum* Episcopum *Abulensem* mortuum anno 1454. de quo illud profertur,

Hic

(1) Falso quidam obiisse tradunt anno 1437. Fuerat Monachus *S. Basilii*, quemadmodum *Uiderus Rubemus* Patriarcha *C. P.* qui obiit Romæ anno 1463.

(2) Alius a *Georgio Trapezuntio*, qui obiit anno 1486, de quo in App. De isto Caveus in *Sæculo Synodali* ad annum 1461. Ille, qui anno 1485. decessit, ante obitum omnium, quæ didicerat, memoriam nonagesarius amisit, Adde Theodorum Gezam *Thessalonicensem*, existentem anno 1478.

(3) Aversarius *Savonarolæ* adhæsit quoque *Marianus* a *Genazano* Aug. vir summus, ac præstantior, quam ad annum 1482. visum sit *Pavio*. Prior fuit *Marianus Florentini* cœnobii *S. Galli*, nunc diruti, obiitque Sueviæ eodem, quo *Hieronymus* crematus est, anno.

Hic stupor est mundi, qui scibile discutit omne,
Thomas Anglicus Ord. Prædicat. *Dionysius Carthusianus*
 & *Jacobus Perez* Augustinensis: quorum, aliis prætermis-
 sis, contigit obitus, prioris anno 1403. alterius (1) anno
 1471. & tertii anno 1490.

IN HISTORIIS infudarunt plurimum qui sequuntur.
 Ineunte enim Seculo Chronicum ad sua usque tempo-
 ra deduxit *Jordanus* de Argentina Aug. De Schismate
 inter Urbanum VI. & Clementem Antipapam, & Vi-
 tam Joannis XXIII. luculenter conscripsit *Theodoricus de*
Niem, qui ætate illa florebat. *Flavius Blondus* Foroli-
 viensis Romæ Triumphantis libros decem & Romæ In-
 stauratæ libros tres edidit, præter decades tres Historia-
 rum Romanarum, & librum de origine & gestis Vene-
 torum. Florebat circa annum 1440. siquidem meminit
Felici V. Antipapæ (2). Ipsi *Flavii* Abbreviationes,
 Cosmographiam universam, & Bohemorum elucubavit
 historiam *Æneas Sylvius Piccolominus* Senensis, postea
Pius II. de quo 1. cap. De Florentino Concilio pertra-
 ctavit adv. Marcum Ephesium historice, ac Theologica
 circa annum 1440. *Joseph* Episcopus Methonensis. Res
 sui ipsius tempore gestas mandavit litteris circa annum
 1460. *Joannes Gobelinus*, a Secretis prælaudati Pontificis
 Pii II. *Baptista Platina* Cremonensis, quem *Trithemius*
Bartholomæum (3) appellavit, scripsit de vitis Rom. Pon-
 tificum a Petro ad sua usque tempora: sublati sunt au-
 tem pestilentia anno 1481. Permulta circa id temporis e
 Græco vertit, & Sanctorum Vitas, aliaque plura exara-
 vit *Ambrosius Camaldulensis* Florentinus, sui Ordinis
 decus. *Jacobus Philippus* Bergomensis Ord. S. P. Augu-
 stini Supplementum Chronicorum primo in lucem emi-
 sit anno 1485. non semel postea ampliavit; atque obdor-

L 4

mivit

(1) Nat. Alex. ait floruisse Seculo XV. ineunte; & distinguendus
 ab alio *Thoma* Eboracensi: ac nullatenus illius Commentaria cum his
 confundenda sunt, quæ scripsit *S. Thomas* Doctor Angelicus.

(2) Obiit Romæ anno 1458.

(3) *Bartholomæum* item dixere *Vossius*, *Bælus*, alii. De illo *Sano*
Nazarius:

Ingenia & mores, viasque obitusque notasse

Pontificum, arguta lex fuit historia.

Tu tamen hinc laus tractas pulmenta culina.

Hoc, Platina, est ipso pascere Pontifices.

Nimirum scripsit quoque libros X. de tuenda valetudine, & popina
Ætensis. Extat in edit. Lugdunensi anno 1541. post libros *Calli Apicii*
 de re culinaria. Scripsit & alia plura,

mivit proximo Seculo, anno scilicet 1520. Florebant circa Seculi XV. exitum *Marcus Antonius Sabellicus*, & *Joannes Trithemius* Monachus Benedictini Instituti. Ille universam historiam, & plura ad Venetos & Aquilejenses spectantia quatuor Voluminibus complexus est, obiitque Venetiis anno 1506. *Trithemius* de illustribus viris Germanis, & Ord. S. Benedicti, de Scriptoribus Ecclesiasticis, variaque Monasteriorum Chronica, misso Stegographiæ Opere proscripto; ac decessit anno 1519. (1).

ADDAMUS nonnullos ex illorum classe, qui Jus Canonicum excoluerunt, saltem *Joannem de Lignano* Mediolanensem, *Petrum de Ancharano* Bononiensem & *Baldi* auditorem, *Antonium a Butrio*, *Franciscum Zabarellam* Patavinum, ex Archiepiscopo Florentino S. R. E. Cardinalem, *Joannem* de Imola, *Felinum* Ferrariensem, & *Andream Barbatium* Siculum. *Joannem* Cardinalem de *Turrecremata*, qui Juris etiam Canonici peritissimus fuit, commemoravimus paullo supra.

C A P U T V.

IMPERATORUM SERIES, SANCTORUMQUE NATALIS DIES.

EXTINGUO Imperatore Occidentis *Ruperto*, (2) electus est *Sigismundus* filius *Caroli IV.* & frater *Vincelai*. Diximus *Rupertum* vita functum anno 1410. XII. Kal. Junias: electio autem *Sigismundi* contigit anno 1411. XIII. Kal. Apriles. Interfuit Concilio Constantiensi; ac diuturnum adversus Hussitas bellum gessit, interdum sinistro eventu. Iis tamen anno 1436. devictis, suum Bohemiæ regnum ingressus effulsissima populi læticia & acclamatione, diruta ab hæreticis -

(1) *Joannes Annius* Viterbiensis, de quo plura Nat. Alex. art. 6. num. 32. videtur permixtis edidisse falsa commenta. Vide Vossium de Hist. Lat.

S. Antonini Arch. Florentini, qui scripsit *Summam Historicalem* in tomos tres distributam, paullo antea meminimus.

(2) Diximus Superiori Seculo *Rupertum* fasces cessisse *Oppenheimii* in inferiori Rheni Palatinatu, sepultum vero *Heidelbergæ*, in Aede S. Spiritus, quam ipse erexerat, & ubi re proventus dotaverat, ubi hoc illi appositum Epitaphium: *RUPERTUS Dux Bavaria, Comes Rheni Palatinus, Romanorum Rex, iustus pacis & religionis amator, dignus Deo visus, qui pro iustitia pateretur, hujus sacra adis, & Collegis institutor, hic cum castissima conjugè Elisabetha, Norici montis Burgundia, quiescit; vita functus anno Christi 1410.*

cis templa instauravit, exspoliata sacra suppellectili instruxit, & violata, restituto Dei cultu, purgavit. Solo hæreticos in perfidia manentes iussit excedere. Ipse occubuit die 9. Decembris anno 1437. Varadini tumultu conditus (1):

INAUGURATUS deinde Sigismundi Gener, & filix ejus Elisabeth maritus *Albertus II.* Austriacus. Qui anno 1438. ter accepit coronam, Kalendis Januarii tanquam Rex Hungariæ, die 20. Martii tanquam Imperator Occidentis, & die Maji sexta tanquam rex Bohemorum. Polonos superavit: Turcas ex Hungariæ finibus expulit; & Bohemos, qui Casimiro fratri regis Poloniæ se dederant, revocavit ad officia. At recedentibus e Servia Turcarum copiis, Albertus Buda reversurus Viennam anno 1439. die 26. Octobris in itinere dysenteria extinctus est.

IMPERAVIT diutius, nempe annis 52. *Fridericus III.* Austriacus, electus Francofurti anno 1440. die 30. Martii. Natus erat Ernesto Austriæ Duce, imperatoris Alberti II. fratre patruale. Quoniam a bello abhorrebat, eoque imperante regnavit summa in ejus Imperio pax, quamquam Marte alibi fervescente, adeptus est *Pacifici* cognomentum. Eleonoram filiam regis Lusitanix anno 1452. sibi in matrimonium copulavit, ac simul cum angustissima conjuge imperiale diadema suscepit a Nicolao V. eodem anno die 17. Martii (2). *Friderici* adscribitur monitis, quod Felix V. Antipapa sponte Nicolao sese subjecerit, eique reconciliatus creatus fuerit S. R. E. Cardinalis, & Apostolicæ Sedis in Sabaudia Legatus. Operam dedit, ut Maximilianus ejus filius constitueretur rex Romanorum die 17. Februarii anno 1486. & anno ipso die Aprilis decima redi-

(1) Sigismundum iniisse foedus cum Helvetiis anno 1474. traditur in Additamentis ad Cluverii Geographiam lib. 2. capite 17. a Joanne Buonone. Mendum irrepsisse, & legendum anno 1434. Foedus illud a Maximiliano I. abruptum, renovatum est anno 1511. ab eodem Imperatore. *Zaoyma*, *Zaoim*, in Moravia defunctus, illuc profectus ad Filiam, Bohemorum genti diffidens. Obiit vero predicta die 9. Decembris (quidam ajunt 8.) anno etatis 70, Hungarici regni 31., Bohemici 17. Romani 27. inde magnifico regioque apparatu Veradinum translatus est.

Quidam Germaniæ Scriptores inter Rupertum & Sigismundum reponunt Imperatorem *Jodocum* Moravix marchionem filium Joannis Henrici fratris Caroli IV. At is a solis Episcopus, & a Sigismundo patruelis tunc suffragia retulerat, neque corona insignitus est unquam. Ineptum fuisse ad res gerendas, ac sexto mense a morte Ruperti functum vim Brunæ, vulgo *Brinnæ*, *Æneas Sylvius*, alique scripserunt.

(2) Platina inquit, die XV,

redimiretur Aquisgrani corona Caroli Magni, Segoduno, idest, Norimberga, asportata. Suprema autem Frederici dies fuit Septembris septima (1) anno 1493. Lentia in Austria superiore, Viennam inter, ac Ratiponam.

SUCCESSIT itaque patri *Maximilianus*, qui tenuit imperium usque ad annum Christi 1519. Anno 1494. cum Carolo VII. Galliarum rege pacem firmavit: anno 1496. in Italiam irrupit animo expugnandi Neapolim: Liburno classem admovit; sed jactatis tempestate navibus, rediit re infecta in Germaniam. Hujus Cæsaris bella consignanda sunt Seculo decimosexto. Obiisse enim anno 1519. nuper diximus. Dies ejus emortualis duodecima Januarii: locus mortis Lentia, sepulchri Neostadium (2). Ex priori uxore Maria filia Caroli ducis Burgundiae (alteram enim post illius mortem duxit, Blancham filiam Galeatii Ducis Mediolanensis) suscepit Philippum Austriæ Archiducem, patrem *Caroli quinti*.

QUID vero de Imperio Græcorum? Obierat *Emanuel Palæologus* anno 1425. die 20. Julii. Imperium tum accepit Joannes Palæologus II. filius Emanuelis, & Irenis. Is cum Amurathe Turcarum Sultano pacem iniit anno 1426. Joannes iste Palæologus, qui interfuit Florentino Concilio, mortem oppetiit die 31. Octobris anno 1449. Ei successit *Constantinus-Dragafes* Joannis Palæologi frater (3), & e Manuele natus anno 1403. Imperante Constantino regia civitas CP. expugnata fuit ab Amurathe II. Hegira 857. anno 1453. die 29. Maji. Cæso Constantino, dum strenue pugnabat, a gregario milite Tarca, funditus deletum est imperium Græcorum. Quod si tempora supputentur ab anno dedicationis urbis C. P. facta a Constantino Magno, videlicet, ab anno Æ. V. 330. invenietur Imperium Constantinopolitanum stitisse annis

MCXXIII.

(1) Ita in Hist. Rom. M. De. Chares tom. 2. pag. 275. Continuator Fleury libro 117. nu. 66. & alii. Calvisius tamen mortuum inquit die 19. Augusti.

(2) *Lentia*, seu *Lentium*, vulgo *Linz*, metropolis Austriae Superioris, duobus munita arcibus, & anno 1711. a Gallis expugnata, recuperata autem anno 1743. ab Imperatore Francisco I. Neostadium, *Neustad*, quo nomine aliae quinq. notantur urbes, in Austria, praevalida arce, armamentario, vivarioque insigni exornatum, captum anno 1685. a Mathia Corvino, sed iterum ad Austriacam ditionem sedatum.

(3) Graveson in VI. Tabula Chronol. success. Imp. Orientis num. 329. ait *Constantinum* fuisse filium Joannis Palæologi, non fratrem, ceteris Historicis repugnantibus.

MCXXIII. a Constantino fundatum, in Constantino altero extinctum (1). Imperium quoque Romanum, quod inceperat in Augusto, in Augusto alio fuisse eversum, dictum est in Historia Seculi V. capite 5.

AD REGNUM, quod manet in æternum, & conterit, ut Daniel cap. 2. prænnuntiavit, omnia alia regna, perpetuo obtinendum transierunt Seculo XV. permulti. SS. *Antonini Arch. Florentinorum, Vincentii Ferrerii, Bernardini Senensis, Joannis a Capistrano, & Laurentii Justiniani*, annum emortualement præcedenti capite commemoravimus. *Carolus* institutor Eremitarum S. Hieronymi in montibus Fesulanis mortem obiit anno 1419. & anno 1463. *Alexander Oliva* Augustinensis. Martyrii vero palmam consecuti sunt anno 1458. *Eugenius Hibernus* Ord. SS. Trinitatis; anno 1460. *Antonius de Ripolis* Ord. Præd. anno 1465. *Andreas Chienfis*: anno 1475. *Simon* puerulus Tridenti a Judæis crudelissime excruciat (2): & anno 1479. Fideles complures Bohemi ab Hussitis, quorum & annis insequentibus fuit sævitia, in odium Catholicæ fidei enecati. Sanctorum Confessorum adepti sunt aureolas *Nicolaus Albergati* Carthus. S. R. E. Card. & Ep. Bononiensis anno 1443. *Ludovicus* Card. & Archiepiscopus Arelatensis anno 1450. *Ambrosius* Florentinus Aug. anno 1456. *Didacus* Ord. Minorum anno 1463. *Jacobus Picens* ejusdem Ord. anno 1476. *Joannes Sahaugunensis* Ord. S. P. Augustini anno 1479. ejusque confrater *Antonius de Amandula* anno 1450. *Casimirus* dux Lithuanie anno 1484. *Nicolaus* Helvetie anachorita anno 1487. *Antonius Aquilanus* Augustinensis anno 1494, aliis 1480., sed hic fuit annus emortualis B. *Andreae* de Monte Regali ejusdem Instituti. Choros Virginum procedentium ad Agni nuptias duxerunt anno 1433. *Lidvina* Batava: anno 1447. reformatrix Clarissarum *Coletta* Corbejenfis; & anno 1463. *Catharina* Bononien-

(1) In expugnatione C. P. cæsa sunt quadraginta hominum milia: caput Constantini abscissum, & infixum lanceæ. Senes, matronæ, virgines, puberes, impuberes trucidati: procures optimatesque immatissime disiecti: Cæsaris conjux & filie pertractæ in convivium, palam constupratæ, & in frustra concisæ. Vide Sabellicum, Dresseum, Leonclavium.

(2) Hujus martyrium adversus Vangenfeilium & Basnagium vindicavit eruditus Anonymus Dissertatione Apologetica in lucem edita Tridenti anno 1747.

nienſis (1) : anno 1497. *Veronica* de Binaſco Auguſtinenſis. Matronis, Viduiſque præbuere præclarum ſanctimonix exemplum *Franciſca* Romana terris erepta anno 1440., & *Rita* de Caſſia ſanctimonialis Auguſtiniana, quæ ad ſuperos evolavit anno 1443. In libro Vitæ aliorum complurium ſcripta ſunt nomina.

C A P U T VI.

AD ECCLESIE DOCTRINAM, AC DISCIPLINAM
SPECTANTIA.

EX CONDEMNATIONE hæreſeon, de quibus egimus cap. 3. colligitur quænam fuerint Seculo XV. confirmata Fidei Catholicæ dogmata : Eccleſiam non conſtare ex ſolis prædeſtinatis, eſſe viſibilem, habere conſtitutum a Chriſto, non a Cæſare, caput, ideſt, Pontificem ; hunc, licet perditis moribus, eſſe ſucceſſorem Petri, habere poteſtatem *clavium*, & facultatem concedendi Indulgentias : Sacramentorum ſeptenarium eſſe numerum, in Euchariftia fieri aſſertam a Catholicis *transubſtantiationem*, in Miſſa verum offerri Deo ſacrificium, neceſſariam non eſſe ſingulis communionem Calicis, promiſcuum concubitum eſſe illicitum, aliaque Romanæ Eccleſiæ ſtatuta ad fidem, moresque ſpectantia eſſe inconcuſſa ac firmiſſima, præcitata hæreſum proſcriptio iterum, iterumque ſuadet.

Abuſus plurimi decreto Synodi Baſileenſis anno 1444. fuerunt ſublati, & eradicate quædam Fratrum Mendicantium opiniones, aſſerentium Parochos non teneri feſtis diebus Miſſas in ſuis Parœciis audire, vel celebrare : morientes in habitu Fratrum Minorum Purgatorii poenæ evadere : Mendicantibus fas eſſe confeſſionem omnium audire, & poenitentibus impendere abſolutionem, facultate nec obtenta, nec petita ab Epiſcopis ; atque his neſas eſſe aliquorum criminum, præter caſus in Jure expreſſos, abſolutionem ſibiſmet reſervare. Cum multorum ſcandalo auditz ſunt intempeſtivæ quæſtiones, nimio-exagitæ fervore, ut Joannis Parvi de licita Tyrannorum occiſione, & quæ diu vixit inter Fratres Prædicatores

ad

(1) *J. Gæſſaria* Bononiensis ſcripſit librum *Revelationum*, aliæque commemorata a Vadingo.

ac Minoritas, de separatione divinitatis a Christi sanguine in Parasceve e corpore effuso.

VERUM Institutis Regularium amplitudo, & decor accessit. Etenim anno 1419. (1) S. Bernardinus Senensis ad rigidiorē vivendi formam revocavit Fratres Minores, unde nuncupati sunt *Observantes*. Cisterciensibus non procul a Toletō anno 1425. pristinum indidit spiritum *Martinus Vargas*. Franciscā Romana Moniales, quæ Romæ vocantur *Turris Speculorum*, instituit annō 1433. sub regula Monachorum M. Oliveti. Ordinis Minimorum anno 1435. fundamenta posuit S. *Franciscus de Paula*. In Augustiniana Familia anno 1444. (2) instituerunt Congregationem Insubricam F. *Joannes Rocchus Papiensis*, & B. *Georgius Cremonensis*, curante *Gerardo Arimineni* Priore Generali. Congregationem alteram, S. Mariæ Consolationis nuncupatam, instituit anno 1473. B. *Joannes Baptista Podius* Genuensis. Clerici Regulares, quos *Barnabitas* vocant, propagari cœperunt anno 1484.

Ex pluribus Ordinibus Equestribus duos nobiliores commemorabo duntaxat, nimirum *Velleris Aurei*, & S. *Mauricii*. Primus auctorem habuit Philippum II. Burgundicæ, & Brabanticæ ducem anno 1430. alter Amadeum VIII. ducem Sabaudicæ, de quo in superioribus plura, anno 1434.

RELATI solemnī cæremonia inter sanctos fuerunt ab Eugenio IV. anno 1446. (3) *Nicolaus Tolentinus*: a Nicolao V. anno 1450. *Bernardinus Senensis*: a Callisto III. anno 1455. *Vincentius Ferrerius*, & anno 1457. *Osmundus* Ep. Sarisberiensis: a Pio II. anno 1461. *Catharina Senensis*: a Sixto IV. anno 1481. *Berardus*, alique fratres Minores, anno 1220. martyrium perpeffi Marochii: anno 1482.

Eccle-

(1) Dum Congregationes brevitatis causa prætermittuntur, Canoniorum Regularium, ab Ecclesia S. Donati in *Scapeto* nomine *Scapetiorum*, Seculo ineunte instituti a F. Stephano Senensi Ord. Erem. S. P. Augustini. Et Congregatio S. *Iustina* Ord. S. Benedicti, sub initio patris hujus Seculi instituta Patavii. Eremitarum montis Fesulani minimis superiori capite.

(2) Dominicus Ant. Gandolfi pag. 231. diff. Hist. de CC. Script. initia hujus Congreg. refert ad annum 1439. *Georgium* Cremonensem auctorem principem facit. Hunc plures (Gravelon etiam, ac nosse Florez) falso appellant Gregorium.

(3) Nicolaus inter Sanctos relatus est die 5. Junii in festo Pentecostes. Sumptum ab Augustinianis factum excessisse summam auctorum quinque mille scribit quoque Ciaconius. Extat inter Eugenii IV. numismata unum cum Inscriptione, *Nicolai Tolentinensis sanctitatis cel his redditum. Sic triumphant Electi*.

Ecclesiæ Doctor *Bonaventura*, atque ab Innocentio VIII. anno 1485. *Leopoldus* Austriacus.

ANNUM Jubilæi, quem Bonifacius VIII. singulis annis centenis, Clemens VI. quinquagesimis, & Urbanus VI. trigessimis tertiis, ut alibi diximus (1), statuerant esse celebrandum, Nicolaus V. rursus ad annos quinquagesimos revocavit, & Sixtus IV. ad XXV., ut servatur hæcenus, coarctavit. Celebratus est itaque anno 1475. Rosarii B. M. V. devotio auctore B. *Alano* circa annum 1473. cepit ardentius exerceri, & propagari, ut constat ex laudati Pontificis Sixti IV. Constitutione 18.

A P P E N D I X,

S I V E

RERUM ALIARUM HISTORICARUM COMPLEXIO.

A REGUM nominibus, & ab imperio Turcarum hanc syllogen auspicamur, bellorum exitus, eventus alios, & litterarum fortunam subjicientes. Galliarum Rex *Carolus VI.* anno Christi 1422. migravit e vita. Huic successit *Carolus VII.* anno 1461. Tum regnavit *Ludovicus XI.* ad annum usque 1483. Deinde *Carolus VIII.* usque ad annum 1498. regnum administravit. Successor ejus *Ludovicus XII.* anno 1515. cum mortali vitæ terrenum regnum absolvit.

IN HISPANIIS post Henricum III. qui obiit anno 1407. Castellæ, & Legionis regnum gubernarunt Joannes II. & Henricus IV. Eo autem absque virili prole defuncto, soror ipsius *Isabella* nupta Ferdinando V. Principi Aragonensi, & Regi Siciliæ. Ita ex duobus regnis Castellæ & Aragoniæ una Hispaniarum Monarchia facta est anno 1474. *Ferdinandus* autem V. migravit e vita anno 1515. Regnaverant vero in Aragonia ab anno 1410. *Ferdinandus*, *Alphonfus*, & *Joannes* frater Ferdinandi V. cui nuptam diximus *Isabellam*, atque in regno Navarræ post Carolum *Nobilem Blanca Eleonora* nupta Gastoni Comiti Septimanorum, sive Occitanicæ, *Franciscus Fuxiensis* nepos Gastonis cognominatus *Phœbus*, atque *Catharina* item Fuxiensis, qua nupta Joanni Alberto, etiam regnum Navarrensē

rense anno 1512. conjunctum est Monarchico Hispaniarum Principatui. Lusitaniz regnum post obitum Joannis I. administraverunt *Eduardus*, *Alphonsus V.*, *Joannes II.* & *Emanuel I.* cui anno 1521. successit *Joannes III.* (1).

BAJAZETHE a Tamerlane devicto anno 1402. die 28. Julii, Turcæ attriti, & principe destituti a Græcis Constantinopoli, quam obsidione vallaverant, fuerunt expulsi: atque Tamerlane ad Indos reverso, præficitur *Isa Bajazethis Filius*. At is a fratre *Emir-Soleimane*, seu *Solimano I.* bello vincitur, & occiditur. *Solimannus* a *Moufa* fratre laqueo perimitur anno 1412. Eodem mortis genere ab altero fratre, nempe *Mahumete*, *Moufa* tollitur e vita. *Mahumetes* hujus nominis I. anno 1422. debitum naturæ persolvit. Ei successit *Amurathes II.* qui non semel a *Scanderbejo* bellis laceratus, anno 1450. vitam, imperiumque dimisit. Imperium deinde occupavit *Mahumetes II.* dominator Asiæ, duorum Imperiorum, CP. ac Trapezuntini everfor, anno tandem 1481. & ipse fato peremptus. Hujus filius, & imperii heres *Bajazethes II.* a proprio filio *Selimo* armis coactus cessit imperium, & ejusdem filii opera veneno extinctus est an: 1512.

MEMORATO Turcarum Imperio, gesta ab iis contra Christianos bella sequuntur. Itaque anno 1425. irruerunt in regnum Cypri, illud vastarunt, Venetorum imperatorum Ragonettum Priulium crudelissime interfecerunt; proximo anno occupant Nicosiam capto rege, quem anno 1427. restituerunt, vectigalem tamen ac subiectum. Thessalonicæ cum ingenti Venetorum clade anno 1431. potiti sunt. Antigoniam urbem Epiri anno 1434. *Amurathes II.* expugnavit. In Hungariam anno 1437. truculentus irrupit. Captam a *Mahumete II.* anno 1453. capite 5. C. P. dictum supra. Corinthum anno 1458. in sui potestatem redegerunt, & ad vectigalia pendenda compulerunt Peloponnesum. Bosna excoriato Stephano rege, Turcis cessit anno 1463. Theodosiam, vulgo Cassiam, eripuerunt anno 1475. Genuensibus, jam Stiria, & Carinthia incursionibus non semel vexata. Capta anno 1480. civitate Hydrunti, Episcopum ferra lignea

(1) Coeperunt regnare in Anglia anno 1413. *Henricus V.* Anno 1412. *Henricus VI.* Anno 1483. *Eduardus*. Eodem anno *Richardus III.* Anno 1485. *Henricus VII.*, & anno 1509. *Henricus VIII.* adfor Schismatis. In Polonia autem anno 1434. *Uladislaus V.* Anno 1444. *Casimirus IV.* Anno 1492. *Joannes Albertus*.

ligna scisserunt. Venetis anno 1499. urbem Æoliæ Nau-
pactam, vulgo *Lepantum*, abstulere, inde cadibus ac ra-
pinis Forum-Julii usque irruentes. Illud adnotare sat erit,
solum Mahumetem II. præter Imperia duo, duodecim
regna, urbesque supra ducentas imperio suo subiecisse.
Longe minora sunt quæ Turcis contigerunt adversa. Fru-
stra anno 1428. Cretam insulam, & anno 1444. Rho-
dum aggressi sunt. Non una tantum vice cum Schander-
bejo adverso Marte pugnarunt, anno præsertim 1465. Re-
cuperato Hydrunto ab Alphonso Calabriae duce anno 1481.
in captivitatem redacti sunt quotquot illic aderant.

SUNT quædam res post cruenta bella narrandæ. Vero-
na Scaligerorum sedes anno 1405. venit in potestatem
Reipublicæ Venetæ. Ladislaus rex Apuliæ anno 1408.
Romam hostili manu aggressus ad fugam a Paulo Ursi-
no compellitur. Exorta anno 1418. seditione Parisiis,
interfecta fuerunt a populo fere duo millia studiosorum
adolescentium. Genua anno 1423. expugnata fuit a Phi-
lippo dūce Mediolanensi. Veneti cum Florentinis anno
1427. juncti sunt foedere. Joanna puella Lotaringiæ arma
induens anno 1428. & Gallis auxiliares copias addu-
cens, strenue pugnavit adversus Anglos, sed ab his ca-
pta anno 1429. viva combusta fuit Rothomagi (1). Ge-
nuenses anno 1434. sese vindicarunt in libertatem. Gal-
li anno 1436. receperunt Lutetiam Parisiorum, quam oc-
cupaverant Angli (2). Laurentius Medicæ Gentis de-
cus, litterarum Mæcenæ & princeps patriæ (3) obiit
Florentiæ anno 1492. quo anno Christophorus Colum-
bus Ligur novum Orbem Hispanis & Lusitanis aperuit.
Americus item Vesputius Florentinus anno 1497. quar-
tam illam Orbis partem invenit, quæ ab illius nomine
nuncupatur America.

ADDAMUS de Litterarum incrementis perpauca. Patro-
cinio

(1) Anno potius 1430. capta Compendii, vulgo *Compiègne*. Dis-
ta *Joanna d'Arche*, & puella *Aureliensis*. Ejus patria *Domremy*.

(2) Quibusdam in Vestphalia deficientibus ab Episcopo Colonien-
si anno 1444. ad Adolphum Clivensem Principem, ingeniose adnotatum
tempus versu II. Psalmi 31.

Nolite fieri sicut equus, & mulus, quibus non est intellectus.

(3) *Laurentius* filius fuit Petri II. Medicei, & frater Juliani in fa-
ctione *Pæzorum* interfecti anno 1478. discipulus Gentilis Arretini, ac
pater Petri, qui ei successit in patriæ regimine, & Joannis, qui ad
summum Pontificatum ascendit assumpto nomine Leonis X.

cinio prælaudati Laurentii Medicei complures suffulti, ingenii sui vires exerere studuerunt. Hos inter celebrantur *Christophorus Landinus*, *Angelus Politianus*, *Laonicus Chalcondylas*, *Marsilius Ficinus*, *Joannes Lascaris*, alique. Christophori ignoratur annus emortualis, sed ejus in *Dantheri* Commentaria primo in lucem prodierunt Venetiis anno 1487. Obitus Politiani consignatur anno 1494. Florebat Chalcondylas circa annum 1484. Joannes Lascaris a Laurentio missus in Græciam, ut rariora MSS. perquireret, magnopere in Etruria per idem tempus Græcarum Litterarum cultum promovit. Marsilii Ficini immortalis spiritus ex angustiis corporis exiit anno 1499. Ad Medicas ædes, tanquam ad Musarum asceterium, etiam convolarunt vir summus *Ermolaus Barbarus* Venetus, & Ingeniorum phoenix (1) *Joannes Picus* Mirandulanus, ambo extincti anno 1494. Atque hi eruditione claruerunt omnigena. Adde Joannem Aventinum, Gerardum Mercatorem, Julium Casarem Scaligerum, Joannem Sleidanum, Joachimum Camerarium, Georgium Fabricium, Raphaelem Volaterranum, Volphgangum Lazium, &c.

QUASLIBET autem facultates exornarunt peculiari ratione viri doctissimi. Nam quis de Latina Lingua, & de eloquentia plus meruit *Ambrosio Calepino* (2), & *Laurentio Valla*? Ambrosius Augustinensis, auctor dictionarii, quod omnium teritur manibus, ex Bergomensis familia Comitum Vallis Calepinae, ex qua cum ipsi, tum Latinis Lexicis deprompta est appellatio, ad annum 1511. pervenit. Florebat eruditione, & eloquentia circa annum 1460. & toto deinceps vertente Seculo Joannes Jovianus Pontanus. Laurentius Valla decessit Romæ anno 1465. sequenti epitaphio in Æde Lateranensi cohonestatus,

Laurens Valla jacet, Romane gloria linguae:

Primus enim docuit, qua decet, arte loqui.

Excelluere Oratoria arte Jannotius, Manetti Florentinus, Bartholomæus Facius Genuens, & Augustinus Dathus Senensis:

Tom. II.

M

nenfis:

(1) Joannes Picus natus A. 1463. obiit anno ætatis sue 32. nondum exacto, eique inscriptum Epitaphium,

Joannes jacet hic Mirandula. Cetera novum.

Et Tagus, & Ganges, forsan & Anisipodes.

Obiit Picus die XV. Kal. Decembris, quo die Florentiam ingressus est Carolus VIII. rex Galliarum.

(2) Ambrosii Calepini dictionarium in lucem primum prodit anno 1504. unde editio anni 1509. dicata Ægidio Viterbiensi est 2. non prima.

nensis : de quibus agit etiam Caveus ad annos 1440. 1450. & 1460. Sola Florentia tres Historicos percelebres præ ceteris produxit, *Poggium Bracciolini*, *Matthæum Palmerium*, & *Benedictum de Accoltis* : Aretium *Leonardum Brunum* : Chiensis Insula *Leonardum Justinianum*. Contigit Poggii obitus anno 1459. Palmerii anno 1475. Benedicti anno 1466. Brunus decessit anno 1443. aut sequenti : Justinianus post annum 1453. Notatur autem Poggius Epigrammate Sannazarii, (1) quod Florentinorum discordias præterierit silentio ; & Palmerius (2) quoniam docuit Pithagoricam animarum transmigrationem : Leonardo Bruno in Florentino S. Crucis Templo erectum fuit cum epitaphio (3) marmoreum sepulchrum, atque in ejus funere eloquentissimam habuit orationem prælaudatus Janotius Manetti. Synchronus iis fuit *Hugolinus Verini*, qui Florentiam perpolitò Carmine illustravit, aliaque plura metro conscripsit. (4) Hoc dèum Seculo de rerum inventione scripsit *Rodolphus Agricola*, qui libros suos absolvit anno 1480. Excelluerunt postremo *Joannes de Imola* Jurisprudencia, & eodem fete tempore *Baldus* : *Matthæi Joannes* Regiomontanus : Latinitate *Pomponius Lætus* : de quo vide supra cap. 3. Excelluit inter Rhetores *Bartholomæus Fontius* Florentinus eodem tempore, quo memoratus *Angelus Politianus* : atque de illo scriptum reperi,

*Fontius est Rhetor, pubis moderator Hetrusca,
Judicio, & nulli morum pietate secundus.*

AD SCIENTIARUM ornamentum haud mediocriter contu-

(1) Aetii Sinceri San. de Poggio Epigr.

*Dum patriam laudas, dominas dum Poggius hostem,
Nec malus est civis, nec bonus Historicus.*

(2) De Palmerio Hugolinus Verinus lib. 2. illustr. FI.

*Tu quoque, Palmeri, quamquam se cæcis error
Spirituum, haud parvo et celebrandus honore.*

(3) Inscriptio ad Leonardi Aretini Sepulcrum in Templo FF. Minotum Coenventualium Florentinæ :

*Postquam Leonardus e visa migravit, Historia luget, Eloquentia muta
est, fortisque Musas, tum Græcas, tum Latinas lacrymas senectæ non
potuisse.*

(4) De Poetis *Matthæo Veggio*, *Angelo Politiano*, *Francisco Philopho*, & *Michale Marullo*, qui periit submersus in Cœcina Hetruriz æmne, vide *Vossium de Poetis Latinis* cap. 7. Inter Florentinos excelluit quoque *Paulus Pauli F.* de quo Hugolinus Verinus :

*Quid Paulum memorem? terram qui notas, & æstra,
Qui Perspectiva libros descripsit, & arte
Egregius Medica multos a morte redoxis.*

contulerunt institutæ, aut restauratæ hoc Seculo Academiæ. Herbipolensis in Franconia initium habuit anno 1403. Basileensis anno 1459. Friburgensis anno 1460. Ingolstadtensis anno 1472. Moguntina anno 1482. Melioribus legibus anno 1452. formata Schola Parisiensis, & elegantioris doctrinæ Præceptoribus instructa Monasteriensis in Vestphalia abno 1490. (1)

CONTRULIT demum quamplurimum ad litterarum splendorem, & studiosorum commodum artis Typographicæ inventio. Hanc Historici referunt ad annum 1440. & auctorem faciunt *Joannem Götterburgen* Argentoratensem, commotantem Moguntia. Hanc artem *Sixtus Rufinger*, & *Uldaricus* quidam Germanus circa annum 1470. Romam, ac Neapolim traduxerunt. Exercuerunt illam primum *Joannes Fust*, & *Petrus Schoeffer* item Germani. In Gallias primum intulit circa annum pariter 1470. *Ulricus Gering* Constantiensis. Ad perfectionem adduxere Venetiis circa annum 1500. *Aldus Manutius*, & Parisiis *Robertus Stephanus*. Antiquiores libri, qui absque loci, & Typographi nomine inveniuntur impressi, sunt *Psalmorum Codex* anno 1457. *Rationale divinorum Officiorum Guilelmi Durandi* anno 1459. *Catholicon Joannis Bladi de Janua* anno 1460. *Decor puellarum* anno 1461. *Biblia Latina* anno 1462. Moguntia autem cum nomine Joannis Fust, & Petri Schoeffer impressum fuit anno 1465. Opus Ciceronis *De Officiis*. Qui artis tam præclaræ inventionem Germanis invident, ajunt apud Sineses, & Mexicanos ante plures annos obtinuisse: sed iis, quos laudavi, artem litterarum fusoriam, formam notasque, & dictiones, ac pagellas conjungendi facilitatem, non possumus denegare (2).

M 2

D E

(1) Instituta ulterius fuerunt Academiæ Taurinensis anno 1405. Lipsiensis an. 1408. Lovaniensis anno 1426. Lovaniensem Academiam, quam Joannes dux Brabantie instituit anno 1426. Eugenius IV. confirmavit anno 1431. Codaniz, vulgo *Copenhagen* in Dania, initium habuit an. 1479. auctore Christiano I. Andrepolitana anno 1431. Valentina anno 1451. Nannetensis an. 1460. & Rossbchiensis an. 1490.

(2) De artis typographicæ inventore Aprutinus Episcopus, *Imprimis ille dicit, quantum non scribitur anno,*

Et quidam illius avi Teusenticus;

Nuper ab ingenio Rhenana gentis & arte

Librorum omnis copia larga nimis.

Et qui e divitiis vix regi obveniret olim,

Nunc liber in senui cornitur esse casa.

Quo doctos latuis Græcos, Italosque peritos,

Art nova Germano venit ab ingenio.

DECIMUM SEXTUM
ECCLESIAE
SECVLVM
CAPVT I.

PONTIFICES, QUI SECVLO XVI. PRÆFVERVNT
ROMANÆ ECCLESIAE.

OBITVM Alexandri VI. Rom. Pontificis consignavimus anno 1503. die 18. mensis Augusti. Quo extincto usque ad Seculum XVII. successive Romanæ præfuerunt Ecclesiæ, Pius III. Julius II. Leo X. Hadrianus VI. Clemens VII. Paulus III. Julius III. Marcellus II. Paulus IV. Pius IV. S. Pius V. Gregorius XIII. Sixtus V. Urbanus VII. Gregorius XIV. Innocentius IX. Clemens VIII.

CCXVII. Pius III. antea Franciscus Card. Piccolominus Senensis, filius Laudimæ sororis Pii II. atque singulari doctrina præditus, prout ejus apud M. Ant. Sabellicum declarant Epistolæ, XV. Cal. Nov. anno 1503. quæ erat Pontificatus sui vicesima sexta dies, exequi res, quas meditabatur maximas, præveniente morte, non potuit.

CCXVIII. Suffectus Pio III. Julius II. seu Julianus Cardin. Roboreus Ligur, & nepos Sixti IV. De illo Erasmus interpretatur adagium, *De remo ad tribunal*, & Hadrianus Junius alterum proloquium, *de scapha in triumphalem quadrigam*; quod adolescentulus navicula *Arbitraria* Genuam cæpas detulerit. Priusquam clauderetur Conclave, summo omnium assensu electus est Pontifex; neque præcedentis alicujus Pontificis, sed, *Julii Caesaris*, inquit Papirius, *ob bellicam virtutem celeberrimi*, nomen assumpsit. De illo præcitatus Erasmus Bononia anno 1506. ad Hieronymum Buslidianum scripsit: *In presentia quidem in Italia mire frigent studia, fervent bella. Summus Pontifex Julius belligeratur, vincit, triumphat, planeque Julium agit. Perusia expulit Balliones, Bononia Bentivolos. Magnificentissimæ Vaticanæ ædis, architecto*

recto Bramante, fundamenta projecit, ad stipem colligendam apertis indulgentiarum thesauris. Savonæ item Templum Virginis, & Episcopium splendido sumptu ampliavit. Adversus Conciliabulum Pisanum indixit Synodum V. Lateranensem Œcumenicam; sed nondum absoluta obiit anno 1513. IX. Cal. Martias, clarus elogio Hieronymi Fracastorii, & Carmine Hadriani Cardinalis; notatus tamen (1) epigrammate Gilberti Ducherii.

CCXIX. Joannes Cardinalis Medicæus Flor. successit Julio, nomenque Leonis X. assumpsit. Pontificatum, quem consecutus fuit anno 1513. V. Idus Martii, repentina morte dimisit anno 1521. Cal. Decembris (2). Lateranensem V. Synodum absolvit: Lutheri in Romanam Ecclesiam debacchantis proscripsit articulos: Henricum VIII. qui eundem Lutherum impugnavit (3), titulo decoravit *Defensoris fidei*. Litteras magnopere coluit, atque magno habuit in pretio sapientes viros, poetas præsertim: necnon musicos, ac pictores, inter quos Raphaelem Urbinate. Veterum MSS. diligentissime perquiri curavit, lusitque & ipse aliquando ex tempore festivis versibus (4). Qui illum infectum lue veneræ, simoniaca labe, magicis præstigiis, vitiisque plurimis

M 3

fcri-

[1] Epigramma.

*In Gallum, ut fama est, bellum gesturus acerbum
Armatam educis Julius urbe manum;
Accinctus gladio claves in Tiberidis amnem
Prospicit, & serens talia verba facit:
Quom Patris nihil efficiant ad prælia claves;
Auxilio Pauli forsitan ausis eris.*

Hadrianus S. R. E. Cardinalis S. Chrysogoni eleganti carmine narravit Julii II. iter, quo Roma Bononiam adiit. Incipit Carmen illud,

*Augusti memoranda dies vigesima sexæ.
Pontificem magna Roma dimisit Julum,
Pene omni Patrum, & procerum comitante Senatu.*

(2) A cubiculario suo Bernabò Malespina propinatum Leoni venenum suspicati sunt nonnulli. Vide Guicciard. lib. 14. Leo Filius fuit Laurentii Medicei, & Claricis Urbinæ, discipulus Angelii Politiani, & Bernardi Michelotti, Græcis Latinisque litteris imbutus, creatus Cardinalis anno ætatis sue 13. Summus Pontifex 37.

(3) Henricus VIII. librum de VII. Sacramentis misit ad Leonem X. cum discolo,

*Anglorum rex Henricus, Leo decimo, mittit
Hec opus, & fidei testem, & amicissimam.*

(4) Istiusmodi versus occurrunt nonnulli apud Bayle in dict. V. Leo X. & tom. IV. *Histoire des Papes*. Leonem X. oculis caligasse tradunt, & annos Pontificatus sui ita non recte cernendo signasse MCCCCLX. quorum numerorum lepida fertur explicatio: at non credo excutientem numeros Romanis litteris tam eleganter pinxisse.

scripserunt, cæcutientes non viderunt operum, ac virtutum ipsius magnitudinem. Ii autem, qui ajunt fabulam reputasse Evangelium, falsidici omnino sunt existimandi, ducti unius Balei in Apostolicam Sedem iniquissimi testimonio, ut fatetur etiam in *Diction.* Petrus Bayle. Miramur & Sannazarium a dicacitate non temperasse (1), scriptitans de Leone Epigramma.

CCXX. SEDIT post Leonem *Hadrianus VI.* Trajecti ad Rhenum humili loco natus, doctor Lovaniensis, & præceptor Caroli V, creatus præter omnium opinionem anno 1522. V. Idus Januarii, pacis amator, rerumque omnium contemptor, Berni tamen, Pierii Valeriani, & Sannazarii (2) notatus carmine, adeo, ut verissimum illud sit, *Genus irritabile Vatum*, quod memoravimus superiori Seculo cap. r. pertractantes de Alexandro VI. Obiit anno 1523. XVIII. Cal. Octobris.

CCXXI. DEINDE Ecclesiæ præfuit *Clemens VII.* antea Julius Card. Mediceus, patruelis Leonis X. Electus est anno prædicto 1523. XIII. Cal. Decembris, & decessit anno 1534. VI. Cal. Octobr. Sedente illa contigit depopulatio Urbis, de qua in Appendice. Plura de Clemente VII. Pallavicinus Hist. Conc. Trid. lib. 3. cap. 15. Sanderus lib. 1. de Schismate Anglicano, & Nat. Alex. art. 5. quæ legenda sunt, ut ab imprudentiæ nota Pontifex iste purgetur.

CCXXII. CREATUS postea Sacrorum Comitiorum initio *Paulus III.* (3) antea Alexander Card. Farnesius:

(1) Sannazarii Epigramma.

Sæva sub extrema si forte requiritur hora

Cui Leo non potuit sumere, vendiderat.

Extat ejusdem Sannazarii Epigramma aliud, quod incipit: *Sumere materis titulus cum posset ab urbis, &c.*

(2) Sannazarii;

Classe virisque potens, demitque Orientis superbus

Barbarus in Latias dux quas arma domos:

In Pœnicem nosse lassus; hunc tamen alto,

Christe, vides tælo, (proh dolor!) & poteris.

Hadrianum veneno sublatum tradunt aliqui. Edificata a se magnificè sumptibus Collegio Lovaniensi iussit vestibulo aureis litteris inscribi:

Trajectum plantævis, Lovanium rigavit, Casar incrementum dedit.

(3) Paulus III. omnium primus anno 1536. edidit Bullam, quæ legitur Romæ feria V. majoris hebdomadæ & appellatur idcirco *in Cava Domini.* Incipit, *Consueverunt Romani Pontifices.* Ampliata fuit a S Pio V. anno 1569. Rursus a Paulo V. an. 1610. Item ab Urbano VIII. an. 1629. Ea nunc obtinet, & incipit, *Pastoralis Romani Pontificis vigilantia.*

sius: qui virtute, fideique zelo fervens in Henricum VIII. Angliæ regem spiritualia arma convertit, ad comprimendas hæreses Æcumenicum indixit Concilium, decennales inducias inter Carolum V. Imp. & Franciscum I. regem Galliarum firmavit, perfolvitque naturæ debitum anno 1549. IV. Idus Novembris.

CCXXIII. Rexit tum Ecclesiam *Julius III.* a die 8. Februarii anno 1550. usque ad diem 23. Martii anno 1555. quo fatis cessit, Romæ natus, sed ex oppido Hetruriæ Montis S. Sabini oriundus obscurissimo genere fuit (1). In ejus vituperationem narrant, quod adolescentulum perditæ famæ, & custodem simiæ ornaverit purpura, & illud carpunt, quod sculpi jusserit numisma cum sui imagine, ense apposito, inscriptisque verbis *Isaïæ cap. 60. Gens, & regnum, quod non servierit tibi, peribit.* Verum cur potius in Julio non commendemus intermissi Tridentini Concilii instaurationem, Hebraici Talmud, librorumque hæreticorum damnationem, & reducendi ad gremium Ecclesiæ regnum Angliæ studium maximum atque ardentissimum?

CCXXIV. *Marcelli II.* Cervini Politiani, quem ad Pontificatum anno 1555. V. Idus Apriles boni quique gratulabantur evestum, obitum post dies 21. apoplexia acceleratum Romana civitas, & Univerſa Ecclesia deflevit (2).

CCXXV. *Paulus IV.* successor Marcelli inauguratus est Pontifex prædicto anno 1555. X. Cal. Junias, obiitque anno 1559. XV. Cal. Sept. Vocabatur antea Joannes Petrus Card. Carafa, Episcopus Theatinus, a quo Clerici Regulares, quorum cum S. Cajetano fuit institutor, *Theatini* cognominantur. Pro fide Orthodoxa irrequite pugnavit, & sanctissimæ Inquisitionis tribunal privilegiis amplissimis communivit. Improbi homines eam ob rem Pauli statum in Capitolio erectam, capite abscisso dejecerunt, quam anno 1708. restituit Clemens XI. (3) Appositi ad fractum gladiatoris

M 4

simu-

(1) Illius Cognomen *De' Ciocchi*.

(2) *Marcellus* pristinum nomen retinuit in venerationem S. Marcelli I. Adeo fuit humilis, ut absque solemnī pompæ, & bellicorum tormentorum strepitu, imponi sibi jusserit Pontificis Maximi tiaram.

(3) Eidem Statu apposita inscriptio, *Paulo IV. Pons. Max. scalarum Vindictæ integerrimo, Catholicæ Fidei acerrimo Propugnatori.* Haud bene moratos nepotes Roma excedere jussit. Hæreticorum libros gravi anathemate legi, & retineri prohibuit, illorumque, & ceterorum no-

fmulacrum, quod Pasquillum vocitant, fœdissimi versus, cujusmodi est impudentissimum distichon,

Hic Carafa jacet Superis invisus & imis :

Styx animam, tellus putre cadaver habet.

CCXXVI. In Pio IV. successore Pauli, eique suffecto die 26. Decembris anno 1559: ex Medicea familia Mediolanensi, quum laudare possimus Tridentinæ Synodi complementum, & confirmationem, cum Ferdinando I. Imp. ceterisque Christianis Principibus concordiam maximam, tantaque Urbis ornamenta, ut de hoc Pontifice dictum sit,

Marmoream me fecit, eram cum terrea, Cæsar,

Aurea sub Quarto sum modo facta Pio:

illud commemoramus tantummodo, utique faustissimum, quod morienti ejus ex sorore nepos Carolus Borromæus, & Philippus Neri, viri sanctissimi adstiterint. Decessit IV. ante Idus Decembris anno 1565.

CCXXVII. Rexit deinde Ecclesiam a die 7. Januarii, anni 1566. usque ad Calendas Majas anni 1572. S. Pius V. Ord. Prædicat. Insuber, dictus antea Michael Ghislerius. Hujus in propugnanda fide sollicitudinem, in Deiparam Virginem devotionem, in comparanda adversus Turcas expeditione curam studiumque, in devovendo diris Elisabetham Anglorum Reginam, Apostolicum zelum, in solando Mariam Stuartam Scottorum reginam paternum amorem, in juvando auxiliariis militibus pecuniisque Christianissimum regem Carolum IX. contra Huguenotos pugnanti, liberalissimum animum, ceteraque omnium virtutum decora, mirari quidem, at celebrare satis non possumus. Id in ejus funere omni eloquentiæ vi præstare tentavit Marcus Antonius Muretus orator percelebris.

CCXXVIII. PROMOTUS postea ad supremum Ecclesiæ regimen Gregorius XIII. idest, Hugo Boncompagnus Bononiensis. Contigit ejus electio anno 1572. III. Idus Majas, obitus anno 1585. IV. Idus Apriles. Præcipua ejus merita complectitur inscriptio ad illius Statuam erectam

xiorum indicem fieri, & publicari mandavit. Substitit ad sublevandam plebem annonæ penuriam: dedit operam, ut in Urbe artes omnes quodammodo reviviscerent: Judæis Synagogas excidit, septa coarctavit, usuras inhibuit, glauci coloris pileum indixit: in actu quolibet, in vestibus, in incessu, in gestu nihil unquam ostendit non decorum, non honestum, non grave. Nil mirum, si Petrus Paulus Vergerius apostata impudentissimus, aut hujus fursus homines in tam excelsi animi Pontificem fuerint debacchati.

nam in Capitolio. Ea hisce concepta est verbis: *Gregorius XIII. Pontif. Max. Ob farinæ vectigal sublatum, Urbem templis, & operibus magnificentissimis exornatam, H. S. ostingenties singulari beneficentia in egenos distributum, Ob Seminaria exterarum nationum in Urbe, ac toto pene terrarum Orbe, Religionis propaganda causa, instituta, Ob paternam in omnes gentes Caritatem, qua ex ultimis novi Orbis insulis Japonicorum Regum Legatos triennii navigatione ad obedientiam Sedi Apostolicæ exhibendam primum venientes Romam pro Pontificia dignitate accepit, S. P. Q. R. (1)*

CCXXXIX. SEQUITUR *Sixtus V.* antea *Felix Peretti*, Ord. Min. in Piceno ortus humili loco, sed animi magnitudine, rebusque præclare gestis nulli fere secundus. Debet illi plurimum Romana Civitas, ædificiis, fontibus, obeliscis, Vaticana Bibliotheca, templis, stratisque viis exornata: debet Ecclesiasticæ ditionis amplitudo latronibus, improbisque hominibus expurgata. Debet Apostolica Sedes ob vindicatam Jurisdictionem, ob ærarium summopere adauctum, ob Quirinales ædes instauratas & ampliatas. Lauretum jure Civitatis donatum, Picenum universon, & Mendicantium Ordines, ex quibus ad Vaticanam Purpuram saltem quatuor Theologos adsumi Constitutione decrevit, Sixto plurimum debent. Pontifex iste litterarum patronus, sapientum Mecænas, insectator vitiorum, cunctis, etiam summis Principibus æque diligendus, ac formidandus, creatus fuit anno 1585. VIII. Cal. Majas, & lenta febris, non absque suspitione veneni, extinctus anno 1590. VI. Cal. Septembris (2).

CCXXX.

(1) *Calendarium*, quod ab ejus nomine dicitur *Gregorianus*, anno 1582. emendatum prodit, publico diplomate in toto Orbe Christiano servandum; quamquam illud Græci, & Novatores rejiciunt, levi ratione ducti, quod nempe *Calendarium* reformare munus sit Laicorum Principum, propterea quod illud opera *Sofigenis* confecerit *Julius Cæsar*, correxerit *Augustus*, aliique Imperatores immutaverint. Vid. *Blondel, Histoire du Calendrier Romain*. Futilis ratio: quæ enim ad Festorum immobilium spectant celebrationem, decernere Ecclesiastici est juris; definitus a PP. Nicænis celebrandi Paschatis dies; statutus ab aliis Synodis, Ecclesiarumque Pastoribus; & de uno in alium diem translatæ Solemnitates complures.

(2) Præter numismata, & inscriptiones plurimas, quæ Sixti egregia facta declarant, extant in Bibliotheca Vaticana hæc de illo disticha;

I. Omnia tuta vidis, caput Orbis Praside Sixto

Afræa est terris reddita, paxque mari.

II. Sicarios Sixtus zelo auspicio perdidit, inde

Ubertas campis reddita, paxque gregi.

CCXXX. URBANI VII. antea Joannis Baptistæ Card. Castanei, patria Genuensis, erogatum in puellarum dotes univèrsam patrimonium (1) commemorabo dumtaxat; nam ad Sacerdotii culmen provectum XVI. Cal. Octobris cit. anno 1590. VI. Calendas ejusdem mensis,

Abstulit atra dies, & funere merisit acerbo,

Ann. XI. 28.

CCXXXI. NEC diuturnus Pontificatus Gregorii XIV. antea Nicolai Sfondrati Mediolanensis, a quo Cardinales Re-

III. *Quæ suis a parco congesta pecunia Sixto,
Turca erit exitum, præsidiumque Petri.*

IV. Ob erectam, & Apostolo Paulo consecratam Antonini cœ-
lurnam,

Jura Antoninum Paulo vis Sixto subesse.

Nam vera hic Pius est, impius ille Pius.

V. Ob aquas ad Centumcellas deductas,

Urbs vicina mari mediis spiebat in undis,

Nunc dulces Sixti munere potas aquas.

VI. Pontinas Sixtus potuit siccare Paludes,

Pontibus ut potius sicca rigare loca.

Cetera prætermitto.

(1) Adscendit hæreditas illa ad triginta aureorum millia: dotesque illa adauctæ distribuuntur Virginibus Romæ in Æde S. Marini ad Minervam nuncupatæ, VIII. Cal. Aprilis, a Sodalitio instituto a Joanne S. R. E. Card. Turrecremata Ord. Præd. cujus institutionis causa significatur verbis in Sacratio ejusdem Ædis ad Minervam mariorque insculptis:

Ne male parandis stupris, quod aværâ merendo

Formæ puellaris, sæpe coegit inops.

Annus pauperibus siops est, hic pensa virginitatis

Dosque maritandis condita virginibus.

Munus & officium Sancti celebratæ Quirites,

Cum vicina venit Martia quinta dies.

Terræstri ut censu celestia regna paratis,

Policita & vobis contumpla missis eris.

De obitu autem ejusdem Pontificis Urbani VII. & decessoris sui Sixti V. legimus morale, quod hic subiicitur, Epigramma editum a quodam Petro Lindebergio:

Pontificum propterea volumus quid funera hinc?

Pule certe his aliquid significare Deus.

Vix magna mater Sixtus sua tradidit ossa?

Max est Urbanus contumelatus humo.

Ille ubi complasset clarus diademate lustrum?

Hic ubi regnasset quinque novemque dies.

Vera loquor, veniam do, Lector, vera fassens;

Non odium ut dicam, nec facit illud amor.

Si mihi tam subito mors vultus decernere vitam.

Essem qui nunc sum, non cuperem esse Papa.

Vos, o Cardines Patres, hinc discite, quid sit

Pontificis summi, & totius orbis honor.

Orbis honor vanus plane est, atque omnia vana

Omnibus ac vanis vanior omnis homo.

Regulares birretum rubrum acceperunt ; regimen quippe Ecclesiæ sibi commissum anno 1590. die 5. Decembris, migrans ad plures dimisit proximo anno 1591. die Octobris decimaquinta.

CCXXXII. QUID *Innocentius IX.* subrogatus Gregorio die 29. Octobris? Vocabatur antea Joannes Antoninus Fachinetti Card. Bononiensis omnibus integritate, eruditique ac prudentia acceptissimus. Misertus egenorum multiplicavit annonam ; sed utiliora meditantem die 29. Decembris citissima mors extinxit.

CCXXXIII. AT DECENNIVM ac mensem in Pontificatu exegit *Clemens VIII.* Florentinus ex nobili Aldobrandina Familia, cui nomen pridem Hippoliti. Etenim consecutus est summum Ecclesiæ Imperium anno 1592. III. Cal. Februariæ, ac deposuit morte anno 1605. die 3. Martii. Henricum IV. Galliarum Regem adhærentem hæreticis deponi curavit, sed professum postea Catholicam fidem solvit anathemate, & in Ecclesiæ sinum recepit. Alphonso II. Estensi absque liberis mortuo, recuperavit Ferrariam, eandemque urbem adiit XXVII. Cardinalium comitatu. Ob excitatas circa doctrinam Ludovici Molinæ de Concordia liberi arbitrii cum donis divinæ gratiæ gravissimas contentionēs, instituit Congregationes de Auxiliis, mandans, ut ad mentem S. P. Augustini, cujus sententias Pontifex ipse accurate collegit, tota dirimeretur controversia. Indixerat autem Clemens, quando decubuit, earum Congregationum disputationem trigesimam octavam,

C A P U T II.

ENUMERANTUR CONCILIA SECVLO XVI,
CELEBRATA.

DUO hoc Seculo celebrata fuere Concilia Œcumenica, Lateranense V. & Tridentinum. Quoniam verò illud ad abolendam Pragmaticam sanctionem, atque rescindendam Conciliabuli Pisani coactum fuit, horum aliqua præmittenda est notitia.

SANCTIO itaque *Pragmatica* est Constitutio edita in Synodo Bituricensi anno 1438, sub Carolo VII. Galliarum rege, qua auctoritas Concilii præfertur auctoritati Pontificis, Episcoporum electio committitur collegio Canoniorum, *expectativè* gratiis locum esse non sinit, prohibet

bet beneficiorum reservationem, declarat possessionem triennem esse sufficientem ipsorum beneficiorum titulum, numerum Cardinalium ad XXIV. coarctat, aliaque Apostolica Sedi injuriosa, & in 23. articulos distributa, definit. Pragmaticam hanc Sanctionem Eugenius IV. Pius II. aliique Romani Pontifices frustra delere tentarunt, donec per *Concordatum* inter Leonem X. & Franciscum I. anno 1516. concessa Regi nominatione Episcoporum, reservata Pontifici confirmatione, aliisque articulis aut omissis, aut emendatis, sedata est controversia. Vide Petrum de Marca lib. 6. *Concordie* cap. 9. Sedente itaque Julio II. atque in se praelatorum ac principum, praesertim Ludovici XII. Galliarum Regis indignationem commovente spiritualibus ac temporalibus armis; idem Ludovicus habitis apud Turones comitiis, de indicendo Concilio nationis Germanicae & Gallicae, haud dissentiente Maximiliano Imperatore, deliberavit, per litteras quibusdam erga Julium male affectis Cardinalibus ad hoc exequendum permotis.

ISTIS itaque auctoribus Conciliabulum Pisenum celebrandum anno 1511. Kal. Septembris indictum fuit ab Episcopo Gurgensi Matthaeo Lango Caesaris in Italia Vicario: ac. statuta die Pisis convenere quatuor Cardinales, & quorundam aliorum Procuratores, ac plures, praesertim Galliarum, Episcopi, necnon Maximiliani & Ludovici Oratores. Celebrata Synodus in Ecclesia S. Michaelis Camaldulensium; praesuitque Bernardinus *Cardinalis* Card. Hispanus. At Julius ut Conventiculum illud dissolveret, Lateranense Concilium indixit, inchoandum proximo anno 1512. die 19. Aprilis, lata quoque in eos, qui Pisis convenerant, Bulla. Post tres sessiones Concilium istud Pisenum translatum est Mediolanum, ibique lata in Julium depositionis sententia anno 1512. die 21. Aprilis post sessionem VIII. fuit absolutum.

IGITUR *Lateranense* Concilium V. sub Julio II. inchoatum est anno 1512. tertia die Maji, eloquentissima Oratione Aegidii Viterbiensis tunc Augustinensium magistri: absolutum fuit autem sub Leone X. anno 1517. die 16. Martii. Episcopi hujus Concilii quinquecentio numerum CXX. nunquam exceßerunt. Conciliabuli Pisani acta in eo fuerunt rescissa, proscripta Sanctio Pragmatica, Cardinales Schismatici veniam petentes, & quae in Pisana Synodo gesta fuerunt damnantes dignitati suae restituti,

mon-

montes Pietatis approbati; Electiones Pontificis Simoniacæ declaratæ irritæ & nullæ, aliaque ad fidem moresque spectantia saluberrime statuta fuerunt (1).

TRIDENTINUM Concilium præcedentium omnium Generalium Corona, indictum a Paulo III. anno 1542. XI. Calendas Junias, celebrari cœptum est anno 1545. Idibus Decembris, Interfuerunt autem Cardinales 6. Legati 4. Patriarchæ III. Archiepiscopi 32. Episcopi 228. Abbates 5. Generales Regularium Ordinum 7. Theologi cujusque instituti quamplures. Habitæ sub Paulo III. Sessiones X. octo Tridenti, quæ vero Bononiæ, quam in urbem translatum fuit ob aeris infectionem anno 1547. Revocatum sub Julio III. Tridentum anno 1551. eodemque Pontifice sex celebratæ fuerunt sessiones: in quarum postrema, seu Concilii XVI. habita die 28. Aprilis anno 1552., decreta fuit Concilii ob incurrentia bella suspensio, Reassumptum postea anno 1562. sub Pio IV. aliisque novem sessionibus additis, absolutum est anno 1563. firmatum subscriptione Patrum 245. atque anno proximo 1564. constitutione ejusdem Pii IV. edita Romæ VII. Cal. Febr. confirmatum, & publicatum. Profecto quidquid inter nos, & hæreticos controversitur, præmissis pluribus discussionibus, hæc Sacrosancta Synodus declaravit ac definiuit, nimirum canonem divinarum Scripturarum, Apostolicas traditiones, doctrinam de peccato originali, de justificatione, & de gratia, numerum, & effectus S. Sacramentorum, partes pœnitentiæ, transubstantiationem Eucharisticam, sacrificium Missæ, quæ pertinent ad matrimonium, Sacrarum Imaginum & Reliquiarum usum, venerationem, & cultum; iis quæ ad reformationem Episco-

(1) Prior hujus Lateranensis Concilii sessio habita est die 10. Maji. Acta Concilii Pisani rescissa fuerunt Sess. 2. habita die 17. ejusdem mensis. Pragmatica sanctio proscripta in Sessione 4. decima die Decembris. Huic Synodo Generali interfuerunt initio cum Pontifice Julio Cardinales XV. Patriarchæ Alexandrinus & Antiochenus, XXII. Archiepiscopi cum Assistentibus Pontificio Solio; & Episcopi alii LV. Generales Ordinum Mendicantium, & Oratores Regis Hispaniarum, Venetorum, & Florentini Ducis. Accesserunt anno 1513. dum haberetur sessio 7. Oratores quoque Sigismundi regis Poloniæ. Advenerunt tandem & Oratores Christianissimi regis, quorum unus, scilicet Claudius Scissellus Episcopus Massiliensis sessione 9. causam egit Antistitum Galliarum, qui accusabantur propterea quod ad Synodum non convenerant. Sessione undecima die 19. Decembris anno 1516. promulgatum, prolatumque Concordatium, de quo paulo supra, cui tamen non omnes Galliarum Antistites, Procerumque Senatus statim præbuerunt assensum.

piscoporum, Clericorum, Monachorum, cunctorumque fidelium videbantur necessaria, luculenter. expositis & constitutis.

PRÆTER duo Generalia Concilia, de quibus pertractatum est modo, alia complura Seculo XVI. celebrata fuerunt ad fidem Orthodoxam confirmandam, moresque sancte recteque instituendos, videlicet, anno 1528. *Parisiense*; ac *Bituricense*: anno 1536. *Coloniense*: anno 1549. *Coloniense* alterum, *Moguntinum*, ac *Trevirense*: anno 1565. *Tolatanum*, *Cameracense*; & *Mediolanense* I. S. Caroli Borromæi. Anno 1569. *Mediolanense* II. Anno 1573. *Mediolanense* III. Anno 1576. *Mediol.* IV. Anno 1579. *Mediolanense* V. & anno 1582. *Mediolani*. VI. Quæ *Mediolanenses* Synodi sex celebratæ studio prælaudati sanctissimi Cardinalis & Archiepiscopi Caroli; una cum aliis diocæsanis, de quibus legenda sunt *Acta Ecclesie Mediol.* Ecclesiastici regiminis perfectissimam normam; Sacramentorum exactam administrationem, Clericorum irreprehensibilem honestatem; Christianæ vitæ rudimenta; rationemque integerrimam, tradunt; declarant; præscribunt. His adde Concilium *Michliniense* anni 1570. *Rotomagensense* anno 1581. *Burdigalense*; & *Remense* anni 1583. *Bituricense* anno 1584. *Aquense* anno 1585. *Tolosanum* anno 1590. *Avenionense* anno 1594. & *Aquileiense* anni 1596. &c. His vero, de quibus omnes agunt Historici de Synodis pertractantes, adjiciamus oportet *Diamperitanam* apud Indos; nuncupatos Christianos S. Thome; celebratam anno 1599. ab Alexio de Mentezes Augustinensi, & Romanis typis editam, notisque illustratam anno 1745. a Joanne Facundo Raulin ejusdem Ordinis.

C A P U T. III.

IN QUO HERESEON MONSTRA EXPONUNTUR, ET
ANGLICANUM SCHISMA DESCRIBITUR.

NULLA ætas Seculo, in quo versamur, hæreticorum hominum, errorumque fuit unquam feracior. Prodierunt enim hac tempestate Lutherus, Melancthon, Flaccus Illyricus, Carolstadius, Zuvinglius, Ecolampadius, Bucerus, Petrus Martyr, Ochinus, Joannes Agricola, Osiander, Stancarus, Musculus, Brentius, Smidelinus, Storkius, Munsterus, Joannes Leydenfis, Calvinus, Castalion,

italion, Servetus, Blandrata, Socinus, Marotus, Theodorus Beza, Arminius, & alii.

Ac *Martinus Lutherus* ceterorum antesignanus, natus Islebii anno 1483. ingressus monasterium Erfordienſe Auguſtinianæ Congregationis Germaniæ anno juxta Floremundum 1504. juxta Calviſium vero 1506. cœpit contra indulgentias primum bacchari, anno 1517. in alia errorum portenta exinde prolapsus, maxime circa juſtificationem, & efficacem virtutem Sacramentorum. Ad Generale Concilium anno 1518. audacter provocavit: & anno proximo celeberrimè habuit Lipſiæ cum Eckio diſputationem de primatu Romanæ Eccleſiæ. Atticuli ejus XLI. a Leone X. anno 1520. fuerunt damnati (1). Addidit poſtmodum alios nequiores, affirmans poſt Adæ lapſum in hominibus extinctum eſſe liberum voluntatis arbitrium, impoſſibilia eſſe præcepta Dei, peccata dum remittuntur non deleri, ſed dumtaxat non imputari, omnia juſtorum opera eſſe inquinamenta, & peccata, timorem gehennæ reddere hominem magis hypocritam, & peccatorem: Romanum Pontificem eſſe Antichriſtum, in Euchariftia permanere cum domini corpore ſubſtantiam panis, Purgatorium commentum eſſe Papiſticum, fere omnibus Wicleſſi, & Huſſitarum inſtauratis deliramentis. Quibus ab Eccleſiâ, & a Catholicis Univerſitatibus Theologorum, ſemel iterumque proſcriptis, adeo perſcaciſſior evaſit, ut religionis pudorisque jugo prorsus excuſſo, anno 1525. uxorem duxerit Chriſto ereptam, ideſt, monialem Catharinam de Bore nuncupatam, apud Eraſmum, ſuosque ſectarios, contemptum & deriſionem maximam ſibi comparans. Pluribus demum accitis diſcipulis, qui Lutheranæ Sectæ variam formam, ac diverſum nomen dedere, ſceleſtiſſimam efflavit animam Islebii anno 1546. die 18. Februarii; ejusque cadaver translatum fuit Vittembergam ſuperioris Saxoniæ metropolim.

PHILIPPUS *Melanchthon*, quem Montacutius vocat *Theologiæ corculum reformatæ*, & litterarum ac litteratorum

(1) Cœperunt anno 1521. inter Lutheranos etiam mulieres contra monitum Pauli prædicare verbum Dei. Princeps harum mulierum Argula non obſcuro exorta genere. Etiam Montaniſti ſuas fuiſſe Proſperitas Præciliam, & Maximillam alibi diximus. Idem de Pepuzianis tradit S. Epiphanius h. 40. & de Collyridianis h. 79. Irrupit in hæc tempora omnium fere ſuperiorum hæreſum colluvio.

rum decus, Henricus Stephanus fuisse autem eloquentem virum & nos ingenue fateamur, natus est Solicinii (Vulgo *Bretten*) ad Rhenum anno 1497. obiitque Wittembergæ anno 1560. die 19. Aprilis. Is *Confessionem Augustanam* conscripsit, exhibitam Carolo V. in Comitibus Augustæ anno 1530. fuitque dux Lutheranorum, qui *molliores* dicuntur, propterea quod non adeo crude sentiunt de interitu liberi arbitrii, & de necessitate peccandi. Illum propterea ad Religionis ineundam concordiam Franciscus I. Rex Galliarum arbitrabatur idoneum, eumque videre optabat Henricus VIII. Anglorum rex. At non discessit e Germania. Ibi vita functum diximus supra, Exhumatum illius cadaver, & combustum Monachii scribit Romualdus Monachus Foliensis; quem tamen falsitatis quidam redarguunt. Falsum quoque videtur quod narrant (1), Melanchthonem morti proximum matri interroganti quamnam melior esset religio, respondisse, novas esse plausibiles, Catholicam tamen certam tutamque; nam Melanchthonis mater anno 1529. e vita migraverat. Ajunt denique Melanchthonem prodigiis, insomniis, & Astrologorum vaticiniis nimiam fidem adhibuisse, atque inclinasse ad Pyrrhonismum, ad eorum nempe sensum, qui putant de qualibet re suspendendum esse iudicium. Nos hoc unum affirmamus, quod idem Melanchthon suum ante obitum scribens epitaphium propuntiavit de semetipso,

Isse brevis tumulus miseri tenet ossa Philippi,

Qui qualis fuerit, nescio, Talis erat.

MATHIAS Flacus Illyricus in oppido Istriæ Albonæ ortus anno 1520. obiit Francfurti anno 1576. die XI. Martii. Venetiis litterarum posuit tyrocinia, Egnatio tradente. Profectus inde in Germaniam, Lutheri & Melanchthonis fuit auditor. Horum vero dogmatibus addidit affide alterum Manichæismo, tradens originale peccatum esse animæ rationalis substantiam. Ejus propterea affectu *Substantialistæ* vocantur. Ut liberius contra doctrinam orthodoxam insaniret, Partenopolim, idest, Magdeburgum concessit; & anno 1557. cœpit in Jenensi Academia palam docere. Magdeburgi moram agens *Centuriis Ecclesiasticæ Historiæ* colligendis applicuit ani-

animum : quarum priora IV. Volumina prodiisse in lucem anno 1560. tradit Spondanus: at tria præcedenti anno 1559. fuerant impressa. Suis displicuit magnopere, quoniam Illyricus in lucem edidit *Ordinem Missæ Latinæ*, quæ in usu fuit circa annum Domini DCC. Id enim abrogantibus Missam opponitur. Acerrimus barbarum incensor a Thuano, furiosus Theologus a Montacurio, præiudicatis opinionibus imbutus a Ric. Simone Illyricus nuncupatur.

ANDREAS *Carolstadius* cum Zuvinglio & Æcolampadio *Sacramentariorum* est auctor. Fuit ille ejusdem cum Luthero ætatis, apud Francones natus. Negabat Christum in Eucharistia reperiri, irrisorie affirmans non esse quemquam fideliem *anthropophagum*. Dogmatizabat imagines Sanctorum confringendas esse: quæ duo Luthero adversantur. Hinc inter utrumque jurgia ac dissidia. Excedere Wittembergæ coactus anno 1524. Orlemundum Thuringiæ urbem se contulit: ad quam Lutherus accedens, auctore Carolstadio, lapidibus ejectus fuit. Fertur omnium Sacerdotum primum inter Sacramentarios iniisse connubium; atque in hujus commendationem facinoris legitur apud Floremundum lib. 2. cap. 7. *Missæ* ad ludibrium conficta. Ceterum Carolstadius haud fama doctrinæ apud Sacramentarios ipsos celebris fuit, sed eum longè superavit Zuvinglius, a quo Zuvingliani appellantur.

HULDERICUS *Zuvinglius* in Helvetia natus anno 1487. obiit in prælio religionis causa a Tigurinis, & Bernensibus contra finitimos Catholicos inito anno 1531. Apud Tigurinos enim mos est, ut dum exitur ad pugnam, primarius minister simul cum milite procedat. Illius Cadaver commissa pugna die XI. Octobris, inventum a Catholicis dissectum fuit, & combustum. Diximus supra propugnasse in verbis, quibus conficitur Eucharistia, *Metonymiam*, illic nempe adesse autumans signum Domini corporis, non substantiam. Negavit ulterius Originale peccatum, post Julianum, Pelagianorum deterrimus. In sua ad Franciscum I. subdola *Confessione* Paganorum salutem temere asseruit. Valuit patria, idest, Helvetica eloquentia, necnon linguis Latina, Græca, Hebraica, & Germanica.

JOANNES *Æcolampadius* Winspergensis, natus in Germania anno 1482. obiit Basileæ eodem, quo Zuvinglius anno, 1531. mense Nov. ejusque obitum Munsterius

carmine Hebraico, Beza Latino Hendecasyllabo deplorant. Laudatur quoque a Paulo Jovio, ab Erasmo, a Sadoletto ob eruditionem; in eo tamen recte dicitur perniciosissimus, quod Christianæ Hostiæ repudiato Sacramento, infecit plurimos Zuvinglianæ impietatis veneno.

MARTINUS Bucerus Selestadii in Germania natus anno 1491. in Ordine Prædicatorum vixit annos quindecim; deinde anno 1521. cum Petro Martyre, & Paulo Fagio in Angliam profectus est, atque anno 1549. Cantabrigiæ palam docuit. Ibidem decessit anno 1551. ejusque ossa regnante Maria, cum ossibus Fagii anno 1555. effossa & concremata fuerunt. Utrique tamen Elisabetha anno 1560. monumentum erexit. Non unam, sed tres Bucerus successive duxit uxores: ex priori, quæ Monialis fuerat, filios tredecim suscepisse affirmat Melanchthon. Hermannum de Wida Archiepiscopum Coloniensem anno 1542. pellexit in hæresim. Ejus, & Petri Martyris opera, Anglia fere universa corrupta est. Studuit, sed irritò conatu, Sacramentarios & Lutheranos revocare ad concordiam: habuit cum Calvino epistolare commercium; ac videtur agnovisse merita bonorum operum; unde ab aliis Sectariis redarguitur, quasi *Papismus* non oppugnaverit, sed converterit in *Bucerismum*. Possévinus, Prateolus, Lindanus, & Surius narrant Bucerum morti proximum dixisse, nondum advenisse Messiam in lege promissum, & obiisse in perviciaciâ Judaica. Plura hac de re in Diction. P. Bayle (1).

PETRUS Martyr Vermilius, cujus supra meminimus, Florentiæ natus anno 1500. adolescens Ordini Canonicorum Regularium se addixit in Fesulano Cœnobio. In Angliam transinigravit anno 1547. labente, cum antea Tigurum cum Bernardino Ochino petisset, inde vero Argentoraturn. Istic, atque Oxonii sacras litteras tradidit; variaque fortuna, & peregrinationibus jactatus, ut inquit Thuanus, obiit Tiguri anno 1562. Idibus Novembris. Lucæ cum Emmanuele Tremellio, & Hieronymo Zanchio familiariter usus, singuli consilium discedendi ex Italia cœperunt. Tremellius Ferrariæ natus erat patre Judæo: Heidelberg-

(1) Infani quidam homines hac ætate inchoandum putarunt regnum Chiliarcharum a Cerinthe constitutum. Ita opinati sunt Augustinus Weber anno 1530. Thomas Muntzerus anno 1525, in Westphalia, atque Johannes a Leyden anno 1534.

delbergæ docuit Hebraicam Linguam; Syriacam N. T. Versionem latinè donavit, & V. Testamentum cum Francisco Junio Biturigæ, qui pestilentia obiit anno 1602. Lugduni Batavorum; ad Hebraicos fontes aggressus est emendare. Horum Versionem, quæ primum prodiiit anno 1575. Ecclesiæ Protestantium summo plausu exceperunt. At Zanchius Alzano Italus paulo post Vermilii discessum, eandem ob causam concessit Argentoratum, obiitque Heidelbergæ anno 1590.

QUID de *Bernardino Ochino*? Is Minorum, quos Observantes vocant, professus antea Institutum, Ordinem FF. Min. *Capuccinorum* ingressus anno 1534. magna in eo vixit austeritate usque ad annum 1542. Fuit concionator celeberrimus; ejusdemque Ordinis Generalis minister, non tamen, ut quidam dixerunt, Institutor. Ab anno enim 1525. F. Matthæus Bassius Capuccinorum auctor extiterat. Porro Ochinus a Joanne Valdesio J. C. Hispano Neapoli seductus, & in hæresis suspicionem veniens, Florentiæ cum Petro Martyre de capessenda fuga deliberavit. Genevæ mulierculam duxit uxorem; inde Augustam; hinc in Angliam anno 1547. migravit. Ex Angliâ rediit anno 1553. adiit Argentoratum; Argentorato Basileam; Basilea in pagum Tigurinum concessit. Expulsus hinc est anno 1563. ob editionem *Dialogorum*, quos eodem anno typis commisit Basileæ, absque Tigurini Magistratus licentia; in quorum *Dialogorum* XXI. approbavit Polygamiam. Ubi ex finibus Helvetiorum excessit, Macedonii hæresim dicitur innovasse, & adhæsisse Anabaptistis. Annales Capuccinorum; Martyrum Franciscanorum ad diem 4. Januarii; & alii tradunt Ochinum poenitentia ductum Genevæ Martyrem occubuisse. Apostatam nihilominus periisse Morerius, alique plures testantur.

JOANNES *Agricola* Islebii natus anno 1492. patria, ac perfidia Lutheræ conjunctus fuit. Falso dicitur rediisse ad Pontificios; quando Carolus V. *Interim* vulgavit. E Saxonia enim concessit Berlinum, qua in Urbe anno 1539. Joachimus II. Elector Pseudoevangelicam Religionem recepit, Romana rejecta. Berolini autem obiit *Agricola* anno 1566. homini Epicureo similior, quam pio Theologo, inquit ad præcit. annum *Osiander*. Ab hoc *Agricola* diversus *Michael Agricola* Aboensis, qui omnium primus ad hæresim propagandam transtulit Novum Testamentum in linguam Germaniæ Vernaculam. *Osiander*,

Andreas, Bavarus nuper commemoratus novam circa Christi mediationem ac redemptionem commentus sententiam, asseruit Dominum esse humani Generis Reparatorem, & justificationis nostræ efficientem causam, *secundum solam divinam naturam*, humana penitus seclusa, & hominem justificari ipsa iustitia, *qua Deus essentialiter iustus est*.

PUGNAVIT adversus Osiandrum *Franciscus Stancar* Mantuanus: qui ex Italia discedens Hebraicas litteras tradidit in Academia Cracoviensi anno 1550. Scripsit *L. Canones*, quibus uterentur Ecclesie Poloniæ a Romana discedentes. Ut Osiandrum refelleret, dogmatizavit primum, Christum esse hominum Redemptorem spectata *sola natura humana*, nihil ad salutem conferente divinitate Personæ, tum in Arianismum prolapsus Blandratæ, aliisque Antetrinitariis, qui in Poloniam confugerant, perfidiæ suppeditavit munimenta. Obiit apud Polonos anno 1574. cuique fuit impietatis hæres, filius, & is *Franciscus Stancar* nuncupatus, natus anno 1562. mortuus anno 1621.

ANDREAS *Musculus* Stancaro & Osiandro se opponens, docuit ita Christum esse Mediatorem *secundum humanam divinamque naturam*, ut hanc in Cruce cum humana mortuam, & illam cum divina ubique esse contenderet. Quo in dogmate Joanni Brentio, & Jacobo Andrea ab Holpiniانو dicitur succenturiatus. *Musculus* in Misna ortus, Brandeburgensium Ecclesiarum Lutherana labe corruptarum rector fuit, & curator, obiitque anno 1580. Distinguendus est ab Andrea *Wolfgangus Musculus* Benedictinus excucullatus, inter Lutheranos doctissimus. Duodecimaci in Lotharingia *Wolfgangus* natus anno 1497. monachalem vestem induit quindennis; eaque abjecta, Margaritam *Barth*, quam & monachus deperierat, anno 1523. Argentorati duxit uxorem. Cum elegantissime litteras pingeret, suam Bucero libros conscribendo locavit operam. Postea Theologiam docuit Bernæ, ubi decessit anno 1563. die 30. Augusti, splendido cohonestatus Epitaphio, (1) Plura edidit Patrum Græcorum Opera, & e Græ-

ca

(1) Epitaph. *Wolfgangi Musculi*.
Musculus hic fuit est, doctrina clarus, & ingens
Nomen in orbe manet, Spiritus æstra tenet.

ea lingua vertit *Historiam Eusebii*, quam postea elegantior rem reddidit Christoforus. Scripsit sermones adversus *missam*, *Anti-Cochlæum*, & in sacras litteras *Commentaria* permulta.

JOANNI *Brentio*, & *Jacobo Andrea* Masculum succenturiatum in doctrina *Ubiquistarum*, dixi nuper. *Brentius* autem Wilæ in Svevia ortus, colloquiis circa fidem habitis Marburgi, Ratisponæ, & Vormaciæ interfuit anno 1529. 1546. & 1557. Fuerat Canonicus Wittembergenfis, fatisque cessit anno 1570. Filium habuit, *Joannem Brentium* pariter vocatum, professorem Tubingensem in Svevia; æ decessit is anno 1596. *Jacobus Andreas* Weiblingæ patre fabro ferrario natus, unde illi cognomen *Schmidlini* accessit, vita functus est anno 1590.

NICOLAUS *Storchius*, ac *Thomas Muntzerus* (1) unacum *Marco Stuber* instituerunt sectam *Anabaptistarum*, qui negant pueros esse baptizandos, affirmant licitum non esse jurare, & nefas Christianis subire Magistratus, & gerere bellum. Non tantum Catholicis, sed etiam hæreticis Principibus exosi, tanquam seditiosi multati sunt. *Muntzerus* audacior *Storchio* decollatus est anno 1525. cum in Germania truce rusticorum bellum excitasset. *Bernardus Rothmannus* post *Muntzerum* *Anabaptismum* anno 1530. Monasterii propagavit. Tam ingenti numero creverunt, ut etiam sibi reges eligerent. Primum *Joannes Leidenfis*, tum *Joannes* alter, quidam postea *Cornelius* nomine, postremus *Joannes Vilhelmus* infausto potiti sunt regno. Nam *Joannes Leidenfis*, urbe Monasteriensi, quam *Anabaptistæ* occupaverant, recuperata a principe Episcopo anno 1535. ineunte anno proximo forcipibus ignitis discerptus, & adacto per pectus mucrone, miserrime interiit. *Joannes* alter *Bruxellis*, *Cornelius* *Ultrajecti* plexi sunt capite. *Joannes Vilhelmus* in *Clivæ* districtu cum primaria Uxore *Elisabetha* quam *Reginam* vocabant suorumque multitudine captus, anno 1574. lento crematus est igne. Martyrologium sectæ suæ prægrande in folio *Anabaptistæ* conscripserunt; quum tamen Magistratus in ipsos *Anabaptistas* pœna capitis animadverterint causa potissimum seditionis; propter quam Senatus quoque *Tigurinus* anno 1530. in illos eandem pœnam sancivit, appro-

bato *Radobaptismo*, atque ex Angliæ regno anno 1560, Elisabetha iussit illos excedere.

INTER Anabaptistas connumerantur *Mennonitæ*, ita a quodam Menno appellati: de quibus Georgius Cassander præf. in *Tract. de Baptismo Infantium* ait, miseratio-
ne dignos videri, quoniam Anabaptistis aliis meditantibus restitutionem regni Christi per deletionem impiorum factam vi externâ, hi docebant in sola Cruce consistere illius regni instaurationem & propagationem.

JOANNES Calvinus, a quo Calvinistæ, Novioduni in Picardia natus anno 1509. e Galliis anno 1517. discessit, & contulit se Basileam, ubi hebraicas litteras didicit, ediditque annos natus 26. opus *Institutionum* Francisco I. Galliarum Regi nuncupatum. Nimis Opus illud a sectariis extollitur, (1) cum nihil sit aliud, quam complexio errorum Melanchthonis, Hyperii, Sacerii, & Colampadii. Latina dictione Calvinus superavit Lutherum; is patria & Germanica excelluit eloquentia. Meditatus iter Argentoratum versus, & bello præpeditus Genevam diver-
tit. *Guilelmus Farellus* illum sub Dei maledictione obtestans ne Geneva discederet, impulit ad exercendum illius Ecclesiæ ministerium. Contigit id anno 1536. *Farellus* in Delphinatu natus erat anno 1489. atque ad hæreticorum castra defecerat. Proximo anno 1537. Geneveses Domini & Catholicæ Religionis jugum, solemnî perjurio, penitus excusserunt posteaquam anno 1535. sese a Romani Pontificis obedientia ausu temerario, & Curia ænea tabula ad perpetuam infamiam appensa, (2) subtraxissent. Cum Farello tamen Geneva anno 1538. Calvinus expulsus fuit, quod se opponerent Cœnæ Eucharisticæ celebrationi. Argentoratum profectus cum *Bucero* & *Capitone* familiariter vixit. De Bucero dictum supra. *Capito* unus erat Sacramentariorum. Calvinus Genevam rediit anno 1541. Magistratu, & populo plaudentibus. Obiit autem anno 1564. die

(1) De Calvini Institut. Paulus Thurius:
*Præter Apostolicas, post Christi tempora, Chartas,
Huic peperere libro secula nulla parem.*

(2) Ea in Tabula legitur:

Quum anno Domini MDXXXV. profligata Romani Antichristi tyrannide, abrogatisque ejus superstitionibus, sacrosancta Christi Religio hic in suam puritatem, Ecclesia in meliorem ordinem singulari beneficio restituta, & simul pulsas fugasque hostibus urbs ipsa in suam libertatem non sine insigni miraculo restituta fuerit; S. P. Q. G. monumentum hoc perpetua memoria causa fieri atque hoc loco erigi curavit, quo suam erga Deum gratitudinem testatam faceret.

die 27. Maji. Calvini dogmata, præter ea, quæ universis *Protestantibus* (1) communia sunt, nempe Canonem Scripturarum corrumpere, traditiones rejicere, Papam vocare *Antichristum*, SS. imagines cultumque proscribere, justificationem in sola fide statuere, impugnare Sacramentorum numerum, & effectus, ritusque Romanæ Ecclesiæ irridere; Calvino, inquam, dogmata sunt in Eucharistia signum, non rem ac substantiam Corporis Christi contineri, & hanc sola fide apprehendi, humanam voluntatem non habere ullam boni, vel mali electionem, Deum esse auctorem peccati, gehennam improbis, nullius culpæ intuitu decernere, Millenariorum circa dilationem beatitudinis sententiam sectari, aliaque hujus generis doctrinæ monstra, absorta, nefaria, blasphema.

SEBASTIANUS *Castalio* Lugduni Allobrogum natus anno 1515. Calvino Argentorati innotuit, cum illo Genevam venit; sed Geneva contulit se Basileam ad litteras Græcas in eadem Urbe tradendas. Ibidem extinctus est anno 1563. die 29. Decembris. Semina illum sparsisse *Arminianismi* tradit Hofmannus in Lexico. Ejus Gallicanam Sacrorum Bibliorum Versionem etiam Novatorum plurimi parvipendunt. Pro lubitu eligi posse religionem, quæ arrideat cuicque, autumabat. „ *Castalio*, ut inquit Vossius p. 2. Instit. Orator., pro baptismo substituit lotionem, pro Angelo genium, pro fide confidentiam, pro Ecclesia Rempubicam, pro Synagoga collegium. „

UNITARIORUM, qui unam in Deo personam agnoscunt, & individuum denegant Trinitatem, post veteres Sabelianos auctor fuit *Michael Servetus* Tarraconensis: qui variis orbis partibus peragratis, ex Anabaptista Sacramentarius, e Sacramentario Antitrinitarius evasit, conscripto editoque libro omni impietate referto, *De Trinitatis erroribus*. A Calvino hac de re accusatus, decreto Senatus Genevensis vivus combustus fuit anno 1553. die 27. (2) Octobris.

NE EODEM afficeretur supplicio, se Geneva subduxit *Georgius Blandrata*, qui & Ticino antea discesserat, S. Inquisitionis metu. In Pedemontio apud Salu-

N 4

tias

(1) *Protestantium* nomen inde ortum, quod in Comitiiis Spiræ an. 1529. quibusdam statutis, quæ hæreticorum opponebantur libertati, illis XIV. Imperii Urbes exhibitæ scripto die 19. Aprilis protestatæ sunt nolle se iisdem decretis obtemperare ad Cæsarem, & ad Concilium appellantes. Deinde illud nomen ad Lutheranos & Calvinistas omnes pertransiit, ut quasi communi fovere adversus Ecclesiam pugnarent.

(2) Calvinus, die 17.

tias ortus fuerat. Geneva profugus in Poloniam concessit anno 1558. Illic quoque Calvini Epistolis exagitatus in Transilvaniam profectus est anno 1563. invitatus a principe Joanne Sigismundo: disputavit adversus Trinitatem cum *Francisco David*, (1) Reformatae, ut vocant, Ecclesiae Theologo, apud Albam Juliam urbem Transilvaniae primariam anno 1566. Refutavit etiam scripta *Georgii Majoris* anno 1569. Vivebat adhuc anno 1585, ut constat ex Bibliotheca Antitrinitariorum. Maimburgus in Hist. *Arianismi*, in insaniam versum affirmat, atque ab uno nepotum suorum, ipsius inhiante pecuniis, fuisse interfectum. Memoratus *Franciscus David*, etsi Blandratam & Faustum Socinum passus est adversarios; tamen Christum non esse adorandum aiebat; unde tanquam Novator in carcerem conjectus fuit, ubi animam anno 1579. efflavit.

INTER Unitarios memorandus praesertim *Socinus*, a quo appellatio *Socinianorum*. Ac duo fuerunt *Socini* novorum Ebionitarum parentes, *Laelius*, & *Faustus*. *Laelius* filius Mariani celebris J.C. natus Senis anno 1525. Coepit contra Trinitatem, & Christi satisfactionem differere in Veneta ditione circa annum 1546. sed caute, interrogans scilicet, & quasi cupiens doceri. Reliquit ideam quamdam *Socinianismi* in Paraphrasi primi Capitis Evangelii S. Joannis scripta anno 1561. ediditque librum contra Calvinum *de hereticis capitali supplicio non afficiendis*. Praeconceptum tamen haereseos systema explosit, produxitque *Faustus Socinus* filius Alexandri natus Senis anno 1539. cui *Laelius* patruus erat: nam & Alexandrum genuerat Marianus. Morabatur *Faustus* Lugduni, quando *Laelius* obiit Tiguri anno 1562. Rediit itaque in Etruriam: unde rursus discedens Germaniam petiit anno 1574. Basileae explicandae Theologiae, quae cum Samosatensibus negat Trinitatis mysterium, cum Ebionaeis vero Christi ante Incarnationem praexistentiam, praeformatae, ut diximus ab ejus patruo, totus incubuit. Edidit hunc in finem librum *de Christo Servatore*, & acerrime anno 1578. cum Francisco Pucci Florentino Tiguri disputavit. Aduit Poloniae latebras anno 1579. Ibi plurimum incurrit indigna-

(1) *Franciscus David*, relictis postea aliorum Novatorum sectis, & ipse ad Unitarios pertransiit.

dignationem propter librum scriptum contra Jacobum Palaeologum, *de Magistratu*. In rus itaque anno a Cracovia milliarium secedens a Polono quodam patritio exceptus est, ibique obiit anno 1604. die 3. Martii.

SOCINIANA hæresis omnium pestilentissima est; Nam ad Pauli Samosatani, Arii, Macedonii, Photini, aliorumque Antitrinitariorum blasphemias, addit hæresim Ebionis, Christum purum hominem adstruens, & cum Novatoribus de Sacramentis, de justificatione, de Romana Ecclesia, de Originali peccato, de Gratia Christi pessime sentit. Quare apud Socinianos adagium est pervulgatum, *Tota urbis Babylon destruxit tecta Lutherus, Muros Calvinum, sed fundamenta Socinus.*

Quanti vero nefandæ huic hæresi adhæserint, constat ex *Bibliotheca FF. Polonorum*, & in hanc adnotationibus Joannis Fabricii (1)

Repetita Calvini memoria monet, ut de Maroto, ac Theodoro Beza nonnulla dicamus. *Clemens Marotus* Poeta Gallus Franciscum I. Regem suum anno 1521. in bellum secutus, & Ticini captus ob hæresis suspicionem, in carcerem conjectus fuit. Inde patrocinio Regis ereptus, modo in Gallias rediit, modo in Italiam; ac tandem Genevam se contulit. Ibi ob patratum adulterium extremo plectendum fuisse supplicio, sed intercedente Calvino flagris dumtaxat vapulasse, tradit Maimburgus Hist. Calvinistarum libro 2. Sane *Marotus* Geneva in Pedemontium concessit, ibique anno 1544. (2) interiit. Magno illum in pretio habent Calviniani, propterea quod Psalmos Davidicos verterit rythmo Gallico, qua versione Genevenses utuntur. Omnes ante se Poetas superasse felicitate ingenii, sed omnis scientiæ & cognitionis litterarum fuisse expertem, testatur Beza.

THEODORUS *Beza* Vezeliaci in Burgundia natus anno

no

(1) Hæc FF. Polonorum Bibliotheca prodit anno 1666. Irenopoli, fictitio nomine Amstelodami. Comprehendit opera Faustii Socii, Jonæ Slichtingii, Joannis Crellii, & Joannis Ludovici Wolzogenii. Plurimum illic inserta sunt scripta eorum, qui Socinianis adhæserunt, inter quos Francisci Puccii nobilis Florentini, qui ad Anabaptistas transiens eum Socino postea pugnavit. Cum pestilentissima illa Bibliotheca connexionem habent Tractatus Samuelis Przypceovii Equitis Poloni, Hieronymus Moscorovius, Petrus Statorius, Stanislaus Lubieniecius, item Poloni, necnon Franciscus Davidis Hungarus, Joachimus Stegmannus Transilvanus, Michael Gittichius Venetus, alique complures pro Socinianorum & Unitariorum secta pertinacissime decertarunt.

(2) Augustæ Taurinorum.

no 1519. Aureliæ sub disciplina Melchioris Wolmar literis operam dedit. Genevam fugit anno 1548. Proximo anno cepit Lausonii (1) Græcas litteras palam docere; & nondum exacto decennio, aut vix exacto, rediit Genevam. Calvino anno 1559. insolubili amicitiae nexu copulatus, ejusdemque collega effectus in satanæ ministerio, concionibus scriptisque illius errores propagavit. Cum Jacobo Andrea, cujus supra meminimus, gravissimam anno 1586. de *Eucharistia* habuit disceptationem. Triumphum tam Lutherani, quam Calvinistæ jactant; habitamque contentionem illam aliquot dierum intervallo *absque ullo prorsus fructu*, fatetur in Vita Bezae Antonius Fayus. Tres Bezam duxisse uxores inquit Stephanus Pasquier, de illo festivum pangens epigramma (2), sed habuisse duas tantum scribunt alii. Decessit anno 1605. dum præsentium memoriam, debilitata mente evanidam, amisisset, ut inquit libro 125. Historiarum Thuanus.

PUGNAVIT adversus Bezam circa divinam prædestinationem *Jacobus Arminius*: nam Arminius nullam aliam Dei electionem agnovit, præter illam, quæ pendet a voluntate obtemperantium divinæ vocationi. Hanc Arminius stabilire conatus est, hortante *Martino Lydio*, præveniente gratia rejecta. Theologicam Cathedram Lugduni Batavorum (Leyden vocant) ab anno 1603. exercuit, post *Franciscum Junium*, qui pestilentia decesserat anno 1602. Eadem in urbe Arminius occubuit anno 1609. ætatis suæ 49. natus enim erat in oppido Hollandiæ Oude-Watter anno 1560.

Dixi de hæreticis, quos initio hujus tertii capitis memoravi: sed plures alios hoc in seculo affirmavi extitisse. Hujus sunt generis *Hadrianus Junius* Belga, Medicus Historicus & Poeta, qui obiit in Zelandia anno 1575. *Sebastianus Munsterus* Germanus, Apostata Ord. S. Francisci, in Hebraica lingua & mathesi doctissimus; qui peste correptus periit anno 1552. *Joachimus Camerarius* ob eloquentiam a Turnebo, a Lipsio, a Casaubono laudatus,

{ 1) Idest, Lausannæ.

{ 2) Steph. Pasquier:

Uxores ego tres vario sum tempore nactus,

Cum juvenis, sum vir, factus & inde senex.

Propter opus prima est validis mihi juncta sub annis,

Alterna propter opus, tertia propter opem.

tus, & mortuus anno 1574. *Georgius Buchananus* J. C. Historicus & Poeta, qui obiit Edimburgi anno 1582. *Conradus Gesnerus* Tigurinus, Polyhistor, qui fato cessit anno 1565. *Joannes Balaeus* Anglus Romanorum Pontificum impudentissimus insectator, (1) extinctus anno 1563. *Joannes Mercerus* Uticensis in Academia Parisiensi post Vatablum professor litterarum hebraicarum mortuus anno 1570. *Martinus Chemnitius* auditor Melancthonis, qui scripsit adversus Concilium Tridentinum, & excessit e vivis Brunsvicæ anno 1586. Mitto *Joannem Paulum Alciatum* Mediolanensem ex Antitrinitario Mahumetanum, *Valentinum Gentilem*, Calabrum ob denegatam Trinitatem in Helvetia capite plexum, ceterosque a fide extorres, ac tanto digniores vituperatione, quanto præditi fuerunt ingenio, ac multiplici litterarum noticia (2).

CONSTAT autem ex dictis præcipuas seculi XVI. hæreses esse *Lutheranorum*, *Sacramentariorum* sive *Zwungliarum*, *Anabaptistarum*, *Ubiquistarum*, *Calvinistarum*, *Antitrinitariorum*, *Novorum Ebionitarum*, scilicet *Socinianorum*, & *Arminianorum*, seu *Remonstrantium*, novorumque *Pelagianorum*. Hisce autem Sectis singuli fere, quos commemoravimus, peculiarem aliquem addiderunt

ÆTIO-

(1) De Balæo Laurentius Humfredus:

Plurima Lutherus passus est, Platina multa, Quadam Vergerius, cuncta Balæus habet.

(2) Complurium hæreticorum obitum Seculo XVI. ita recenset

Calvisius: Bruxellis duo monachi Lutheri affectu, martyrum suorum primitiæ a Sæcularibus vocati, flammis anno 1523. exusti fuerunt. *Leonardus Renfer* in Bavaria anno 1527. die 16. Augusti crematus igne. *Joannes* Elector Saxonie eorum caput, qui anno 1529. die 16. Aprilis solemniter protestati fuerunt adversus Convantum Spirenses, unde *Protestantium* exortum est nomen, decessit anno 1530. die 22. Septembris. *Zwunglius* anno ætatis sue 44. cecidit in bello Tigurino, anno 1531. die 12. Octobris; eodemque anno Kal. Decembris obiit *Oecolampadius* annos natus 49. *Peirus Brulius* Tornaci lento igne consumtus fuit anno 1545. die 19. Februarii, *Martinus Lutherus* vita functus Islebii anno 1546. die 18. Februarii, humatus autem Wittembergæ. *Michael Servetus* exultus Genevæ an. 1553. die 17. Octobris. *Annas Burgius* crematus Lutetiæ anno 1559. die 30. Decembris. *David Georgius*, anno post obitum tertio, exultus Basileæ eodem an. 1559. die 3. Maji. Obiit *Philippus Melancthon* anno dieque præcitatis: *Sebastianus Castellio* an. 1563. die 29. Decembris: *Conradus Gesnerus* anno 1565. die 13. Decembris: *Joannes Brennius* an. 1570. die 11. Septembris: *Jacobus Andreas* anno 1590. die 7. Januarii, *Hieronymus Mancelius* eodem anno die 15. Februarii, atque *Joannes Avenarius* die 30. Octobris. Hæc ex Sethi Calvisii *Cronologia* usque ad annum 1602. obitumque *Friderici Wilhelmi* Saxonie Ducis, producta.

errorem, ut facile ex dictis eruitur. Semel enim vera fidei regula contempta, privatoque probato spiritu, nullum hæreseon illuvioni poterit adinveniri remedium.

NON recensuimus in serie hæreticorum *Huguenotos*: sunt enim hi Galliarum Calviniani. Derivatum hoc nomen *Huguenot* ab *Eignot*, quod idem significat, ac *fœdere junctus*. Nam Genevæ anno 1518. orto dissidio, an Duci Sabaudiz subjecta deberet esse, an libera & sui juris Civitas, qui pro libertate steterunt, appellati sunt Alemanniæ lingua *Eignots*, nempe *Confederati*, ob fœdus initum cum Friburgensibus. Ceteri Sabaudiz Duci addicti *Mamelus* vocari fuerunt, quo nomine appellabantur populi subjecti Sultano Aegypti. *Eignoti* superarunt adversantes sibi *Mamelus*; erant enim tum omnes Catholicæ religionis sequaces. Etiam Helvetii Nobilium excusso principatu nuncupati sunt *Eignots*. Ita hoc nomen vindicatæ libertatis, fœderisque ab initio tessera videbatur, non hæresis. At ubi Zuvingliani Geneva Catholicos ejece-
re, retinuerunt *des Eignots* appellationem, honestumque olim nomen factum est turpe Calvinianorum signaculum. Quos autem Geneveses *Eignots*, hos Galli pronuntiatione paululum immutata dixerunt *Huguenots*.

CONTULIT plurimum ad hæresis incrementa Schisma Anglicanum. Indulserat Julius II. post maturam discussionem, ut Henricus VIII. sibi in matrimonium copularet Catharinam filiam Ferdinandi, & Elisabethæ regum Hispaniarum, viduam Arthuri fratris sui. Hanc Julii dispensationem non adversari legi naturæ demonstrant Scripturarum Sanctorum præcepta, & exempla. Vide Gen. 38. Deut. 25. Ruth. 4. Accedit quod Arthurum inter, & Catharinam nullum intercesserat carnale commercium. Celebratæ fuerunt Henrici & Catharinæ nuptiæ an. 1509. die 3. Junii. Tres Henricus e Catharina mares suscepit, duasque femellas; omnesque acerbo extincti sunt fato, præter Mariam an. 1535. in lucem editam. Henricus ob morum disparitatem animo ab uxore alienus, facto præter fas, jusque divortio duxit *Annam de Boulen*, cujus etiam matrem depelierat. Incertæ & Sacrilegæ nuptiæ solemnî apparatu celebratæ fuerunt anno 1533. Illas eodem anno Clemens VII. causa Romæ discussa, damnavit. Henricus pervertior factus adduci non potuit, ut Annam dimitteret, atque in omnes matrimonium illud improbantem crudelissime sævit. Horum aliquos capite 5. laudabimus. *Nax ex Ant-*

na præcitato anno 1533. *Elisabetha* die 7. Septembris, post nuptiarum celebrationem mense quinto, hæc regis excepta cupanulis: *Maria Catharinæ* filia annum 18. tunc ægens habita tanquam spuria. Eo deinde processit Henricus, ut se *Anglicanæ Ecclesiæ Caput* constitueret, & *Papæ* nomen sibi met arrogaret. At *Anna Bolena* non tantum Regis, sed & aliorum pellex, anno 1535. die 9. Maji capite truncata est. Duxit Henricus proxima die *Joannam Seimer*, ex qua anno 1537. natus est *Eduardus*, difficili partu, qui mortem attulit matri. Alias quoque Henricus habuit uxores, quæ misere perierunt. Ipse decessit Londini die 28. Januarii anno 1546. eodem quo Lutherus, & Franciscus I. Rex Galliarum.

HENRICO VIII. regnante plura fidei dogmata retenta sunt, *Missæ* celebritas, *Transsubstantiationis* fides, unius speciei in communione perceptio, cœlibatus sacrorum ministrorum, & Sacramentalis ad aurem Sacerdotis confessio. Rex tamen, tanquam foret Ecclesiæ caput, omnia beneficiâ conferendi, & Ecclesiasticos distribuendi redditus usurpavit auctoritatem, Hujus violentia diruta sunt Templorum decem millia, & monasteria 366, cum bonis omnibus upo tantum anno 1538. addicta regio Fisco; inter quæ amplum Londini Augustinensium Thomæ Cromuelio pessimo regis consiliario cum omni sacra suppellectili dono datum. Tanta vero conculcatus est Apostolicæ Sedis primatus impietate ac perfidia, ut in publicis precibus hæc fonderetur oratio, *Ab Episcopi Romani tyrannide, & detestandis enormitatibus libera nos, Domine*. In hanc prolapsus est iniquitatem rex ille, quem Leo X. Pontif. Max. *Defensorem Fidei* vocaverat.

IN DETERIUS abierunt sub *Eduardo VI.* (1) Henrici, & Joannæ Seimer filio, res Ecclesiæ. Auspicatus est ille regnum sub tutelâ *Eduardi Seimer* avunculi sui, & coronatus

(1) Revera inter Angliæ Reges hujus nominis *Officium*. At *Seimus* dicitur, quoniam *Eduardus* hujus nominis *Quartus*, qui regnum consecutus est anno 1273. obiitque anno 1308. cum fuerit primus, qui ex Familla Comitum Andegavensium appellatus est *Eduardus*, dicitur *Eduardus* I. non *Eduardus* IV. Atque ita *Eduardus* inter Reges hujus nominis *Officium*, (immo *Nonus*, si nominetur quoque *Eduardus* filius *Eduardi* VII. qui duobus mensibus regnavit cum patre) vocatur passim *Eduardus* VI. non vero *Eduardus* VIII. quamquam hoc etiam numero in quibusdam Tabulis Chronologicis adnotetur.

tonatus die 27. Februarii anno 1546. Eduardus Seimer Zuvingliana hæresi infectus, Sanctorum reliquiis, imaginibus, ædibus, sacris vasis, mysteriisque, quibus Henricus pepercerat, indixit bellum. Hoc regni moderatore; *Thomas Crammerus* Archiepiscopus Cantuariæ in matrimonium duxit concubinam, quod ausus non fuerat vivente Henrico qui Clericorum statuerat cœlibatum. Hugoni Latimero, alteri Luciano, & sacra quæque irridenti, quem primum Anglorum Apostolum vocant hæretici; facta hæresim promulgandi potestas. Vocati e Germania & Helvetia *Joannes Hopper*, *Milo Coverdal*, præter Bucerum, Ochinum, Vermilium, de quibus supra. Novum editum est rituale, nova Bibliorum Latiorum peracta versio; ubique Ecclesiæ, Presbyterorum, Sacramentorum, & Catholicorum abrais nominibus. Ita prævalere apud Anglos cœpit secta Zuvinglii, scilicet *Sacramentarium*. Istorum opera anno 1549. combusti fuerunt *Georgius Paresius* Arianismi innovator, & puella *Joanna Boucher*, *Valentinianorum* simul, & Lutheranorum imbuta hæresibus. Talis erat religionis in Anglia status sub Eduardo: is caput Ecclesiæ simul & regni: corrupta Biblia; Sanctorum cultus sublatus, abrogata Missa, novi ritus inducti, liturgia vernaculo idiomate peracta, Cœnâ indicta sub specie utraque, omnes demum receptæ Novatorum Consuetudines. Malorum causa *Eduardus Seimer* suorum scelerum luit poenam, capite ob assassinii suspicionem amputato, anno 1552. Rex autem Eduardus septimo regni anno, ætatis suæ XVI. mortem obiit, anno 1553. mense Julio.

REVIVISCERE visa est Catholica religio apud Anglos sub *Maria* reginâ, filia Henrici VIII. & Catharinæ. Hanc, quam pater continubio sibi jungens *Bolenam* declaraverat illegitimæ thoro natam, proximus morti debito decoravit honore, eique ante *Elisabetham* filiam *Bolens* jus ad regnum competere declaravit. Vita itaque functo Eduardo, *Maria* Angliæ regno potita est, atque ut custos semper fuerat religionis atque pietatis, princeps illi cura fidem Catholicam restituere, instaurare templa, ritus omnes hæreticos abolere. Ambitiosum *Capitis Anglicanæ Ecclesiæ* nomen sibi convenire negavit. Verbi Dei præcones, perperam furentibus hæreticis, selegit: redditum *Reginaldi* Cardinalis Poli cum munere Legati a Latere a *Julio III.* impetravit: sua religiosi viri restituit

restituit cœnobia: pulsus heterodoxis, Theologos incorruptæ doctrinæ, inter quos doctissimum Petrum Soto Ord. Prædicat., Academiæ Oxonii præfecit: Bucer, & Fagii, ut supra diximus, exhumari iussit flammisque absumi cadavera, ossibus item conjugis Petri Martyris in agrum projectis. Ut fideles validiori fruerentur præsidio, cum Philippo filio Caroli V. contraxit conjugium: Verum in tanta Christianæ felicitatis spe, Regina absque prole anno 1558. die 17. Nov. migravit e vita: Eodem die post paucas horas mortem obiit prælaudatus Cardinalis Polus, eximia virtute, & singulari doctrina exornatus.

ELISABETHA; Annæ Bolenæ filia, Mariæ in Angliæ regno successit: tamen Henricus II. rex Galliarum proclamasset Anglorum reginam Mariam Stuartam Francisco II. filio suo nuptam eodem anno 1558. Aprili mense. Ad Mariam quippe Stuartam regnum illud spectabat, posteaquam bullis Pontificum, & decreto Parlamenti abjudicatum fuerat Elisabethæ procreatæ incestis irritisque connubiis: Erat enim Maria filia Margaritæ Sororis Henrici IV. & Jacobi IV. regis Scotorum, ideoque Henrico proximior, & regni utriusque, Angliæ nimirum, & Scotiæ, hæres legitima: Maria tamen in Scotia morante, insidiiisque Darlæi ad thronum aspirantis circumventa Elisabetha, plaudentibus hæreticis, Anglicanum solum conscenderat. Spreto juramento quod emiserat, servandæ religionem Catholicam, statim se *Anglicanæ Ecclesiæ Caput* nominavit: Prædicatores Orthodoxos ad silentium coegit; omnes occupavit Ecclesiarum redditus, sanctorum imagines & cultum inhibuit, abolevit incruentum Missæ sacrificium, deposuit Episcopos, Presbyteros mancipavit catceribus, Ecclesiasticos omnes subiecit Laicorum iudicio, novam instituit hierarchiam, novosque ritus, Martyrologia item, & Calendaria; in quibus in martyrum numero recensentur Joannes Hus, Wiclefus, Cramnerus, Cromelius, atque in Sanctorum Confessorum albo Lutherus, Petrus Martyr, Henricus VIII. Eduardus VI. Erasmus: dicam verbo, quidquid detrimenti inferri poterat, id Catholicæ Religioni ab Elisabetha illatum est. Nulli Catholicorum immanitas ejus pepercit, nec Mariæ Scotorum Reginæ, quæ in Angliam anno 1567. confugerat. De hac iterum quinto capite. Merito idcirco Pius V. anno 1570. diris Elisabetham devovit. Petiit tandem anno 1603. die tertia Aprilis (1). Hæc

(1). Hæc de hæresibus seculi XVI. & de Schismate Anglicano fusiori fortasse stylo; quoniam adhuc perseverant descripta fidei contagia (2): sed revoco nunc me ad institutum.

CAPUT IV.

SCRIPTORES SEculi XVI. PERCELEBRES.

SI ALIUD unquam, sane XVI. Seculum scriptores peperit præstantissimos. Inter Theologos recensentibus nobis celebriores occurrit 1. *Thomas Card. Cajetanus* Ord. Præd. creatus S. R. E. Card. a Leone X. & vita functus anno 1534. Cujus præter Philosophicas lucubrationes, habentur in *Summam* Doctoris Angelici, atque in N. T. Commentaria, atque Theologici Tract. permulti. Sequitur *Joannes Driedo* Doctor Lovaniensis, moderatus Lutheri insectator, & in Fidei Controversiis usus validioribus armis, e Sacris litteris, & PP. auctoritate depromptis, atque in iis quæ spectant ad gratiam, & liberum arbitrium magnopere commendatus: qui obiit Lovanii anno 1535. *Ægidius Viterbiensis* commemoratus 2. cap. Magister Ord. Augustinensis, & S. R. E. Cardinalis, vir eloquentissimus, & Græcarum litterarum scientissimus, præter XII. sæculorum historiam perpolito stylo Theologiam exornavit, & naturæ concessit anno 1532. *Dominicus Soto* Segoviensis Ord. Prædicat. primus Caroli V. in Concilio Tridentino Theologus electus anno 1545. & Academiæ Salmanticensis Institutor præclarus, de omnibus Theologiæ partibus, præsertim de natura & gratia, ac de iustitia & jure disseruit. *Petrus* item *Soto*, & ejusdem Ord. Prædicat. primus, qui Theologiam tradidit in Universitate Dilingæ, instituta anno 1549. profigitor hæreticorum, & Augustinianæ ac Thomisticæ sententiæ pro-

(1) Obiit Elisabeth anno ætatis suæ 69. Græcis litteris operam dederat, & quasdam tragœdias Sophoclis, duasque Demosthenis orationes latinitate donavit. Fertur etiam Græca scripsisse Epigrammata.

(2) De insanissimo ac superbissimo homine, qui serio affirmabat futurum se Regem, & Pontificem Maximum, necnon mundi Redemptorem, ut aiebat, quoad efficaciam, tradebatur Apostolicam Sedem in Peruense regnum transferendam, abrogandum ordinem Ecclesiasticum, aliisque absurda numero cuncta illo in Quitensi urbe combusto, historiam narrat lib. 2. de *Temp. noviss.* cap. 11. Joseph Acosta Soc. Jesu.

propugnator acerrimus, inique a P. Duchesne infimulatus, quasi in litteris ad Ruardum Tapperum Baji & Jansenii errorum ovum ac semen emiseric. *Nicolaus Eymericus* edidit Directorium Inquisit. primo in lucem editum Barcinone anno 1503. deinde Romæ anno 1578. & 1585. Auctor tamen videtur antiquior, vixitque Seculo XIV. Nec a Theologorum cœtu expungendus est idem *Bajus*, qui cum *Joanne Hesselio* anno 1563. missus fuit ad prædictam Synodum Tridentinam; quamquam illius articuli fuerint ab Apostolica Sede proscripti. Inter Tridentinos Theologos doctrina & eloquentia enituit *Melchior Canus* Episcopus (1) Canariensis, cujus mors contigit anno 1560. Toleti, testaturque Viri eruditionem & facundiam Opus de *Locis Theologicis*, quod omnium teritur manibus. (2) Sed nequeunt in brevi Epitome vel sola Theologorum hujus Seculi nomina recenseri. Quare silentio præterimus *Ambrosium Catharinum*, *Franciscum a Victoria*, *Bartholomæum Medinam*, *Dominicum Bannes* Ordinis Prædicatorum: *Aloysium Legionensem*, *Egidium Lusitanum*, *Basilium Poncium*, *Gasparum Casalium* Augustinenses: (3) *Cornelium Mussum*,
Tom. II. O An-

(1) Ord. Prædicat.

(2) Bartholomæum Carranzam Ord. Præd., quem nonnulli hæresis accusarunt in Catholica fide, & religiosissime obiisse Romæ anno 1576. narrant Historici. Fuit Archiepiscopus Toletanus, scripsitque *Summam Conciliorum*. De ipso & infra.

(3) Leonardi Lessii 14. propositiones, quarum præcipue pertinent ad Prædestinationem, & ad Christi Gratiâ, Lovanii expositas an. 1586. censura Sacra ibidem Facultas perstrinxit proximo anno 1587. die 9. Septembris. Idem præstitit sequenti an. 1588. die 20. Januarii Sacra Facultas Diaconis. Cum Lessius respondisset Lovaniensibus Theologis; hi anno ipso 1588. die 3. Septembris Censuram suam confirmarunt, addideruntque illius justificationem. Doctrinam illic expositam esse eam, quam majores sui constantissime propugnauerant, iidem Theologi declararunt anno 1613. 1648. 1649. 1679. 1690.

Sedente quoque Innocentio XI. an. prædicto 1679 & sub Innocentio XII. anno 1691., eadem Censura suam nacta est firmitatem. Videatur *Historia de Quatuor* lib. 1. cap. 6. & seqq. Complures Belgii Episcopi reprobasse Lessii doctrinam iamquam Pelagianis coherentem, fatentur PP. Societatis Jesu in *Imagino 1. Seculi* lib. 6. cap. 4. pag. 448. Idem fatetur P. L. Teller in suo Opere intercepto *Defensio des nouveaux Chrétiens*, damnato tamen a prælaudato Pontifice Maximo Innocentio XII. anno 1691., de vigesima tertia Martii. Falsissimum est itaque Censuras Lovaniensem & Diaconensem fuisse damnatas, & Lessii propositiones approbatas ab Apostolica Sede, quemalmodum publicis in Thesibus Rothomagi asseruerunt anno 1594., die 10. Januarii Patres Societatis Jesu religiosissimi. De Censura autem Diaconis postrema, & opposita præcedenti, vide annotationem (2) ad cap. 6. Seculi Decimi octavi.

Andream Vegam, Franciscum Titelmanum, Franciscum Fervardentium Ord. Minorum: *Ludovicum Molinam, Joannem Hamelium, Leonardum Lessum, Franciscum Turrianum* Societatis Jesu (1): *Augustinum Steuchum, & Basilium Zanchium* Canonicos Regulares; atque ex Sæcularium coetu *Thomam Stapletonum, Wilelmum Effium, Joannem Driedonem*, ceterosque quamplurimos.

VERUM prætermittendi non sunt, qui data opera hæreses hoc Seculo exortas exagitarent; præsertim Augustinenses duo, qui omnium primi confutarunt *Lutherum Ambrosius Flandinus, & Joannes Hoffmeisterus*, Italus unus, Germanus alter. Adde *Clichtoveum* Pharisiensem, & *Echium Svecum*, utrumque anno 1543. defunctum. Quid de *Joanne Cochlaeo* Nerobergensi, cujus opera, quo rariores, eo pretiosiora sunt æstimanda? Nec *Alberti Pighii* (2) *Campenlis* Controversiarum librum, nec *Panopliam Evangelicam Gislelmi Lindani* Ruremandensis ignorant studiosi. Quantum insuper verbis scriptisque pro eliminandis erroribus infudarunt tres S. R. E. Cardinales amplissimi, *Stanislaus Hosius* Polonus, & *Hieronymus Seripandus* Augustinensis, ambo Tridentini Concilii Præsides, atque *Reginaldus Polus*, quem laudavimus supra de Anglicano schismate pertractantes? Jure his conjungimus *Franciscum Card. Toletum* S. I. & *Alphonsum Salmeronem* ejusdem Societatis, viros summos ac sapientissimos. Infudavit præterea in componendis circa Religionem dissidiis *Georgius Cassander* Burgensis, podagra extinctus anno 1566. & in refellenda Judæorum pervercia *James Reuchlin* mortuus *Tubingæ* an. 1522. doctissimus utique, & eloquentissimus, quamvis ob *Epistolas obscurarum virorum* scholasticis parum acceptus. Adversus autem omnes hæreses acuit stylum *Alphonsus a Castro* Ord. Minorum, electus Episcopus Crigantii, vulgo *Compostellæ*. Judæos confortavit *Petrus Galatinus* ejusdem Ordinis *Reuchlini* Apologista.

DE SACRIS litteris optime meriti sunt *Franciscus Vatablus*

(1) Obiit anno 1579. vir præstantissimus *Christoforus Patavinus*, FF. Augustinensium Magister. Angelus Portenari ejusdem Ordinis primus omnium Regularium in Patavino Lyceo anno 1565. cepit palam tradere physiologiam. Augustinum Museum Tereisium, ceterosque ejusdem Ordinis Scriptores brevitate item causa præterimus.

(2) *Pygium* mortuum Bononiæ anno 1530. fortuita pontis ruina, scribit in descriptione Belgii *Ludovicus Guicciardinus*: Sed Obiit Ultrajecti anno 1542. die 26. Decembris.

tablus Ambianensis peritissimus Hebraicæ linguae, cuius tamen in V. T. notæ a *Roberto Stephano* editæ anno 1545. ob insertas ad eodem Roberto Calviniana infecto labe notas alias hæreticas, perniciosæ sunt; ac prohibita: *Felix Pratenfis* Aug. a quo sacri libri ex hebræa in latinam linguam conversi sunt: *Sanctes Pagninus* Lucensis Ord. Præd. qui idem præstitit plenius & accuratius, *Thesaurus* linguae Sanctæ adjecto: *Isidorus Clarus*, Benedictinus, qui in Sacris Bibliis supra octomillia loca emendavit, & explanavit: *Arias Montanus* omnium fere linguarum scientissimus, in Bibliis Polyglottis jussu Philippi II. exornandis, & corrigendis, & in Judaicis Antiquitatibus explanandis diligens, assiduus, exitimius: *Franciscus Card. Ximenius* Ordinis Minorum Biblia Complutensis Polyglotta in lucem sub auspiciis Leonis X. emisit, sexcentis millenis millibus Ducatorum impensis (1): *Flaminius Nobilius* in edendis Sixti V. Bibliis, & Vulgata Versione ad testimonia PP. & LXX. Interpretum corrigenda laboriosissimus Operarius.

QUINAM vero in sacras litteras Commentaria præter laudatos scriptores ediderunt? *Sixtus Senensis* Ord. Præd. in sua *Bibliotheca Sancta* Protocanonicos, Deuterocanonicos, Apocryphosq. libros distinguit, Biblicum exhibet Dictionarium, regulas tradidit interpretandi Scripturas, per majorum Commentaria, & explicationes discurrit: *Cornelius Jansenius* Gandavensis Episcopus scriptit *Concordiam Evangelicam*. *Joannes Maldonatus* Jesuita doctissimus, quem anno 1583. Romæ in lecto mortuum adinvenere, in IV. Evangelia præclaros exaravit Commentarios. Idem agit in Sacros libros notis in quinque columnas distributis *Jacobus Faber* Stapulensis suspectæ tamen fidei, & a *Natali Beda* Parisiensi Theologo exagittatus ob dissertationem *de tribus Magdalenis*. (2) *Jacobus*

O 2

(1) Epitaphium Card. Franc. Ximenii in Academia Complutensi.

Consideram Musis Franciscus grande Lyceum;

Condor in exiguo nunc ego sarcophago.

Præteream junctis sacro, galeamque Philo,

Præter, Dux, Præful, Cardineusque Pater.

Quid virtute mea junctum est Diadema Cucullo,

Cum mihi regnanti porus Hesperia.

(2) Ipsi Jacobo Fabro istud Epitaphium Georgius Buchananus Inscripsit:

Qui studijs primus lucem intulit omnibus, artes

Edocuit cunctas hæc tegit urna Fabrum.

Mæu tenebra tantum potuere extinguere lumen?

Si non in tenebris lux tamen ista micat.

bus Card. *Sadoletus* Mutinensis elegantis orationis *Tollii* imitator ad reliqua scripta purioris latinitatis addidit *Dialogum* in Epistolam Pauli ad Romanos. De *Sadoleti* tamen sententia circa Christi Gratiā, & bonæ voluntatis initium, legendus est *Norisius* capite quinto §. primo *Vindictiarum*. *Joannes Mercerus* Uticensis, Vatabli in Parisiensi Academia successor, Commentariis suis, quamquam lue infectis Calviniana, nomen sibi apud Christianos Judæosque haud vulgare comparavit. Sed omnes, aut saltem permultos, eloquentia, eruditione, & doctrina superavit *Desiderius Erasmus* Roterodamus; cujus præter omnigenæ sapientiæ scripta, habentur in N. T. paraphrasēs & adnotationes. Quamvis illum in suas partes trahere studeant novatores aliqui; non possumus non celebrare Virum maximum, quem scimus summo fuisse in pretio apud Romanos Pontifices Paulum III. & Clementem VII. nec non apud Carolum V. Imperatorem, Franciscum I. Regem Galliarum, Sigismundum Regem Poloniæ, ceterosque hujus Seculi Principes: Fuit tamen in vellicandis adversariorum scriptis aliquantulum asper; (1) unde post illius obitum, qui contigit anno 1536. Calendis Julii, Basileæ, hoc lepidulum Epitaphium finxit *Stephanus Paschasius*:

*Hic jacet Erasmus, qui quondam bonus erat Mus,
Rodere qui solitus, roditur a Vermibus.*

Ecclesiasticam illustrarunt Historiam, Romanorum Factorum Conditor, & Antiquitatum solertissimus indagator *Onuphrius Panvinus* Augustinianus Veronenfis, immaturo fato raptus Panormi anno 1568. ætatis suæ 39. *Jacobus Philippus Bergomas* ejusdem instituti, qui *Chronicon supplementi* nomine inscriptum perduxit ad annum 1503. *Laurentius Surius* Carthusianus, qui obiit Colonix anno 1578. & Acta Sanctorum magno labore collegit: *Nicolaus Sanderus* Anglus, qui schismatis Anglicani scripsit Historiam: *Joannes Molanus* doctor Lovanienfis, a quo *Martyrologium Usuardi* adnotationibus adauctum est: *Adrichomius* Batavus Historiæ Biblicæ, ac Palæstinæ accuratus descriptor; *Sigonius* Mutinensis, qui de Regno Italiæ, de Judæorum Republica, & de Episcopis Bononiensibus docte, ele-

(1) De Erasmo vide acce Petri Canisii judicium in Præfatione ad Epistolas selectas S. Hieronymi.

elegantemque pertractavit: *Galefinius* Martyrologii, Historiæ Severi Sulpitii, Actorumque Ecclesiæ Mediolanensis, & *Theatri Pontificalis* (1) promulgator: *Petrus Pitheus* Trecentis, a quo Auctores Versionum Sacrorum Bibliorum, Historiam Controversiæ de Processione Spiritus Sancti, scriptaque plura Ecclesiasticorum virorum habemus emendata, & illustrata: *Gilbertus* denique *Genebrardus* Alvernus Liturgiæ, & Sacræ Chronologiæ exactioris, quam antea, auctor percelebris.

NE PER Bibliothecas vagemur omnes; hoc unum affirmamus, nullam esse disciplinam, & Sacræ eruditionis partem nullam, quam Viri clarissimi hoc vertente Seculo non reddiderint splendidiorem. Quosdam, non tamen cunctos, ex Theologiæ Scholasticæ & Polemicæ Tractatoribus, ex Sacrarum Litterarum Interpretibus, atque ex Chronologis & Historicis commemoravimus: Quid modo de reliquis? Concilia in summam redegit *Bartholomæus de Carranza* Archiepiscopus Toletanus. In libros Augustini de Civitate Dei Commentarios, & pleraque exactæ critices munimenta nobis reliquit *Ludovicus Vives* Valentinus; Excelluit Græcorum litteris & physiologia *Augustinus Steuchus* Eugubinus auctor Cosmopreje, & Hebraicæ doctissimus fuit *Marcus Martinus* Brixianus, uterque Canonicus Regularis: Sanctorum Fastos, & Sacra Catmina plurima concinuit *Joannes Baptista* Mantuanus Carmelita, cognomento *Hispaniolus* (2): De Ritibus Ecclesiæ disseruit *Joannes Stephanus* Durant Tolosanus. In Græcorum Patrum Operibus latine vertendis navavit operam *Jacobus Billius*: in rarioribus libris prælo committendis *Giaconus* Toletanus: in Græcis itidem traducendis *Gentianus* Hervetus: in Tertulliani & Cypriani libris exornandis *Jacobus Pamelius* Brugensis: in emendando Gratiani Decreto, Jure Canonico in Compendium redigendo, antiquioribus Decretalibus colligendis, & Canonibus Pœnitentialibus explanandis *Antonius Augustinus* J. C. nobilissimus, & Archiepiscopus Tarracoenis; in doctrina morum & canonum *Martinus Navarrus*.

(1) Comprehendit Vitas Pontificum Romanorum.

(2) Natus anno 1442 ut adnotatur disticho:

*Nascebat in terris Mons Chri Baptistæ, sive sive
Paulina Persæ & genitricis bibb.*

CHRISTIANE, & Asceticae vitæ præceptiones tradidere, *Joannes Avila*, vir insignis probitatis ac sapientiæ: *Ludovicus Granatenfis* cujuslibet honoris contemptor egregius: *Carolus Borromeus*, *S. Thomas a Villanova*, *S. Ignatius Loyola*, *S. Tereſia*, *S. Joannes a Cruce*, quorum diem emortualem capite, quod proxime consequitur, recensebo.

C A P U T V.

AUGUSTI CÆSARES, ET REGNANTES IN CÆLIS.

IMPERATORI Maximiliano, extincto anno 1519. duodecima die Januarii, successit ejus nepos *Carolus V.* huius Archiducis Austriae Philippi, atque in lucem editus anno 1500. die 24. Febr. Electus fuit anno cit. 1519. Francfurti die 28. Junii, & primum coronam imperii accepit Aquisgrani anno 1520. die 13. Octobr. deinde Bononiæ a Clemente VII. anno 1530. ipso die suo natalitio. Nullus ab eo tempore Imperator coronatus est a Rom. Pontifice. Regnum quoque Hispaniarum obtinuit; nam Joanna filia Ferdinandi V. & Isabellæ regum anno 1496. conubio juncta fuerat *Philippo Austriae* F. Maximiliani, & patri ipsius Caroli; atque idem Philippus & Joanna reges declarati sunt anno 1505. quo decessit Regina Isabella. Ferdinandus tamen usque ad annum 1516. superstes fuit; eodemque anno Carolus V. consecutus est regimen Hispaniarum, *Carolus I.* in serie regum nuncupatus. Diuturnum illi bellum fuit cum Francisco I. rege Galliarum: quem in pugna Ticinensi anno 1525. superavit, captumque in Hispanias abduxit. Proximo tamen an. 1526. formula pacis confcripta die 14. Januarii, Franciscus rediit in Gallias. Religionis causa Carolus V. Protestantes bello lacessivit, anno præsertim 1547. & seq. ediditque an. 1548. Formularium Ecclesiasticæ disciplinæ, appellatum *Interim*, quoniam interim, seu donec in Tridentina Synodo compositæ res forent, illud servari mandavit. Quod tamen æque Catholicis, & Lutheranis displicuit. Anno 1550. flammis addixit libros hæreticorum, quos item edictis coercuit severioribus, Regni pertæsus coronam deponere statuit anno 1555. die 24. Februarii, qua die diademate redimitus fuerat Imperii, & anno proximo 1556. regnum Hispaniæ consecutus est Philippus II. ejus Filius.

Con-

rem, absque liberis vita functus anno 1612. IV. idus Januarii (1).

AD SUPEROS migrarunt hoc XVI. Seculo viri sanctissimi, & Fastis cælestis Jerusalem deinde fuerunt adscripti solemnī ritu, Institutores Religionum S. Cajetanus Thienæus Vicetinus anno 1547. VII. Idus Augusti; S. Joannes de Deo Lusitanus anno 1550. VIII. Idus Martias; S. Ignatius Loyola Cantaber anno 1556. die Julii postrema: S. Theresia Avilensis anno 1582. die 14. Octobris: eodem anno 1582. Thomas *Jesu* Lusitanus Augustinensis, Aloysii de Montoja viri Cl. discipulus, & Sacracenorum captivus; inter quos tetro inclusus carceri, ferreisque catenis devinctus, absque libris, & qualibet re destitutus, patria lingua egregium Opus edidit, *de Travagli di Gesù*. S. Philippus Neri Florentinus decessit anno 1595; VIII. Calendas Junias. Adde Sanctissimos Episcopos, Thomam a Villanova Patrem pauperum, & Carolum Borromæum decus Purpuratorum Patrum, ac Præsulū (2). Adde Societatis Jesu alumnos præclaros Franciscum Borgiam Miraculum Principum, Franciscum Xaverium Indorum Apostolum, Stanislaum Kostkam vltimam Caritatis, Aloysium Gonzagam, Angelicum Juvenem nuncupatum (3). Simplicitem, atque innocentiam in Felice a Cantalicio Ord. FF. Min. quos *Capucinos* vocamus, spiritualis Vitæ magisterium in Joanne a Cruce Carmelita Excalceato, pœnitentiæ austeritatem in Petro de Alcantara Ord. Min. Observantiæ, Angeli Florentini monachi Vallisumbrosæ, Michaelis Eremitæ Camaldulensis; Josephi a S. Geminiano Augustiniani Eremitæ, aliorumque splendidissimas egregiasque virtutes nemo non celebrat, non miratur. Bartholomæi de Martyribus Archiepiscopi Bracarensis, Alphonsi de Orozco Austustiniiani, Didaci Protomartyris Peruviani ejusdem Ordinis; decessit Alphonsus anno 1591. & Didacus martyr occubuit anno 1686. & Joannis Avilæ Apostoli Vandalitiæ,

(1) Rodulphi II. Epitaphium Chronologicum.
D/VX, ac LVX gentis Fabiani bel/ LUCe ReDolp/Vi
Casari, gentis/Vi Jong/Vine Casar obli.

(2) S. Thomas migravit ad superos anno 1555 VI. Idus Septembris, & S. Carolus anno 1584. III. Nonas Novembris. S. Joannes a Cruce anno 1591. &c.

(3) Jesuitas Martyres I.X.I.X. ad annum 1570. Bristine, aliique recentent, Spondaus n. 25. L.XVII. enumerat.

litæ, glorioſa nomina nondum ſunt Catalogis Sanctorum inſerta. In ſe tamen cunctorum admirationem, atque celebritatem convertunt. Poſtremo hujus ſeculi anno evolavit ad Sponſum Roſalia nobiliſſima virgo Panormitana.

Qui in Anglicano interfecti ſunt ſchiſmate, non videntur penitus omittendi. Excuſſo enim Catholicæ religionis jugo, *Henricus VIII.* martyrio affecit anno 1535. præſtantes viros, qui vel ejus a Catharina divortium improbabant, vel nolebant eum tanquam Caput Anglicanæ Eccleſiæ cognoscere. Inter quos die 4. Maji necati ſunt Carthuſiani tres Monafteriorum præſecti, *Rynaldus* Ord. S. Birgittæ Doctör præclarus, & *Joannes Hail* paſtor animarum. Martyribus accenſendos eſſe non dubito *Joannem* Cardinalem Roſenſem, ac *Thomam Morum* Angliæ Cancellarium virumque clariffimum, qui eodem anno 1535. data conſtanter cervice occubuerunt. Plexi capite poſt varia ſupplicia Carthuſiani alii. Anno 1538. *Joannes Foreſtus* Ord. Min. Confeſſarius Reginæ Catharinæ ab Henrico repudiata, patibulo appenſus, & lento igne combuſtus fuit: ejusque ſortem aſſecuti ſunt Fratres ejusdem Ordinis LVI. Regi monachiſmum damnanti, & Monafteriorum uſurpanti bona, alii non obtemperantes ſupplicium capitis ſubjecerunt anno 1539. inter quos Abbatēs Benediſtini, *Richardus*, *Hugo*, *Joannes*. Prope finem libri 1. de Schiſmate Anglic. Sanderus enumerat ſub Henrico interfectos XIII. monafteriorum Rectores, & Sacerdotes vel monachos, vel preſbyteros ſeculares LXXVII. Regnante autem *Eduardo Seimero* Epiſcopi omnes, qui regis in Eccleſia primatum negarunt, dejecti fuerunt e Sede; Catholici innumeri carceribus, & exilio mulctati. Denique *Elifabetha* regnante martyrio coronati ſunt, anno 1577. *Cuthbertus Mayno* ſacerdos, anno 1581. *Edmundus Campianus* S. Jeſu, (1) & Preſbyteri duo: ſeptem alii anno proximo: item ſex alii Eboraci; Vintoniæ civis laicus; Londini impreſſor librorum Catholicorum; Longovici *Jacobus Labournæ* vir nobilis, aliique tam multi,

ut

(1) In Indice Martyrum Soc. Jeſu ad calcem Bibliothecæ Script. ejusdem Soc. legitur:

En & Garnetor geminos, laqueoque decorum

Edmundum, terras inter, calumque nefonda

De trabes ſublimem.

At de Henrici Garneti ſupplicio, ejusque imagine formata ſanguinis gutta, diverſa a P. Jovenci alii tradunt. Sinifro judicio abripi nolumus.

ut anno 1583. omnes Londinenses carceres pleni essent Catholicæ fidei confessoribus.

His adnumerandam esse Mariam Scotorum Reginam, nullus dubito. De hujus jure ad regnum Angliæ, dixi capite tertio. Hæc anno 1558. nuptui tradita Francisco filio Henrici II. Galliarum regis, orbata post biennium viro rediit in Scotiam, regnum Angliæ defuncto Henrico VIII. consecutura; sed pro regno invenit bipennem. Posteaquam enim Henrico Stuardo patrueli juncta fuerat connubio, ac ex eo pepererat filium, qui fuit Jacobus VI. rex Scotiæ, secundo viro anno 1567. a parricidis occiso, opera hæreticorum Comiti Bethuelio, nefarii parricidii auctori, iterum nupsit, atque ab iisdem hæreticis, tanquam in mariti necem conspirasset, traducta, in Angliam confugit; ac sententia Judicum, manu Elisabethæ firmata, prætextu illius cædis, & pro Angliæ regno occupando moliminis, revera autem causa Romanæ, & orthodoxæ Religionis, securi percussa fuit anno 1587. die 18. Februarii. (1) Hinc in *Theatro crudelitatis hæreticorum* scriptum legitur.

*Post varias clades miserorum, & cædis acervos
Infantum, comes exornat spectacula Mater
Supplicio, & Regum Soror, & fidissima Conjux.*

CA:

(1) Ferunt Mariam, proximam morti, quam invicto animo subijt, verbis perstrinxisse immanitatem Anglorum in reges suos (savantium. Sane Bodinus in *Meth. Hist.* cap. 5. & 6. de *replia* lib. 2. cap. 5. & lib. 4. cap. 7. refert, ex Regibus Angliæ XL. civili conspiratione duodecim periisse; & spatio annorum 36. quibus civilia bella exarserunt, supra octoginta regum stirpis homines fuisse interfectos. Contra Principem suam venali calamo, ut supremo afficeretur supplicio, scripsit Georgius Buchananus, Calvinista, Historiæ Scoticæ, aliorumque Operum auctor, sed Mariæ insensissimus hostis. A Jacobo enim rege Mariæ patre ob hæresim in exilium pulsus fuerat, & a Moravio consecuturum se sperabat Scotiæ patriarchatum. At morti proximus dicta scriptaque sua retractavit, testatos a se tantum vitam spiritusque exoptari, ut maculas Mariæ falso adpersas, proprio etiam sanguine, deleret. Buchanani solius meminimus; reliqui enim ex hoc *luculento sente turbidum haurire*, inquit Favianus Strada. Maphæus Barbesinus, tunc magni ingenii adolescens, postea Urbanus VIII. Pontifex Max. piissimæ reginæ exequias hoc epitaphio exornavit:

*Te quamquam immeritam feris, o Regina, securis,
Regalique tuum funus honore cares;
Sorte sua gaudet, maritus neque Scotia floret;
En tibi pompa, tuas quæ decet exequias.
Nam tibi non paries atro velatur amictu,
Sed terras circum non tenebrosa tegit.
Non tibi contextis lucent funalia lignis,
Sed celi Stella: Nenia tristis abest;
Sed cœnis ad feretrum, Suporum Chorus aliger, & me,
Galesti incipiens vocem, silere jubet.*

CAPUT VI.

QUE PERTINENT AD SEculi XVI. DOCTRINAM,
ET DISCIPLINAM.

PRO doctrina, & disciplina hujus Seculi deprehendenda sat est in Tridentinæ Synodi decreta oculos conjicere. Apparebit illico dogmata Fidei, quæ ex inveterata traditione profertur Romana Ecclesia, fuisse irreformabili definitione confirmata. Inter quæ in canone retinendos esse didicimus libros, de quorum auctoritate nonnulli hæsitant, cujuscumque sunt liber Sapientiæ, duo Machabæorum, Apostoli ad Hebræos Epistola, Catholica Jacobi, ceterique, de quibus differunt Polemicæ Theologiæ Tractatores. Rejicienda autem esse inter Apocrypha, quæ in eodem Canone non recensentur; cujuscumque sunt in Vet. Testamento liber Henoch, Testamenta XII, Patriarcharum, Genealogia Job, Oratio Manassis, & Esdræ liber III. & IV; in Novo autem Pseudoevangelia inscripta nominibus Apostolorum, Acta Theclæ & Pauli, octo libri Itinerarii Clementis, & alii de quibus Romana LXX. Episcoporum Synodus anno 494. Explicatum uberius est dogma *Justificationis*, quæ sit Justitia inhærente, non sola extrinseca condonatione, sive non imputatione peccati; & quæ Novatores ajunt esse Ecclesiæ Antichristi characteres, videlicet, Sacrificium Missæ, cultus Eucharistiæ, auricularis confessio, Chrismatismis unctio, Sacrorum infirmorum Oleum, defunctorum suffragia, exhibita Sanctorum imaginibus & Reliquiis veneratio, Indulgentiarum largitio, Sacrorumque rituum observantia, ad Fidei integritatem, & Ecclesiæ decorem pertinent, nullo Catholicorum dissentiente.

AD ECCLESIASTICAM politiam spectant statuta Episcoporum residentia, Seminariorum erectio, celebrandæ quolibet triennio Synodi Provinciales, prohibita Curatorum Beneficiorum pluralitas, unius tantum, si ad vitam honeste sustentandam sufficiat approbata collatio, dispensationes hæc in re absque legitima causa prorsus inhibitz, lites inter Ecclesiasticos ab Episcopis componendæ, a Clericis forensia jurgia vitanda, horum Ordinationes a proprio tantum Episcopo, nec sine illius per-

missa

missu peragendæ. Huc spectat Presbyterorum cœlibatus, disciplina Monachorum, potestas absolvendi a peccatis concedenda ab Ordinariis, Casuum reservatio iisdem competens, atque ad nuptiarum sanctitatem custodiendam Impedimentorum Matrimonii distincta explicatio, & clandestinorum conjugiorum contractus inhibitus.

1. TEMPORALIBUS poenis, extremoque supplicio animadversum hoc præsertim sæculo in hæreticos. *Edmundus Fosseus* ob fractam Eucharistiam anno 1503. combustus Parisiis. Quidam Ordinis Prædicatorum anno 1509. ob imposturas, Langio ac Trithemio testantibus, concremati: *Hermannus Ryswick* in hæresim iterum lapsus anno 1512. Hæc Comitum: Hebræus quidam baptizatus, qui per annos 26. Sacerdotio fungebatur non initiatus anno 1514. apud Saxones: Duo Augustiniani Ordinis Apostatæ *Bruxellis* anno 1523. Proximo anno 1524. *Henricus* quidam *Zutphania* in Belgio: *Balthassar* Friburgensis anno 1528. *Viennæ* in Austria: *Rupertus Baro* anno 1539. in Anglia: Violator quidam Statutæ B. V. anno 1550. Lutetiæ Parisiorum (1): Eadem in Urbe anno 1559. Calvinistæ permulti, atque in Hispaniis quamplurimi: Romæ *Aonius Palearius* anno 1566. eodemque anno Bernæ *Valentinus Gentilis* Tritheita: In Belgio anno 1580. *Joannes Guilelmus* Anabaptista: in Anglia demum anno 1590. *Guilelmus* Puritanus. Asserentibus modo hæreticis nefas esse animadvertere in hæreticos poena captis, reponendum est, quo ergo jure Genevenses Servetum & Gentilem incendio necarunt? quo jure Angli Puritanos, & sub Henrico VIII. anno 1538. *Lambertum* Zuvinglianum? Imo quo jure causa Religionis interfecti sunt ab iisdem hæreticis Martyres, quorum multos superiori capite laudavimus? Verum non egent aperta mendacia confutatione.

CREVIT in tanta hæresum illuvione decor & gloria Romanæ Ecclesiæ, tum Sanctorum, quos cap. superiori memoravimus consummata virtute, tum decreto aliis solemnî Canonizatione specialis cultus honore. Leo enim X. anno 1514. *Brunonem* Patriarcham Carthusianorum, & anno 1519. Franciscum a Paula Minimo-
rum

(1) De Serveto combusto Genevæ anno 1553. diximus supra cap. 3. Romæ item ultricibus flammis absumptus anno 1600. *Jordanus Brunus* Nolanus, de quo *Caspar Scioppius*.

rum Parentem retulit inter Sanctos. *Casimira* F. *Casimiri* regis Poloniae anno 1521. eundem detulit honorem. *Hadrianus* VI. adscripsit anno 1523. Sanctorum *Falstis* *Benonem* *Misniz*, & *Antoninum* Florentiz Antistitem. *Laurentium* *Iustinianum* primum Patriarcham Venetum anno 1524. *Clemens* VII. *Gondisatuum* Lusitanum Ord. Prædicat. *Julius* III. anno 1551. *Didacum* diocesis Hispalensis Ord. Min. anno 1588. *Sixtus* V. & *Hyacinthum* Polonum Ord. S. Dominici anno 1594. *Clemens* VIII.

RELIGIOSARVM quoque Familiarum plurimum adauctus est numerus. Primo enim institutus fuit, & a *Clemente* VII. approbatus anno 1514. Ordo *Clericorum Regularium*, quos *Theatinos* vocant ab Episcopo *Theatino* *Joanne* *Petro* *Carafa*, postmodum *Paulo* IV. de quo cap. 1. eundemque Ordinem confirmavit anno 1567. *S. Pius* V. Tum *Capuccinorum* auctor fuit anno 1525. *Matthæus* *Bassius* Ord. Minorum de *Observantia*. Atque hoc institutum *Clemens* VII. anno 1528. & *Paulus* III. anno 1535. approbarunt. Tertio exorti sunt anno 1532. & ab eodem Pontifice *Clemente* VII. atque anno 1606. a *Paulo* V. confirmati *Fratres Minores* strictioris observantiz, quos vocant *Recollectos*. Approbatus insuper ab ipso *Clemente* anno 1528. & rursus a *Paulo* III. anno 1535. Ordo *Clericorum Regularium* *S. Pauli*, quos ab Ecclesia *Mediolanensi* *S. Barnabæ* eis primum concessa *Barnabitas* vocant. Istorum vero Auctores fuere annuo 1526. *Antonius* *Morigia*, & *Bartholomæus* *Ferrarius* *Mediolanensis*, atque *Franciscus* *Maria* *Zaccharia* *Ctemonensis*. Prodiit circa annum 1531. Congregatio *Clericorum*, quos vocant *Somaschos*, auctore *B. Hieronymo* *Æmiliano* *Patritio* *Veneto*, ad Orphanorum curam gerendam: eandemque Congregationem anno 1540. *Paulus* III., anno 1568. *S. Pius* V., & anno 1585. *Sixtus* V. confirmaverunt. Sequitur *Societas Jesu*, anno 1534. instituta *Parisiis* a *S. Ignatio* *Loyola*, a *Paulo* III. anno 1539. vivæ vocis Oraculo, & anno 1540. & 1543. Apostolicis Constitutionibus confirmata, a *Julio* III. anno 1550. privilegiis condecorata, a *S. Pio* V. anno 1571. inter Ordines Mendicantium adscripta, & a *Gregorio* XIV. anno 1591. amplissimis laudibus jure ac merito celebrata, Sanctorum, Scriptorum, Virorumque Apostolicorum Parens secunda. Circa an. 1568. (1) *Carmelita Discalceati* a *S. Ma-*

tre

(1) juxta Spondanum, G. Avelon, &c. At juxta alios, an. 1561.

tre Teresa habuerunt originem, quorum institutum confirmarunt anno 1580. Gregorius XIII. & anno 1593. Clemens VIII. *Ordo Caritatis*, curæ infirmorum addictus, quem S. Joannes de Deo instituerat anno 1538., confirmatus fuit a S. Pio V. anno 1572. & rursus a Sixto V. anno 1586. *Clerici Regulares Doctrina Christiana*, quorum institutum confirmavit anno 1650. Innocentius X., a Cæsare de Bus anno 1576. duxerunt originem. Qui vero titulo *Matris Dei* secernuntur, Luca anno 1574. primam habuerunt institutionem, confirmationem vero a Clemente VIII. anno 1604., & titulum, quo fruuntur, anno 1614. a Paulo V. *Congregationem Oratorii*, quam anno 1575. instituit S. Philippus Neri Florentinus, Paulus V. anno 1612. cum suis Constitutionibus confirmavit. *Monachi Fulienfes* a Joanne Barreira Cisterciensi trahentes ab anno 1577. primordia, a Sixto V. anno 1586. approbati, atque a Clemente VIII. anno 1592. a Cisterciensium jurisdictione fuerunt exempti. Qui dicuntur *Ministri Infirmorum* instituti sunt anno 1585. a S. Camillo de Lellis, (1) & proximo anno a Sixto V., atque a Gregorio XIV. anno 1591. confirmati. *Clerici Regulares, Minores* nuncupati, ab Augustino Adorni Genuesi instituti anno 1588., & a Sixto V. approbati privilegia Theatinorum anno 1592. consecuti sunt a Gregorio XIV. Anno demum 1595. in Hispania duæ Congregationes Discalceatorum, approbante Clemente VIII. sunt institutæ, una Augustiniensium, & altera SS. Trinitatis Redemptionis Captivorum. (2)

ADDENDI sunt Equestres Ordines, *Sanctorum Ap. Petri & Pauli* anno 1540. institutus a Paulo III. *Sancti Stephani* Papæ ac Martyris anno 1560. institutus a Cosmo I. Mediceo Florentinorum Duce, & anno 1562. confirmatus a S. Pio V. Denique *Spiritus Sancti*, sive *Equitum Torquatorum* institutus ab Henrico III. Rege Galliarum postrema die anni 1578.

A P.

(1) Obiit proximo seculo, anno scilicet 1614. die 14. Julii.

(2) Congregatio *Coloritana* instituta sub Pio IV. & approbata a S. Pio V., quæ anno 1606. subiecta fuit Priori Generali Augustiniensium, anno 1749. variis dissidijs exagitata, & paulo post extincta fuit.

A P P E N D I X.

CETERARUM RERUM ACCESSIO.

GALLIARUM regi Ludovico XII. successit anno 1515. *Franciscus I.* Huic anno 1547. *Henricus II.* Isti autem anno 1559. *Franciscus II.* Anno 1560. regnare cepit *Carolus IX.* & anno 1574. *Henricus III.* postremus stirpis Valeriorum. Successit anno 1589. *Henricus IV. Borbonius.* (1); In Hispaniis vero post Catholicos Reges Ferdinandum V. & Isabellam, cepit anno 1505. administrare regnum *Joanna*, quæ nupsit *Philippo* Austriaco. Anno 1516. *Carolus I.* inter Imperatores V. anno 1556. *Philippus II.* (2) & anno 1598. *Philippus III.* qui obiit anno 1621. Lusitaniæ regnum post *Emmanuellem I.* gubernare cepit *Joannes III.* anno 1521. *Sebastianus* anno 1557. *Henricus* Cardinalis & Archiepiscopus Bracarensis anno 1578. *Philippus I.* inter reges Hispaniarum II. anno 1580. & *Philippus II.* inter reges Catholicos III. anno 1598. in Hispaniis itaque, & in Lusitania duo postremi reges tenuerunt imperium (3).

SULTANORUM autem series hæc est: Postquam anno 1512. *Bajazethes II.* periit veneno, imperium occcepit parricida *Selimus.* (4) Is pestilentia sublatus est anno 1520.

(1) Occisus anno 1610. ut dicetur Seculo proximo. *Henricus* autem III. prædicto anno 1589. Kal. Aug. a F. Jacobo Clemente confossus, proxima die obiit annos natus 38.

(2) Ingenti sumptu XX. decies centenorum millium aureorum *Philippus II.* extruxit *Escorialis* S. Laurentii monasterium 7. a Matrimonio, ob victoriam e Gallis relatam anno 1559. ad Fanum Sancti Quintini. Extat in *Escoriali* Regum Hispanorum, qui postea decessere, Mausoleum.

(3) Anno 1509. cepit in Anglia regnare *Henricus VIII.* An. 1546. *Edwardus VIII.* Anno 1553. *Joannes*, cui præcisum fuit caput. Anno 1553. *Maria*, & anno 1558. *Elisabetha*. In Polonia cepit regnum administrare an. 1501. *Alexander*. Anno 1506. *Sigismundus I.* Anno 1548. *Sigismundus II.* Augustus. Anno 1572. *Henricus*. Anno 1576. *Stephanus*. Anno 1587. *Maximilianus*, eodemque anno *Sigismundus III.*

(4) *Selimus* anno 1517. deleuit Sectam *Mamelucorum*. Significantur hoc nomine *Stipendiarii* ac *ministri*. Instituti fuerant Seculo XII. a *Saladino*, & erant ex Christianis Mahumetani, ad bellum instructi, & aliquando ad *Sultanorum* dignitatem evecti. Veneno operæ Judæi medici patrem sustulit, duos necavit fratres, ac septem ex eis prognatos nepotes. Judæo patris interfectoris, loco præmiis, jussit caput præcidi. Pestilenti carbunculo eodem in loco anno 1520. extinctus est, in quo *Bajazethi* parenti suo jusserat propiorari venenum.

1520. & regnavit postmodum spatio annorum 46. *Solimanus II.* Huic extincto anno 1566. successit *Selimus II.* qui subitanea morte interiit anno 1574. Imperavit tum *Amurathes III.* usque ad annum 1595. Huic vita functo successit *Mahumethes III.* qui e vivis excessit anno 1603.

INFAUSTA bella Christianis, aliisque hostibus intulere prædicti Turcarum Imperatores. Etenim *Selimus* anno 1516. *Memphim*, quam *Alcairum* dicunt, *Sedem Sultanorum Egypti*, urbesque, & arces finitimas occupavit; subiecit sibi *Damascum*, obsedit *Gazam*, in sui potestatem redactis universa *Syria*, & *Judæa*. *Solimanus* vero anno 1521. expugnavit *Albam Græcam*, idest, *Belgradum*, propugnaculum *Hungariæ*, & *Rhodum* cinxit obsidione: quam insulam proximo anno 1522. cepit post miram defensionem *Equitum S. Joannis*, qui supra annos 212. (2) eandem tenuerant. Per idem temporis *Bassâ Ferrat* subegit *Armeniam*, *Cappadociam*, & *Galatiam*. Idem *Solimanus* anno 1526. superavit *Ludovicum regem Ungariæ* prælio, quo cum ipso rege occubuerunt XV. millia Christianorum. *Budam* expugnavit anno 1529. *Viennam* diebus 18. frustra obsidione cinxit, amisitque in hac expeditione milites 80000. Irrupit tamen rursus in *Hungariam* anno 1532. cum exercitu armatorum 300000. regnumque illud longe lateque vastavit. Contra *Tamasum Sophim* *Perfarum* anno 1534. tetendit, exciditque *Taufesum*, urbem *Persidis* olim amplissimam. *Venetis* anno 1537. eripuit insulam *Corcyram*, multis captivorum millibus *Constantinopolim* abductis. In *Hungariam* iterum irruit anno 1541. & 43. atque anno 1551. *Tripolim* in *Africa* invasit. Deleta anno 1560. a *Turcis* *Classis Hispanica*, superiori anno comparata ad *Tripolim* recuperandam: triremes in illa 27. naves onerariæ 14. cum XVIII. millibus armatorum. Atque hæc *Solimano* imperante, a quo tres quoque filii interempti, & *Achomati Bassæ* primario guttur elisum fuit. Regnante *Selimo II.* Bellum *Cyprium* esturbuit: capta anno 1570. metropolis *Cypri* *Nicosia*: sequenti anno 1571. ditissima civitas *Famaugusta*, antiquis *Arfinoe*. Illic, violata fide, præfecto *Veneto* nates auresque præfixæ & vivo detracta

(1) Occupaverant enim anno 1310.

Ha est pellis. (1) Classe tamen a Venetis instaurata, hujusque regimine commisso Joanni Austriaco filio notho Caroli V., Christiani insignem illam victoriam ad Naus pactum sinum Corinthiacum [2] prope Echinadas insulas reportarunt, qua trucidati dicuntur XXX. M. Turcarum, captae CXXX. triremes, praeter reliquas partim illis litoribus, partim absumptas flammis, aut fluctibus haustas; liberati vero a captivitate Christianorum XIV. Millia (3). Valachia anno 1574. in Turcarum potestatem venit; & anno insequenti Amurathes Russiam vastavit. Ab ipso Amurathe anno 1582. rebellavit Tartari. Albam regalem urbem superioris Pannoniae, vulgo *Stulweissenburg*, anno 1583. Turcae expugnarunt: quam urbem Christiani tentantes anno 1593. trucidarunt octo millia Turcarum, ceciditque nostris Novigradum, & Fillecum munitum Hungariae oppidum. Ibrahim Bassa anno 1600. expugnavit Sanisae arcem in finibus Hungariae, & Stiri-
riae. (4)

AD BELLA modo, quae Occidentem vexarunt convertitur historica Epitomes. Anno 1507. exortum est bellum inter Maximilianum Imp. & Venetos: anno proximo initum foedus contra eosd. Venetos, inter ipsum Maximilianum, Ludovicum XII. Galliarum regem, & Julium II. Romanum Pontificem; atque anno 1509. rex Ludovicus Venetos ad Abduam Insubriae fluvium ingenti clade prostravit, eisque finitimas urbes eripuit. Pugnatum ad Ravennam anno 1512. inter Ludovicum XII. & Julium II. caesae Pontificis copiae, & civitas capta; sed paulo post restituta advenientibus auxiliariis copiis Helvetiorum. Bellum inter Carolum V. Imp. & Franciscum I. regem Galliae exortum est anno 1522. Franciscus ad Ticinum captus anno 1525., dimissus anno 1526. ubi pervenit in Gallias foedus iniit adversus Caesarem cum Venetis, & Clemente VII. Rom. Pontifice. At Roma anno 1527. ab Exercitu Caroli V. capta, & direpta fuit anno 1581. posteaquam Pontifica-

Toms. II.

P

tum

(1) *Brigadinus*, de quo Thuanus libro Histor. 49.

(2) Vulgo sinus *Lepensis*, & insula *Corquulari* maris Ionii.

(3) Additum tunc Litaniis, *Auxilium Christianorum*, & celebratum Festum *S. Mariae de victoria* die 7. Octobris.

(4) Praetermissimus immane monstrum, cornua gerens in capite, oculum in mento, alas pro brachiis, rapacium ferarum ungues in pede, figuram crucis in pectore, natum Ravennae anno 1512. Pestilentiam, qua Tornaci consumpta sunt 34000. hominum anno 1514.

tum gerente Sergio II. vastata fuerat a Saracenis: Quod contigit anno 846. (1). Dux militum Carolus Borbonius muros civitatis Leoninæ ascendens occisus fuit, eique suffectus Philibertus Princeps Arausicanus. Pontifex captus 6. Junii post menses septem murata veste Urbem Veterem confugit. (2) Anno autem 1529. amicitia cum Carolo V. redintegrata, Italix pax affulsit, rediit Florentiam Alexander Medices Clementis pronepos, anno 1531. Florentinorum Dux constitutus. Anno autem 1535. Carolus V. trajiciens in Africam expugnavit Tunetem, regemque Muleassem, ejectum a Turcis, regno restituit, sibi redidit vestigalem. In Africam anno 1541. idem Carolus V. cum magno exercitu trajiciens Algeriam, olim Julianæ Cæsaream Mauritanix, appulit; sed classe tempestatibus jactata rediit re infecta, dicens malle se unum Christianum servare, quam perdere mille Mauros (3). Mauritius elector Saxonix anno 1550. Magdeburgum obsedit: anno 1552. cum Carolo V. gessit bellum; & anno 1553. pugnans adversus Albertum Brandenburgicum accepto vulnere interiit. Inchoatum est anno 1567. bellum Belgicum, quod perduravit circa annos 41. Classis Hispanicorum anno 1588. partim ab Anglis, partim tempestatibus disjecta fuit, ac dissoluta.

BELLORUM incursionibus addenda sunt fata Principum. Annam Bolenam, & Mariam Scotorum reginam securi percussas, & Ludovicum Hungarix regem interfectum in bello, narravimus supra. Elisum guttur anno

(1) In ea Urbis direptione *Christophorus Marcellus* Venetus, electus Archiepiscopus Coreyrensis, eloquentissimus piissimusque Scriptor, ut demonstrant illius *Exercitationes* in Psalmos editæ in lucem Romanis typis anno 1515., maximis affectus contumeliis, & ad arborem alligatus fuit, obitusque ex animi tristitia, corporis afflictatione, aerisque inelementia prope Cajetam: dignus sane, quem *Pierius Valerianus* inferret priori libro de *Litteratorum infelicitate*.

(2) Colligitur ex hoc quoque *Breviario* Romæ sexies ab hostibus fuisse diceptam, ut *Historici* tradunt complures. Contigit id itaque

I. Sedente *Innocentio I.* anno 410.

II. Sedente *Leone Magno* anno 455.

III. Sedente *Vigilio* anno 546.

IV. Sedente *Stephano II.* anno 755.

V. Sedente *Sergio II.* anno 846.

VI. Sedente *Clemente VII.* anno 1527.

Quis vero in Urbem singulis hisce annis hostili irruerit incursione, propriis in locis adnotavimus.

(3) Anno 1546. inchoatum a Carolo V. bellum Smalcadicum adversus Protestantes.

no 1517. Alphonso Cardinali Petrutio, insidias contra Pontificem molienti. Christernus rex Daniz cum optima conjuge Elisabetha Caroli V. Sorore, anno 1523. a patruo suo Friderico dejectus regno, & fugere coactus fuit. Henricus II. rex Galliarum obiit anno 1559. ex vulnere accepto in equestri ludo; & Henricus III. anno 1589. inflicto vulnere a Jacobo Clemente. Henricus Stuartus Scotorum rex, ut diximus, a Bothuelo anno 1567. necatus est dormiens: Carolus Hispaniarum princeps sequenti anno 1568. jubente Philippo Patre, ut fertur, extinctus veneno; & rex Poloniz Philippus, qui anno 1594. declaratus fuerat rex Sveciz præstito juramento non mutandi religionem, anno 1599. ob violatum jusjurandum regno prædicto Svecorum excidit.

Non unam, sed plures calamitates senserunt Pisani, qui anno 1509. fame compulsi, & a sociis derelicti dederunt se Florentinis: Galliz, & Navarræ regna anno 1512. subjecta fuerunt *Interdicto*, & hujus occasione irruptionibus hostium; (1) Constantinopolitana civitas, orta, ob indictum novum tributum, seditione, ubi facto incendio consumpta est magna pars urbis, domorum nempe quindecim millia, septem templa & hospitalia viginti quinque. Saxones demum, inter quos anno 1598. pestilentia deservit.

INSTITUTE hoc Seculo permultæ Academiz, ut in Galliis anno 1564. *Vesuntina* a Ferdinando I. Imp. In Germania *Vittembetgensis* anno 1502. *Argentoratensis* anno 1538. ac *Trevirensis* anno 1558. In Hispania *Complutenfis* (1) anno 1517. a Francisco Card. Ximeno, & *Granatensis* anno 1537. a Carolo V. Imperatore. In Belgio *Duacensis* a Philippo II. rege Hispaniz anno 1562. & *Lugduni Batarorum* (3) ab Ordinibus Hollandiz anno 1575. In Polonia *Elbingensis* anno 1542. & *Regiomontana* anno 1544. ab Alberto Borussiz (4) Duce. In America quoque *Mexicana* anno 1551. a Carolo V. S. *Domini* anno 1558. & *Quitensis* Pernana anno 1586. a Philippo II. Hispaniarum rege.

P 2

NON

(1) Tornaci anno 1514. triginta quatuor millia hominum sava penis absumpsit. Proximo anno 1515. maximam, & insuditam exundationem aquarum Chronica commemorant Germanorum.

(2) Alcalá.
(3) Leyden.
(4) Prussiz.

NON eam modo provinciam assumo Viros litteris ornatos celebresque cunctos commemorandi (1). Quis enim eloquentior, & de latina lingua magis benemeritus Purpuratis Patribus *Petro Bembo* Veneto, & *Jacobo Sadoleto* Mutinensi? Quis orationis copia, & delectu eruditionis uberior, *Petro Victorio* Florentino, *Latino Latinio* Viterbiensi, *Adriano Turnebo* Normanno, *Raphaelo Volaterrano*, *Nobilis* Lucensi? Quis litterarum humaniorum libros illustravit melioribus notis, *Dionysio Lambino* Gallo, *Georgio Fabricio* Germano, *Paulo Manutio* Veneto? Si quis deambulet pulcherrima Sapientum Viridaria, plures mirabitur in omnium scientiarum genere sata ibidem sua coluisse, Elegantissimæ, plurimæque orationes elaboratæ fuerunt a *Guilielmo Buldso* Parisiensi, a *Marco Antonio Mureto* Lemovicensi; & Tusca politiori lingua *Joannes Casa* Florent. Archiepiscopus Beneventanus ceteris pure ornatæque dicendi reliquit exemplar (2). In *Iusto Lipsio* Belga, in *Fulvio Ursino* Romano, in *Petro Pithæo* Trecensi habes omnibus liberalis eruditionis ornatum. Quæris historias conscribendi methodum? *Franciscus Guicciardini* Florentinus, *Joseph Acosta* S. J. Hispanus, *Carolus Sigonius* Mutinensis faciem præferent (3). Peroptas in post venustos? Lege

Vir-

(1) Quidam in Philosophia plura phantastica, & rationi dissona commementi, (ut *Cordanus* Mediolanensis ortus anno 1501) licet inter Philosophos clari, silentio sunt omittendi. Idem iudicium ferendum de *Petro Pomponio* Mantuano, qui natus anno 1462. obiit hoc seculo senio confectus, ideoque post annum 1512. quo anno decessisse putat *Morrias*. Auduit *Pomponius* tanquam atheus ob librum de *Immortalitate animæ*; sed ante extremum halitum resipuisse testatur *Helidæus* Forolivienfis ejus discipulus: ac sunt etiam qui scripserunt ejusdem apologiam. Haud secus asserendum de *Petro Aretino* maledico, & impuro scriptore; qui vixit hoc seculo XVI. cujus legitur Latinum, & Italicum Epitaphium.

Cecidit *Arasini* cineres lapis iste sepulchri.

Mercatoris æro qui sale perficulis.

Innotuit Deus est illi, causamque rogatus

Hanc dedit: Ille, inquit, non mihi notus erat.

Italicum vero: Qui giace l'Aretin Poeta Tosco,

Che d' ognun disse mal, fuorchè di Dio,

Scusandosi col dir, Io no 'l conosco.

Non fuit tamen Aretinus auctor libri de *tribus Impossibilibus*; qui liber nuppiam fortassis extitit.

(2) *Joannes Casa* natus est Florentia anno 1503. obiitque Romæ anno 1556. die 14. Novembris 1559. ut ait *Hughellus*.

(3) Viris omnigenam doctrinam adnumerandus *Cassius Ricchius* Rbepetans.

Virgiliانا carmina *Hieronymi Vida* Cremonensis Canonici Regularis, Itala *Torquati Tassi* Bergoinensis, Latina, & vernacula *Actii Sinceri*, seu *Jacobi Sannazarii*, Neapolitani. Geographiam universam tradidit *Abrahamus Ortelius* Philippi II: regis Hispaniarum Cosmographus: Rationem temporum *Joseph Justus Scaliger* Julii Filius Gallus: astronomi ad spectum *Nicolaus Copernicus* Borotissus: Cometarum; stellarumque inerrantium Progymnasmata *Tycha Brahe* Danus: Euclidis Mathesim *Christophorus Clavius* Jesuita Bambergensis: Platonici Philosophiæ *Franciscus Patricius* Venetus: Medicinæ arcana *Hieronymus Mercutialis* Forolivienfis (1). Rerum publicarum politicam *Joannes Bodinus* Andegavensis. Si Jureconsultos quoque clarissimos laudare velimus proferat Italia *Laurentium Campegium*, *Andream Alciatum*, *Joannem Paulum Lancillottum* (2): Hispania *Didacum*, & *Antonium Cavarrevide*; Antonium *Augustinum*; *Franciscum Vargam*; & Gallia *Andream Tiraquestum*; *Barnabam Brissonium*; *Jacobum Cajacium*: Huic Tolosæ, ubi decessit anno 1590. erectum monumentum; in quo legitur,

CVIACI, THEMIDISQUE vides commune sepulcrum;

Conduntur simul hic, qui periire simul:

Hæc exscribentes laudibus ceterorum, qui aut commémorati sunt, aut brevitatis causa prætermissi silentio, nolimus quidquam detrahi (4).

P 3

DE-

Excelluit item in Historia *Potius Jovius* Novocomensis, Episcopus Nuceriensis. De *Polydoro Virgilio* Urbinate, qui Anglicanam scripsit Historiam, & librum de Inventoribus rerum, notum illud Orveni:

Virgillii duo sumus, alter Maro, tu Polydore

Alter: Tu mendax, ille Poeta fuit.

(1) Docuit Pisis annuo 2000. aureorum stipendio.

(2) Non videtur prætermittendus *Guidas Panciroli* Rhegiensis, natus *Georgius Buchanani* Scotus, &c.

(3) Claruerunt hoc quoque Seculo Typographi accuratissimi, *Sebastianus Gryphus*, *Simon de Colines*, & *Henricus Stephanus*: Extat de his Epigr.

Inter vos norunt libros qui cuderet, tres sunt

Infiget: langues cetera turba fano.

Castigas Stephanus, sculpsit Colinans, astrumque

Gryphus edolita mense manuque facit.

Sebastianum patrem Lugduni imitatus est *Antonius Gryphus*. Alterius generis fuit *Joannes Gryphus* Venetus. Laudandi & *Aldi*, *Jolisi*, *Junta*, alii.

Alii floruerunt Seculo XVI. viri percelebres. Inter quos *Joannem Avatus*, in Græcis maxime litteris excelsus, sed quem inveniendi in Nov

DECIMUM SEPTIMUM ECCLESIAE SECVLVM.

CAPUT I.

SECVLI XVII. PONTIFICES MAXIMI.

CONTIGISSE Clementis VIII. obitum anno 1605. diximus præced. Seculi conscribentes historiam capite primo. Post Clementem vero Petri cathedram tenuit *Leo XI. Paulus V. Gregorius XV. Urbanus VIII. Innocentius X. Alexander VII. Clemens IX. Clemens X. Innocentius XI. Alexander VIII. Innocentius XII. Clemens XI.*

CCXXXIV. **LEO XI.** Medicus, vocatus antea Alexander Octavianus, creatus Calend. Apr. anno 1605. quoniam accelerata morte post dies 26. nempe die V. ante Calendas Majas mortem obiit, quæ conceperat animo, cunctique a Viro summa prudentia prædito expectabant, complere non potuit.

CCXXXV. **AT Leonis successor Paulus V.** idest, Camillus Card. Burghesius origine Senensis, electus eodem anno 1605. XVII. Calendas Junias, statim dirimendæ controversiæ de auxiliis applicuit animum. Ob violatam Ecclesiasticam Immunitatem, de qua tamen Senatus Vene-

vere Sacra Biblia universa, insana incendit cupido. Quare etfi natus ad omnes optimos auctores restituendos visus fuerit Scaligero; de eo tamen distichon præfert Hotmannus:

*Ex solido esse prius vulgus, quem credidit auro,
Errorsum auratus, plumbeus intus erat.*

Obiit Parisiis anno 1588. Accedunt *Flaminii* duo: unus Romæ litterarum humaniorum professor, sempiterno somno humi oppressus inter libros, ut narrat de *Infelicitate Litteratorum* Pierius Valerianus. Alter haud vulgaris Poeta, Longolii quoque, Morerii, Menagii, aliorumque elogio celebris; ac primus natione Siculus, alter Italus, & patria Imo-
lensis. Audiit iste tamquam erroribus Protestantium adhærens. In Gal-
liarum lingua clauerunt *Joannes*, & *Clemens Marot* Poetæ, quorum
unus anno 1543. alter anno 1544. naturæ concessit. *Joannes Salmon* eo-
geomipatas *Horatius Gallicus* obiit anno 1555.

Veneros statuta ad Reipublicæ suæ utilitatem sancita anno 1536. servavit, in Venetam ditionem Ecclesiasticum Interdictum anno 1606. die 17. Aprilis promulgavit. Opera Christianissimi regis dissidium, & interdictum sublatum est anno proximo. Ut regem Angliæ Jacobum I. ad Romanæ Ecclesiæ sinum revocaret, ad eum direxit Marcum Antouium de Dominis Ex-Jesuitam, & Archiepiscopum Spalatensem: qui contra hæreticis adhæsit. Plures Nestoriani Chaldæi Ecclesiæ uniti fuerunt anno 1617. Urbem Aquæductibus, Vaticano porticu, aliisque magnificis ædificiis Paulus V. ornavit. Prædictæ controversiæ de auxiliis finem imposuit, indicto utrique parti silentio, & Apostolicæ Sedi reservato iudicio. Impostor quidam se filium Pauli V. appellans, Parisiis affectus est supremo supplicio (1). Studuit Burghesiam gentem honoribus, divitiisque cumulare (2), & obiit XVI. Pontificatus anno, idest, 1621. die 28. Januarii.

CCXXXVI. SUFFECTUS Paulo V. Alexander Ludovisus Bononiensis, electus V. Idus Februarias eodem anno 1621. cui impositum nomen Gregorii XV. Instituta Congregatione de *Propaganda fide*, præscripto Festo SS. Annæ, & Joachim Genitorum B. M. V. bello lacestis hæreticis, compositis circa Volturrenam tractum Rhetix, sive, ut ajunt, Vallem-Telinam dissidiis, atque addita Vaticanæ Bibliothecæ magna librorum copia Bibliothecæ Palatinæ, sibi dono datæ anno 1623. a Maximiliano duce Bavarix, eodem anno 8. die Julii cessit e vita.

CCXXXVII. MAFFEIUS *Barberinus* Florentinus nobili

P 4

gene-

(1) Bartholomæus Lancei Alchimista, de quo in *Amoris, Litteræ, Epigramma*.

Pendeo. Dic, quis sis? Pater est mihi Papa. Quis ille?

Romanus. Quonam nomine? Burghesius.

Qui factum? Me non agnovit. Quid? Neque ergo es?

Immo legitima conjuga Papa caret.

Sed cur conflagras flammis? Id moris habetur,

Ut quem Papa negat noscere, flamma voret.

(2) Emisse fertur Nepotibus dominium Rignani scutis 353000. Civitatis Sulmonis in Regno Neapolitano 140000. Quatuor in Romano Territorio Rura Scutis 700000. Insumpta in ædificio Palatii Burghesii, cujus fundamenta Paulo V. vivente jacta fuerunt, scuta 300000. Dono suis data, non semel, sed viginti vicibus, scuta centum millia. Solus pteus Cardinalis ejus nepotis æstimatus Scutis 600000. Vide *Histoire des Papes* tom. 5. pag. 370. Impendisse in exornanda Mitra septuaginta millia aureorum scribit in Addit. ad Clacconium Oldoinus.

genere natus, (1) poeta in utraque lingua Etrusca, & Latina praeclarus, idem qui in *Argenide* Barclay anagrammatico vocabulo dicitur *Iburrans*, successit Gregorio praedicto anno 1623. VIII. Idus Augusti, nomine sibi collato *Urbani VIII.* Sedit vero annis 21. nempe usque ad annum 1644. quo mors illum rapuit IV. Calendae Augusti. Urbani munificentiae debet Roma moenia Leoninae civitatis, aream templi Vaticani tribunam; (2) Græcos proximæ Bibliothecæ Codices, Collegium de Propagandæ Fide, ampliores Sapientiae ædes, Pontificalis, Breviarii, Ritualis, & Martyrologii emendationem, Arcem in finibus Bononiensium, *Urbaniam* ab ejus nomine dictam, aliaque plura liberalitatis, doctrinae, pietatisque munimenta. In familia sua decoranda Urbanus imitatus est Paulum V. (3) Quum palam, fortassis incaute, de Hispanis obloquutus foret, plures exacerbavit, vulgatusque Hexameter Gentilitio Stemmata alludens,

Mella dabit Gallis, Hispanis spicula figet.

CCXXXVIII. ANNO 1644. XVII. Cal. Octobris inauguratus est Pontifex Jo. Baptista Pamphilus Romanus, appellatus *Innocentius X.* Castrum Invi Rutulorum oppidum, ob eadem Episcopi solo æquavit, sede Aculam, idest Aquipendium translata. Quinque Janzenianæ, proscripsit propositiones; (4) parvaque Religioforum cœnobia Episcopis per Italiam subjecit, suppressitque. Adversus *Pacem* initam Haseburgi in Vvestphalia anno 1648. die 6. Augusti, firmatamque Monasterii die 26. Octobris, inter Imperatorem Ferdinandum & Ludovicum Christianissimum regem, Innocentius edidit

(1) Familiae nomen ortum ex *Barberina* oppidulo, sito in agro Florentino supra collem, Senas versus.

(2) Cum ad Abbatem illam construendam *Urbanus* jussisset confari trabes æneas ablatis ex atrio *Pantheon*, quas nec Vandali, nec Ostrogothi abstulerant; natum vulgare illud effatum, *Quod non fecerunt Barbari, fecere Barberini.* Cedit illud propterea in laudem *Urbani*, non autem in dedecus.

(3) Quamquam *Urbanus* amplissimas ædes Nepotibus edificaverit, eorum duobus, Francisco, & Antonio, cum Purpura redivit summos contulerit, oppida dederit, vetustamque Latii urbem Praenestem; in hoc tamen est magnopere commendandus, quod vita sancto Francisco Maria Urbini duce, dominium illud, necnon Pisauri, Senegalliae, Eugubii, & Montis Feretrani, non suis, sed ditioni Ecclesiasticae addidit.

(4) anno 1653. die 31. Maji.

dit Constitutionem eodem anno VI. Cal. Decembris ; quoniam in illa permittebatur hæreticis liberum religionis suæ exercitium, pluraque illis Ecclesiarum Bona dignitatum titulo in feudum conferebantur. Suprema Innocentio dies fuit septima Januarii anno 1655. (1).

CCXXXIX. PRÆFUIT deinde Romanæ Ecclesiæ Alexander VII. Senensis, idest, Fabius Chisius, creatus præcitato anno 1655. die 7. Aprilis, mortuus anno 1667. die 22. Maji. Egit cum Venetis ut Jesuitas reciperent, quod Senatus indulsit ea conditione, ut publicis processionibus interessent incedentes inter Confratres S. Marci, & S. Theodori. (2) Damnavit rursus propositiones Jansenii *in sensu ab auctore intento*. (3) Vetuit anno 1667. ne Theologi in quæstione de sufficientia attritionis se mutuo proscinderent. Christinam regina Svecorum ejurata hæresi Romanam advenientem debito excepit honore. Exortâ cum Galliarum rege dissidia propter Corsicorum militum licentiam, proprio servato jure composuit. Exornavit Urbem amplissimis beneficiis ; & ipse post obitum magnifico monumento reconditus. Nec ipsi tamen pepercit, fratrique suo Mario Chisio, procacitas obrectatorum. (4)

CCXL. REXIT deinde Ecclesiam Clemens IX. Pistorienfis, electus anno 1667. XII. Calendas Julias vita functus

(1) Orta, Sedente Innocentio X. quæstio de duplici in Ecclesia Capite, plerisque constituentibus unum tantummodo, scilicet Petrum Apostolum, quibusdam vero asserentibus cum Petro fuisse Ecclesiæ Caput etiam Coapostolum ejus Paulum. Verum cum hæc quæstio in partem distraheret eruditorum virorum ingenia, atque per eam impeti videretur dignitas sanctæ Romanæ & Apostolicæ Sedis; prudentia, & solitudine Summi Pontificis Innocentii, anno 1647. composita est, & dirempta.

Aperto post obitum Innocentii corpore a chirurgo Nicolao Larchi, septem aquæ onophora, & unum in capite fuerunt inventa ; in cista autem sellis duo lapides unciarum sex. Pondus aquæ fuit librarum 15.

(2) Videtur ad ignominiam ; nam & rei inter columnas plectuntur, quibus idem est nomen, sive, ut ajunt Veneti, *Tra Marco, e Todoro*.

(3) Proscriptio, & celebris *Formularii* constitutio edita ab Alexandro VII. anno 1656. die 16. Octobris.

(4) Tum Historia Margaritæ Marfiliz, quæ capta a piratis Turcis anno 1521. fuit uxor Solimani, & mater Selimi II. Tum Satirica tabella, cum inscriptione, *Qui Crucifixus est pro nobis*, de qua nesciendum Opus *Tablæau des Papes*, pag. 252.

Ætus anno 1669. (1) V. Idus decembris. Vocabatur antea Julius Cardinalis Rospigliosi. Uti in pauperes liberalissime, ita in suos parcissime se gessit. Exorta inter Janfenianos quæstione de Jure a Facto secernendo, controversias, quæ rursus emerferunt, caute prudenterque sopivit. Judæos ejecit ex urbe. Ludovicum XIV. bellum adversus Hispanos parantem studuit legatione missa pacare. Nimio dolore fertur extinctus, quoniam Veneti, quibus pecunia & milite suppeditaverat auxilia, eodem anno 1669. coacti fuerant Turcis cedere regnum Cretense. Dignus, qui diutius Christianam moderaretur Rempubicam.

CCXLI. ÆMILIUS Altierius Romanus post menses Comitiorum quinque successit Clementi IX. idem nomen elegit, scilicet, *Clementis X.* Hoc sedente, Ludovicus XIV. rex Galliarum anno 1674. *Regaliam* juris esse sui Edicto sancivit; quod pluribus diffidiis aperuit aditum. Lusitano regi, ut Oratorem haberet in Urbe, ut Monarchæ reliqui, primus indulgit. (2) Moscoviæ Regi, qui Romam legatum miserat, ut contra Turcas Christiani Principes fœdus inirent Pontifice suadente, negavit ambitum Cæsaris nomen. Ait Sandinus fuisse Clementem in omnes liberalem, præterquam in nepotes. Verum non habuit Familiæ propriæ nepotes, natis vero e Laura nepte sua dedit cum insignibus, & cognomine proprio paterna bona, ampliores contulit dignitates, ac tres principatus. (3) Obiit anno 1676. die 22. Quintilis.

CCXLII. In locum Clementis X. omnium suffragio substitutus fuit XI. Cal. Octobris Benedictus Odeschaltchi Cremenfis, idest, *Innocentius XI.* hoc quidem nomine ob vitæ probitatem & castimoniam dignissimus. Pro libertate & immunitate Ecclesiastica Apostolicas litteras dedit ad Christianissimum regem anno 1679. & provinciam de hac materia scribendi commisit Christiano Lupo, Viro instituti nostri, Canonum scientissimo. Firmatis anno 1682. a Clero Gallicano quatuor articulis, quibus Concilium Œcumenicum præfertur Papæ, hujusque

(1) Ante obitum *Clemens IX.* in Ecclesiam communionem recepit Episcopos, qui anno 1668. *Formulario* Alexandri VII., quod facere diu detestaverant, subscribere, exhibito exterius obsequio. Firmata pax, quæ vulgo dicitur *Pax Clementis IX.*, proximo anno 1669. promulgata.

(2) Primus Orator, seu Nuntius Lusitanus postquam Lusitania subacta fuit a dominatu Regis Hispaniarum, fuit Comes *De Prado*,

(3) *Hist. des Familles de Rome*, pag. 421.

que auctoritas circumscribitur, iudicium errori non obnoxium elevatur, & in regna temporalia denegatur potestas: suas Cleri Comitii significavit querimonias repetens verba Cant. 1. *Filii matris meae pugnaverunt contra me*: Caroli Henrici Lavardini Legati extraordinem Galliarum sprexit & cohibuit insultus: turpia Molinosii delevit conventicula: morum laxitates perstrinxit: a lasciviori cultu femineum sexum amovit; neque parvo in Ecclesiae commodum relicto thesauro, (1) proximus morti, quæ contigit anno 1689. pridie Idus Augusti, ab Ordinum Mendicantium magistris, ceterisque religiosis viris humillime petiit benedictionem.

CCXLIII. In locum Innocentii XI. substitutus est eodem anno 1689. die 6. Octobris Petrus Octoboni Venerabilis, nomine sibi imposito *Alexandri VIII.* Huic Galliarum Rex reddidit Avenionem. Plures damnavit propositiones ad morum doctrinam spectantes, inter quas peccatum philosophicum, rectæ rationi contrarium, non tamen offensam Dei; quod utique est commentitium, (2) Cleri etiam Gallicani theses proscripsit anno 1690. die 4. Augusti, Ecclesiasticis redditibus Nepotes suos cumulavit. (3) Decessit senex anno 1691. Calendis Februarii.

CCXLIV. ALEXANDRO successor datus est *Innocentius XII.* vocatus antea Antonius *Pignatelli* Archiepiscopus Neapolitanus. Plenissimis suffragiis electus fuit IV. Idus Julius. Beneficentissimus fuit in pauperes; iustitiæ ministris, ne quid acciperent districte mandavit; nulli, nisi digno contulit Ecclesiasticas dignitates, omnia alia, etiam Sanguinis, ratione posthabita. Cum magna esset latronum, & nefariorum hominum copia (nam tempore præcedentis Conclavis occisi fuerant 182.) severitatem legum indixit. Nec nobilissimis matronis ob interdictum ludum alearum pepercit. Clericis comas inhibuit fictitias: Nepotismum eliminavit; concordiam Principum, monachorum disciplinam, Concionatorum exemplarem vitam promovit quammaxime. Ne invidioso Jansenistarum nomine traducatur, qui vel omnes, vel aliquam ex quinque propositionibus Jansenii propugnasse convictus non fuerit, præcepit Brevi edito anno 1694. die 6. Februarii. Aluit in uno hospitio pauperum, quos nepo-

(1) Scutorum quindecim centena millia.

(2) Peccatum Philosophicum damnotum anno 1690

(3) Horum minimo, quem Purpura ornavit, dedit annuos Ecclesiasticos redditus Scutorum LXXX. Millia.

nepotes appellabat, quingentos; ac pro iis fundum statuit scutorum CCCM. Post varium incolunitatis statum, extinctus est, cum omnium morte, anno 1700. V. Calendae Octobris.

CCXLV. EODEM anno 1700. IX. Calendae Decembris ad summi Sacerdotii fastigium euectus fuit *Clementis XI.* Urbinas, vocatus antea Joannes Franciscus Cardinalis Albani. De quo capite 1. proximi seculi.

C A P U T II.

DE SEculi XVII. CONCILIIS, ET QUIBUSDAM
CLERI GALLICANI COMITIIS.

NULLUM Generale Concilium Seculo XVII. novimus celebratum. Provincialia autem, & dioecesisna tere singulis annis alicubi inveniuntur coacta. Quae cum ad reformandam juxta Canones Tridentinos Ecclesiasticam disciplinam fuerint praesertim indicta, necessum non est cuncta singillatim enumerare. Ad errores igitur eliminandos haec tantum celebrata fuisse; Petricoviense in Polonia anno 1607. praeside Bernardo Cardinali Macieviski, adversus Socinianos Arianorum, & Ebionitarum pollutos haeresibus: Parisiense anni 1612. appellatum quoque Senonense, quoniam illi praefuit Cardinalis Peronius Senonensis Episcopus; in quo proscriptus fuit liber Edmundi Richerii *De Ecclesiastica & Politica Potestate*; ea adjecta clausula, *Salvis tamen jurebus Regis, & Ecclesiae Gallicanae*: Ad Aquas Sextias eodem anno, & contra praefatum Richerii librum; & Constantinopolitanum anno 1638. 1642. & 1672. praesidibus Patriarchis Cyrillo, & Dionysio, contra Calvinianam haeresim, eique assentientem Confessionem Fidei a Cyrillo Lucare editam, & proscriptam quoque eodem anno a Dositheo Patriarcha Hierosolymitano.

INTER Synodos itaque ad disciplinam servandam, instaurandamque celebratas, quarum singulas recensere, ut diximus, videtur supervacaneum, connumerantur Florentinae anno 1619. 1637. 1645. 1681. & 1691. quarum primam indixit Archiepiscopus Alexander = Martius Mediceus, secundam ac tertiam Archiep. Petrus Nicolini, quartam Franciscus Nerii, postea S. R. E. Cardinalis, & quintam Jacobus = Antonius Morigia, ad Purpuram item promotus. Luciae anno 1661. Cardinalis Bonvisius, & an. 1681. Julius Cardinalis Spínula Synodos celebra-

lebrarunt. Omittimus Senensem coactam a Francisco Maria Cardinali Tarusio, Sarzanensem a Benedicto Cardinali Lomellino, Montis Falisci a Marco Antonio Card. Barbadico, Mediolanensem a Friderico Cardinali Borromeo, in exemplis litterisque promovenda Ecclesie disciplina, S. Caroli, cujus nepos erat, imitatore vigilantissimo. Quinque saltem Synodos celebravit Viterbii Cardinalis Franciscus Maria Brancacci, triginta quatuor Vincentius Maria Card. Ursinus Ord. Præd. Archiepiscopus Beneventanus, & postea Pontifex maximus. Veliternam Franciscus Card. Barberinus anno 1673. Sublacensem Cardinalis Carolus illius Frater anno proximo, Auximanam Antonius Cardinalis Spinula anno 1677. Neapolitanam Cardinalis Iunicus Caraccioli anno 1680, pro optimo suarum dioeceseon regimine celebrarunt. Atque ita alii per Italiam constituti Episcopi se gesserunt, servantes Tridentini Concilii decreta, & munero fungentes suo. Quasdam vero istarum, aliarumque synodorum definitiones proferam cap. 6. pertractans de seculi XVII. disciplina.

Si EXTRA Italiam vagari velimus, recensenda nobis erunt Concilium Machliniense in Belgio celebratum anno 1607, (1) Narbonense in Galliis anno 1609. Burdigalense anno 1624, de quibus in sua *Notitia Eccles.* prope finem Joannes Cabassutius. Inveniemus in extremis quoque mundi plagis Synodos ad instruendos neophytos; & Christianæ religionis rudimenta tradenda opportune, salubriterque coactas, ac tres præsertim a B. Toribio in civitate Limæ, Americæ meridionalis metropoli, emporioque percelebri, idest, anno 1601. 1602. & 1603. de quibus tom. 4. Conciliorum Hispaniæ Cardinalis de Aguirre.

ETSI vero abstinuimus a commemorandis hæreticorum Conciliis, utpote quæ nil sunt aliud, quam Satanz congregationes; quædam tamen hoc in loco adnotantur, quibus inter densas tenebrarum caligines effulsit aliqua lux veritatis. Nam in Anglia in conventu Ministrorum, qui regem *Ecclesie caput* appellant anno 1603, damnati fuerunt Puritani, de quibus infra. Synodus Calvinistarum Roterodami anno 1621, damnavit Judaicam superstitionem in observantia Festorum. Iidem Calvinistæ Amstelodami anno 1604. Socinianos damnarunt. Huguenoti in Synodo habita in oppido Carentonii anno 1644.

exa-

1520. & regnavit postmodum spatio annorum 46. *Solimanus II.* Huic extincto anno 1566. successit *Selimus II.* qui subitanea morte interijt anno 1574. Imperavit tum *Amurathes III.* usque ad annum 1595. Huic vita functo successit *Mahumethes III.* qui e vivis excessit anno 1603.

INFAUSTA bella Christianis, aliisque hostibus intulere prædicti Turcarum Imperatores. Etenim *Selimus* anno 1516. *Memphim*, quam *Alcairum* dicunt, *Sedem Sultanorum Egypti*, urbesque, & arces finitimas occupavit; subiecit sibi *Damascum*, obsedit *Gazam*, in sui potestatem redactis universa *Syria*, & *Judæa*. *Solimanus* vero anno 1521. expugnavit *Albam Græcam*, idest, *Belgradum*, propugnaculum *Hungariæ*, & *Rhodum* cinxit obsidione: quam insulam proximo anno 1522. cepit post miram defensionem *Equitum S. Joannis*, qui supra annos 212. (2) eandem tenuerant. Per idem temporis *Balsà Ferrat* subegit *Armeniam*, *Cappadociam*, & *Galatiam*. Idem *Solimanus* anno 1526. superavit *Ludovicum* regem *Ungariæ* prælio, quo cum ipso rege occubuerunt XV. millia Christianorum. *Budam* expugnavit anno 1529. *Viennam* diebus 18. frustra obsidione cinxit, amisitque in hac expeditione milites 80000. Irrupit tamen rursus in *Hungariam* anno 1532. cum exercitu armatorum 300000. regnumque illud longe lateque vastavit. Contra *Tamasum Sophim* *Persarum* anno 1534. tetendit, exciditque *Tauresium*, urbem *Persidis* olim amplissimam. *Venetis* anno 1537. eripuit insulam *Corycyram*, multis captivorum millibus *Constantinopolim* abductis. In *Hungariam* iterum irrumpit anno 1541. & 43. atque anno 1551. *Tripolim* in *Africa* invasit. Deleta anno 1560. a *Turcis* *Classis Hispanica*, superiori anno comparata ad *Tripolim* recuperandam: triremes in illa 27. naves onerariæ 14. cum XVIII. millibus armatorum. Atque hæc *Solimano* imperante, a quo tres quoque filii interempti, & *Achomati Bassæ* primario guttur elisum fuit. Regnante *Selimo II.* Bellum *Cyprium* effervuit: capta anno 1570. metropolis *Cypri* *Nicosia*: sequenti anno 1571. ditissima civitas *Famaugusta*, antiquis *Arfinoe*. Illic, violata fide, *Præfecto Veneto* nares aureæque præcisæ & vivo detracta

(1) Occupaverant enim anno 1310.

eta est pellis. (1) Classe tamen a Venetis instaurata, hujusque regimine commisso Joanni Austriaco filio notho Caroli V., Christiani insignem illam victoriam ad Naupactum sinum Corinthiacum [2] prope Echinadas insulas reportarunt, qua trucidati dicuntur XXX. M. Turcarum, captæ CXXX. triremes, præter reliquas partim illis litoribus, partim absumptas flammis, aut fluctibus haustas; liberati vero a captivitate Christianorum XIV. Millia (3). Valachia anno 1574. in Turcarum potestatem venit; & anno insequenti Amurathes Russiam vastavit. Ab ipso Amurathe anno 1582. rebellarunt Tartari. Albani regalem urbem superioris Pannoniæ, vulgo *Stulweissenburg*, anno 1583. Turcæ expugnaverunt: quam urbem Christiani tentantes anno 1593. trucidarunt octo millia Turcarum, ceciditque nostris Novigradum, & Filjecum munitum Hungariæ oppidum. Ibrahim Bassa anno 1600. expugnavit Sanitæ arcem in finibus Hungariæ, & Stiriæ. (4)

AD BELLA modo, quæ Occidentem vexarunt convertitur historica Epitomes. Anno 1507. exortum est bellum inter Maximilianum Imp. & Venetos: anno proximo initum fœdus contra eosd. Venetos, inter ipsum Maximilianum, Ludovicum XII. Galliarum regem, & Julium II. Romanum Pontificem; atque anno 1509. rex Ludovicus Venetos ad Abduam Insubiæ fluvium ingenti clade prostravit, eisque finitimas urbes eripuit. Pugnatum ad Ravennam anno 1512. inter Ludovicum XII. & Julium II. cæsæ Pontificis copię, & civitas capta; sed paulo post restituta advenientibus auxiliariis copiis Helvetiorum. Bellum inter Carolum V. Imp. & Franciscum I. regem Gallię exortum est anno 1522. Franciscus ad Ticinum captus anno 1525., dimissus anno 1526. ubi pervenit in Gallias fœdus iniit adversus Cæsarem cum Venetis, & Clemente VII. Rom. Pontifice. At Roma anno 1527. ab Exercitu Caroli V. capta, & direpta fuit anno 1581. posteaquam Pontifica-

Tom. II.

P

tum

(1) *Brigadinus*, de quo Thucydus libro Histor. 49.

(2) Vulgo sinus *Lepanti*, & insula *Corugari* maris Jonii.

(3) Additum tunc Litaniis, *Auxilium Christianorum*, & celebratum Festum S. Mariæ de victoria die 7. Octobris.

(4) Prætermisimus immane monstrum, coram gerens in capite, oculum in mento, alas pro brachiis, rapacium ferarum ungues in pede, figuram crucis in pectore, natum Ravennæ anno 1511. Pestilentiam, qua Tornaci consumpta sunt 34000. hominum anno 1514.

tum gerente Sergio II. vastata fuerat a Saracenis: Quod contigit anno 846. (1). Dux militum Carolus Borbonius muros civitatis Leoninæ ascendens occisus fuit, eique suffectus Philibertus Princeps Arausicanus. Pontifex captus 6. Junii post menses septem mutata veste Urbem Veterem contigit. (2) Anno autem 1529. amicitia cum Carolo V. reintegrata, Italis pax affulsit, rediit Florentiam Alexander Medices Clementis pronepos, anno 1531. Florentinorum Dux constitutus. Anno autem 1535. Carolus V. trajiciens in Africam expugnavit Tunetem, regemque Muleassem, ejectum a Turcis, regno restituit, sibi que reddidit vestigalem. In Africam anno 1541. idem Carolus V. cum magno exercitu trajiciens Algeriam, olim Juliani Cæsaream Mauritanie, appulit; sed classe tempestatibus jactata rediit re infecta, dicens malle se unum Christianum servare, quam perdere mille Mauros (3). Mauritius elector Saxonie anno 1550. Magdeburgum obsedit: anno 1552. cum Carolo V. gessit bellum; & anno 1553. pugnans adversus Albertum Brandenburgicum accepto vulnere interiit. Inchoatum est anno 1567. bellum Belgicum, quod perduravit circa annos 41. Classis Hispanicorum anno 1588. partim ab Anglis, partim tempestatibus disjecta fuit, ac dissoluta.

BELLORUM incursionibus addenda sunt fata Principum. Annam Bolenam, & Mariam Scotorum reginam securi percussas, & Ludovicum Hungarie regem interfectum in bello, narravimus supra. Elisum guttur an-

no

(1) In ea Urbis direptione *Christophorus Marcellus* Venetus, electus Archiepiscopus Coryrensis, eloquentissimus piissimusque Scriptor, ut demonstrant illius *Exercitationes* in Psalmos editæ in lucem Romanis typis anno 1535., maximis affectibus contumeliis, & ad arborem alligatus fuit, obiitque ex animi tristitia, corporis afflictatione, aerisque inclementia prope Cajetam: dignus sane, quem Pierius Valerianus inferebat priori libro de *Litteratorum infelicitate*.

(2) Colligitur ex hoc quoque *Breviario* Romæ sexies ab hostibus fuisse direptam, ut Historici tradunt complures. Contigit id itaque

I. Sedente *Innocentio I.* anno 410.

II. Sedente *Leone Magno* anno 455.

III. Sedente *Vigilio* anno 546.

IV. Sedente *Staphano II.* anno 755.

V. Sedente *Sergio II.* anno 846.

VI. Sedente *Clemente VII.* anno 1527.

Quis vero in Urbem singulis hisce annis hostili irruerit incursione, propriis in locis adnotavimus.

(3) Anno 1546. inchoatum a Carolo V. bellum Smakadicum adversus Proteſtantes.

no 1517. Alphonso Cardinali Petrutio, infidias contra Pontificem molienti. Christernus rex Daniz cum optima conjuge Elisabetha Caroli V. Sorore, anno 1523. a patruo suo Friderico dejectus regno, & fugere coactus fuit. Henricus II. rex Galliarum obiit anno 1559. ex vulnere accepto in equestri ludo; & Henricus III. anno 1589. inflicto vulnere a Jacobo Clemente. Henricus Stuartus Scotorum rex, ut diximus, a Bothuelo anno 1567. necatus est dormiens: Carolus Hispaniarum princeps frequenti anno 1568. jubente Philippo Patre, ut fertur, extinctus veneno; & rex Poloniz Philippus, qui anno 1594. declaratus fuerat rex Sveciz præstito juramento non mutandi religionem, anno 1599. ob violatum jusjurandum regno prædicto Svecorum excidit.

Non unam, sed plures calamitates senserunt Pisani, qui anno 1509. fame compulsi, & a sociis derelicti dederunt se Florentinis: Galliz, & Navarræ regna anno 1512. subiecta fuerunt *Interdicto*, & hujus occasione irruptionibus hostium: (1) Constantinopolitana civitas, orta, ob indictum novum tributum, seditione, ubi facto incendio consumpta est magna pars urbis, domorum nempe quindecim millia, septem templa & hospitalia viginti-quinque. Saxones demum, inter quos anno 1598. pestilentia desæviit.

INSTITUTE hoc Seculo permultæ Academiz, ut in Galliis anno 1564. *Vesuntina* a Ferdinando I. Imp. In Germania *Vittembetgensis* anno 1502. *Argentoratensis* anno 1538. ac *Trevirensis* anno 1558. In Hispania *Complutensis* (1) anno 1517. a Francisco Card. Ximeno, & *Granatensis* anno 1537. a Carolo V. Imperatore. In Belgio *Duacensis* a Philippo II. rege Hispaniz anno 1562. & *Lugduni Batarorum* (3) ab Ordinibus Hollandiz anno 1575. In Polonia *Elbingensis* anno 1542. & *Regiomontana* anno 1544. ab Alberto Borussiz (4) Duce. In America quoque *Mexicana* anno 1551. a Carolo V. S. *Dominici* anno 1558. & *Quitensis* Peruana anno 1586. a Philippo II. Hispaniarum rege.

P 2

NON

(1) Tornaci anno 1514. triginta quatuor millia hominum sæva pestis absumpsit. Proximo anno 1515. maximam, & inauditam exundationem aquarum Chronica commemorant Germanorum.

(2) Alcalá.

(3) Leyden.

(4) Prussiz.

Non eam modo provinciam assumo Viros litteris ornatos celebresque cunctos commemorandi (1). Quis enim eloquentior, & de latina lingua magis benemeritus Purpuratis Patribus *Petro Bembo* Veneto, & *Jacobo Sadolae* Mutinensi? Quis orationis copia, & delectu eruditionis uberior, *Petro Victorio* Florentino, *Latino Latinito* Viterbiensi, *Adriano Turnebo* Normanno, *Raphaelo Volaterrano*, *Nobilis* Lucensi? Quis litterarum humaniorum libros illustravit melioribus notis, *Dionysio Lambino* Gallo, *Georgio Fabricio* Germano, *Paulo Manutio* Veneto? Si quis deambulet pulcherrima Sapientum Viridaria, plures mirabitur in omnium scientiarum genere fata ibidem sua coluisse. Elegantissimæ, plurimæque orationes elaboratæ fuerunt a *Gulielmo Buldeo* Parisiensi, a *Marco Antonio Mureto* Lemovicensi; & Tusca politiori lingua *Joannes Casa* Florent. Archiepiscopus Beneventanus ceteris pure ornateque dicendi reliquit exemplar (2). In *Iusto Lipsio* Belga, in *Fulvio Ursino* Romano, in *Petro Pithæo* Trecenti habes omnibus liberalis eruditionis ornatum. Quæris historias conscribendi methodum? *Franciscus Guicciardini* Florentinus, *Joseph Acosta* S. J. Hispanus, *Carolus Sigonius* Mutinensis faciem præferent (3). Peroptas in poasi venustos? Lega

Vir-

(1) Quidam in Philosophia plura phantastica, & rationi dissona commenti, (ut *Cordanus* Mediolanensis ortus anno 1501) licet inter Philosophos clari, silentio sunt omittendi. Idem iudicium fereendum de *Petro Pomponatio* Mantuano, qui natus anno 1462. obiit hoc seculo senio confectus, ideoque post annum 1512. quo anno decessisse putat *Morerius*. Audiit *Pomponatius* tanquam atheus ob librum de *Immortalitate animæ*; sed ante extremum halitum resipuisse testatur *Helidæus* Forlivienfis ejus discipulus; ac sunt etiam, qui scripserunt ejusdem apologiam. Haud secus asserendum de *Petro Aretino* maledico, & impuro scriptore, qui vixit hoc seculo XVI. cujus legitur Latinum, & Italicum Epitaphium. Latinum quidem,

Conditi Aretini cineres lapis iste sequitur,

Morsales atro qui sale perfricuit.

Intactus Deus est illi, causamque rogatus

Hanc dedit: Ille, inquit, non mihi notus erat.

Italicum vero: „Qui giace l'Aretin Poeta Tolco,

„Che d'ognun disse mal, fuorchè di Dio,

„Scusandosi col dir, io no 'l conosco.

Non fuit tamen Aretinus auctor libri de *tribus Impossibilibus*; qui liber nuppiam fortassis extitit.

(2) *Joannis Casa* natus est Florentia anno 1503. obiitque Roma anno 1556. die 14. Novembris 1559. ut ait *Hughellus*.

(3) Viris omnigenam doctrinam adnumerandos *Cajus Ricchardus* Rodeptanus.

Virgiliانا carmina *Hieronymi* Vide Cremonensis Cañonicū Regularis, Itala *Torghati Tassi* Bergomenis, Latina, & vernacula *Actii Sinceri*, seu *Jacobi Sannazarii*, Neapolitani. Geographiam universam tradidit *Abrahamus Ortelius* Philippi II. regis Hispaniarum Cosmographus: Rationem temporum *Joseph Justus Scaliger* Julii Filius Gallus: astorum adspēctum *Nicolaus Copernicus* Borolussus: Cometa- rum; stellarumque inerrantium Progymnasinata *Tycho Brahe* Danus: Euclidis Mathesim *Christophorus Clavius* Jesuita Bambergensis: Platoniam Philosophiam *Franciscus Patri- cius* Venetus: Medicinæ arcana *Hieronymus Mercutialis* Forolivienſis (1). Rerum publicarum politicam *Joannes Bodinus* Andegavenſis. Si Jureconsultos quoque clarissimos laudare velimus proſert Italia *Laurentium Campegium*, *Andream Alciatum*, *Joannem Paulum Lancillottum* (2): Hi- ſpacia *Didacum*, & *Antonium Covarrivias*; Antonium *Au- gustinum*, *Franciscum Vazgari*; & Gallia *Andream Tira- queſtum*, *Barnabam Brissonium*; *Jacobum Cajacium*: Huic Tolosa, ubi decessit anno 1590. erectum monumentum; in quo legitur,

CVIACI; THEMIDISQUE *vides commune se- pulcrum;*

Conduntur simul hic, qui periire simul:

Hæc exscribentes laudibus ceterorum, qui aut cōmémora- ti sunt, aut brevitatis causa prætermiſſi ſilentio; nolui- mus quidquam detrāhi (4).

P 3

DE-

Excelluit item in Historia *Pabluſ Jovius* Novocomenſis, Episcopus Nucernus. De *Polydoro Virgilio* Urbinatē, qui Anglicanam scripsit His- toriam, & librum de Inventoribus rerum, notum illud Orvenſi:

Virgili duo sunt, alter Maro, tu Polydore

Alter: Tu monas, ille Poeta fuit.

(1) Docuit Pisis annuo 3000. aureorum stipendio.

(2) Non videtur prætermittendus *Guidas Panciroli* Rhegiensis, nos- que *Georgius Buchanani* Scotus, &c.

(3) Claruerunt hoc quoque Seculo Typographi accuratissimi, *Seba- stianus Gryphus*, *Simeon de Colines*, & *Henricus Stephanus*: Extat de his Epigr.

Inter tos notant liberos qui eudere, tres sunt

Inſignes: langues cetera turba ſome.

Castigas Stephanus, ſculpis Colines, utrumque

Gryphus doctis mense manuque facit.

Sebastianum patrem Lugduni imitatus est Antonius Gryphus. Alter- rius generis fuit *Joannes Gryphus* Venetus. Laudandi & *Aldi*, *Jolſti*, *Junta*, alii.

Alii floruerunt Seculo XVI. viri percelebres. Inter quos *Joannes Au- ratus*, in Græciæ maxime litteris excultus, sed quem invenendi in Mo-

DECIMUM SEPTIMUM
ECCLESIAE
SECVLVM.
CAPUT I.

SECVLI XVII. PONTIFICES MAXIMI.

CONTIGISSE Clementis VIII. obitum anno 1605. diximus præced. Seculi conscribentes historiam capite primo. Post Clementem verò Petri cathedram tenuit *Leo XI. Paulus V. Gregorius XV. Urbanus VIII. Innocentius X. Alexander VII. Clemens IX. Clemens X. Innocentius XI. Alexander VIII. Innocentius XII. Clemens XI.*

CCXXXIV. *LEO XI. Mediceus, vocatus antea Alexander Ostavianus, creatus Calend. Apr. anno 1605, quoniam accelerata morte post dies 26. nempe die V. ante Calendas Majas mortem obiit, quæ conceperat animo, cunctique a Viro summa prudentia prædito expectabant, complere non potuit.*

CCXXXV. *AT Leonis successor Paulus V. idest, Camillus Card. Burghesius origine Senensis, electus eodem anno 1605. XVII. Calendas Junias, statim dirimendæ controversiæ de auxiliis applicuit animum. Ob violatam Ecclesiasticam Immunitatem, de qua tamen Senatus Vene-*

vero Sacra Biblia universa, insana incendit cupido. Quare et si natus ad omnes optimos auctores restituendos visus fuerit Scaligero; de eo tamen distichon profert Hotmannus:

*Ex solido esse prius vulgus, quem credidit auro,
Extorsum auratus, plumbeus intus erat.*

Obiit Parisiis anno 1588. Accedunt *Flaminii* duo: unus Romæ litterarum humaniorum professor, sempiterno somno humi oppressus inter libros, ut narrat *de Infelicitate Litteratorum* Pierius Valerianus. Alter baud vulgaris Poeta, Longolii quoque, Morerii, Menagii, aliorumque elogio celebris; æ primus natione Siculus, alter Italus, & patria Imolensis. Audiit iste tamquam erroribus Protestantium adhaerens. In Gallicarum lingua clauerunt *Joannes, & Clemens Maro* Poetæ, quorum unus anno 1523. alter anno 1544. naturæ concessit, *Joannes Salmon* geometristas *Henricus Gallicus* obiit anno 1555.

Venetis statuta ad Reipublicæ suæ utilitatem sancita anno 1536. servavit, in Venetam ditionem Ecclesiasticum Interdictum anno 1606. die 17. Aprilis promulgavit. Opera Christianissimi regis diffidium, & interdictum sublatum est anno proximo. Ut regem Angliæ Jacobum I. ad Romanæ Ecclesiæ sinum revocaret, ad eum direxit Marcum Antonium de Dominis Ex-Jesuitam, & Archiepiscopum Spalatensem: qui contra hæreticis adhæsit. Plures Nestoriani Chaldæi Ecclesiæ uniti fuerunt anno 1617. Urbem Aquæductibus, Vaticano porticu, aliisque magnificis ædificiis Paulus V. ornavit. Prædictæ controversiæ de auxiliis finem imposuit, indicto utrique parti silentio, & Apostolicæ Sedi reservato iudicio. Impostor quidam se filium Pauli V. appellans, Parisiis affectus est supremo supplicio (1). Studuit Burghesiam gentem honoribus, divitiisque cumulare (2), & obiit XVI. Pontificatus anno, idest, 1621. die 28. Januarii.

CCXXXVI. SUFFECTUS Paulo V. Alexander Ludovisus Bononiensis, electus V. Idus Februarias eodem anno 1621. cui impositum nomen *Gregorii XV.* Instituta Congregatione de *Propaganda fide*, præscripto Festo SS. Annæ, & Joachim Genitorum B. M. V. bello laceffitit hæreticis, compositis circa Volturrenam tractum Rhetix, sive, ut ajunt, Vallem-Telinam diffidiis, atque addita Vaticanæ Bibliothecæ magna librorum copia Bibliothecæ Palatinæ, sibi dono datæ anno 1623. a Maximiliano duce Bavarix, eodem anno 8. die Julii cessit e vita.

CCXXXVII. MAFFEIUS *Barberinus* Florentiæ nobili
P 4 gene-

(1) Bartholomæus Lancei Alchimista, de quo in *Amanis. Litter. Epigramma.*

Pendeo. Dic, quis sis? Pater est mihi Papa. Quis ille?

Romanus. Quonam nomine? Burghesius.

Qui festum? Me non agnovit. Quid? Noctus ergo es?

Immo legitima conjuga Papa coras.

Sed cur conflagras flammis? Id moris habetur,

Ut quem Papa negat noscere, flamma vorat.

(2) Emisse fertur Nepotibus dominium Rignani scutis 353000. Civitatis Sulmonis in Regno Neapolitano 140000. Quatuor in Romano Territorio Rura scutis 700000. Insupta in edificio Palatii Burghesii, cujus fundamenta Paulo V. vivente iacta fuerunt, scuta 300000. Dono suis data, non semel, sed viginti vicibus, scuta centum millia. Solus pteus Cardinalis ejus nepotis ultimatus scutis 600000. Vide *Histoire des Papes* tom. 5. pag. 170. Impendisse in exornanda Mitra septuaginta millia aurosum scribit in Addit. ad Claeonium Oldoinus.

genere natus, (1) poeta in utraque lingua Etrusca, & Latina præclarus, idem qui in *Argenide* Barclay anagrammatico vocabulo dicitur *Iburranes*, successit Gregorio prædicto anno 1623. VIII. Idus Augusti, nomine sibi collato *Urbani VIII.* Sedit vero annis 21. nempe usque ad annum 1644. quo mors illum rapuit IV. Calendâs Augusti. Urbani munificentia debet Roma moenia Leonina civitatis, æream templi Vaticani tribunam; (2) Græcos proximæ Bibliothecæ Codices, Collegium de Propaganda Fide, ampliores Sapientia ædes, Pontificalis, Breviarii, Ritualis, & Martyrologii emendationem, Arcem in finibus Bononiensium, *Urbaniam* ab ejus nomine dictam, aliaque plura liberalitatis, doctrinæ, pietatisque munimenta. In familia sua decoranda Urbanus imitatus est Paulum V. (3) Quum palam, fortassis incaute, de Hispani obloquutus foret, plures exacerbavit, vulgarisque Hexameter Gentilitio Stemmati alludens,

Mella dabit Gallis, Hispanis spicula figet.

CCXXXVIII. ANNO 1644. XVII. Cal. Octobris inauguratus est Pontifex Jo. Baptista Pamphilus Romanus, appellatus *Innocentius X.* Castrum Invi Rutulorum oppidum, ob eadem Episcopi solo æquavit, sede Aculam, idest Aqipendium translata. Quinque Jansenianas, proscripsit propositiones; (4) parvaque Religiosorum cœnobîa Episcopis per Italiam subjecit, suppressitque. Adversus *Pacem* initam Haseburgi in Vveitphalia anno 1648. die 6. Augusti, firmatamque Monasterii die 26. Octobris, inter Imperatorem Ferdinandum & Ludovicum Christianissimum regem, Innocentius edidit

(1) Familii nomen ortum ex *Barberina* oppidulo, sito in agro Florentino supra collem, Senas versus.

(2) Cum ad Abbatem illam construendam *Urbanus* jussisset construi trabes æneas ablatas ex atrio *Pantheon*, quas nec Vandali, nec Ostrogothi abstulerant; natum vulgare illud effatum, *Quod non fecerunt Barberi, fecere Barberini*. Cedit illud propterea in laudem *Urbani*, non autem in dedecus.

(3) Quamquam *Urbanus* amplissimas ædes Nepotibus edificaverit, eorum duobus, Francisco, & Antonio, cum Purpura reditus summos contulerit, oppida dederit, vetustamque Latii urbem Prænestam; in hoc tamen est magnopere commendandus, quod vita sancto Francisco Mariæ Urbini duce, dominium illud, necnon Pisauri, Senogallii, Eugubii, & Montis Feretrani, non suis, sed ditioni Ecclesiasticæ addidit.

(4) anno 1653. die 31. Maji.

dit Constitutionem eodem anno VI. Cal. Decembris ; quoniam in illa permittebatur hæreticis liberum religionis suæ exercitium, pluraque illis Ecclesiarum Bona dignitatum titulo in feudum conferebantur. Suprema Innocentio dies fuit septima Januarii anno 1655. (1).

CCXXXIX. PRÆFUIT deinde Romanæ Ecclesiæ Alexander VII. Senensis, idest, Fabius Chisius, creatus præcitato anno 1655. die 7. Aprilis, mortuus anno 1667. die 22. Maji. Egit cum Venetis ut Jesuitas reciperent, quod Senatus indulsit ea conditione, ut publicis processionibus interessent incedentes inter Confratres S. Marci, & S. Theodori. (2) Damnavit rursus propositiones Jansenii in sensu ab auctore intento. (3) Vetuit anno 1667. ne Theologi in quaestione de sufficientia attritionis se mutuo præscederent. Christinam regina Svecorum ejurata hæresi Romanam advenientem debito exceptit honore. Exortâ cum Galliarum rege dissidia propter Corsicorum militum licentiam, proprio servato jure composuit. Exornavit Urbem amplissimis beneficiis ; & ipse post obitum magnifico monumento reconditus. Nec ipsi tamen pepercit, fratrique suo Mario Chisso, procacitas obrectatorum. (4)

CCXL. REXIT deinde Ecclesiam Clemens IX. Pistoriensis, electus anno 1667. XII. Calendas Julias vita functus

(1) Orta, Sedente Innocentio X. quaestio de duplici in Ecclesia Capite, plerisque constitutentibus unum tantummodo, scilicet Petrum Apostolum, quibusdam vero afferentibus cum Petro fuisse Ecclesiam Caput etiam Coapostolum ejus Paulum. Verum cum hæc quaestio in partes distraheret eruditiorum virorum ingenia, atque per eam impeti videretur dignitas sanctæ Romanæ & Apostolicæ Sedis; prudentia, & solitudine Summi Pontificis Innocentii, anno 1647. composita est, & disceptata.

Aperto post obitum Innocentii corpore a chirurgo Nicolao Larchi, septem aquæ anophora, & unum in capite fuerunt inventa ; in cista autem fessis duo lapides unciarum sex. Pondus aquæ fuit librarum 15.

(2) Videtur ad ignominiam ; nam & ret inter columnas plectuntur, quibus idem est nomen, sive, ut ajunt Veneti, *Tra Marco, e Todoro*.

(3) Proscriptio, & celebris *Formularii* constitutio edita ab Alexandro VII. anno 1656. die 16. Octobris.

(4) Tum Historia Margaritæ Marfilis, quæ capta a piratis Turcis anno 1524. fuit uxor Solimani, & mater Selimi II. Tum Satirica tabella, cum inscriptione, *Qui Crucifixus est pro nobis*, de qua nefandum Optus *Tableau des Papes*, pag. 152.

Ætus anno 1669. (1) V. Idus decembris. Vocabatur antea Julius Cardinalis Rospigliosi. Uti in pauperes liberalissime, ita in suos parcissime se gessit. Exorta inter Janfenianos quæstione de Jure a Facto secernendo, controversias, quæ rursus emerferunt, caute prudenterque sopivit. Judæos ejecit ex urbe. Ludovicum XIV. bellum adversus Hispanos parantem studuit legatione missa pacare. Nimio dolore fertur extinctus, quoniam Veneti, quibus pecunia & milite suppeditaverat auxilia, eodem anno 1669. coacti fuerant Turcis cedere regnum Cretense. Dignus, qui diutius Christianam moderaretur Rempubicam.

CCXLI. ÆMILIUS Altierius Romanus post menses Comitiorum quinque successit Clementi IX. idem nomen elegit, scilicet, *Clementis X.* Hoc sedente, Ludovicus XIV. rex Galliarum anno 1674. *Regaliam* juris esse sui Edicto sancivit; quod pluribus diffidiis aperuit aditum. Lusitano regi, ut Oratorem haberet in Urbe, ut Monarchæ reliqui, primus indulsit. (2) Moscoviæ Regi, qui Romam legatum miserat, ut contra Turcas Christiani Principes scædus inirent Pontifice suadente, negavit ambitum Cæsaris nomen. Ait Sandinus fuisse Clementem in omnes liberalem, præterquam in nepotes. Verum non habuit Familiæ propriæ nepotes, natis vero e Laura nepte sua dedit cum insignibus, & cognomine proprio paterna bona, ampliores contulit dignitates, ac tres principatus. (3) Obiit anno 1676. die 22. Quinctilis.

CCXLII. In locum Clementis X. omnium suffragio substitutus fuit XI. Cal. Octobris Benedictus Odescalchi Cremenfis, idest, *Innocentius XI.* hoc quidem nomine ob vitæ probitatem & castimoniam dignissimus. Pro libertate & immunitate Ecclesiastica Apostolicas litteras dedit ad Christianissimum regem anno 1679. & provinciam de hac materia scribendi commisit Christiano Lupo, Viro instituti nostri, Canonum scientissimo. Firmatis anno 1682. a Clero Gallicano quatuor articulis, quibus Concilium Œcumenicum præfertur Papæ, hujusque

(1) Ante obitum *Clemens IX.* in Ecclesiæ communionem recepit Episcopos, qui anno 1668. *Formulario* Alexandri VII., quod facere diu detrectaverant. subscribere, exhibito exterius obsequio. Firmata pax, quæ vulgo dicitur *Pax Clementis IX.*, proximo anno 1669. promulgata.

(2) Primus Orator, seu Nuntius Lusitanus postquam Lusitania subacta fuit a dominatu Regis Hispaniarum, fuit Comes *De Prado*.

(3) *Hist. des Papes de Rome*, pag. 421.

que auctoritas circumscribitur, iudicium errori non obnoxium elevatur, & in regna temporalia denegatur potestas: suas Cleri Comitibus significavit querimonias repetens verba Cant. 1. *Filii matris meae pugnaverunt contra me*: Caroli Henrici Lavardini Legati extraordinem Galliarum sprexit & cohibuit insultus: turpia Molinosii delevit conventicula: morum laxitates perstrinxit: a lasciviori cultu femineum sexum amovit; neque parvo in Ecclesiæ commodum relicto thesauro, (1) proximus morti, quæ contigit anno 1689. pridie Idus Augusti, ab Ordinum Mendicantium magistris, ceterisque religiosis viris humillime petiit benedictionem.

CCXLIII. IN locum Innocentii XI. substitutus est eodem anno 1689. die 6. Octobris Petrus Octoboni Veneratus, nomine sibi imposito *Alexandri VIII.* Huic Galliarum Rex reddidit Avenionem. Plures damnavit propositiones ad morum doctrinam spectantes, inter quas peccatum philosophicum, rectæ rationi contrarium, non tamen offensam Dei; quod utique est commentitium, (2) Cleri etiam Gallicani theses proscripsit anno 1690. die 4. Augusti. Ecclesiasticis redditibus Nepotes suos cumulavit. (3) Decessit senex anno 1691. Calendis Februarii.

CCXLIV. ALEXANDRO successor datus est *Innocentius XII.* vocatus antea Antonius *Pignatelli* Archiepiscopus Neapolitanus. Plenissimis suffragiis electus fuit IV. Idus Julias. Beneficentissimus fuit in pauperes; iustitiæ ministris, ne quid acciperent districtè mandavit; nulli, nisi digno contulit Ecclesiasticas dignitates, omnia alia, etiam Sanguinis, ratione posthabita. Cum magna esset latronum, & nefariorum hominum copia (nam tempore præcedentis Conclavis occisi fuerant 182.) severitatem legum indixit. Nec nobilissimis matronis ob interdictum ludum alearum pepercit. Clericis comas inhibuit fictitias: Nepotismum eliminavit; concordiam Principum, monachorum disciplinam, Concionatorum exemplarem vitam promovit quammaxime. Ne invidioso Jansenistarum nomine traducatur, qui vel omnes, vel aliquam ex quinque propositionibus Jansenii propugnasse convictus non fuerit, præcepit Brevi edito anno 1694. die 6. Februarii. Aluit in uno hospitio pauperum, quos nepo-

(1) Scutorum quindecim centena millia.

(2) Peccatum *Philosophicum* damnatum anno 1690

(3) Horum minimo, quem Purpura ornavit, dedit annuos Ecclesiasticos redditus Scutorum LXXX. Millia.

lebrarunt. Omittimus Benenfem coactam a Francisco Maria Cardinali Tarufio, Sarzanensem a Benedictho Cardinali Lomellino, Montis Falifei a Marco Antonio Card. Barbadico, Mediolanensem a Friderico Cardinali Borromæo, in exemplis litterisque promovenda Ecclesiæ disciplina, S. Caroli, cujus nepos erat, imitatore vigilantissimo. Quinque saltem Synodos celebravit Viterbii Cardinalis Franciscus Maria Brancacci, triginta quatuor Vincentius Maria Card. Ursinus Ord. Præd. Archiepiscopus Beneventanus, & postea Pontifex maximus. Veliternam Franciscus Card. Barberinus anno 1673, Sublacensem Cardinalis Carolus illius Frater anno proximo, Auximanam Antonius Cardinalis Spinula anno 1677. Neapolitanam Cardinalis Junicus Caraccioli anno 1680, pro optimo suarum dioeceseon regimine celebrarunt. Atque ita alii per Italiam constituti Episcopi se gesserunt, servantes Tridentini Concilii decreta, & munero fungentes suo. Quasdam vero istarum, aliarumque synodorum definitiones proferam cap. 6. pertractans de seculi XVII. disciplina.

Si EXTRA Italiam vagari velimus, recensenda nobis erunt Concilium Machliniense in Belgio celebratum anno 1607, (1) Narbonense in Galliis anno 1609. Burdigalense anno 1624, de quibus in sua *Notitia Eccles.* prope finem Joannes Cabassutius. Inveniemus in extremis quoque mundi plagis Synodos ad instruendos neophytos, & Christianæ religionis rudimenta tradenda opportune, salubriterque coactas, ac tres præsertim a B. Toribio in civitate Limæ, Americæ meridionalis metropoli, emporioque percelebri, idest, anno 1601. 1602. & 1603. de quibus tom. 4. Conciliorum Hispaniæ Cardinalis de Aguirre.

ETSI vero abstinuimus a commemorandis hæreticorum Conciliis, utpote quæ nil sunt aliud, quam Satanz congregationes; quædam tamen hoc in loco adnotantur, quibus inter densas tenebrarum caligines effulsit aliqua lux veritatis. Nam in Anglia in conventu Ministrorum, qui regem *Ecclesiæ caput* appellant anno 1603, damnati fuerunt Puritani, de quibus infra. Synodus Calvinistarum Roterodami anno 1621, damnavit Judaicam superstitionem in observantia Festorum. Idem Calvinistæ Amstelodami anno 1604. Socinianos damnarunt. Huguenoti in Synodo habita in oppido Carentonii anno 1644.

exa-

exagitare ceperunt Calvinianam prædestinationem ad malum, opera præsertim Benjamin Basnage. Fuerant tamen Arminiani, qui prædestinationem illam rejiciunt, & declinant ad Pelagianos, anno 1618. in Synodo Dordracensi rejecti atque oppressi a Gomaristis. Nomen hi trahunt a Francisco Gomaro, strenuo Jacobi Arminii adversario. Disceptantibus insuper Joanne Hoornbeek & Joanne Coccejo circa tertium præceptum Decalogi, pro hujus observatione Calviniani anno 1657. Synodum habuerunt Condomi. (1) Amstelodami aliam Synodum, congregarunt anno 1690. contra asserentes non posse Magistratus vim adhibere ad hæreses, & ad Gentium eliminandas superstitiones. Quod mirum est, iidem Calvinistæ in Synodo Carontonii anno 1631. aliisque, statuerunt communionem servandam cum Protestantibus Confessionis Augustanæ; quamvis illi præfracte negent, & isti propugnent præsentiam Dominici Corporis in Eucharistia.

ADDAMUS nonnulla de Cleri Gallicani Comitibus, quæ Nationalibus Synodis æquiparantur. Antonii Arnaldi librum de frequenti Communione, ubi in lucem prodit anno 1643. suffragiis 24. Doctorum, XVI. Episcopi approbarunt, quod & anno 1645. fecerunt Comititia Auxitana Aquitanix, Metropoli, & decem Episcopis assidentibus. Reprobavit tamen librum illum anno 1648. Synodus Vesuntina, ut referunt ad eundem annum Acta Auditorum Lipsiæ. Comititia Luparæ (Regium est Gallix Palatium) anno 1654. egerunt contentiose de *Augustino* Jansenii, quem postea proscripsere; atque ad Episcopos officiosas litteras dedit Innocentius X. eodem anno, die 27. Sept. quas Litteras in aliis Comitibus sequentis anni 1655. gratanter exceptas, ad omnes Galliarum Ecclesias transmitti curarunt. Horum Comitiorum acta confirmarunt Generalia Comititia Parisiis anno 1656. celebrata: in quibus exhibitum, probatumque *Formularium*, quo obedientia præstatur Constitutioni prælaudati Innocentii X. lata anno 1653. die 13. Martii, atque in proprio, & intento ab Auctore sensu damnantur quinque propositiones Jansenii. In Comitibus anni 1657. recepta fuit Bulla Alexandri VII. emanata superiori anno 1656. die 16. Octobris, qua Prædecessorum Pontificum adversus Jansenium Constitutiones confirmantur

tur & roborantur. De extinguendis omnino Janſenianis erroribus actum rursus in Comitiiis anni 1663. De coactis Cleri Gallicani Comitiiis anno 1682. & de articulis ibidem definitis, controversis tamen, rejectisque a Theologis Romanensibus pugnantibus pro ampliori Sedis Apostolicæ potestate, diximus præcedenti capite in *Innocentio XI.*

C A P U T III.

HÆRESSES, ERRORESQUE SEculi XVII.

EX quo in Angliam elapſo Seculo irrupit turbulenta hæreseon illuvio, famosa evasit secta *Puritanorum*, seu *Presbyterianorum*, quam scissi in partes Anglicani Ministri anno 1603. & 1610. acerrime insectabantur. At celebrem naſta est propugnatorum *Guilelmum Amesium*, qui cœpit anno 1622. Franequeræ docere Theologiam, *Davidem Blondellum* Cabilonensem, qui librum inscriptum, *Apologia pro sententia Hieronymi de Episcopis & Presbyteris*, in lucem edidit Amstelodami anno 1646. & *Claudium Salmasium* Divionensem, qui inter doctiores anno 1640. habebatur. Originem tamen suam Puritani receperunt a *Joanne Knox* Scoto, vita sancto superiori Seculo, anno scilicet 1572. Hinc in Scotia Secta ista vegetior; ibique anno 1637. spreta regis auctoritate, iniierunt fœdus contra *Episcopales*, eos nempe, qui Episcopos segregant a presbyteris. Confirmarunt conventionem illam, ex qua eis *Convenientium* accessit nomenclatura, sequenti anno 1638. celebratis Comitiiis in urbe Scotorum Glasquo. Noſtrates ajunt *Puritanos* dici, quod parum putum profiteantur Calvinismum: At Amescas cujus supra meminimus, Grevinchovius, & alii, hoc illis nomen inditum asserunt a *Scelerisfugio*, idest, ex repudio chorearum, spectaculorum, alearum, & comestationum, quibus ceteri indulgent. Ita quilibet nomen cohonestare studet suum. Puritani ergo præter reliqua Calvini dogmata, negant Presbyteros inter, ac Episcopos aliquod Ordinis interesse discrimen.

JACOBI *Arminii*, & *Francisci Gomari* mentionem fecimus paullo supra. Et *Arminius* quidem cœpit superiori Seculo dogmata recoquere Pelagianorum: verum vita cessit anno 1609. De illo plura *Morerius*, *Wolfangus*, & *Jurieu*. *Gomarius* autem obiit anno 1641. A
Go-

Gomaristis vero rejectos Arminianos in Synodo Dordracensi anno 1618, dictum est supra; neque opus est repetere Gomarum pro Calviniana prædestinatione, Arminium pro dogmate Pelagiano pugnassee.

ARMINIANIS adhæsit celebris *Hugo Grotius* natus in urbe Delphis Batavorum anno 1583, mortuus Rostochii ad oram maris Baltici, anno 1645. Cum Grotius autem esset anno 1618. Assessor civitatis Roterodami, gliscentibus in dies super diversitate dogmatum controversiis, ab Hollandiæ proceribus perpetuo carceri damnatus est, sumpto de Oldenbarneveldio, in eandem sententiam conspirante, capitali supplicio. Novem mensibus Grotius detentus est in custodia Hagæ Comitum, atque anno 1619, bonis orationibus publicatis rursus damnatus. Inde anno 1620, deductus Lupsteynium (1) Hollandicæ ditionis castrum, inter flumina Vahalim, & Mosam, ut miserrime in pedore carceris extingueretur. Industria tamen lectissimæ conjugis Mariæ Reygersbergiæ, inclusus cistæ adportandis libris inservienti, anno 1621. die 22. Martii, pristinæ redditus est libertati. Porro Grotii mentem ostendunt *Opuscula Theologica* quarto inserta Volumini pag. 351. & sequentibus.

PRO Arminianismo quoque pugnarunt *Simon Episcopus*, & *Stephanus Courcellejus*. Episcopus qui mortalium lucem adspexit anno 1583. clausit oculos Amstelodami anno 1643. Hujus *Institutiones* plus æstimabat prælaudatus Grotius, quam illarum prægium postulare, Opera autem cuncta in lucem edidit Courcellæus. Is Genevæ ortus, & Reformatæ, ut vocant, Ecclesiæ Pastor in Galliis, ob Arminii sententias a munere depositus fuit, sed in locum Episcopii assumptus Remonstrantibus. Pugnavitque acriter pro Arminio cum Molinæo, Amyraldo, & Maresio. Abiit autem ad plures anno 1659. Pro eodem Arminio steterunt quoque *Philippus a Limborch*, & *Joannes Clericus*: de quibus proximo seculo; nam Philippus Limborchius vitam protraxit usque ad annum 1712, & Clericus usque ad annum 1736. (2.)

Quos

{ 1 } Louvenstein.

{ 2 } Arianismum instansare, & ab Ecclesiæ incunabulis propagatum, traditumque fuisse a PP. Anticæmnis asseruit in Nucleo Hist. Eccl. Christophorus Sandius. Fidem tamen Anticæmnicorum PP. non tantum vindicantur Communionis nostræ Theologi, sed etiam Samuel Garding.

Quos memoravi, Molinæus, Amiralduſus, Mareſius, necnon Voſſius, & Dallæus addicti Novatorum deliramentis, hæc quidem corroborare ſtuduerunt, ſed ſectam non inſtituerunt peculiarem. Ac *Petrus Molinæus* Eccleſiæ Calviniſtæ Aurelianenſis miniſter, & Academiæ Lugduno-Batavæ doctör; mortuus Sedani in Campania anno 1658. adverſus Romanum Pontificem, Purgatorium, Indulgentias, Peregrinationes, & altaria ſtylum intemperanter exercuit. Samuel autem *Mareſius* Picardus auditor Ludovici Cappelli, & Franciſci Gomari, a Grotio vocatus *Borborita*, ideſt cœnoſus, deceſſit anno 1675. & contra Volchelium, Blondellum, Dallæum, alioſque geſſit litteraria certamina. *Joannes Volcheliuſus* adhæſit Socinianis, ejuſque Opus de vera religione jubente Magiſtratu anno 1642. Amſtelodami flammis addictum fuit. In eum *Samuel Mareſius* anno 1651. edidit Groeningæ opus inſcriptum, *Hydra Socinianiſmi expugnata*. De Blondello Preſbyteriano jam diximus. *Joannes Dallæuſus* Calviniſtarum, qui Carentone cœtus agebant, in Galliis Paſtor, ad evertendas Veterum traditiones, & Sacramenta Chriſmatis & Unctionis extremæ oppugnanda ſcripſit de uſu Patrum, & de Latinorum Unctione. Natus eſt anno 1594. & mortuus Luteriæ anno 1670. *Joannes Gerarduſus Voſſiuſus*, magnum in Litteraria Republica nomen, Dordraci natus anno 1577. & deſunctuſus anno 1650, quam mordicus hæret Calvinii placitiſus, commoſtrat ſextum Operum ejus Volumen edit. Amſtelodami anno 1701.

INTER Calvinianoſus *Conraduſus Worſtiuſus*, tam Arminianoſus, quam Gomariſtiſus oppoſituſus, indigna de Deo protulit, aſſirmans mutationi obnoxium eſſe, & immenſitate carere, nimirum non eſſe ubique. Fuit autem *Worſtiuſus* Colonienſiſus, natus anno 1569. mortuſus Toningæ in Dania anno 1622. Ejus cadaver Fridericoſtadium urbem Norvergiæ translaturuſus, magna pompa funeris ab Arminianoſus, quibuſus in ceteriſus conſenſerat, elaturuſus fuit. Filium habuit *Guilelmuſum Henricuſum Vorſtiuſum*, & hunc miniſtrum Arminianæ Sectæ in oppido Hollandiæ Warmundo.

Tom. II.

Q

Go-

ruſus, & *Georgiuſus Bulluſus* Angli, alioſque. Præxiſtentiam quoque animorum cum Platone, & Origene aſſeruit *Sandiuſus* in libro de Origine Animæ edito anno 1671. Sunt hæc heterodoxiſus aliis communia. Proprior videtur *Sandii* error, Spirituſus Sancti nomine intelligi omniuſus angelorum ſanctorum genus. Tradidit id *Sandiuſus* in *Problemaſus Paradoxiſus* anno 1678. Illuſum vero refutavit *Chriſtophuſus Vittichiuſus* Lugdunenciſus.

Non eam modo provinciam assumo Viros litteris ornatos celebresque cunctos commemorandi (1). Quis enim eloquentior, & de latina lingua magis benemeritis Purpuratis Patribus *Petro Bembo* Veneto, & *Jacobo Sadoleto* Mutinensi? Quis orationis copia, & delectu eruditionis uberior, *Petro Victorio* Florentino, *Latino Latinio* Viterbiensi, *Adriano Turnebo* Normanno, *Raphaelo Volaterrano*, *Nobilio* Lucensi? Quis litterarum humaniorum libros illustravit melioribus notis, *Dionysio Lambino* Gallo, *Georgio Fabricio* Germano, *Paulo Manutio* Veneto? Si quis deambulet pulcherrima Sapientum Viridaria, plures mirabitur in omnium scientiarum genere sata ibidem sua coluisse. Elegantissimæ, plurimæque orationes elaboratæ fuerunt a *Gulielmo Buldso* Parisiensi, a *Marcò Antonio Mureto* Lemovicensi; & Tusca politiori lingua *Joannes Casa* Florent. Archiepiscopus Beneventanus ceteris pure ornateque dicendi reliquit exemplar (2). In *Iusto Lipsio* Belga, in *Fulvio Ursino* Romano, in *Petro Pitheco* Trecenti habes omnis liberalis eruditionis ornatum. Quæris historias conscribendi methodum? *Franciscus Guicciardini* Florentinus, *Joseph Acosta* S. J. Hispanus, *Carolus Sigonius* Mutinensis faciem præferent (3). Peroptas in poetis venustos? Lega

Vir-

(1) Quidam in Philosophia plura phantastica, & rationi dissona commentum, (ut *Cardanus* Mediolanensis ortus anno 1501) licet inter Philosophos clari, silentio sunt omittendi. Idem judicium ferendum de *Petro Pomponio* Mantuano, qui natus anno 1462. obiit hoc seculo senio confectus, ideoque post annum 1512. quo anno decessisse putat Morerius. Audiit *Pomponius* tanquam atheus ob librum de *Immortalitate anime*: sed ante extremum halitum resipuisse testatur *Helidæus Foroliviensis* ejus discipulus: ac suus etiam, qui scripserunt ejusdem apologiam. Haud secus afferendum de *Petro Aretino* maledico, & impuro scriptore, qui vixit hoc seculo XVI. cujus legitur Latinum, & Italicum Epitaphium. Latine quidem,

Condito Aretini cineres lapis iste sepulcrum,

Mortales atque qui sale perficitur.

Inscissus Deus est illi, causamque rogatus

Hanc dedit: Ille, inquit, non mihi notus erat.

Italicum vero: „ Qui giace l'Aretin Poeta Tosco,

„ Che d' ognun disse mal, fuorchè di Dio,

„ Scusandosi col dir, lo no 'l conosco. „

Non fuit tamen Aretinus auctor libri de *tribus Impossibilibus*; qui liber nuppiam fortassis extitit.

(2) *Joannes Casa* natus est Florentia anno 1503. obiitque Roma anno 1556. die 14. Novembris 1559. ut ait *Hughellus*.

(3) Viris omnigenam doctrinam adnumerandus *Cassius Richinius* Reginus.

Virgiliانا carmina Hieronymi Videri Cremonensis Canonici Regularis, Itala Torquati Tassi Bergomenis, Latina, & vernacula Aetii Sinceri, seu Jacobi Sannazarii, Neapolitani. Geographiam universam tradidit Abrahamus Ortelius Philippi II. regis Hispaniarum Cosmographus: Rationem temporum Joseph Justus Scaliger Julii Filii Gallus: astronomi adspectum Nicolaus Copernicus Borotissus: Cometarum, stellarumque inerrantium Progymnasmata Tycho Brahe Danus: Euclidis Mathesim Christophorus Clavius Jesuita Bambergensis: Platoniam Philosophiam Franciscus Patricius Venetus: Medicinæ arcana Hieronymus Mercurialis Foroliviensis (1). Rerum publicarum politicam Joannes Bodinus Andegavensis. Si Jureconsultos quoque clarissimos laudare velimus proferat Italia Laurentium Campegium, Andream Alciatum, Joannem Paulum Lancillottum (2): Hispania Didacum, & Antonium Covarruvias; Antonium Augustinum, Franciscum Vazgam; & Gallia Andream Tiracquelum; Barnabam Brissonium; Jacobum Cajacium: Huic Tolosæ, ubi decessit anno 1590. erectum monumentum; in quo legitur,

CVIACI; THEMIDISQUE vides commune sepulcrum;

Conduntur simul hic, qui periere simul:

Hæc exscribentes laudibus ceterorum, qui aut commemorati sunt, aut brevitatis causa prætermissi silentio, nolimus quidquam detrahi (4).

P 3

DE-

Excelluit item in Historia Petrus Jovius Novocomensis, Episcopus Nucernus. De Polydoro Virgilio Urbinate, qui Anglicanam scripsit Historiam, & librum de Inventoribus rerum, notum illud Ovveni:

Virgili duo sunt, alter Maro, tu Polydore

Alter: Tu monas, ille Poeta fuit.

- (1) Docuit Pisis annuo 3000. aureorum stipendio.
- (2) Non videtur prætermittendus Guido Pancirolus Rhegiensis, natus Georgius Buchananus Scotus, &c.
- (3) Claruerunt hoc quoque Seculo Typographi accuratissimi, Sebastianus Gryphus, Simon de Colines, & Henricus Stephanus: Extat de his Epigr.

Inter hos norunt libros qui eudere, tres sunt

Insignes: langues cetera turba fame.

Castigas Stephanus, sculpis Colmans, utrumque

Gryphus edotta mente manum facit.

Sebastianum patrem Lugduni imitatus est Antonius Gryphus. Alterius generis fuit Joannes Gryphus Venetus. Laudandi & Aldi, Jolii, Junta, alii.

Alii floruerunt Seculo XVI. viri percelebres. Inter quos Joannes Avatus, in Græcis maxime litteris excelsus, sed quem invenendi in Mor-

DECIMUM SEPTIMUM ECCLESIAE SECVLVM.

CAPUT I.

SECVLI XVII. PONTIFICES MAXIMI.

CONTIGISSE Clementis VIII. obitum anno 1605. diximus præced. Seculi conscribentes historiam capite primo. Post Clementem verò Petri cathedram tenuit *Leo XI. Paulus V. Gregorius XV. Urbanus VIII. Innocentius X. Alexander VII. Clemens IX. Clemens X. Innocentius XI. Alexander VIII. Innocentius XII. Clemens XI.*

CCXXXIV. LEO XI. Medicus, vocatus antea Alexander Octavianus, creatus Calend. Apr. anno 1605. quoniam accelerata morte post dies. 26. nempe die V. ante Calendas Majas mortem obiit, quæ conceperat animo, cunctique a Viro summa prudentia prædito expectabant, complere non potuit.

CCXXXV. AR Leonis successor Paulus V. idest, Camillus Card. Burghesius origine Senensis, electus eodem anno 1605. XVII. Calendas Junias, statim dirimendæ controversiæ de auxiliis applicuit animum. Ob violatam Ecclesiasticam Immunitatem, de qua tamen Senatus Vene-

more Sacra Biblia universa, insana incendit cupido. Quare etsi natus ad omnes optimos auctores restituendos visus fuerit Scaligero; de eo tamen distinctè profert Hotmannus:

Ex solido esse prius vulgus, quem credidit auris,

Extorsit auratus, plumbeus intus erat.

Obiit Parisiis anno 1588. Accedunt *Flaminii* duo: unus Romæ litterarum humaniorum professor, sempiterno somno humi oppressus inter libros, ut narrat de *Infelicitate Litteratorum* Pierius Valerianus. Alter haud vulgaris Poeta, Longolii quoque, Morelli, Menegii, aliorumque elogio celebris; æ primus natione Siculus, alter Italus, & patria Imolensis. Audiit iste tamquam erroribus Protestantium adherens. In Gallicarum lingua claverunt *Joannes*, & *Clemens Maro* Poetæ, quorum unus anno 1523. alter anno 1544. naturæ concessit. *Joannes Salmon* cognominatus *Horatius Gallicus* obiit anno 1555.

Venerus statuta ad Reipublicæ suæ utilitatem sancita anno 1536. servavit, in Veneram ditionem Ecclesiasticum Interdictum anno 1606, die 17. Aprilis promulgavit. Opera Christianissimi regis dissidium, & interdictum sublatum est anno proximo, Ut regem Angliæ Jacobum I. ad Romanæ Ecclesiæ sinum revocaret, ad eum direxit Marcum Antonium de Dominis Ex-Jesuitam, & Archiepiscopum Spalatensem: qui contra hæreticis adhæsit. Plures Nestoriani Chaldæi Ecclesiæ uniti fuerunt anno 1617. Urbem Aquæductibus, Vaticano porticu, aliisque magnificis ædificiis Paulus V. ornavit. Prædictæ controversiæ de auxiliis finem imposuit, indicto utrique parti silentio, & Apostolicæ Sedi reservato judicio. Impostor quidam se filium Pauli V. appellans, Parisiis affectus est supremo supplicio (1). Studuit Burghesiam gentem honoribus, divitiisque cumulare (2), & obiit XVI. Pontificatus anno, idest, 1621. die 28. Januarii.

CCXXXVI. SUFFECTUS Paulo V. Alexander Ludovisus Bononiensis, electus V. Idus Februarias eodem anno 1621. cui impositum nomen Gregorii XV. Instituta Congregatione de *Propaganda fide*, præscripto Festo SS. Annæ, & Joachim Genitorum B. M. V. bello laceffitis hæreticis, compositis circa Volturrenam tractum Rhetiæ, sive, ut ajunt, Vallem-Telinam dissidiis, atque addita Vaticani Bibliothecæ magna librorum copia Bibliothecæ Palatinæ, sibi dono datæ anno 1623. a Maximiliano duce Bavarix, eodem anno 8. die Julii cessit e vita.

CCXXXVII. MAFFIUS Barberinus Florentiæ nobili

P 4

gene-

(1) Bartholomæus Lancei Alchimista, de quo in *Amoris, Litter. Epigramma*.

Pendeo. Dic, quis sis? Pater est mihi Papa. Quis ille?

Romanus. Quonam nomine? Burghesius.

Qui factum? Me non agnovit. Quid? Nothus ergo est?

Immo legitima conjuge Papa coars.

Sed cur constigas flammis? Id moris habetur,

Ut quem Papa negat nescite, flamma veret.

(2) Emisse fertur Nepotibus dominium Rignani scutis 353000. Civitatis Sulmonis in Regno Neapolitano 140000. Quatuor in Romano Territorio Rura Scutis 700000. Insumpta in edificio Palatii Burghesii, cujus fundamenta Paulo V. vivente jacta fuerunt, scuta 300000. Dono suis data, non semel, sed viginti vicibus, scuta centum millia. Solus pteus Cardinalis ejus nepotis æstimatus Scutis 600000. Vide *Histoire des Papes* tom. 5. pag. 170. Impendisse in exornanda Mitra septuaginta millia auroreum scribit in Addit. ad Ciasconium Oldoinus.

genere natus, (1) poeta in utraque lingua Etrusca, & Latina præclarus, idem qui in *Argenide* Barclay anagrammatico vocabulo dicitur *Iburranes*, successit Gregorio prædicto anno 1623. VIII. Idus Augusti, nomine sibi collato *Urbani VIII*. Sedit vero annis 21. nempe usque ad annum 1644. quo mors illum rapuit IV. Calendâs Augusti. Urbani munificentia debet Roma mœnia Leonina civitatis, æream templi Vaticani tribunam; (2) Græcos proximæ Bibliothecæ Codices, Collegium de Propagandâ Fide, ampliores Sapientiaæ ædes, Pontificalis, Breviarii, Ritualis, & Martyrologii emendationem, Arcem in finibus Bononiensium, *Urbaniam* ab ejus nomine dictam, aliaque plura liberalitatis, doctrinaæ, pietatisque munimenta. In familia sua decoranda Urbanus imitatus est Paulum V. (3) Quum palam, fortassis incaute, de Hispanis obloquutus foret, plures exacerbavit, vulgatusque Hexameter Gentilitio Stemmati alludens,

Mella dabit Gallis, Hispanis spicula figet.

CCXXXVIII. ANNO 1644. XVII. Cal. Octobris inauguratus est Pontifex Jo. Baptista Pamphilus Romanus, appellatus *Innocentius X*. Castrum Invi Rutulorum oppidum, ob eadem Episcopi solo æquavit, sede Aculam, idest Aquipendium translata. Quinque Jansenianas proscripsit propositiones; (4) parvaque Religiosorum cœnobîa Episcopis per Italiam subjecit, suppressitque. Adversus *Pacem* initam Haseburgi in Vvestphalia anno 1648. die 6. Augusti, firmatamque Monasterii die 26. Octobris, inter Imperatorem Ferdinandum & Ludovicum Christianissimum regem, *Innocentius* edit

(1) Familiae nomen ortum ex *Barberina* oppidulo, sito in agro Florentino supra collem, Senas versus.

(2) Cum ad Abbatem illam construendam *Urbanus* jussisset construi trabes æneas ablatas ex atrio *Pantheon*, quas nec Vandali, nec Ostrogothi abstulerant; natum vulgare illud effatum, *Quod non fecerunt Barbari, fecere Barberini*. Cedit illud propterea in laudem *Urbani*, non autem in dederis.

(3) Quamquam *Urbanus* amplissimas ædes Nepotibus ædificaverit, eorum duobus, Francisco, & Antonio, cum Purpura reditus summos contulerit, oppida dederit, vetustamque Latii urbem Prænestem; in hoc tamen est magnopere commendandus, quod vita sancto Francisco Marini Urbini duce, dominium illud, necnon Pisauri, Senogallia, Eugubii, & Montis Feretrani, non suis, sed ditioni Ecclesiastica addidit.

(4) anno 1653. die 31. Maji.

dit Constitutionem eodem anno VI. Cal. Decembris ; quoniam in illa permittebatur hæreticis liberum religionis suæ exercitium, pluraque illis Ecclesiarum Bona dignitatum titulo in feudum conferebantur. Suprema Innocentio dies fuit septima Januarii anno 1655. (1).

CCXXXIX. PRÆFUIT deinde Romanæ Ecclesiæ *Alexander VII.* Senensis, idest, Fabius Chisius, creatus præcitato anno 1655. die 7. Aprilis, mortuus anno 1667. die 22. Maji. Egit cum Venetis ut Jesuitas reciperent, quod Senatus indulgit ea conditione, ut publicis processionibus interessent incedentes inter Confratres S. Marci, & S. Theodori. (2) Damnavit rursus propositiones Jansenii in sensu ab auctore intento. (3) Vetuit anno 1667. ne Theologi in quaestione de sufficientia attritionis se mutuo proscinderent. Christinam regina Svecorum ejurata hæresi Romanam advenientem debito excepit honore. Exortâ cum Galliarum rege dissidia propter Corsicorum militum licentiam, proprio servato jure composuit. Exornavit Urbem amplissimis beneficiis ; & ipse post obitum magnifico monumento reconditus. Nec ipsi tamen pepercit, fratrique suo Mario Chisio, procacitas obrectatorum. (4)

CCXL. REXIT deinde Ecclesiam *Clemens IX.* Pistoriensis, electus anno 1667. XII. Calendas Julias vita functus

(1) Orti, Sedente *Innocentio X.* quaestio de duplici in Ecclesia Capite, plerisque constituentibus unum tantummodo, scilicet Petrum Apostolum, quibusdam vero afferentibus cum Petro fuisse Ecclesiam Caput etiam Coapostolum ejus Paulum. Verum cum hæc quaestio in patres distraheret eruditorum virorum ingenia, atque per eam impeteretur dignitas sanctæ Romanæ & Apostolicæ Sedis; prudentia, & sollicitudine Summi Pontificis Innocentii, anno 1647. composita est, & dirempta.

Aperto post obitum Innocentii corpore a chirurgo Nicolao Larchi, septem aquæ œnophora, & unum in capite fuerunt inventa ; in cista autem fœlis duo lapides unciarum sex. Pondus aquæ fuit librarum 15.

(2) Videtur ad ignominiam ; nam & rei inter columnas plectuntur, quibus idem est nomen, sive, ut ajunt Veneti, *Tra Marco, e Todoro.*

(3) Proscriptio, & celebris *Formularii* constitutio edita ab *Alexandro VII.* anno 1656. die 16. Octobris.

(4) Tum Historia Margaritæ Marfiliz, quæ capta a piratis Turcis anno 1524. fuit uxor Solimani, & mater Selimi II. Tum Satirica tabella, cum inscriptione, *Qui Crucifixus est pro nobis*, de qua notandum Opus *Tableau des Papes*, pag. 132.

Etus anno 1669. (1) V. Idus decembris. Vocabatur antea Julius Cardinalis Rospigliosi. Uti in pauperes liberalissime, ita in suos parcissime se gessit. Exorta inter Jansenianos quæstione de Jure a Facto secernendo, controversias, quæ rursus emerferunt, caute prudenterque sopivit. Judæos ejecit ex urbe. Ludovicum XIV. bellum adversus Hispanos parantem studuit legatione missa pacare. Nimio dolore fertur extinctus, quoniam Veneti, quibus pecunia & milite suppeditaverat auxilia, eodem anno 1669. coacti fuerant Turcis cedere regnum Cretense. Dignus, qui diutius Christianam moderaretur Rempubicam.

CCXLI. ÆMILIUS Altierius Romanus post menses Comitiorum quinque successit Clementi IX. idem nomen elegit, scilicet, *Clementis X.* Hoc sedente, Ludovicus XIV. rex Galliarum anno 1674. *Regaliam* juris esse sui Edicto fancivit; quod pluribus dissidiis aperuit aditum. Lusitano regi, ut Oratorem haberet in Urbe, ut Monarchæ reliqui, primus indulgit. (2) Moscoviæ Regi, qui Romam legatum miserat, ut contra Turcas Christiani Principes fœdus inirent Pontifice suadente, negavit ambitum Cæsaris nomen. Ait Sandinus fuisse Clementem in omnes liberalem, præterquam in nepotes. Verum non habuit Familiæ propriæ nepotes, natis vero e Laura nepte sua dedit cum insignibus, & cognomine proprio paterna bona, ampliores contulit dignitates, ac tres principatus. (3) Obiit anno 1676. die 22. Quinctilis.

CCXLII. In locum Clementis X. omnium suffragio substitutus fuit XI. Cal. Octobris Benedictus Odeschalchi Cremenfis, idest, *Innocentius XI.* hoc quidem nomine ob vitæ probitatem & castimoniam dignissimus. Pro libertate & immunitate Ecclesiastica Apostolicas litteras dedit ad Christianissimum regem anno 1679. & provinciam de hac materia scribendi commisit Christiano Lopo, Viro instituti nostri, Canonum scientissimo. Firmatis anno 1682. a Clero Gallicano quatuor articulis, quibus Concilium Œcumenicum præfertur Papæ, hujusque

(1) Ante obitum *Clementis IX.* in Ecclesiæ communionem recepit Episcopos, qui anno 1668. *Formulario* Alexandri VII., quod facere diu detrectaverant, subscribere, exhibito exterius obsequio. Firmata pax, quæ vulgo dicitur *Pax Clementis IX.*, proximo anno 1669. promulgata.

(2) Primus Orator, seu Nuntius Lusitanus postquam Lusitania subacta fuit a dominatu Regis Hispaniarum, fuit Comes *De Prado*.

(3) *Hist. des Familles de Rome*, pag. 421.

que auctoritas circumscribitur, iudicium errori non obnoxium elevatur, & in regna temporalia denegatur potestas: suas Cleri Comitibus significavit querimonias repetens verba Cant. 1. *Filii matris mee pugnaverunt contra me*. Caroli Henrici Lavardini Legati extraordinem Galliarum sprexit & cohibuit insultus: turpia Molinosii delevit conventicula: morum laxitates perstrinxit: a lasciviori cultu femineum sexum amovit; neque parvo in Ecclesiæ commodum relicto thesauro, (1) proximus morti, quæ contigit anno 1689. pridie Idus Augusti, ab Ordinum Mendicantium magistris, ceterisque religiosis viris humillime petiit benedictionem.

CCXLIII. IN locum Innocentii XI. substitutus est eodem anno 1689. die 6. Octobris Petrus Octoboni Venerabilis, nomine sibi imposito *Alexandri VIII.* Huic Galliarum Rex reddidit Avenionem. Plures damnavit propositiones ad morum doctrinam spectantes, inter quas peccatum philosophicum, rectæ rationi contrarium, non tamen offensam Dei; quod utique est commentitium, (2) Cleri etiam Gallicani theses proscripsit anno 1690. die 4. Augusti. Ecclesiasticis redditibus Nepotes suos cumulavit. (3) Decessit senex anno 1691. Calendis Februarii.

CCXLIV. ALEXANDRO successor datus est *Innocentius XII.* vocatus antea Antonius *Pignatelli* Archiepiscopus Neapolitanus. Plenissimis suffragiis electus fuit IV. Idus Julias. Beneficentissimus fuit in pauperes; iustitiæ ministris, ne quid acciperent districte mandavit; nulli, nisi digno contulit Ecclesiasticas dignitates, omnia alia, etiam Sanguinis, ratione posthabita. Cum magna esset latronum, & nefariorum hominum copia (nam tempore præcedentis Conclavis occisi fuerant 182.) severitatem legum indixit. Nec nobilissimis matronis ob interdictum ludum alearum pepercit. Clericis comas inhibuit fictitias; Nepotismum eliminavit; concordiam Principum, monachorum disciplinam, Concionatorum exemplarem vitam promovit quammaxime. Ne invidioso Jansenistarum nomine traducatur, qui vel omnes, vel aliquant ex quinque propositionibus Jansenii propugnasse convictus non fuerit, præcepit Brevi edito anno 1694. die 6. Februarii. Aluit in uno hospitio pauperum, quos nepo-

(1) Scutorum quindecim centena millia.

(2) Peccatum philosophicum damnatum anno 1690

(3) Horum minimo, quem Purpura ornavit, dedit annuos Ecclesiasticos redditus Scutorum LXXX. Millia.

lebrarunt. Omittimus Senensem coactam a Francisco Maria Cardinali Tarusio, Sarzanensem a Benedicto Cardinali Lomellino, Montis Falisci a Marco Antonio Card. Barbadico, Mediolanensem a Friderico Cardinali Borromæo, in exemplis litterisque promovenda Ecclesiæ disciplina, S. Caroli, cujus nepos erat, imitatore vigilantissimo. Quinque saltem Synodos celebravit Viterbii Cardinalis Franciscus Maria Brancacci, triginta quatuor Vincentius Maria Card. Ursinus Ord. Præd. Archiepiscopus Beneventanus, & postea Pontifex maximus. Veliternam Franciscus Card. Barberinus anno 1673. Sublacensem Cardinalis Carolus illius Frater anno proximo, Auximanam Antonius Cardinalis Spinula anno 1677. Neapolitanam Cardinalis Iunius Caraccioli anno 1680, pro optimo suarum dioceseon regimine celebrarunt. Atque ita alii per Italiam constituti Episcopi se gesserunt, servantes Tridentinæ Concilii decreta, & munere fungentes suo. Quasdam vero istarum, aliarumque synodorum definitiones proferam cap. 6. pertractans de seculi XVII. disciplina.

SI EXTRA Italiam vagari velimus, recensenda nobis erunt Concilium Machliniense in Belgio celebratum anno 1607, (1) Narbonense in Galliis anno 1609. Burdigalense anno 1624, de quibus in sua *Notitia Eccles.* prope finem Joannes Cabassutius. Inveniemus in extremis quoque mundi plagis Synodos ad instruendos neophytos, & Christianæ religionis rudimenta tradenda opportune, salubriterque coactas, ac tres præsertim a B. Toribio in civitate Limæ, Americæ meridionalis metropoli, emporioque percelebri, idest, anno 1601. 1602. & 1603. de quibus tom. 4. Conciliorum Hispaniæ Cardinalis de Aguirre.

ETSI verò abstinuimus a commemorandis hæreticorum Conciliis, utpote quæ nil sunt aliud, quam Satanæ congregationes; quædam tamen hoc in loco adnotantur, quibus inter densas tenebrarum caligines effulsit aliqua lux veritatis. Nam in Anglia in conventu Ministrorum, qui regem *Ecclesiæ caput* appellant anno 1603, damnati fuerunt Puritani, de quibus infra. Synodus Calvinistarum Roterodami anno 1621, damnavit Judaicam superstitionem in observantia Festorum. Idem Calvinistæ Amstelodami anno 1604. Socinianos damnarunt. Huguenoti in Synodo habita in oppido Carentonii anno 1644.

exa-

exagitare ceperunt Calvinianam prædestinationem ad malum, opera præsertim Benjamin Bafnage. Fuerant tamen Arminiani, qui prædestinationem illam rejiciunt, & declinant ad Pelagianos, anno 1618. in Synodo Dordracensi rejecti atque oppressi a Gomaristis. Nomen hi trahunt a Francisco Gomaro, strenuo Jacobi Arminii adversario. Disceptantibus insuper Joanne Hoornbeek & Joanne Coccejo circa tertium præceptum Decalogi, pro hujus observatione Calviniani anno 1657. Synodum habuerunt Condomi. (1) Amstelodami aliam Synodum congregarunt anno 1690. contra asserentes non posse Magistratus vim adhibere ad hæreses, & ad Gentium eliminandas superstitiones. Quod mirum est, iidem Calvinistæ in Synodo Garentonii anno 1631. aliisque, statuerunt communionem servandam cum Protestantibus Confessionis Augustanæ; quamvis illi præfracte negent, & isti propugnent præsentiam Dominici Corporis in Eucharistia.

ADDAMUS nonnulla de Cleri Gallicani Comitibus, quæ Nationalibus Synodis æquiparantur. Antonii Arnaldi librum de frequenti Communione, ubi in lucem prodit anno 1643. suffragiis 24. Doctorum, XVI. Episcopi approbarunt, quod & anno 1645. fecerunt Comitibus Auxitana, Aquitaniæ, Metropolitæ, & decem Episcopis assidentibus. Reprobavit tamen librum illum anno 1648. Synodus Vefuntina, ut referunt ad eundem annum Acta Eruditorum Lipsiæ. Comitibus Luparæ (Regium est Galliæ Palatium) anno 1654. egerunt contentiose de *Augustino* Jansenii, quem postea proscripsere; atque ad Episcopos officiosas litteras dedit Innocentius X. eodem anno, die 27. Sept. quas Litteras in aliis Comitibus sequentis anni 1655. gratanter exceptas, ad omnes Galliarum Ecclesias transmitti curarunt. Horum Comitiorum acta confirmarunt Generalia Comitibus Parisiis anno 1656. celebrata: in quibus exhibitum, probatumque *Formularium*, quo obedientia præstatur Constitutioni prælaudati Innocentii X. latæ anno 1653. die 13. Martii, atque in proprio, & intento ab Auctore sensu damnantur quinque propositiones Jansenii. In Comitibus anni 1657. recepta fuit Bulla Alexandri VII. emanata superiori anno 1656. die 16. Octobris, qua Prædecessorum Pontificum adversus Jansenium Constitutiones confirmantur

SECULUM XVII. CAPUT III. 239

tur & roborantur. De extinguendis omnino Janſenianis erroribus actum rursus in Comitibus anni 1663. De coactis Cleri Gallicani Comitibus anno 1682. & de articulis ibidem definitis, controversis tamen, rejectisque a Theologis Romanensibus pugnantibus pro ampliori Sedis Apostolicæ potestate, diximus præcedenti capite in *Innocentio XI.*

C A P U T III.

HERÆSES, ERRORESQUE SEculi XVII.

EX quo in Angliam elapſo Seculo irrupit turbulenta hæreſeon illuvio, famoſa evaſit ſecta *Puritanorum*, ſeu *Presbyterianorum*, quam ſciſſi in partes Anglicani Miniſtri anno 1603. & 1610. acerrime infectabantur. At celebrem naſta eſt propugnatorum *Guilhelmum Ameſium*, qui cœpit anno 1622. Franequeræ docerè Theologiam, *Davidem Blondellum* Cabilonenſem, qui librum inſcriptum, *Apologia pro ſententia Hieronymi de Episcopis & Presbyteris*, in lucem edidit Amſtelodami anno 1646. & *Claudium Salmaſium* Divionenſem, qui inter doctiores anno 1640. habebatur. Originem tamen ſuam Puritani receperunt a *Joanne Knox* Scoto, vita functo ſuperiori Sæculo, anno ſcilicet 1572. Hinc in Scotia Secta iſta vegetior; ibique anno 1637. ſpreta regis auctoritate, iniierunt fœdus contra *Episcopales*, eos nempe, qui Episcopos ſegregant a presbyteris. Confirmarunt conventionem illam, ex qua eis *Convenientium* acceſſit nomenclatura, ſequenti anno 1638. celebratis Comitibus in urbe Scotorum Glaſquo. Noſtrates ajunt *Puritanos* dici, quod purum putum profiteantur Calviniſmum: At Ameſicas cujus ſupra meminimus, Grevinchovius, & alii, hoc illis nomen inditum aſſerunt a *Scelerisfugio*, ideſt, ex repudio chorearum, ſpectaculorum, alearum, & comellationum, quibus ceteri indulgent. Ita quilibet nomen cohoneſtare ſtudet ſuum. Puritani ergo præter reliqua Calvini dogmata, negant Presbyteros inter, ac Episcopos aliquod Ordinis intereſſe diſcrimen.

JACOBI Arminii, & *Franciſci Gomari* mentionem fecimus paullo ſupra. Et *Arminius* quidem cœpit ſuperiori Seculo dogmata recoquere Pelagianorum: verum vita ceſſit anno 1609. De illo plura *Morerius*, *Wolfangus*, & *Jurieu*. *Gomarus* autem obiit anno 1641. A
Go-

Quos memoravi, Molinæus, Amiralduſus, Mareſius, necnon Voſſius, & Dallæus addiſti Novatorum deliramentis, hæc quidem corroborare ſtuderunt, ſed ſectam non inſtituerunt peculiarem. Ac *Petrus Molinaus* Eccleſiæ Calviniſtæ Aurelianenſis miniſter, & Academiæ Lugduno-Batavæ doct̃or; mortuus Sedani in Campania anno 1658. adverſus Romanum Pontificem, Purgatorium, Indulgentias, Peregrinationes, & altaria ſtylum intemperanter exercuit. Samuel autem *Mareſius* Picardus auditor Ludovici Cappelli, & Franciſci Gomari, a Grotio vocatus *Borborica*, ideſt cœnoſus, deceſſit anno 1675. & contra Volchelium, Blondellum, Dallæum, alioſque geſſit litteraria certamina. *Joannes Volchelius* adhæſit Socinianis, ejuſque Opus *de vera religione* jubente Magiſtrato anno 1642. Amſtelodami flammis addiſtum fuit. In eum *Samuel Mareſius* anno 1651. edidit Groeningæ opus inſcriptum, *Hydra Socinianiſmi expugnata*. De Blondello Presbyteriano jam diximus. *Joannes Dallæus* Calviniſtarum, qui Carentone cœtus agebant, in Galliis Paſtor, advertendas Veterum traditiones, & Sacramenta Chriſtmatis & Unctionis extremæ oppugnanda ſcripſit *de uſu Patrum*, & *de Latinorum Unctione*. Natus eſt anno 1594. & mortuus Lutetiæ anno 1670. *Joannes Gerardus Voſſius*, magnum in Litteraria Republica nomen, Dordraci natus anno 1577. & deſunctus anno 1650, quam mordicus hæret Calvini placitis, commoſtrat ſextum Operum ejus Volumen edit. Amſtelodami anno 1701.

INTER Calvinianos *Conradus Woſſius*, tam Arminianis, quam Gomariſtis oppoſitus, indigna de Deo protulit, affirmans mutationi obnoxium eſſe, & immenſitate carere, nimirum non eſſe ubique. Fuit autem *Woſſius* Colonienſis, natus anno 1569. mortuus Toningæ in Dania anno 1622. Ejus cadaver Fridericoſtadium urbem Norvergiæ translatum, magna pompa funeris ab Arminianis, quibus in ceteris conſenſerat, elatum fuit. Filium habuit Guilelmum-Henricum Voſſium, & hunc miniſtrum Arminianæ Sectæ in oppido Hollandiæ Warmundo.

Tom. II.

Q

Go.

ruſ, & Georgius Bullus Angli, aliiſque. Præexiſtentiam quoque animorum cum Platone, & Origene aſſeruit Sandius in libro de Origine Animæ edito anno 1671. Sunt hæc heterodoxis aliis communia. Proprior videtur Sandii error, Spiritus Sancti nomine intelligi omnium angelorum ſanctorum genus. Tradidit id Sandius in *Problemate Paradoxo* anno 1678. Illum vero refutavit Chriſtophorus Vittichius Lugdunenſis.

GOMARISTARUM, five Calvinistarum rigidiorum antesignanus dicitur *Joannes Piscator* Argentoratensis, qui ob hæresim exulare coactus Herbomam in Nassovia migravit, obiitque anno 1626. Gomarista item fuit pervicax, & acerrimus *Sibrandus Lubbertus Frisius* professor Franequeræ (*Franeker*) qui scripsit plura contra Arminium, Vorstium, & Grotium; interfuit Synodo Dordracensi, obiitque anno 1625. Quantum vero Sibrandus vapulat ab Episcopo, ceterisque Arminianis; tantum celebratur a Sixtino Amama, ceterisque Calvinianis.

ISAAC *Peyrerius* Calvinista fabulam invexit *Præadamitarum*, commentus ante Adam alios extitisse homines a Deo conditos. Illius dumtaxat in Veteri Testamento narrari generationes, non præexistentium: quos in ejus systemate nec Adæ prævaricatio perdidit, nec delevit Universale diluvium. In hanc opinionem descendit *Peyrerius*, quoniam Traditione contempta videbatur sibi consentanea rationi, nec repugnans Scripturis. Sed error ei veritatis viam patefecit: cum enim æque a Calvinistis, & a Catholicis revinceretur falsitatis ducto a constanti Traditione argumento; cognita ejusdem traditionis auctoritate, Sedente Alexandro VII. una cum systemate Præadamitico ejuravit hæresim Calvini Traditiones Majorum rejicientis. *Peyrerius* fuit Aquitanus genere, patria Burdigalensis, ejusque Tractatus de *Præadamitis* prodiit in lucem in Hollandia anno 1655. Antequam vulgaretur, ipse *Peyrerius* impressum librum misit ad Amicum cum versu Ovidii, mutata voce *Urbem in Ignem*.

Vade, nec invideo, sine me liber ibis in ignem.

OBSCURÆ, atque in suis incunabulis præfocatae fuerunt hæreses, quarum sectatores dicti sunt *Metaphoristæ*, *Illuminati*, & *Pelagini*. *Illuminati*, etiam si exorti dicantur anno 1575. immo a nonnullis anno 1524. & statim extincti, germinarunt tamen rursus anno 1623. in diocesi Hispalensi. At rursus septem eorum concrematis eodem anno, reliquis in exilium pulsus, evanuerunt. Hispani dixere hujus furturis homines *los Alumbrados*. In hoc situm istorum deliramentum, quod meditationum suarum vanitatem præferebant divinorum Sacramentorum virtuti. *Metaphorista* Calvinistarum surculus autumnarunt Dominum Jesum non fuisse revera Verbum Dei, sed Verbi symbolum, & Metaphoricam quamdam Imaginem. Horum antesignanus *Daniel Sciamier*, qui anno 1604. (*Spondanus*

danus ait 1603.) præfuit fynodo Huguenotorum Vapinci in Delphinatu, finibusque Provinciæ. *Gap* Galli urbem istam appellant. *Pelagini* nomen habent a quodam Jacobo Philippo direttore oratorii *S. Pelagii* in urbe Mediolani. Prodierunt circa annum 1650. Jactabant hi, omnes gregarios suos esse prædestinatos, reprobos alios cunctos: orationem mente peractam lucidiorem inspiratione sacrorum librorum, digniorem Eucharistia, necnon præferendam Redemptioni: etiam peccata recto patrata sine, esse Deo accepta, ac salutaria; damnandam carnis mortificationem, quando subieitur spiritui; aliaque perniciosissimæ Mysticæ tradebant rudimenta. Hos damnavit Petrus Card. Ortothoni postea Pontifex Maximus, dum administraret Episcopatum Brixiensem. Tarvisii anno 1659. die 19. Sept. eandem hæresim ejuravit Joannes Augustinus Recaldinus e valle Canonica Brixienfis dioceseos.

AGENTES superiori capite de Conciliis damnatum diximus librum de Ecclesiastica & Politica potestate *Edmundi Richerii*. Lingonibus in Gallia Celtica Richerius humili loco natus fuit anno 1560. & vita functus Parisiis anno 1630. A defensoribus Pontificiæ auctoritatis vehementes pertulit persecutiones, Magistratui, quem *Parlamentum* vocant, summopere acceptus. Cum vero exortis inter Venetorum Rempublicam & Paulum V. diffidiis, quidam Joannis Gersonis Tractatus recusi forent Venetiis, refutati a Ven. Bellarmino; Richerius ardenti animo scripsit Gersonis *Apologiam*, ediditque ulterius anno 1611. librum superius laudatum. In quo docuit, Ecclesiam præcipue Conciliorum canone gubernari; Romanum Pontificem nihil quidquid absque aliis Episcopis in rebus magni momenti posse decernere; beneficia quolibet Ecclesiastica spatio 1400. annorum communi jure sacris electionibus collata, habere a lege naturali, & divina confirmationem. Sua tamen declaratione anno 1629. judicio S. R. Ecclesiæ quidquid scripserat, subjecit, tradiditque *declarationem* illam proprio obsignatam charactere Armando Cardinali Richelio (1). Factum id præsertim opera F. Joseph Ord. Min. Capuccinorum, viri in Galliis percelebris, & Institutoris Monialium *Calvarii*.

PER idem ferme tempus M. Antonius de Dominis Ex-Jesuita, Archiepiscopus Spalatensis, in Anglia, quo anno 1616. se contulit, edidit *de Republica Christiana* Opus virulentum. In hoc dejiciens Romani Pontificis primum, commentus est unam sanam & Orthodoxam fidem constari posse ex Romana, Calvinistica, Lutherana & Anabaptistica. Romam rediens anno 1622. errores suos abjuravit; sed rediens anno 1624. ad ingenium, in Hadriani arce mancipatus carceri, subita raptus est morte: & quamquam resipiscentiæ signa dedisset; illius tamen Cadaver una cum scriptis traditum fuit flammis in Campo Flora eodem anno 1624.

JANSENIANA hæresis a Cornelio Jansenio Episcopo Iprensi denominata, magnum Seculo XVII. excitavit incendium. Jansenius apud Batavos natus anno 1585. Lovanii Doctoris lauream consecutus anno 1617. Iprensi Cathedram anno 1635. obiit in Ecclesiæ communione anno 1638. scripta sua, etiam extremis tabulis, judicio subiciens Romanæ Ecclesiæ. In Opere tamen, quod inscripsit *Augustinus*, ad tenebras ab Urbano VIII. damnato, quinque hæreticæ propositiones notatæ sunt, atque anno 1650. a plurimis Galliarum Episcopis delatæ ad Innocentium X. Per biennium hac controversia exagitata, & discussa. idem Innocentius prædictas propositiones. Const. *Cum occasione impressionis libri, &c.* tanquam falsas hæreticasque damnavit. Proscripsit illas iterum Alexander VII. anno 1664. & rursus Innocentius XII. anno 1694. declarans damnatas in sensu obvio, quem verba præferunt, ac semper inconcussa manente SS. Augustini ac Thomæ sententia. In illis vero Jansenianis propositionibus enuntiatur, aliqua Dei præcepta hominibus iustis constantibus & volentibus aliquando esse impossibilia, eosque gratiâ destitui qua fiant possibilia: omnem gratiam esse in hoc infirmis, statu effectricem, & illi nunquam resisti: non requiri modo ad moriendum, vel demerendum libertatem indifferentiæ; & hanc pertinere ad Semipelagianorum damnatam hæresim; & Christum non esse mortuum pro omnibus.

EXORTA ulterius hoc sæculo, prætextu elevandi animas ad spiritualis & mysticæ vitæ perfectionem, Secta *Quietistarum* perniciosissima. Hujus princeps Michael Molinos Hispanus diocesis Cæsaraugustanæ in Aragonia, Romæ vivens magnâ apparentiâ probitatis. Turpissima hujus

hujus mystices elementa fuit, ad nihilum redigi oportere potentias animæ; hanc non debere in aliquo opere actiue se gerere, & sese regendam committere divinæ voluntati: omnem deponendam esse solitudinem, spem, timorem, & desideria quæque virtutum abjicienda: animam omni affectione ita exspoliata in sua quiete orare etiam dum abripitur somno; atque ita superiori parte Deo conjuncta quidquid in inferiori occurrat (videlicet ad omnem turpitudinem aditum patefactum) nullam ei, qui semel Deo subjecit arbitrium, inferre maculam, nec superiorem animæ partem vitare. *Molinos* Sacræ inquisitionis jussu in carcerem injectus est anno 1685. Ejus asserta ab Innocentio XI. damnata Const. *Galestis Pastor* anno 1687. In carcere obiit anno 1696.

SECTATORES Michael Molinos complures habuit; celebriores tamen fuere *Franciscus Malavallius* (1) Massiliensis, *P. Guillerè* Jesuita, *P. Le Combe* Barnabita, *Gajonia* matrona, & *Franciscus de Fénelon* Archiepiscopus Cameracensis. De istorum libris, confutatione, & rescriptis Auctor Historiæ Ecclesiæ impressæ Coloniz anno 1754. art. 34. Seculi XVII.

CIRCA hujus Seculi medietatem cœpit in Angliâ Secta Fanaticorum, quos vocant *Tremblantes*, seu *Quakers*. Hoc eis nomen accessit, quoniam revelationes suas jactantes, magna corporis agitatione, monent unumquemque verbis Apostoli, ut salutem suam operetur *cum timore, & tremore*. Principio quidem induti tantum indusio, plebemque Londinensem in triviis, compitisque commoventes, tanquam insani cæsi sunt flagris, ipsorumque duci *Jacobo Nailor*, qui fuerat castorum metator, lingua ferro ignito fuit perforata. Non fuerunt tamen extincti; sed vigent etiam nunc, & aliqui extra Italiam vagantur. Dogmatizant, cunctos homines esse conditione pares; neminem esse dominum, neminem servum alterius: urbanitatem aspernantur, nec salutem alicui dicunt, neque caput aperiunt: interpretationis Scripturarum munus cuique indiscriminatim concedi autumant: ceterum jus suum quibuslibet in reliquo tribuunt.

VIXERUNT præterea Seculo XVII. perditissimi Athei: quorum princeps fuit *Benedictus de Spinoza* Amstelodami Judaico genere natus, sed & Judaicæ, & Christianæ reli-

religionis defertor. Nova methodo & Geometras imitatus instaurare ausus est atheismum emissio in lucem anno 1670. Amstelodami, non ut fert titulus, Hamburgi, *Tractatu Theologico-Politico*: in quo tradit Deum non esse, nisi materiam ubique diffusam, vim naturæ in omni re disseminatam, quæ vegetior fuerit in Prophetis, quorum oracula a vividiori & subtiliori materia fluxerint, imaginationem excitantes acriorem, & nihil referre, utrum uni, vel alteri religioni quis interius adhæreat, modo exteriori cultu eam profiteatur, quæ obtinet, vel exigit politia. Non est novum Systema Spinosæ. Plures illi præfulerunt Epicurei (1), & qui cum Lucano in libro 9. Pharsaliæ ajunt,

Est ne Dei sedes nisi terra, & pontus, & aer,

Et cælum, & virtus? Superos quid querimus ultra?

Juppiter est quodcumque vides, quocumque moveris.

Obiit Spinosæ Hagæ Comitum in Hollandia anno 1677. exacto vix anno ætatis suæ 44.

PARI cum Spinosæ impietate Deum esse negavit *Lucilius Vanini* Neapolitanus, vivus exultus Tolosæ (2). Etiam in Prussia circa annum 1673. quædam Atheismi semina spargebat *Mathias Kuperen*.

RELIQUOS breviter percurramus. Anno 1614. in Thuringia *Ezechiel Meden* se nunc Dei Verbum, nunc *Michaelem* Archangelum nominabat. Similia effutiebant *Antonius Zinganella*, *Maria* Soror tertii Ordinis S. Francisci, & *F. Vincentius Augustin*. Excalceatus combustus anno 1621. Panormi. Romæ in campo Floræ igni tradita anno 1661. imago *Francisci Borri*, dogmatizantis Mariam esse Deam, & in ejus utero humanam assumpsisse carnem Spiritum Sanctum. Eodem anno Londini suspensus est *Venerius* quidam dolarius, qui erecto Vexillo cum inscriptione, *Vivat Dominus Jesus*, monarchias omnes evertere stulte, ac impie meditabatur. Combustus Parisiis an-

no

(1) Alexander quidam Epicureus, de quo *Albertus Magnus* in 8. *Phys.* *Almaricus* memoratus a *Præstolo* in Catalogo Hæret. redactus anno 1208. in cineres. Hujus discipulus *David de Dinant*. Quidam etiam *Mahumetani*, qui appellantur *Ehi Etsabkiki*, aliique dicti *Zindikites*, fortassis nomine Sadduceorum, qui dicebant non esse resurrectionem, neque angelum, neque Spiritum, ut legitur Act. Apost. cap. 23. 8.

(2) Anno 1619. natus erat Taurisani in Apulia. Spinosæ quoque adnumeratur *Andreas Cifalpinus Aretinus*, qui obiit Romæ anno 1603. Medicus *Clementis VIII.*

no 1662. *Simon Morinus*, iactans venturum quamcito Christum in gloria, sibi met corporaliter conjunctum. Flam- mis item traditus in Moscovia anno 1674. *Quirinus Kuhlmannus*, pseudopropheta impudentissimus. Rifu digna tan- quam sibi divinitus revelata tradidit *Antoniola Bourignon* orta Lilloæ in Belgio, & defuncta Franequeræ anno 1680. Aiebat enim Adam ante lapsum fuisse utriusque sexus, & filios pariturum absque muliebri concubitu, ipsumque revera hoc pacto genuisse humanam Christi naturam.

INTER errores ab Alexandro VII. damnatos anno 1690. connumerantur 31. propositiones Jansenistarum. At damnavit quoque *Peccatum Philosophicum*, quod propugna- ri cœperat Divioni circa annum 1686, auctore *P. Meunier* Jesuita. Permultas propositiones ad laxitatem morum ten- dentes proscripsit anno 1679. Innocentius XI. Apologiam Casuistarum anno 1658. Præsules Galliarum. *Antonii San- ctarelli* Jesuitæ doctrina anno 1627. damnata est a Theo- logis Parisiensibus [1], tanquam patrocigaretur molien- tibus vitæ regum insidias: sed eodem tempore Richeria- nos deprimentes Ecclesiasticam potestatem cohibuerunt Cardinales Rupefucaldius, & Richelius. Cœperat au- tem superiori seculo exagitari quæstio, an Rex tyrannus, vel hæreticus licite possit occidi. Quæ cum nimia liber- tate tractaretur; Henricus III. rex Galliarum a Jacobo Clemente gladio confossus est anno 1589. audaci facino- re. Illius exemplum secutus Joannes *Chastel*, juvenis improbus, ac super ætatem facinorosus, anno 1594. pugione Henricum IV. tentavit confodere, [2]. Et quoniam interrogatus, ubinam tantum sibi licere cri- men didicisset, respondit edoctum se in Schola Je- suitarum; in scriptis *Joannis Guignard* ejusdem Socie- tatis in Collegio Claromontano S. Theologiæ Professoris repertis ejusdem perversitatis munimentis, Joannes *Cha- stel* prædicto anno 1594. die 29. Decembris, & *Guignar-*

Q 4

aus

(1) Eiusdem Sanctarelli Scripta anno 1626. die 14. Martii Parisiis fuerunt combusta. Subjערunt idem fatum anno 1757. Opera PP. Bu- sembau & La-Croix ob factum cuique potestatem occidendi tyrannos, flammis tradita Tolosæ, & Bordigalæ; necnon Parisiis anno 1758. die 17. Martii *Epistola NN.* Cosmopoli, verius Lucæ, superiori anno la- bante in eorundem Operum defensionem procusa.

(2) A quo Henricus IV. occisus fuit, dicitur inferius in Appen- dice.

das proximo anno 1595. die septima Januarii extremo supplicio puniti sunt, in exilium pulsus Jesuitis omnibus in Galliis commorantibus. Vide Thuanum libro 112. Davilam lib. 14. & Hist. Soc. Jesu P. Juvenci tom. 2. pag. 5. qui Guignardum martyrio coronatum affirmat.

ERRORIBUS æquiparantur excedentes laudes Sanctorum; V. G. si præferatur S. Ignatii nomen in charta scriptum nomini Dei (1) prolato a Moyse, hujusque virgæ in signis patratæ; atque his similia censuris inulta Parisiis anno 1611. de quibus *Abregé de l'Histoire Eccles.* tom. X. pag. 244. præcitatur editionis Colonienfis (2).

C A P U T I V.

RECENSENTUR SCRIPTORES ECCLESIASTICI PRÆSTANTIORES SEculi DECIMISEPTIMI.

QUANTI Seculo XVII. florerint Viri literis, & doctrina conspicui, ex tabulis Chronologicis Gravefonii, aliorumque potest deprehendi. Apud Gravefonium nempe recensentur ex Scriptoribus Galliarum nullo Regularium Ordinum voto obstrictis XI. Ecclesiastica Dignitate insigniti, Theologi ex Clero Seculari plusquam XX. Interpretes Scripturarum XII. Historici XXIV. Ascetici VI. Jureconsulti XIV. In patria lingua expolienda exercitatissimi VII. Calvinianis XI. prætermisiss. Ex Italis Sacræ, & profanæ eruditionis, & antiquitatis studiosi XIX. Alii exteri quidem, sed in Italia commorati Ecclesiasticæ Historiæ cultores eximii V. & utriusque Juris scientissimi III. Ex Germanis Historici, Antiquarii & Orientalium Linguarum Cultores XII. Ex Belgicis in vario disciplinarum genere celeberrimi XXII. Ex Hispanis VI. Ex Anglis XI. Quid vero de Monachis, & Ordinum Regularium Viris conspicuis? Enumerat idem Gravefon Ordinis S. Benedicti Scriptores præstantissimos XVIII. Cistercienses III. Carthu-

(1) Tetragrammato *Jehova*.

(2) Vertente Seculo XVII. exorta est apud Anglos nova quædam Secta *Rationalistarum*, seu *Latitudinariorum*, cujus anno 1663. fundamenta jecit Eduardus Baro Herbert in Tractatu de *Religione Gentilium*, Amstelodami proculso. Hujus Sectæ doctrina est, nihil fide tenendum esse, quod naturali rationi non sit consentaneum, nec tantum non præiungens, verum etiam accommodatum ac pervium.

thusianum unum, alterum Camaldulensem: Ordinis Prædicatorum LXXIV. Ordinis S. Francisci XVII. Augustinensium IX. Canonicorum Regularium V. Carmelitarum II. Carmelitarum Excalceatorum VIII. Societatis Jesu XCI. Congregationis Oratorii Jesu XV. Oratorii S. Philippi IV. Ordinis B. M. de Mercede I. Clericorum Regularium S. Pauli item I. Theatinorum pariter I. Congregationis Doctrinæ Christianæ II. Ordinis denique Minorum, sive Sancti Francisci de Paula VIII. Horum vero si vel solum nomen velimus exscribere, ultra fines Compendii Historici progredi necessum erit. Quamobrem præstantiores tantummodo recensēbimus.

ÆQUUM est, ut initio laudetur nomen celeberrimum S. *Francisci Salesii*: qui natus in dicecesi Genevensi anno 1567. initio hujus Seculi, nempe anno 1602. consecratus est Episcopus, anno 1622. castissimam animam Deo reddidit, & anno 1665. Sanctorum Fastis adscriptus fuit. Ille enim pietatis iter calcantibus institutiones tradidit saluberrimas, & Sanctimonialibus devotionis, caritatis, fidei, & perfectionis semitas exemplis scriptisque monstravit.

LUDOVICI *Molina* Societatis Jesu Theologi, cujus superiori seculo mentionem fecimus, obitus contigit anno 1601. Hujus doctrina circa Concordiam libertatis & gratiæ a FF. Prædicatoribus impugnata, plurimorum Theologorum exercuit ingenia. Illam enim *Dominicus Bannes*, & *Franciscus Zumel* tanquam Semipelagianis affinem traduxerant, & hi vicissim doctrinæ proximæ Calvinii erroribus fuerunt insimulati. Illam Hispaniarum Universitates anno 1595. & 96. proscripserant: atque anno 1597. adversus eam Philippo II. Hispaniarum regi eruditissimum libellum obtulit celebris Dominicanus *Lanuz*. Is obiit anno 1625. Lobeti in Aragonia. (1) Hinc exortæ *Congregationes de Auxiliis* sub Clemente VIII. & Paulo V. inceptæ anno 1598. absolutæ anno 1607. Bulla tamen contra *Molina* errores conscripta & Consultorum manu signata suspensa est, & salva caritate potest propugnari *Molinistarum* atque *Thomistarum* sententia. (2)

PU-

{ 1 } Albarazin.

{ 2 } Neque Ludovicus Molina, neque illius discipuli docent tam prædestinationem ad gloriam, quam prædestinationem ad gratiam esse ex præsentia meritorum. De prædestinatione ad gloriam id quidem tenet

PUGNARUNT pro Gratia efficaci præ ceteris *Thomas de Lemos & Didacus Alvarez* Ord. Præd. *Jacobus Le Bossû* Monachus S. Benedicti, & *Gregorius Nunnius* Coronellus nostri Augustiniani Instituti. *Thomas de Lemos* naturæ concessit anno 1629. ejusque *Panoplia* typis edita fuit anno 1676. *Alvarez*, qui de Auxiliis spissum conscripsit volumen, obiit Archiepiscopus *Tranensis* anno 1640. *Nunnus* Coronellus Lusitanus Congregationum de Auxiliis a Secretis tanta adversus Molinam ipse scripsit, & ab aliis scripta collegit, ut nihil ad controversiam illam pertinens possit desiderari; inedita sunt tamen, & in Romano S. Augustini Archivio recondita. De *Jacobo Le Bossû* vide *Historiam* P. *Serry* prope finem.

DECEM Jesuitæ sententiam de Efficacitate divinæ gratiæ oppugnare studuerunt occasione prædictorum dissidiorum, videlicet, *Michael Vasquez*, *Petrus Arrubal*, *Benedictus Perreries*, *Mutius Vitelleschus*, *Christophorus Cobos*, *Bernardinus Rosignolius*, *Bartholomæus Peres*, *Joannes Azorius*, *Gregorius de Valentia*, & *Benedictus Justinianus*. Hi subscripserunt libro, cui titulus, *Confutatio cujusdam sententiæ falsæ de efficacia divinæ gratiæ: eundemque librum a septem Germaniæ Universitatibus*, & una *Lotharingiæ* approbati curarunt. In quinto Doctrinæ Molinistæ examine, quod cepit sub Clemente VIII. anno 1602. die 20. Martii, prælaudatus *Gregorius de Valentia* quædam S. P. Augustini verba ex libro 19. de Civit. Dei corrumpens, atque a Pontifice reprehensus, deliquio corruit, & Neapolim concedens brevi tempore supervixit.

AT quoniam aliquos nunc Theologos memoravi, nefas est alios quosdam præclarissimos præterire. Quis enim vel a limine Theologiam salutavit, cui ignota sint *Francisci Suarezii*, & *Gabrielis Vasquez* nomina celeberrima? *Suarezio* quidem nullum legimus modestiorem & doctiorem, atque nullum liberiorem acrioremque *Vasquesio*. *Suarez* autem obiit anno 1615. *Vasquez* anno

complures, sed loquuntur de præscientia meritorum, quæ cum gratiæ adiutorio comparantur. Prædestinationem vero ad gratiam esse ex præviis meritis, est Pelagiana hæresis, ipsi Molinistæ fatentibus. Horum itaque sententiam non recte quidam describunt, ut fecit in *Historia Italæ* Sermone conscripta *Franciscus Maria Ottieri*, Volumine 6. lib. 17. ad annum 1713. pag. edit. Romanæ 314.

anno 1604. Protulit istos fecunda doctissimorum Virorum parens Societas Jesu; quæ ulterius genuit Cardinalem de Lugo, *Fonsecam*, *Gabrielem Henno*, *Thyrsum Gonzales*, atque iis clariores paulo post numerandos. Nunc enim nobis quosdam e Schola Theologos commemorantibus, occurrunt Thomistæ doctissimi *Joannes a S. Thoma*, *Petrus Ledesma*, *Joannes Baptista Gonet*, *Antoninus Reginaldus*, *Gonzales duo*, *Vincentius Contensonus*, &c. Sapientissimi item inter Theologos hujus Seculi XVII. habentur *Franciscus Sylvius*, *Guilelmus Estius*, & *Gummarus Huygens* inter scriptores Belgas celebratissimi. Floruerunt in Augustiniana Familia *Angelus Rocca*, *Augustinus Gibbon*; *Lambertus Le Drou*, *Augustinus Lubinus*, *Nicolaus Gwardi*, *Christianus Lupus*. In Seraphico Ordine *Claudius Frassen*, *Franciscus Macedo*, *M. Antonius Cappellus*, &c.

INTER Purpuratos Patres immortalitatem famæ consecuti sunt *Cæsar Baronius*, *Robertus Bellarminus*, *Jacobus David Perronius*, *Joannes Bona*, *Laurentius Brancatus de Lauraa*, & *Henricus Norisius*. Cæsar Baronius Congreg. Oratorii S. Philippi Soræ natus anno 1538. obiit anno 1607. & magnum Opus Ecclesiasticorum Annalium improbo labore ad annum 1198. perduxit, & Martyrologium Romanum perpetuis notis illustravit. Robertus Bellarminus Politianus Societatis Jesu, nepos e sorore Marcelli II. natus anno 1542. vita functus anno 1621. præter alia permulta insigne Controversiarum Opus descripsit, a *Jacobo Gretsero* viro ejusdem Societatis doctissimo, & a *Vito Erbemannno* adversus hæreticos vindicatum. In illud quippe Junius, Danæus Hunnicus, Joannes Gerardus, Amesius, alique heterodoxi scripserunt. Carpitur quoque alicubi a Launojo, de quo infra; & quantum spectat ad Pontificum potestatem in Temporalibus supra reges, a *Joanne Barclajo*, qui decessit eodem anno 1621. Ut idem Bellarminus Fastis Beatorum adscriberetur, non tantum superioribus annis sedente Benedicto XIV. verum etiam anno 1677. sub Innocentio XI. & anno 1711. sub Clemente XI. Jesuitæ irrito conatu tentarunt, Cardinalis Perronius Bernæ in Helvetia natus anno 1556. & vita functus Parisiis anno 1618. fidem Encharistiæ adversus Moraxum luculentissime propugnavit, diluitque omnes regis Anglorum oppositiones, cum Musis quoque interdum versatus. *Joannes Bona* Cisterciensis in Urbe Pedemontii Montis Regalis

Regalis ortus anno 1609. & Romæ tranquilla morte sublatus anno 1674. de rebus Liturgicis, de divina Psalmodia, de Sacrificio Missæ, & aliis ad vitam Asceticam pertinentibus pie, sapienterque tractavit. Laurentius de Lauræa Ord. Min. Convent. Theologiam Asceticam, & S. Patris Augustini doctrinam de Prædestinatione, & Gratia plurimum illustravit; atque is est, qui magno adjuumento esset solet Theologis Congregationis Sacrorum Rituum. *Henricus Noris* Augustinianus tanto celebrior evasit, quantum illum tanquam Janseii affectum adversarii studuerunt traducere (1). Immortale sibi nomen comparavit Historia Pelagiana, Vindiciis Augustinianis, pluribusque Historicis, Theologicis, & Chronologicis dissertationibus. Veronæ natus fuerat anno 1631. & obiit Romæ anno 1704.

NEQUE hi tantum, sed alii sapientes viri Vaticanam Purpuram decorarunt, ut *Josephus de Aguirre* Ord. S. Benedicti Clarus Theologus S. Anselmi Commentator, omniumque Conciliorum Hispaniæ Collector: *Joseph Maria Thomassius* Clericus Regularis Theatinus, non tam vitæ integritate, quam studio antiquitatis Ecclesiasticæ, linguarum peritia, editisque libris conspicuus, & *Celestinus Sfondratus* Galliæ vindicatæ auctor, *Nodi* tamen Prædestinationis intricator potius, quam extricator.

TANTA fuit omnigenæ eruditionis in aliquibus copia, ut ad miraculum videantur exequi. In horum classe haud hæsitante locamus *Jacobum Sirmondum*, & *Dionysium Petavium* Soc. Jesu presbyteros, quibus addendus est *Jacobus Benignus Bossuet*. Sirmondus Ricomagi in Arverniam natus anno 1559. vixit annis 92. atque ab ineunte ætate latina, & Græca MSS. pervolutavit, Bibliothecas excussit, numismata, & vetustas inscriptiones inspexit, nobisque plura occulta antea, vel medita-

rese-

(1) Legantur *Norisii Opuscula*. Illius Historia Pelagiana cum Vindiciis Augustinianis, absque prævio decreto, aut malignantium fraude, aut nimia oscitantia, Indici Expurgatorio S. Inquisitionis Hispaniarum inserta, illinc deserta est mandato Inquisitoris Generalis Emmanuелиs Archiepiscopi Pharsaliæ; adeo, ut Cl. *Norisii* Operis ab erudito auctore Litterarium Ephemeridum, quæ Florentiæ prodeunt in lucem, recte dicantur, *Argentum igne examinatum, purgatum terra, purgatum soporibus*. Pl. 11. Prælaudatur Decretum Hispanicam censuratum fuit anno 1758. die 28. Januarii.

reſeravit, Petavius Aurelianenſis hanc lucem anno 1585. aſpexit, obiitque anno 1652. Hunc inter Jeſuitas Aquilam vocant. Edidit Syneſium, Epiphanium illuſtravit, Tempora digeſſit, exagitavit Scaligerum, Themiftii & Juliani orationes notis locupletavit, Poemata, & epiſtolas concinnavit, & dogmata Patrum ampliſſimis voluminibus explanavit. (1) *Boſſuetius* Meldenſis Epiſcopus, Divioni in Burgundia natus anno 1627. deceſſit anno 1704. Quæ autem iſ conſcripſit in libris Variationum adverſus hæreticos, in Iſaiam de Vaticanio Partus Virginei, contra revivifcentem ſua ætate Quietiſmum; Compendium univerſalis Hiſtorix, de gratia ac libertate juxta Auguſtini doctrinam, funebres Orationes, aliaque Moralia, & Polemica bene multa, miſſa *Deſenſione* proluxa propoſitionum Cleri Gallicani anno 1682. hæc, inquam, admiratione potius digna cenſentur, quam laude.

IN HISTORIA illuſtranda ſedulam impenderunt operam *Henricus Spondanus* Epiſcopus Appamienſis, qui ſcripſit Annales ſacros a creatione mundi ad hujus reparationem, Cardinalis Baronii Opus in Epitomen redegit, & uſque ad annum 1640. deduxit. Quamquam in Annalium Baronii proſecutione inſudarunt plurimum *Odoricus Raynaldus*, & *Jacobus Laderchius*, ejuſdem cum Baronio Congregationis. In prædictos autem Annales Baronii eruditæ Hiſtoricas, Criticasque animadverſiones edidit *Antonius Pagi* Ord. Min. Conventualium natus in Provincia loco humili, & vita ſunctus anno 1699. Hujus poſtrema Scripta perpolivit complevitque *Franciſcus Pagi* ejus nepos de hiſtoria Romanorum Pontificum optime meritus. Acta Sanctorum colligere & in lucem edere cœpit *Joannes Bollandus* Soc. Jeſu, executus conſilium, quod conceperat P. Heribertus Roſſveidus ejuſdem Societatis. Prodierunt ingentis Operis duo priora volumina anno 1643. Huic admoveſe deinde manus viri docti, laborumque patientiſſimi Henſchenius Papebrochius, Beartius, Janninghus, Sollierius, Pineus, Cu-

(1) *Petavius* poſteaquam lib. 9. Theolog. Dogmatum S. P. Aug. Doctrinam de Prædeſtinatione doctè expoſuerat, & vindicaverat, addidiſ librum 10. cujus priori capiti titulum fecit. *Reverſatur Auguſtini Senſus*, &c. Cauſam pote omniſibus eſſe competentem. Vide *Abrég. Hiſt. Eccl.* tom. 10. edit. anno 1754. pagina 328.

Cuper Boschius, Stiltingus, Suyfchen, & Perierius. Tridentini Concilii Historiam conscripfit *Sfortia Card. Pallavicinus* (1) ejusdem Soc. Jesu, eamque latinitate donavit confocius *Joannes Baptista Giattinus*. Obiit Card. Pallavicinus anno 1667. ejusque scopus fuit refutare Historiam *Pauli Sarpi* Ord. Serv. Theologi Reipublicæ Venetæ, viri præditi felici, & præcoci ingenio, & quamvis a Theologis multis dissentiat, procul dubio doctissimi. Deceffit *Sarpus* apno 1623. Historiam, & Annales Ordinum Regularium plures scripserant, ut FF. Prædicat. *Thomas Malvenda*, Ord. Minorum *Lucas Wadingus*, Capuccinorum *Zacharias Boverius*, Augustinensium Eremitarum *Aloysius Torelli*, Societatis Jesu *Maffeus Orlandinus*, &c. Italiam Sacram *Ferdinandus Ughelli* Cisterciensis.

Ecclesiasticæ Antiquitatis, quæ historiæ anima dici potest, studiosissimi fuerunt, & præclara edidere monumenta, *Antonius Gallonius* Congreg. Oratorii S. Philippi, qui scripsit de SS. Martyrum cruciatibus, & obiit an. 1617. Subterranea Urbis Romæ, plurimæque ibi recondita monumenta lustravit *Paulus Aringhus* ejusdem Congregationis, qui deceffit anno 1676. Martyrologium sui Ordinis edidit 1629. *Hugo Menardus* Benedictinus: idem anno 1642. perpetuis adnotationibus illustravit Sacramentarium S. Gregorii Magni, *Hugo Menardus* obiit anno 1644. *Petrus* de Marca, cujus Extat *Concordia Sacerdotii, & Imperii*, opera Stephani Baluzii semel iterumque in lucem edita cum Vita Auctoris, notisque, deceffit anno 1656. Parisiis, renunciatus ejusdem Urbis Archiepiscopus. *Leo Allatius*, qui post Lucam Holstenium custos fuit Vaticanæ Bibliothecæ, obiitque anno 1669. plura scripsit aptissima ad Græcorum confutandos errores. *Philippi Labbei* Soc. Jesu, qui satis cessit anno 1667. habemus præter alia complura Concordiam Chronologicam, suis, & Philippi Brietii, & Collectionem magnam Conciliorum: in quo eruditionis genere ferventissimum inge-

(1) Scripserunt Jesuitæ quidam, videlicet FF. *Conn*, & *Gobius*, de ceremoniis, & religione Sinenfium, tam immodica Confucii, ejusque virtutum laudatione, ut quinque famosæ propositiones ex illorum libris depromptæ a sacra facultate Parisiensi proscriptæ fuerint anno 1700. die 12. ORobris.

ingenium suum exercuit quoque *Joannes Harduinus* itidem Jesuita. *Lucas Acherius* Ord. S. Benedicti innumera, quæ latebant, monumenta publici Juris fecit, sublati pio obitu Parisiis anno 1685. *Joannis Launolii* Doctoris Sorbonici, qui extinctus est anno 1678. ingentia habentur, variique argumenti volumina, in quibus aliqui styli damnant intemperiem, aliqui nimiam rerum verborumque repetitionem. (1) Græcorum ritus accurate explicavit *Jacobus Goar* Ord. Prædicat., qui obiit anno 1653. Græcorumque Patrum inedita olim Opera vertit, vulgavitque *Franciscus Combefis* ejusdem Ordinis, qui fato cessit anno 1679. *Henrici, & Adriani de Valois* fratrum, præclarum in Litteraria Reipublica nomen: ille enim Græcos Historicos Eusebium, Socratem, Sozomenum, Theodoretum, Evagrium, Philostorgium, & Theodorum Lectorem latina vertit lingua, notisque illustravit: iste Galliam exquisitis dissertationibus reddidit notiozem. *Henricus* vero decessit anno 1676. & *Adrianus* anno 1692. Opera Patrum, qui sub tempora Apostolorum floruerunt, collegit, notisque exornavit *Joannes Baptista Cotelierus*, cujus mors consignatur anno 1686. Quæ sacram Chronologiam, & Geographiam haud mediocriter dilucidant, Romanorumque Pontificum propugnant auctoritatem, magno labore collegit *Emmanuel a Schelstrate* Belga, qui decessit Romæ anno 1692. postquam de Ecclesia Africana, de Patriarchatu Occidentali, atque de disciplina Arcani tractatus perutiles juvenili ætate elucubraverat.

IN ILLA utiliori Theologia, quæ in stabiliendis Fidei
no-

(1) *Launolii* liber inscriptus: *Veritable Tradition de l'Eglise, sur la predestination, & la grace*, typis proculus Leodii anno 1702. in S. P. Augustinum injuriarum plenissimus, damnatus fuit a Clemente XI. Pontificæ Maximo anno 1704. die 18. Januarii. Hyacinthus Serry Ordinis Prædicatorum, de quo seculo proximo, non solum contra Launolum vindicias Augustini elucubravit, verum etiam lepidula Epistola, quasi ex Elisiiis data, ostendit, quidquid Launolus in Augustinum effudit, depromptum fuisse ex Scriptoribus, religiosissimæ alias, sanctissimæque, Societatis Jesu, quorum enumerat saltem viginti, nempe *Andream Junium*, *Christophorum Orsigan*, *Diognisum Patavium*, *Franciscum Annatum*, *Gabrielem Vasquez*, *Jacobum Sirmondum*, *Joannem Adamum*, *Joannem Hamelium*, *Joannem Iurem*, *Joannem Marianum*, *Joannem Martinonum*, *Joannem Baptistam Guesnay*, *Leonardum Lessum*, *Levinum Le Mayer*, *Ludovicum Molinam*, *Petrum Halleux*, *Petrum L' Abbé*, *Stephanum de Champs*, *Theophilum Reynaudum*, & *Thomam Bonartum*.

nostræ decretis tota versatur, præter Venerabilem Bellarminum, de quo supra, insudavit *Martinus Becanus*, & ipse Soc. Jesu, qui migravit e vita anno 1624. (1) ab omnibus ob singularem modestiam laudatus. Eandem subierunt provinciam *Adrianus* & *Petrus de Watenburch* fratres Batavi; quorum primus Episcopus Adrianopolitanus, ac suffraganeus Archiepiscopi Moguntini obiit anno 1669. alter Episcopus Mysiensis, & suffraganeus Archiepiscopi Colonienfis obiit anno 1675. De Sacramento Pœnitentiæ, & de sacris Ordinationibus fufe, & erudite pertractavit *Joannes Morinus* Cong. Oratorii Gallus, qui e vivis excessit anno 1659. (2) Dogmata item Ecclesiæ Catholicæ & Ecclesiasticam disciplinam exposuit *Ludovicus Thomafinus* ejusdem Congregationis, qui e vita migravit anno 1695. His addendi, qui Polemica SS. Patrum scripta selectis animadversionibus collustrarunt, ut Oportum Milevitanum *Gabriel Albaspinaus* Episcopus Aurelianensis, qui decessit anno 1630. Irenæum adversus hæreses *Franciscus Feuardentius*, qui etiam sub hujus seculi initia scripsit Theomachiam Calvinisticam; & Marium Mercatorem *Joannes Garnerius* Societ. Jesu, qui obiit anno 1681.

COMMENTARIA in Sacras litteras elucubrarunt prælaudatæ Societatis viri permulti, inter quos celebrantur *Salianus*, *Mariana*, *Villalpandus*, *Menoebius*, *Thirinus*, *Pineda*, *Lotinus*, *Pererius*, *Serarius*, *A Lapide*, &c. Varia Sacra, & vindicias Textus Hebraici adversus Morinum edidit *Simeon de Muis* defunctus anno 1644. Biblia Maxima novemdecim comprehensa tomis prægrandibus concinnavit *Joannes de la Haye* Ordinis Minorum. Opera autem *Criticorum Sacrorum*, idest, adnotationum in Sacram Scripturam, variarumque eo interservientium dissertationum, compacta præsertim sunt ex libris Protestantium, ac primum prodierunt in lucem novem Voluminibus anno 1660. Londini.

DE

(1) Plurima scripsit pro fide orthodoxa, & pro defensione *Contraversarum* Card. Bellarmini, necnon pro Societatis suæ, ejusque beatissimi Institutore honore vindicando *Jacobus Gresserus* Jesuita, de quo *Nathanael Sotuel* pag. 369. Biblioth.

(2) Jo. Morinus in castris Calvinistarum educatus, Parisiis hæresim abjuravit. Idem fecerunt alii viri doctissimi, *Gaspar Scioppius*, *Willelmus Rainoldus*, *Petrus Pitheus*, *Henricus Spondanus*, *Tanaquillus Faber*, *Bertholdus Nihufius*, *Isaac Papinus*, aliique litterarum laude conspicui.

DE Theologia morali pertractarunt Societatis Jesu permulti. *Baumium*, *Filiutium*, *Escobarium*, *Azorium*, *Tarnburinum*, *Busenbaum*, &c. nullus ignorat, Nec tamen benigniores, ut inquit, sunt Jesuitæ cuncti, sed exactiores premunt semitas *Paulus Comitulus*, & Probabilissimi insectator *Tyrus Gonzales*. Bonus *Merbesius*, *Sambovius*, & *Henricus a S. Ignatio Carmelita* Belga prolixè item de doctrina morali scripserunt, laxitates rigidioribus fortasse præceptionibus insectantes. *Apologiam Casuistarum*, tog. Præfulum Galliarum censuris dispendam, omittimus. Italica lingua sive catechesibus, sive concionibus, nemo copiosius, & elegantius scripsit *Paulo Segneri* Soc. Jesu dignissimo, quem Parochi, & Verbi Dei Præcones studeant imitari.

POSTREMO loco recensendi sunt quidam Jansenistarum. Horum antesignanus *Antonius Arnauldus*, cujus Opus de frequenti Communione editum anno 1643. plura excitavit dissidia, sed majora movit quæ scripsit de Gratiâ, & de morali Practicâ Jesuitarum. Jansenismi notam non effugit liber inscriptus, *Amor Patiens*, Episcopo. Caltorienfis, in lucem emissus anno 1687. *Martinus de Barcos* Abbas S. Cyrani, qui anno 1643. refutavit *Pædestinatum* Sijmondi, & anno 1644. palam pro Jansenio certavit. Quædam hujus Opera latent sub nomine *Petri Aurelii*. Jansenianis adnumerandus quoque *Blasius Paschalis* qui sub nomine *Ludovici Montalti* vulgare cepit anno 1656. *Epistolas Provinciales*; (1) & qui sub *Vendrochii* nomine illas Latinitate donavit, & notis corroborare studuit, *Petrus Nicolius*. Accedunt directores, cultoresque Monasterii Portus Regii in *Campis*, *Isaac de Sac*, *Petrus Thomas Fosseus*, *Nicolaus Fontana*, *Gothefridus Hermant*, &c. Hos inter recensent quoque Cl. *Tillemontium*, qui mortuus cum magna pietate ac religione anno 1688. in templo illius Monasterii, (2) quod semper coluerat, sepultus fuit. Sui, & fictitio *Vincentii Lenis* nomine scripsit pro Jansenio *Libertus Froemondus* Doctor Lovanientis, extinctus anno 1653.

Tom. II.

R

Ad-

(1) Epistolis Provincialibus nullum datum responsum ante annum 1694. quo in lucem prodit, *Entretien de Cleindre & d' Eustace*. Hoc Opus celebri Apologia refutatum fuit anno 1696 & seqq. XVIII. aliis Epistolis a P. Mathæo Petit Didier Monacho Ordinis S. Benedicti.

(2) Monasterium illud anno 1709. dirutum fuit.

ADVERSUS Janfenistas & Bajanistas acuerunt stylum *Stephanus Descamps*, *Franciscus Annatus*, *Joannes Martinus Ripalda*, & *Joannes Martinonus* seu *Moraines* S. J. presbyteri. Sed non fuit, ut ulterius progrediamur, præfixa brevitatis.

CAPUT V.

AUGUSTISSIMORUM CÆSARUM, ET SANCTORUM
QUORUMDAM RECENSIO.

RODULPHUM II. Imperatorem vita functum absque liberis anno 1612. IV. Idus Januarii dictum est a libi. Eodem itaque anno mense Junio Francofurti electus est *Matthias* ejusdem Rodulphi frater, rex Bohemiarum, & Hungariarum, qui ob grassantem Lutheranam hæresim Praga Viennam Austriarum transtulit Imperii Sedem. Cum autem *Matthias* ex *Anna* filia *Ferdinandi* Austriarum uxore sua nullum suscepisset filium, adoptavit *Ferdinandum* filium *Caroli* Austriaci filii *Ferdinandi* I. Imperatoris, & *Mariæ* filiarum *Alberti* Ducis *Bavarie*; eique anno 1617. cessit Bohemiam, & anno insequenti regnum etiam Hungariarum. Protestantes per hæc tempora pervicaciores effecti magna Christianarum reipublicæ attulerunt incommoda. Ipse vero Imperator contracto ex animi tristitia languore vita excessit anno 1619. VI. Idus Martii.

ILLI itaque successit prælaudatus *Ferdinandus* hujus nominis II. evectus ad Imperii fastigium citato anno 1619. V. Calendas Septembris. Rexit autem imperium usque ad annum 1637. quo decessit apoplexia correptus 8. die Februarii. *Fridericum* Palatinum anno 1620. superavit, recuperata Bohemia; atque anno 1623. reddita fuit *Bavaria* Duci *Maximiliano*, hostibus a Cæsare attritis. Anno rursus 1626. ductor Cæsarei exercitus *Valstein* protravit hæreticorum phalanges, & *Danos* Augusti Principis arma fugarunt. *Mantuam*, quam occupaverant Galli, anno 1629. expugnavit: eodemque anno fancivit, ut Ecclesiastica bona ab hæreticis usurpata restituerentur Catholicis. (1)

SUC-

(1) Ex occasione PP. Societatis dederunt operam, ut quæ spectabant ad Monachos S. Benedicti, monasteria Monialium consequerentur, opera P. Lamormani a Confessionibus *Ferdinandi* II.

SUCCESSIT pio, invictoquoque parenti *Ferdinandus III.* quem ei pepererat Marianna conjux, filia Guilelmi Ducis Baviaræ. Post diuturna bella quæ gessit cum Svecis, aliisque, anno 1648. pacem Monasterii cum omnibus iniit; eademque pace in posterum fruens Catholicæ religioni propugnandæ, pietatique exercendæ totus incubuit, donec anno ætatis suæ 49. & Imperii 20. decessit Viennæ anno 1657. die Aprilis secunda.

TENUIT deinde imperium *Leopoldus*, quem Ferdinandus III. pepererat Marianna filia Philippi III. Regis Hispaniarum. Electus fuit Helenopoli, seu Francofurri anno 1658. die 18. Julii, & coronatus proximis Calendis Augusti. Fuit itaque post mortem Ferdinandi III. interregnum plusquam mensem quidem, Bellum habuit Leopoldus cum Gallis diuturnum, regnante Ludovico XIV. Conspirantes adversum se plures Hungarorum nobilissimos anno 1689. capitali pœna multavit. Turcarum CCXL. millia in Hungariam irruerunt anno 1683. & Viennam die 13. Julii cinxerunt obsidione: sed abierunt inde, in fugam conversi, castris permultis, die 12. Septembris a Joanne Subiescki Poloniæ rege, & a Carolo V. duce Lotharingæ, arripitque Leopoldo insignis Victoria. Lacescitum deinceps Imperium Turcicum, inito fœdere inter Leopoldum, Innocentium XI. Venetamque Reipublicam, donec anno 1699. sancita pace, quieverunt paululum bellorum strepitus. At rursus pro successione in regna Hispaniarum, vita functo anno 1700. Carolo II. rege, inter Leopoldum & Ludovicum vario pugnatum est Marte. (1.) Tandem imperator anno 1705. III. Nonas Maji Viennæ in Austria extinctus est hydrope, anno imperii sui quadragesimo septimo.

PRÆTER S. Franciscum Salesium laudatum superiori capite IV. Sanctorum Confessorum numerum auxerunt *Vincentius a Paulo*, *Camillus de Lellis*, *Franciscus de Regis*, *Fidelis de Simaringa*, *Joseph a Leonissa*, *Franciscus Solanus*: quorum, quod infra cap. 6. hujus aut seq. Seculi commemoranda sic solemnibus apothosis, nunc solum nomen describimus. Migrarunt quoque ad caelestem

R 2

spon-

(1.) *Carolus II.* Rex Hispaniæ testamento instituerat Philippum V. filium Ludovici Galliarum Delphini, heredem suum. Ipse autem Carolus II. filius erat Philippi IV. Austriaco sanguine procreati.

sponsum Seculo. XVII. Sanctimoniales *Maria Magdalena* de Pazzis Florentina, & *Rosa a S. Maria*, Americana. Martyrio plures coronati sunt hæreticis, & infidelibus persequentibus. Hanc promeruit coronam anno 1617. in Perfide cum aliis plurimis *Catharina* regina Georgiæ exquisitissimis suppliciis tentata. In Japonia lento pro fide cremati fuerunt igne anno 1622. *Petrus Zuniga* Augustinensis, *Ludovicus Florez* Ordinis Prædicatorum, *Petrus Davila* Ord. Minorum, & *Carolus Spinula* Januensis Societatis Jesu. De Martyrio *P. Britti* ejusdem Societatis, quod consignatur anno 1695. expectatur Apostolicæ Sedis judicium. Quia martyres non facit pœna, sed causa, non sunt in eorum numero computandi decem mille captivi Turcarum, qui Seditionem molientes anno 1662. in urbe Mauritanix Algerie crudelissime necati fuere. (1)

VIXIT hoc Seculo, cœpitque Revelationes suas scripto tradere anno 1655. *Maria Agreda* Ord. Min. de cujus libris ac virtutibus non semel est disputatum. Adversus ejus asserta valde affinia Scotisticæ Theologiæ censuram tulit anno 1696. sacra Sorbonæ Facultas: nec unquam quidquid plures moliti sūt, ab Apostolica Sede fuerunt approbata, imo cum primum Hispanica lingua prodierunt in lucem, rejecta. Nostrium tamen non est, quidquam aut ejus, aut *Catharinæ* matris, patrisque religiosissimi Viri detrachere virtutibus. Ad Catholicam enim Ecclesiam spectat de his proferre sententiam.

OBIERUNT præterea in magna sanctitatis fama anno 1641. *Claudius Bernardus* presbyter Divionensis, eodemque anno *Joanna Francisca Fremiot* de Chantal, quæ omnium prima institutum a S. Francisco Salesio Ordinem Visitationis ingressa est anno 1610. Hanc modo in Beatarum numero veneramur. *Emus* Parochus diocesis Senonensis anno 1644. migravit ad Superos: *Joseph Calasancius* Institutor Scholarum Piarum anno 1648. *Vincentius a Paulo* Institutor Congreg. Millionis anno 1660. *Henricus Michael* diocesis Trevirensis, qui sutores ad officia pietatis revocabat, anno 1666. *Petrus Guillerius* Canonicus Regularis

(1) Sunt qui inter martyres recensent *Henricum Garnet* Soc. J. alioque anno 1606. & sequenti supplicio affectos, quod conspirassent in *Parlamento*, ut iniquum, *Cameram* abdito pulvere pyrio subvertendam in Anglia, unde eam ob rem Catholici omnes fuerunt expulsi.

laris Bilumni in Sabaudia anno 1673. atque anno 1691. *Maria de Cyz* Leydenlis Virgo ad Catholicam Ecclesiam a secta Calvinistarum Deo prædestinante vocata.

CAPUT VI.

QUENAM SEculo XVII. IN ECCLESIA CATHOLICA
DOCTRINA, ET DISCIPLINA VIGUERINT.

SPECTANTEM ad fidem moresque doctrinam Seculo XVII. Ecclesia Christi incontaminatam servavit. Nam præter dogmata occasione emergentium hæreseon luculenter exposita, & firmiter stabilita; ubi innovatæ fuere, aut primum excogitatæ opiniones ad corruptelam, vel ad impietatem tendentes, opportune confixæ fuerunt, & refutatæ. Quod ex magno numero propositionum ab Apostolica Sede proscriptarum evidentissime apparet. Enimvero Urbanus VIII. anno 1641. damnatos a S. Pio V. 79. (1) articulos Eaji rursus Apostolica Constitutione perstrinxit; Clemens VIII. anno 1602. confessionem factam per litteras, seu internuntium, nullam & irritam declaravit; Innocentius X. anno 1653. propositiones V. Jansenii, Alexander VII. anno 1665. propositiones 28. & anno 1666. alias 17. Innocentius XI. anno 1679. propositiones 65. atque eodem anno 1679. duas alias prohibuit. Vetuit insuper anno 1682. ne quis utatur aliquo pacto, etiam sine directa vel indirecta revelatione, & gravamine poenitentis, scientia ex confessione acquisita, damnans oppositam assertionem. Idem Innocentius XI. anno 1687. perniciosissimam mysticam Michaelis de Molinos, hujusque positiones 63. reprobavit. Alexander VIII. anno 1690. peccatum philosophicum, deinde propositiones 30. ex Jansenistarum fontibus manantes, censuris confixit. Innocentius XII. novorum Quietistarum, & Francisci de Fenelon (2) Archiepiscopi Cameracensis anno 1699. damnavit propositiones viginti tres.

Ex His edocemur beneficia supernaturalium donorum excedere naturæ fines, Gratiam adjuvare, non perime-

R 3

re

(1) alias 76. duobus in unum his copulatis.

(2) Qui errores suos palam e suggestu retractavit, magis ob humilitatem & fidei confessionem laudandus, quam propter falsam proscriptionemque doctrinam reprehendendus.

re libertatem, neque hanc vinculo obstringi necessitatis, nullum esse inparabile crimen ubi non adest libertas indifferentiæ, invincibilem ignorantiam excusare a peccato, plura fieri a peccatoribus, & infidelibus, quæ non sunt a cupiditate vitiata, ad universos homines Christi redemptionem extendi, non sufficere in sacramento Pœnitentiæ attritionem naturalem, eam quæ ex metu gehennæ concipitur, bonam esse & ad gratiam disponere, præceptum annuæ communionis non impleri per communionem sacrilegâ, veram animæ perfectionem & devotionem non excludere exteriores actus, atque exercitamenta virtutum; aliaque id genus, quæ opponuntur damnatis illis propositionibus. (1)

QUUM autem hoc XVII. Seculo cum ingenti librorum copia, laxiores quoque opiniones fuerint disseminatæ; Episcopi vigilantissimè curarunt collabentem disciplinam restituere, & exundantem malitiam coercere. Si quidam ausi sunt affirmare nemini, quamvis prava consuetudine implicato, denegandam esse sacramentalem absolutionem; facilitatem istam coactæ Sacerdotum Synodi reprobaverunt, ut Farsensis 1685. Montisfalsisci anno 1692. Cæsenaensis anno 1693. Bononiensis anno 1698. Socios criminum, seu complices absolvendos non esse a Confessario, ut postulat poenitentiar ardor, & ratio pudoris, decreverunt Synodi Veliterna anno 1673. Faventina 1674. Æsina 1683. Arcendas a Sacramentis mulieres comptas, fucatas, & pectora immodeste nudantes, præter Innocentii XI. sanctiones, decrevere Synodus Senogalliensis anno 1627.

(2) Apologia Casuistarum a pluribus Galliarum Episcopis & ab Apostolica sede confixa, prodit auctore P. Pirot S. J. an. 1657. Alexander VII. anno 1667. præscripsit propositiones 45. & Innocentius XI. anno 1679. alias propositiones 65.

Apologias Auctorum Societatis conscripsit P. Moja, & P. Honoratus Fabri, tum proprio nomine, tum nomine Bernardi Stubrokii.

Antonii Santarelli liber a Sorbona damnatus fuit anno 1626. Marianæ item opus *de Rege, & Regis institutione* idem subit statum. Vid. Not. ad cap. 3.

Proscriptæ anno 1655. ab Archiepiscopo Mechliniæ, & exagitatæ proximo anno 1656. in Comitibus Cleri Gallicani Propositiones 21. Caramuellis fluentes ex principiis Probabilismi. Nota confixæ alim septem de promptæ ex Tract. Mascarenhas. Alim pariter 43. assertæ ab Escobariorum Sancio, & Petro Michaele de Sanronam; rursus decem & septem a sacra Facultate Lovaniensi confixæ anno 1653. Plures demum id. numero 127. in Comitibus Cleri Gallicani anno 1706. damnatæ omnium, qui aderant, Episcoporum suffragiis.

1627. Iuvenacensis anno 1639. Faventina 1649. Asculana, & Cremonensis 1688.

EXORTA. Seculo XVII. quæstione, an qui dispensatur ab esu carniū, sit etiam dispensatus ab unica comestione, variæ fuerunt sententiæ Theologorum, ut liquet ex Lessio lib. 4. de Iustit. cap. 2, Medina lib. 1. Instit. Sacerdot. §. 10. Comitolo Resp. Moral. lib. 4. q. 46. Azorio Instit. Moral. lib. 7. cap. 7. &c. Cum vero jejunium institutum sit ad frenandam carnis concupiscentiam, illa fuit sententia sanior & verior dispensatum in una parte, non esse dispensatum in altera, quam servare queat sine propriæ salutis discrimine. Saniores dixi, & veriores; nam anno 1657. Alexander VII. Cives Romanos dispensans ab esu carniū in Quadragesima declaravit illos teneri nihilominus ad jejunandum: quod & Clemens XI. anno 1703. & eo iubente Gaspar Cardinalis Carpegna summi Pontificis in Urbe Vicarius fidelibus indixerunt; perspicue autem explicavit, omnemque eliminavit difficultatem anno 1741. Benedictus XIV.

PRÆTER hæc, alique plura ad disciplinam, & ad integerrimam institutionem morum pertinentia, ad pietatem religionemque fidelium excitandam quosdam eximie virtutis in Sanctorum Fastos Summi Romanæ Ecclesiæ Pastores retulerunt Canonizatione solemni. Quem honorem Clemens VIII. anno 1601. detulit S. Raymundo de Pennafort Catalauno: Paulus V. anno 1608. S. Francisca Romanæ, & anno 1610. S. Carolo Borromeo; Gregorius XV. anno 1622. SS. Isidoro Agricola, Terefia Virgini, Ignatio Loyola, Francisco Xaverio Hispanis, & Philippo Nerio Florentino; Urbanus VIII. anno 1625. S. Elisabetha Lusitanorum reginæ, adscriptis numero Beatorum Andrea Avellino, & Felice a Cantalicio; & anno 1629. inter Sanctos Andrea Corsinio, inter Beatos relato Cajetano Thienæo; Alexander VII. anno 1658. Sanctorum Catalogo adscripsit Thomam a Villanova Archiepiscopum Valentinum; Clemens IX. anno 1669. Petrum de Alcantara Ord. Min. & Mariam Magdalenam de Pazzis Ord. Carmelitarum: Clemens X. anno 1671. Franciscum Borgiam, Cajetanum, Philippum Benitium, Ludovicum Bertrandum, & Rosam Limanam; & anno proximo Beatis accensuit Pontificem Maximum Pium V. Anno autem 1675. Idem Clemens X. magnificentissima pompa adscripsit Sanctorum Fastis XIX. Martyres Gorconien-

mienfes. Decretus denique anno 1690. ab Alexandro VIII. cultus Sanctorum Joanni a Capistrano, Joanni de Deo, Laurentio Justiniano, Joanni a S. Facundo, & Paschali Baylon.

AD INSTAURANDAM disciplinam Monasticam conducunt plurimum aut instituta, aut reformatæ religiosorum virorum Familiae. Etenim hoc Sæculo a Petro Cardinale de Barulle instituta est Congregatio Oratorii Jesu, coepta Parisiis anno 1611. & confirmata a Paulo V. anno 1613. Clerici Regulares Scholarum Piarum instituti sunt anno 1617. a B. Joseph Calasancio Aragonensi: (1) Qui *Pii Operarii* vocantur, instituti a Carolo Carafa Neapolitano anno 1606. approbati fuere anno 1621. a Gregorio XV. Congregationem Presbyterorum *Missionis* instituit anno 1626. S. Vincentius a Paulo.

Rigidiorem vivendi formam professæ sunt plures Congregationes, ut Monachorum S. Benedicti Congregatio *Verodunensis* in Lotharingia confirmata anno 1604. a Clemente VIII. & S. Mauri anno 1618. approbata a Gregorio XV. *Cisterciensium*, qui dicuntur *de la Trappe*; reformatio crepit anno 1662. Canonicorum Regularium S. *Genovesæ* anno 1634. ab Apostolica Sede confirmationem obtinuit. Reformationis Ordinis Prædicatorum in Galliis operam dedere *Sebastianus Michael*, & *Joannes Baptista Carre*, quorum ille decessit anno 1618. & iste anno 1653.

FEMINARUM quoque perutilium, & puellarum institutionem curantium, cœtus hoc XVII. Sæculo præterunt. Enimvero *Victoria Furnaria* anno 1604. Genus Virgines, quæ a ceruleo vestis colore vocantur *Celestes*, in unum congregavit. Quæ appellantur *Visitationis*, auctore Francisco Salesio, anno 1610. primam domum Annecii in Sabaudia incoluerunt. Insequenti autem anno *Ursulinas Maria Luillier* Parisiis, eodemque anno 1611. in Lotharinga *Petrus Ferenius* instituit. Moniales S. Benedicti in Galliis *Calvarii* nomine celebres originem habuerunt circa annum 1618. approbationem vero a Gregorio XV. anno 1621. Harum institutor, cum *Antonia* principe Aurelianiensi vita functa anno 1618. Piæta vi, sexto ab exordio Congregationis mense, fuit *Joseph* Ordinis Capuccinorum, qui

(1) Anno 1627. Ordo Clericorum Scholarum Piarum segregatus fuit a Congregatione Clericorum *Matri Dei*, cui aggregatus fuerat anno 1614. Quare *Matri Dei* nomen, nomenque retinuit. Sacri hujus instituti primordia ad annum 1597. videntur esse referenda.

qui pie decessit labente anno 1638. antequam Vaticanam Purpuram, ad quam Ludovicus XIII. illum nominaverat, fuisset affectus. *Jesuitissas* extra claustra viventes Urbanus Papa VIII. anno 1630. suppressit (1).

• PRÆTER Equestres Ordines, *Sanguinis Christi* institutum a Vincentio Gonzaga Duce Mantuæ anno 1608. & *S. Ludovici* a Ludovico XIV. Christianissimo Rege anno 1693. alii hoc Seculo Equites speciosis titulis condecorati fuerunt, nimirum anno 1652. in Silesia Equites *Mortis*: anno 1660. Brennoburgi Equites *Concordiæ*: anno 1685. in Borussia Equites *Generositatis*: anno 1692. in Argelia, vulgo Torgau, Equites *Sinceritatis*, & anno 1690. in Saxonia Equites *Integritatis*. Etiam Matronarum Ordines instituti, videlicet, anno 1662. sub nomine *Virtutis*, cum Epigraphe circa symbolum solis, *Sola triumphat ubique*; & anno 1668. *Crucis Dominicæ*, aureo hujus signo inscriptis verbis, *Salus & Gloria*. Huic Ordini Augustissima Imperatrix præficitur.

A P P E N D I X

RERUM ALIARUM COMPLURIUM.

HENRICUS II. *Borbonius* rex Galliarum anno 1610. pridie Idus Majas a Francisco Ravallaco nefario parricida confossus interiit (2). Regnavit postmodum usque ad annum 1643. Ludovicus XIII. filius Henrici IV. & Mariæ Medicæ: tum Ludovicus XIV. cognomento Magnus,

(1) Bulla Urbani VIII. qua supprimitur Congregatio *Jesuitissarum*, promulgata fuit sequenti anno 1631. mense Maio. Eadem congregatio in Germania, Viennæ præsertim, & Pragæ fuerat propagata. Adversus illam Romæ coram Sacra Congr. de Propaganda Fide orationem habuit gravissimam, instructamque nervosis rationum momentis Valerianus Magni Mediolanensis Ordinis FF. Prædicatorum: Valerianus iste laudatus in Epistola decimaquinta ex Provincialibus. Scripsit Valerianus adversus Gomeium minitrum Protestantium librum inscriptum: *Echo Absurditatum Utrici de Neufchâsse*, impressum Cracoviam anno 1646. Vaticanam Purpuram, quam ut illi conferret Urbanus VIII. per epistolam emixe rogarat Uladislavus rex Poloniæ, sprexit humillime, ut Evangelicis Missionibus totus incumbere. Videtis Bailletium Volumine I. *Anti*; pag. 259. Obiit Valerianus Salisburgi apud Bavaros ann. 1661. Extat de p. illius obitu Relatio anno proximo 1662. typis procusa.

(2) Aquebat Henricus annum 57. parricida autem die 17. ejusdem mensis affectus supplicio natus erat annorum 31. Cor Regis ad Collegium Jesuitarum translatus fuit.

gnus, filius Ludovici XIII. & Annæ Austriacæ qui obiit die 1. Septembris anno 1715. In Hispania post Philippum III. vita functum anno 1621. regnarunt *Philippus IV.* ejus filius usque ad annum 1665. deinde *Carolus II.* qui absque liberis decessit Cal. Novembris anno 1700, constituto tabulis Testamentariis herede *Philippo Borbonio* duce Andegavensi. Is est *Philippus V.* qui ab anno 1700. Hispaniarum Monarchiam gubernavit usque ad annum 1724. quò filio *Ludovico I.* renunciavit regnum, quod tamen eodem anno, Ludovico extincto, rursus suscepit administrandum. In Lusitania vero ab anno 1621. usque ad annum 1640. regnavit prælaudatus *Philippus IV.* rex Hispaniarum: at anno 1640. Lusitani proprium regem elegerunt *Joannem IV.* ducem Bragantiæ, qui regnavit usque ad annum 1656. Huic successit *Alphonsus VI.* mortuus anno 1683. atque *Alphonso Petrus II.* qui e vivis migravit anno 1706. V. Idus Decembris (1)

MAHUMETI III. extincto anno 1603. successit *Achmetes I.* qui obiit anno 1617. die 15. Novembris. Imperium tunc administravit brevi tempore illius frater *Mustapha*, sed hoc ob inertiam & immanitatem depresso, acclamatus est Imperator *Osmannus*. filius Achmetis. Osmannus ob bellum infelicitè gestum cum Polonis anno 1620. post biennium e throno dejectus, & laqueo peremptus est. E carcere eductus, & ad thronum rursus evectus *Mustapha*, transactis vix sex mensibus, de throno rursus deturbatus anno 1623. tenebricoso inclusus est carceri. Commissum tum imperium *Amurathi IV.* fratri Osmanni, & filio Achmetis I. qui periit ob nimiam ebrietatem anno 1640. die 8. Februarii. Imperarunt deinde *Ibrahim* frater Amurathis IV. usque ad annum 1649. *Mahumetes IV.* filius Ibrahim usque ad annum 1687. *Solimani IV.* frater Mahometis usque ad annum 1691. *Achmetes II.* frater Solimani usque ad annum 1695. *Mustapha II.* filius Mahometis IV. & nepos Achme-

(1) Angliæ Coronam post Elisabetham mortuam anno 1603. consecuti sunt *Jacobus I.* *Stuartus* eodem anno *Carolus I.* anno 1625 *Cromwellius* tyrannus anno 648. *Richardus* item tyrannus anno 1619. *Carolus II.* anno 1660 *Jacobus II.* anno 1685 reano expulsus. *Guilielmus III.* anno 1680. In Polonia post *Sigismundum III.* adepti sunt regnum anno 1613. *Vladislaus Sigismundus*; anno 1638 *Joannes Casimirus*; anno 1669. *Michael Chobrusius*; anno 1674 *Joannes Sobieski*, & anno 1697. *Fredericus Augustus*.

Achmetis II. ab anno 1695, usque ad annum 1703. quo anno solum conscendit *Achmetis III.* illius Frater.

INTER Christianos, horumque hostes insensissimos Mahumetanos non semel bellum exarsit. Primo hujus Seculi anno nempe 1601. Hispani Algerium frustra occuparentarunt. At anno 1603. in Hungaria Turcæ magna affecti sunt clade. Post biennium ipsi occuparunt Strigonium urbem Pannoniæ inferioris. Maurorum nongenta millia anno 1610. regnante Philippo III. iussa ex Hispaniis discedere. Melitenisium Equitum triremes anno 1644. deprædantur naves Turcicas, quibus cum Osmano filio Ibrahim vehebatur Sultana Saphira. Irruentes anno sequenti 1645. in Cretam insulam, Caneam, olim Cydoniam, urbem munitissimam longa obsidione expugnarunt. A Venetis anno 1649. devicti maritima pugna, & rursus anno 1651. 1655. & 1657. superati, anno 1663. in Hungaria victoriis potiti sunt, atque anno 1669. insulam Cretensem in suam redegerunt potestatem, post certamen vigintiquatuor annorum, & obsidionem mensium 28. dierumque 27. Centum quinquaginta millia Barbarorum, Christianorum vero triginta millia in bello Cretensi perierunt, Algerium anno 1682. 1683. & 1689. tormentis bellicis, quæ bombardas vocant, Galli vexarunt. Apud Strigonium anno 1685. sub Carolo V. duce Lotharingæ, & anno 1687. apud Patras in Peloponneso, a Venetis Turcæ cladē postrati sunt magna. Taurunum (1) anno 1690. occuparunt, & anno 1692. amiserunt in Hungaria Varadinum.

NEQUE hæc tantum bella Sæculo XVII. contigerunt, sed alia plurima. In Galliis enim viguit bellum civile Calvinistarum, anno præsertim 1625. & sequenti. At anno 1627. Rupella a Ludovico XIII. fuit expugnata, ibique restituta religio Catholica. Vexata quoque est Gallia intestinis discordiis, auctore præcipuo Gondzo bellicosissimo principe. Adversus Sabaudia Ducem anno 1630. prælaudatus Ludovicus XIII. castra movit. Inter Gallos vero, Hispanosque sæpe sæpius exarsit bellum, ut anno 1635. 1647. 1650. 1654. 1658. & 1673. Etiam cum Anglis, Danisque Galli anno 1656. pugnarunt. Ingentem Hispanorum cladem ad Rupem Regiam in Campania, seu in finibus Hannoniæ anno 1643.

Epi-

Episcopi Monasteriensis adversus Batavos copias militares anno 1665. coactas, ceterosque flagrantium bellorum apparatus, motusque prætereo. Angli anno 1694. Britanniarum portum *Brivaten* (vulgo *Brest*) occupare frustra tentarunt. Nec diu in enarrandis rebus aliis, quæ aliquibus infausæ fuere, morabor. Recensendæ sunt tamen Urbes tormentis bellicis, quæ bombas vocitant, quassatæ, ac semidiratæ. Experta est huiusmodi tormenta anno 1684. iussu Christianissimi regis Civitas Genuensis, Algerium insuper anno 1682. & rursus anno sequenti; necnon Bruxellæ anno 1695. Incendio anno 1621. absumptum est una cum Bibliotheca Collegium Jesuitarum Colonienſe: quo anno Jacobus Reingius ejusdem Societatis ad Protestantem defecit. Tertia item pars Civitatis Constantinopolitanæ cum Bibliotheca MSS. Arabicis refectissima, anno 1633. voracitate flammarum redacta est in cineres. Terræmotus Neapoli, finitimisque urbibus anno 1688. & 1694. damna attulit maxima. Concidit priori Sacræ Jesuitarum Ædis testudo, porticus elegantissima Templi Castoris, & Pollucis; Beneventum vero, & propinqua oppida æquata solo. Verum hæc ex tristibus enarrasse sufficiat.

PROSPERIORA referamus, ac primum fœdera pacis, & dissidentium concordiam. Ergo inter Paulum V. & Venetos anno 1607. composuitur controversæ. Sopita anno 1618. in Galliis civilis discordia. Maria Medicea Regina anno 1620. reconciliata Ludovico XIII. Inter Gallos Anglosque anno 1629. pax inita, & anno 1664. Pisanos inter, & Romanum Pontificem, Galliarumque Monarcham: inter Gallos quoque & Hispanos anno 1668. ac pariter inter Angliam, Hollandiam, & Daniam. Item anno 1669. inter Carolum Ducem Lotharingiæ, & Electorem Palatinum. Anno autem 1679. Imperium, Gallia, Dania, Svecia, Electores, Turcæ etiam, Noviomagi, idest Spiræ, concordiam firmarunt. Apparuit anno 1680. die 26. Decembris ingens ille Cometes, cujus occasione *Casinus* percelebris Mathematicus conscripsit *Systema* de istorum crinitorum siderum reditu periodoque; suasque commentationes, cum titulo *Pensles diverses*, edidit Petrus Bayle, caute legendum Opus. Vide proximi Seculi caput tertium. Episcopi Gallicani anno 1692. dissidiis compositis Innocentio XII. obtemperarunt.

EA insuper jucundiora sunt, fideique Christianæ monumenta splendidiora, quæ subsequuntur. Magni enim Principes Seculo XVII. abdicatis erroribus, & terreno principatu neglecto, nomen Christo dederunt. Anno 1621. filius Mahumetis Imperatoris Turcarum suscepit baptismum, Francisci nomine assumpto. Rex Tuneti pariter anno 1642. baptizatus est, illi Dominici nomine imposito. Filius quoque primogenitus Jungley Imperatoris Sinensium cum matre ad Christianam religionem accessit, ei nomine indito Constantini, atque parenti imposito nomine Helenæ. Quod contigit eodem anno 1646. Rex itidem Monomotapæ in Africa anno 1652. baptizatus regeneratus est, & appellatus Dominicus. Major nam Dynastæ Marochii, quod Africæ regnum veteres dixerent Bocanum Hemerum, anno 1667. sacro initiatus lavacro, ingressus est Societatem Jesu. Hanc anno 1642. amplexus quoque fuerat Casimirus Poloniæ Princeps, qui anno 1646. promotus fuit ad Purpuram Vaticanam, quæ tamen sese abdicavit anno 1668. proficiscens in Gallias. (1)

HISCE Catholicæ Religionis triumphis accessit Christianæ Reginæ Svecorum ad Catholicam fidem conversio. Quæ anno 1654. regnum cessit Carolo Gustavo filio Joannis Casimiri Comitis Palatini: anno proximo Romanæ Ecclesiæ professæ est dogmata: Laureti Deiparæ regale diadema sceptrumque dicavit; atque anno 1656. in urbe Roma abjuravit errores Lutheri, & sacro Chrismate ab Alexandro VIII. obsignata, postmodum Christina Alexandra fuit appellata. Etsi autem anno 1663. & rursus anno 1666. in Sveciam ob regni negocia tractanda concessit; nunquam tamen a proposito susceptæ religionis Catholicæ potuit dimoveri; & Romam reversa, doctissimorum virorum usa est contubernio, ibique magna litterarum altrix ac patrona obiit anno 1689. monumento in Aede Vaticana eidem erecto.

Æquum tandem est, ut nonnulla dicamus de litterarum incrementis, Virisque clarissimis. Academiæ institutæ sunt in Belgio anno 1614. Groningana, & anno 1636. Ultra-

(1) Permulti alii viri principes ab hæresi ad Romanam Ecclesiam venerunt: anno 1614. Wolphangus Wilhelmus dux Neoburgi: anno 1655. Christianus Augustus Palatinus Elector, cujus exemplum sorores præclarissimæ secutæ sunt. Vide Indicem præmissum Epistolis dogmaticis F. Sædorff. S. J. editis Gallico, Italique idiomate.

Ultrajectina: Parisiis anno 1666. Academia scientiarum: In Germania anno 1607. Giffena, & anno 1669. Chiloniensis; atque in America Guatimalensis, in nova Hispania anno 1628.

VIRIS Seculi XVII. præstantissimis præter enumeratos cap. 4. accensendi sunt; *Justus Lipsius* Belga, qui obiit anno 1606. *Antonius Possevinus* Societatis Jesu ob. anno 1611. *Scævola Sammarthanus* obiit anno 1623. *Andreas Schottus*, *Famianus Strada*, & *Joannes Mariana*, Soc. Jesu, quorum primus obiit anno 1636. alter incunte Seculo floruit, tertius circa annum 1624. decessit (1). *Isaac Casaubonus* Card. Baronii adversarius vita fundus est anno 1614. *Joannes Drusius* anno 1616. *Arnoldus Pontanus* de Chronologia præclare meritis, anno 1605. *Jacobus Augustus Thuanus* Historicus accuratissimus anno 1617. (2) *Sethus Calvisius*, & ipse Chronici auctor obiit anno 1615. *Joannes Buxtorfius*, Hebraicarum litterarum peritissimus obiit anno 1629. *Fronto Ducaus* Jesuita egregie eruditus obiit anno 1623. *Trajanus Bocalinus* facetus & maledicus interiiit Venetiis, sacculis arena plenis confusus. *Philippus Cluverius* insignis Geographus ob. anno 1623. *Thomas Campanella* Ord. Prædicat. celebris Philosophus anno 1639. *Petrus Cuncus* illustrator Reipublicæ Hebræorum anno 1638. *Joannes Meursius* indagator Antiquitatis anno 1639. *Renatus Cartesius* peracutus Philosophiæ Novator decessit anno 1650. *Petrus Molinaus* hostis Catholicæ Religionis insensibilissimus, anno 1558. *Petrus Gassendus* Philosophiæ Epicureæ instaurator, anno 1655. *Gerardus Joannes Vossius* miræ eruditionis, & eloquentiæ, (3) utinam Orthodoxus? obiit anno 1650. Quid maris arenas enumero, oceanumque dimetior? Occurrunt & Ca-

(1) Excelluit in Mathematicis *Christophorus Clavius* Bambergensis Soc. J. Mortuum Romæ anno 1612. die 6 Februarii tradit *Alegambe* in Biblioth. pag. 74. A bubalohumi afflictum, contritum, necatumque, dum inviseret septem Urbis templa, narrat in Oratione de *Philosoph. Iussu* exiit *Paganinus Gaudentius*. *Benedictus Manzini* inter Poetas Italos haud vulgaris Florentinæ natus est anno 1616. Sed Romæ decessit inchoato jam Seculo XVIII. idest, anno 1704. *Egidius Menagius* Græca, Latina, Italæ, & Gallica poesi celebris anno 1691. Parisiis occubuit. *Joannis-Baptiste Moliere*, quem Galli tanquam Comœdum inter suos parentem habuerunt, obiit Parisiis anno 1673. dum in theatro personam ageret *Egrosi Imaginariis*, correptus apoplexia.

(2) Thuanus Historia Romæ proscripita est anno 1609. una cum libris Gallicæ scriptis, *Le Plaidoyer de M. Arnauld contre les Jésuites*, & *l'Arrest du Parlement de Paris contre Jean Chastel*.

(3) De isto etiam supra pag. 3.

& Catholici, & Heterodoxi prorsus innumeri *Ludovicus Capellus, Aubertus Miræus, Erychius Puteanus, Nicolaus Rigaltius, Gaspar Scioppius, Joannes Seldenus, Daniel Heinsius, Jacobus Üsserius, Joannes Dallæus, Samuel Petitus, Gabriel Naudæus, Claudius Salmafius, Fridericus Spanhemius, Samuel Bochartus, Joannes Lightfootius, Lucas Holstenius, Joannes Henricus Hottingerius, Joannes Fredericus Gronovius, Tanaquillus Faber, Thomas Villis, Thomas Pope-Blount &c., &c. (1).*

Ne mireris prætermisum a nobis *Galileum* Galilæi Florentinum, Mathematicum, & Philosophum præstantissimum: Non oblivionis, sed sollertiz id fuit, quoniam de Galilæo quædam sunt adnotanda. Ac primùm Patavii, & Pisis illum tradidisse Mathematicas disciplinas maximo cum plausu, auditorumque profectu. Deinde principem Galilæum haberi recentiorum philosophorum, quales sunt, Bacon, Hobbes, Boile, Des-Cartes, Van Helmont, aliique sexcenti, ut inquit *Animadu.* in Philosoph. sect. 18. Rapius, insuper ad Galilæum invisendum Florentiam e longinquis civitatibus iter viros sapientissimos instituisse. Ulterius Galilæi sententiam de motu terræ, quæ anno 1633. proscripta fuit, modo ab illius quoque Instituti, ejus opera damnata fuit, Philosophis propugnari. Inexplebilem sapientiz animam exhaustavit vir ille maximus anno 1642.

DE-

(1) Concesserunt naturæ Seculo XVII. viri eloquentia, & poetica eruditione conspicui. Recensebo nonnullos. Deceffit anno 1602. Paulus Mèlius *Schedius* Meidelbergæ inter Germanos Poetas Pindaro, & Vernusino Horatio comparatus: Anno 1606. Philippus *Desportes* Carnutenfis Henrico II. Galliarum regi acceptissimus, & Gallicanæ linguæ princeps & solertissimus expolitor. Anno 1618. Jacobus Cardinalis *Petræus* tenebissimæ vir memoriz, & magnæ apud Paulum V. Romanum Pontificem auctoritatis. Ad scientias reliquas, in quibus excellunt, poetæ ad didit ornamenta. Joannes B. *Martini* Neapolitanus inter Poetas Italos mte sua clarus, sed neque imitatione, neque lectione dignus, obiit anno 1625. Franciscus *Malherbe*, qui Parisiis decessit anno 1628. parens Gallicæ poetæ a suis habetur. Joannes Armannus *Du Plessis* Cardinalis *Richelieu*, inter maxima Regi negotia illi commissa, muis deditus fuit, exiitque mortalitatem anno 1642. Franciscus *Trissanus*, cognomento *Eremita*, vita functus anno 1655. inter Gallos dramatis componendis totus incubuit. Petrus Justus *Jauset* Soc. J. Valentinus demortuus anno 1662. de rebus minimis allegorias expolito carmine panxit. Joannes *Deublam* Dublinensis anno 1668. Joannes *Milton* Londinensis anno 1674. Edmundus *Waller* itidem Anglus anno 1687. obierunt carminibus patrio idiomate editis admodum conspicui. Eodem anno 1687. Petrus *Péris* in Gaslia, & anno 1684. Petrus *Cornelius* faulis cesserunt. Joannes *Ravine* anno 1699. defunctus est.

DECIMUM OCTAVUM
ECCLESIAE
SECVLVM.
CAPVT I.

ABSOLVITVR PONTIFICVM ROMANORVM
CATALOGVS.

ROMANAM & Apostolicam Ecclesiam proximo hoc Seculo gubernarunt Pontifices Maximi *Clemens XI. Innocentius XIII. Benedictus XIII. Clemens XII. Benedictus XIV. Clemens XIII.*

CCXXXV. CLEMENTEM XI. electum fuisse in supremum Catholicæ Ecclesiæ Pastorem anno 1700. IX. Calendas Decemb. dictum est in fine Catalogi Pontificum Seculi præcedentis. Patria illi Urbinum Umbræ civitas, Familia Albana, nomen Joannes Franciscus. Vix post triduum delatum honorem excepit, specimen exhibuit singularis humilitatis. Præfuit ditionis suæ regimini prudentia, sedulitate, iustitia. Ecclesiasticæ Jurisdictionis propugnator regiam Siciliæ Monarchiam abolere studuit, improbavitque collatam Duci Hannoverensium Heterodoxo dignitatem Electoris Imperii. Commendant vero Clementis liberalitatem collata Jacobo II. & III. e regno Angliæ extorribus subsidia, & pauperibus distributa supra decies centena millia aureorum: devotionem, pietatemque celebratum quotidie sacrum, indictum Conceptionis B. M. V. Festum, novum Sanctissimi ejus Sponsi Officium: eliminandi cujuslibet erroris studium, damnatio rituum Sinensium facta anno 1704. die 28. Novembris, Constitutio *Vineam Domini* adversus Jansenianos edita anno 1705. die 20. Octobris, (1) Approbatio

(1) Damnatur eadem Constitutione famulos *Casus Conscientiæ*, jam a 40. Sorbonæ doctoribus anno 1701. approbatus: quo asserbatur fas esse obsequioso silentio Constitutioni *Unigenitus* obtemperare, & subscribere *Formulario*, latente in animo de sensu quinque propositionum Jansenii subscribentium judicio. Eundem *Casum Conscientiæ* præscripserat *Clemens XI.* anno 1703. die 12. Februarii, biennio ante Constitutionem *Vineam Domini Sabbat.*

batio rerum gestarum a Thoma Card. de Tournon per Breve, *Ad Apostolatus*, etnissum anno 1711. die 15. Martii, proscriptio 101. propositionum Quesnelli per Const. *Unigenitus*, emanatam anno 1713. die 8. Septembris, declaratio immunitatis doctrinæ Theologorum Catholicorum per Apostolicas litteras, *Pastoralis Officii*, datas anno 1718. die 28. Augusti. (1) Denique Clementis XI. singularem eloquentiam commonstrant illius Homiliæ, aliæque scripta typis commissa. Excessit e vivis decurrente anno Pontificatus sui XXI. nempe anno 1621. die Martii 19. in festo S. Joseph, quem peculiari devotione coluerat.

.. CCXXXXVI. SEDIT post Clementem *Innocentius XIII.* antea Michael Angelus de Comitibus Romanus, qui summum Pontificatum splendida majestate, pacato imperio, & munificentissima liberalitate administravit bienio, ac mensibus fere decem; illum quippe obtinuerat anno 1721. VIII. Idus Majas, & cum mortali vita dimisit anno 1724. Nonis mensis Martii.

.. CCXXXXVII. SEDIT postea *Benedictus XIII.* antea Vincentius Maria Card. Ursinus Ord. Prædicat. simplicitatis maximæ, summæ probitatis, humilitatis eximie Pontifex, & Ecclesiasticæ disciplinæ cultos diligentissimus. Hunc S. Philippi Nerii beneficio a terræmotus ruina liberatum, a Beneventana ad Romanam Ecclesiam regendam Deus transtulit anno 1724. IV. Calendas Junias. Omnia Pontificum officia ipsemet sacrorum rituum peritissimus exercuit, Clericorum habitum laicis inhibuit, ipse vero religiosam Dominicani Ordinis vestem nunquam dimisit. Ecclesiam suam Beneventanam anno 1727. & 1729. invisit. Doctrinam de gratuita prædestinatione, & gratia *se ipsa* efficaci confirmavit Apostolicis litteris datis in forma Brevis ad FF. Præ-

Tbm, II,

S

di-

(1) pro immunitate Ecclesiastica anno 1715. Clementis XI. abolere in Sicilia audeat magistratum *Judicis Monarchie* nuncupatum: atque Ecclesiastici obtemperantes Pontifici a potestate laica pulsati fuerunt in exilium.

dicat. anno 1724. die 6. Novembris (1) Proscripsit & ipse Sinenſium ceremonias. Diffidia inter Romanam & Prin-

(1) Incipit Breve Benediſti XIII. *Demiffas preces.* Eidem Pontifici anno 1728. ad controverſias circa Gratiam eliminandas propoſiti fuerunt duodecim articuli: de quibus, peculiari etiam Congregatione inſtituta, & Theologorum præmiſſa conſultatione, nihil eſt deſinitum. Sunt vero

DUODECIM ARTICULI.

I. Poſt Adæ peccatum nemo deinceps veram juſtitiam, aut ſalutem æternam adipiſci poteſt, abſque Mediatoris. & Redemptoris fide, modo magis explicita, ſeu diſtinſta, pro varietate temporum, ſeu perſonarum.

II. Lex Moysiſ, vñ propria, neceſſariam ad implenda præcepta Dei gratiam non conferebat.

III. Abſolutæ Dei voluntati nemo reſiſtit.

IV. Ut in ſtatu naturæ lapſæ liberum hominis arbitrium peccare, aut mereri cenſetur, non requiritur æqualis ad bonum & ad malum facilitas, aut æqualis utrinque propenſio, nec vires in voluntate æquales.

V. Cæcis, & obduriſtis omnem gratiam interiorem aliquando ſubtrahi in poenam præcedentium peccatorum, multi & celebres Theologi ſine erroris periculo propugnant. Qui autem omni gratia deſtituti graviſſima peccata contraherent, coram Deo reos non eſſe nemo dicere audeat.

VI. Præcipuum Religionis caput eſt divinum mandatum de dilectione Dei à cæteris præceptis diſtinſtum.

VII. Omnium actionum noſtrarum ad Deum directio res eſt præcepti, non conſilii tantum, nec ſufficit ſi tendant ſolum interpretative in Deum.

VIII. Qui Deum ignorans, vel de Deo actu non cogitans, vel expreſſe ad peccati malitiam non advertens graviter peccat, Deum offendit.

IX. Tutam ſalutis viam minime ſeſtantur, qui in ſacramento Pœnitentiæ non requirunt eam dilectionem, quam ad juſtificationem in Baptiſmo ab adultis exigunt Concilium Arauſicanum II. & Concilium Tridentinum.

X. Evangelicis præceptis, & Eccleſiæ regulis conſentanea eſt praxis, qua diſſertur abſolutionis beneficium pœnitentibus graviſſimorum, aut publicorum ſclerum reis; vel iis, qui in peccati lethaliſ conſuetudine, aut occasione proxima verſantur, vel iis qui inimicitias deponere, ablata proximo ſuo bona, ſeu ſamam honoremve reſtituere, ſcandala reparare renuunt, aut ſua culpa procraftinant, vel qui ſincera converſionis animi dubia exhibent ſigna; vel iis, qui myſteria fidei, aut Chriſtianiæ vitæ præcepta addicere negligunt; vel generatim iis omnibus, quos non, ſicut oportet, diſpoſitos prudens Confeſſarius judicaverit.

XI. Scripturæ Sacræ lectio omnibus. & ſingulis hominibus non eſt ad ſalutem neceſſaria; nec unicuique licet pro ſuo arbitrio, aut ex privato ſpiritu interpretari, aut eas legere abſque debita Paſtoribus reverentia & obedientia, aut ſine ſincera animi ſubmiſſione erga Eccleſiam, cujus eſt de vero ſenſu & interpretatione Scripturarum judicare, earumdem lectioni vacare.

XII: Si quæ excommunicatio maniſeſte prohibeat virtutis veræ æſum, aut a vero præcepto averſat, injuſta, ſimul & invalida eſt juxta Eccleſiæ decreta.

Principum Curias composuit : Comaculum, quod milites Cæsarei occupaverant, recepit : cum Ludovico Antonio Card. de Noailles egit, ut Constitutioni *Unigenitus* præberet assensum. Nec alienus erat a probandis XII. articulis, quibus receptis pax fortassis universæ Ecclesiæ illuxisset. Sed oportet, ut inquit Apostolus, *hæreses esse*, ut appareat fides credentium, & sanior doctrina. S. Gregorii VII. *Officium* anno 1729. præscripsit, cultū antea, ut dicam cap. 5. Sanctis aliis decreto. Ipse autem sequenti anno 1730. IX. Calendas Martias plenus meritis, laboribus fractus, ætate longævus (1) febris, & rheumatē mi-
gravit ad Superos. (2)

CCXXXVIII. REXIT deinde Ecclesiam *Clemens XII.* vocatus antea Laurentius Cardinalis Corsini, nobilissima gente Florentiæ prognatus. Electus est prædicto anno 1730. V. Idus Julii. Huic plurimum debent Romani Urbis vix, & sacræ ædes, maxime Lateranensis, amplissimo S. Andreae facello, porticu cum vetusta Constantini Magni statua, elegantissimoque prospectu exornata, necnon Capitolium omnigenæ antiquitatis monumentis decoratum, ad commodum Sculptorum, Pictorum, & studio-
rum Romaniæ Historiæ : Aquam *Virginem* magnifico ornavit cultu. Anconam firmiori porta, & Iernocomis miræ structuræ ampliavit : Ravennam ab inundatione fluviorum reddidit extracta mole, fossisque deductis immu-
nem, & facili mercium transvectioni corrivatis aquis prospexit. Thomistiæ scholæ litteris *Apostolica providen-
tis* anno 1733. die 2. Octobris addidit confirmationem. In Ecclesiam Aretinam, cujus Pastoribus usum Pallii concessit, in Florentinum Theologorum Collegium, quod privilegiis decoravit, in Incolas Montis Libani, quos legatione pecuniisque firmavit in fide, in Saxones, & religiosos apostatas, quibus omnem indulgentiam exhibuit, in omnes denique mortales beneficentissimus, debi-
tum naturæ persolvit anno 1740. die 6. Februarii.

CCXXXIX. CLEMENTI XII. successus est Prospet Card. Lambertini Bononiensis, creatus Pontifex Maximus prædicto anno 1740. XVI. Kal. Septembris, *Benedicti XIV.* assumpto nomine. Hujus Pontificis eruditio-
nem

S 2

{ 1 } Anno ætatis sue 81. Pontificatus anno 6. currente.
{ 2 } Eius Corpus e Vaticana Basilica ad Templum S. Mariæ super Minervam translatum fuit anno 1733. VII. Kal. Martias.

mem & sapientiam præclara & prælo commissa scripta commonstrant, maxime egregium Opus de Canonizatione Sanctorum, atque in Festa Christi & Deiparæ Annotationes uberrimæ ante Pontificatum in lucem editæ, & adornatæ postmodum lucubrationes de Synodo Dioecessana, de Institutionibus Ecclesiasticis, Epistolæ Encyclicæ, & quæ amplissima implent volumina, Constitutiones ac Brevia. Inde Sacri Antistites, Ecclesiastici singuli, cunctique fideles rerum agendarum normam, regulasque percipient, Exortas eo sedente controversiæ de matrimoniis initis in hæreticorum ditione, de usuris, de jejunio, de absolutione complicit, de laicorum in Missis privatis communionē, aliasque vel ad dogmata, vel ad disciplinam spectantes, luculenter, & perspicue explanavit. Ad studia fovenda plures aut erexit, aut restauravit Academias: cimelarchium Capitolinum, & Bononiense locupletavit; Seminaria construxit, litteratorum adamavit contubernia. Non respexit, ut decet principem Sacerdotum, *carum*, & *sanguinem*, amplificandis ornatisque templis, non augendo patrimonio nepotum, intentus. Neque vero Occidentali tantum, & Latinæ prospexit Ecclesiæ; sed quid statuerit de Maronitis, de Græcis, de Malabaricis, Ecclesiastica monumenta anno 1744. in lucem edita, *Bulla Ex quo singulari*, & *Si Pastoralis*, Constitutio *omnium sollicitudinum*, aliæque commonstrant (1). Nulla est religionum hominum familia, cui largitus non sit gratias & privilegia. Ad sedandas in Galliarum regno circa deneganda Sacramenta refractariis Constitutionis *Unigenitus* dissensiones dedit anno 1756. die 16. Octob. *Encyclicas*, quarum initium, *Ex omnibus Christiani Orbis regionibus*. Incidit sub exitum ejusdem anni in grave vitæ periculum: sed convaluit, ætæque Numini gratiæ Kal. Januarii anni 1757. Posteaquam in varia incioit vitæ discrimina, V. Nomas Maji anno 1758. concessit naturæ. CCL. PRIDIE Novas Julias eodem anno 1758. creatus est Pontifex Max. *Clemens XIII.* antea Carolus S. R. E. Card. Rezzonicus Venetus, & Episcopus Patavinus,

(1) Tanta emicuit in Benedicto XIV. doctrina, ut etiam Mathæus Plassius Acatolicus in quadam dissertatione Tubingæ, seu Augustæ Svevorum anno 1746. in lucem edita de illo scripserit: *Quo per omnia fructa non satis eruditior discit.*

hus, Ecclesiasticæ disciplinæ studio, & liberalitate in pijs peres præclarissimus: Augustissimæ Mariæ Theresiæ Reginæ Hungarorum, *Regina Apostolica* honorificentissimum titulum, successoribus quoque Regibus tribuendum, contulit; & jurè competere declaravit. Magnificentissima pompa, splendidissimoque Purpuratorum Patrum, Procerumque comitatu, ad Lateranensem, a Vaticana Basilica pridie Id. Novembris processit. In singulis Dominicis diebus *Præfationem* de SS. Trinitate, nisi alia ex propriis præscribatûr, recitandam esse in Missa sancivit, prout repetam sequenti capite 6. Apostatis sponte ad Superiores suos redeuntibus non tantum poenarum omnium remissionem, sed etiam ad omnes gradus honoresque pristinos anno 1759, restitutionem indulxit.

C A P U T II.

DE CONCILIIS SECVLO XVIII. CELEBRATIS.

SI NON tempore, saltém dignitate ceteras hujus Seculi synodos antecellit Lateranensis sub Benedicto XIII. celebrata. Indicta fuit anno 1724. die 24. Decembris, celebranda in festo Pentecostes sequentis anni. Pluræ hanc Synodum præcesserunt Congregationes in Collegio de *Propaganda*, quum intentio Pontificis foret, ea præsertim definiendi, quæ in Bullis *Ex illa die* contra ritus Sinenſium, & *Unigenitus* contra propositiones Quesnellæ a Clemente XI. sancita Ecclesiam adhuc turbabant. His, aliisque congressibus illorum rituum comprobata est superstitio, adversus confratres testimonium quoque perhibente P. Fouquet Jesuita Gallo, qui apud Sinas versatus veritatem suismet oculis inspexerat. Comprobata item fuit Ambrosii Mediobarbi Apostolici ad Sinas Legati agendi ratio, & prudentia, de qua historiam conscripsit P. Viani Ord. Servorum socius itineris, rerumque ocularis inspector.

IGITUR Synodus præstituto die inchoata est. Interfuerunt priori Sessioni Cardinales 32. Archiepiscopi & Episcopi 57. cunctisque assentientibus decem articuli ad Fidem moresque spectantes firmati sunt. Pertractatum in aliis sessionibus de Clericis, de Festis, de Sacramentorum administratione, de Ecclesiarum Immunitate, de Monachis & Eremitis, de Confraternitatibus laicorum, de puellarum reclusoriis, de Sepulturis, Se-

minariis, ceterisque ad optimum Ecclesiae regimen pertinentibus. Quantum ad dogmata spectat, Constitutioni *Unigenitus*, quae etiam ibidem dicitur *Regula Fidei*, (1) omnem exhibendam esse obedientiam statutum fuit. Post Sessionem IV. disputatum est, num Concilium Provinciale, cui praesit Romanus Pontifex, obliget universam Ecclesiam. Contradicente Cardinali De Polignae, indecisa controversia permansit. Concilium istud Lateranense absolutum fuit eodem anno 1725. proxima Dominica SS. Trinitatis: eique post Pontificem Benedictum subscribere Cardinales XXXII. Episcopi XLIV. Absentium Praetorum Procuratores XXXV., numero omnes CXI. Provincialis autem fuit Synodus, non Oecumenica, ut idem Pontifex declaravit: neque enim ad hanc celebrandam invitavit totius Orbis Episcopos.

IN Caufa Constitutionis *Unigenitus*, alia Comititia & Concilia coacta fuerunt. Primum congregati sunt Parisiis anno 1713. die 16. Octobris Episcopi XXIX. quorum eaput Card. de Noailles, quibus Rex ut Quesselum damnarent, praedictam Bullam significavit. Anno autem proximo 1714. Episcopi majori numero congregati mense Februario *Instruktionem Pastoralem* edidit, qua a proscriptis erroribus doctrina, quam nos propugnamus, declaratur immunis. *Instruktionem* XL. approbarunt Episcopi. Cardinalis tamen de Noailles cum aliis 7. vel 8. Quessello adhuc faventibus, discessit e Comititiis. Anno rursus 1720. ut agerent de Constitutione Gallicani Episcopi conveniunt & illam acceptarunt, editis tamen *Explicationibus* sanctae, & Augustinensi doctrinae affinibus, quas Centum Episcopi propria subscriptione firmarunt.

INTER alia vero Comititia, Synodisque dioeceseon, posterorum memoria servabitur Concilium Ebroduni in Delphinatu, celebratum anno 1727. ad proscribendam *Instruktionem Pastoralem* Episcopi Sanicensium, vulgo *de Senex*, editam anno 1726. die 28. Augusti. Indixit Synodum *M. de Tencin* Ebrodunensis Archiepiscopus, adfuere tres alii Episcopi suffraganei, & ipse agnoscatus, regia vocatus Epistola. Stetit se Episcopus Sanicensis annum agens 80. Ebrodunensi Synodo: in qua praedicta *Instructio* damnata fuit

(1) In Actis Synodi MSS. & genuinis non reperiri Constitutionem *Unigenitus* esse *Regulam Fidei*, idque postea insertum pro lubitu, affirmant qui tum Romae aderant, ut epistola 22. ad M. Mortuas, pag. 561. aliisque in locis asseritur.

fuit die 27. Septembris ejusdem anni 1727. quoniam in ea laudantur Reflexiones Morales Quesnelli, & Constitutio *Unigenitus* refutatur. Quamquam vero contra hanc sententiam senex Episcopus protestatus sit, XII. Præfules pro illo apud Regem intercesserint, & L. Parisienses Advocati res in Conventu Ebroduni gestas, agendique modum improbaverint; Benedictus tamen XIII. summopere illam commendavit in Epistola ad Archiepiscopum *De Tencin* scripta eodem anno 1727. VIII. Kalendas Novembris.

ANNO 1736. incunte Octobre celebrata fuit Synodus Montis Libani in Ecclesia B. V. de Loaisa Monachorum S. Antonii. Interfuere Patriarcha Antiochenus, XIV. Episcopi Maronitæ, duo Syri, totidem Armeni, Abbates, alique complures: in qua Synodo decreta S. Congregationis *de Propaganda Fide* proposita, & recepta fuerunt, actumque de numero, limitibus, & divisione Dicecesum Maronitarum, & de contributione erogari solita Episcopis in collatione Ordinum, & Sacrorum Oleorum distributione. Quibus Romæ discussis, Synodus approbata est anno 1741. Kal. Septembris a Benedicto XIV. Quæ approbatio facta est adjecta clausula, „ *Ita tamen, quod per nostram prædictæ Synodi confirmationem nihil derogatum esse censeatur Constitutionibus Romanorum Pontificum Prædecessorum nostrorum, & decretis Conciliorum Generalium super ritibus ceteratum quarumcumque nationum, sive generaliter, sive specialiter factis, &c.* Adhibere solet hanc clausulam Apostolica Sedes in qualibet confirmatione Synodorum Orientalium: adhibuitque illam anno 1714. confirmando Synodum Albanicæ, sive Epiri, & anno 1720. confirmando Synodum Rhutenorum Zamoscii in Polonia celebratam.

QUAMVIS plurimas Diceceson Italiae Synodos prætermittamus; laudandæ sunt tamen Pisane tres habitæ sub Archiepiscopo, & Primate Francisco Frosini an. 1708. an. 1717. & anno 1726. stylo Pisano; his enim addita sunt Ecclesiastica documenta eo delectu, & ordine, quo potest quilibet Episcopus quidquid ad optimum regimen attinet unico intuitu percipere. Paucis comprehenditur, sed exacta est, ac perutilis Synodus Dicecesana Segusii in Gallia Subalpina, coacta anno 1745. a Victorio Amadeo a Lanceis, nunc S. Rom. Ecclesiæ Cardinali, & Augustinianæ doctrinæ strenuo propugnatore.

CAPUT III.

XVIII. SEculi HÆRESES, ERRORESQUE.

QUIETISTARUM hæresim, & quæ inde consequitur, turpitudinum omnium licentiam, occultis conventiculis, docuit rursus, exercendamque proposuit *Joseph Beccarelli* Diocesis Brixienfis presbyter: qui, ejus comperta nequitia anno 1710. die 13. Sept. palam abjurare coactus est, & ad septennium damnatus ad triremes. Illum vero Decemviri, idest, excelsus Venetorum Senatus anno 1711. perpetuo tetroque carceri addixerunt. Sollicitudini & vigilantiz Joannis Cardinalis Badoarii Brixienfis Episcopi tribuenda est serpentis clanculum pestilentiz detectio atque extinctio.

PRÆTER *Protestantes*, & *Remonstrantes*, etiã *Contraremonstrantes* prodire. Sunt primi, ut diximus, *Lotherani* & *Calvinistæ* absolutam Dei prædestinationem cum libertatis interitu propugnantes: *Remonstrantes* vero *Arminiani* prædestinationem illam respuentes sensu Pelagianorum. Cum utriusque sectæ hæretici inter se communionem fervarent; exorti sunt, qui tradidere non posse concordiam istam haberi, nisi abnegata alterius partis sententia; atque hi *Contraremonstrantes* sunt appellati. De his vero pertractat *Philippus Limborchius* *Arminianus*, in sua *Theologia Christiana* in Belgicum, & Anglicum idioma translata. Derivatum nomen *Protestantium* a protestatione facta anno 1529. ab hæreticis contra statuta Comitiorum *Noviomagi*, seu *Spiræ*, dictum est alibi. *Arminiani* vero appellati sunt *Remonstrantes*, quoniam post mortem *Arminii* ab omnibus ejecti ab Ecclesia, libellum titulo *Remonstrantia* inscriptum obtulerunt *Hollandiæ* Ordinibus. Quoniam eidem libello adversarii alium opposuerunt cum inscriptione *Contraremonstrantia*; idcirco hi *Contraremonstrantes* dicuntur. His adhæsit inter ceteros memoratus *Philippus a Limborch* *Amstelodamensis*, discipulus *Vossii*, & *Curcellæi*: qui scripsit *Theologiam Christianam* pluries typis editam, atque translata, ut dixi, in Belgicum, Anglicumque sermonem. Cessit e vita *Limborchius* anno 1712. ætatis suæ 79. & in ejus obitum Orationem conscripsit *Jo. Clericus*.

IDEM *Clericus* ob maximam librorum copiam a se editam in *Litteraria Republica* notissimus, quique sub
initia

initia anni 1736. obiit Amstelodami, non tantum Arminianis adhæsit, & Pelagianorum sectans vestigia intemperanter in libros Augustini calarnum strinxit; sed ad evertendas Veterum traditiones, & impium dogma statuendum, quod necessaria non sit ad salutem fides in Christi divinitatem, duorum priorum sæculorum consecrasset Historiam.

FUERE, qui perniciosissimos hoc Seculo sparserunt errores. Nam quidam post *M. Lock* in libro inscripto, *Essai de Philosophie concernant l'entendement humain lib. 2. cap. 11.* putarunt bruta animantia intelligere & ratiocinari, quamvis limitato ordine, & circa ideas particulares in illorum sensu versantes. Alij cum eodem, *III. Replique a M. Stillingfleet*, autumarunt demonstrari non posse immortalitatem animæ rationalis, nisi ex suppositione veracitatis divinarum promissionum, quibus Deus æternam vitam pollicetur justo, æternumque supplicium minatur improbo. Absurdior quoque est ipsius *Lock* sententia in libro, cui titulus, *Christianisme Rationable*, quo statuitur duo tantum esse credenda tanquam fundamentalia religionis Christianæ decreta, videlicet, Deum esse unum, & Christum ab illo fuisse missum, unumquemque vero hæc credendo salutem consequi, modo sectæ suæ, qualicumque demum ea sit, obtemperet institutis. Ex his vero Materialistarum, Libertinorum, Atheorumque numerus nimium excrevit.

NON tantum in *Dictionario* suo Manichæismi hæresumque plurimarum *Petrus Bayle* inseruit momenta; verum etiam in IV. tomis de *Cometa*, qui apparuit anno 1680. adstruere ausus est ad bonos aut malos mores indifferenter se habere, & nihil conferre sive religionem, sive incredulitatem. *Spinosa* pejorem fuisse hunc hæreticum, vitam sanctum anno 1706. senserunt complures.

NON uno decreto Sinenfes, & Malabarici ritus superstitioni declarati fuerunt, posteaquam proscripti fuerant a sacra Congregatione de *Propaganda* jam ab anno 1645. sed postea anno 1656. ad relationem P. Martini Soc. J. sublatis superstitionibus, approbati. Ad illos explorandos ad Sinas anno 1693. *Carolus Maigrot*; anno 1701. *Carolus Thomas de Tournon*; anno 1720. *Ambrosius Mediobarbus*; anno 1738. Episcopus Halicarnassensis *De la Beaume* in regnum Indiæ ulterioris Cocinchinam, tanquam Legati Apostolici missi fuere. Ritus itaque

a *Carolo Maigrot* proscriptos *Carolus Thomas* de Tournon
solemni edicto damnavit Pudicherii anno 1704. IX. Cal.
Julias; sed in exilium pulsus a Sinarum Imperatore; an-
no 1707. die 19. Junii, Amacai consilere iussus est, ubi
relegatus, eodemque anno 1707. promotus ad Purpuram,
pie obiit anno 1710. die 8. Julii. *Mediobarbus* anno
1722. Romam reversus est, legatione sua inter magna
pericula expleta, & Episcopus Laudis-Pompeiz in In-
subria creatus; eique vita functo successit anno 1742.
Joseph Galeratus. Antistes vero Halicarnassensis in
Cocinchinam profectus, anno 1740. decessit. Omnes
isti Ritus, de quibus agitur, reprobarunt. Decretum
vero Cardinalis *de Tournon* confirmavit Clemens XI. an-
no 1711. ut diximus cap. 1. & rursus Bulla *Ex illa die*,
edita anno 1715. die 19. Martii, & pariter Benedictus
XIII. Clemens XII. & Benedictus XIV. in cujus Con-
stitutione *Ex quo singulari*, emanata anno 1742. expressè
inveniuntur, & confirmatæ Pontificum Prædecessorum de-
finitiones.

HORUM Rituum pravitas in eo potissimum sita est,
quod Confucio templum erigunt, quod appellant *Miao*,
quo nomine vocantur quoque templa Idolorum: eidem
immolant victimas, accensis cereis genua flectunt, & pro-
strati frontemque percutientes in terram illius spiritum,
quem adesse putant, cultu religioso prosequuntur. Pro-
genitorum pariter animas venerantur inscriptis tabellæ
verbis *Xin Gœy*, vel *Xin Chu*, quæ significant illic eas-
dem animas, tanquam in throno, vel sede morari.
Deum vocant *Xang Ti*, ac *Tien*, quo nomine demon-
stratur æthereæ materies: nuptis collo apponunt tesseram
cum imagine idoli, quod vocant *Polleyarem*, & re-
sticulam ros. filis contextam, croceoque succo delinitam:
festum ob muliebria, dum primo fluunt, & puella ap-
paret apta viro, concelebrant: tali fluxu laborantes adire
templa, atque ad sacramenta accedere prohibentur: ad
Parreas, ædesque ignobilium Missionarios infirmum visi-
tatuos, & administratuos Sacramenta, ire non sinunt;
aliaque plura, quæ legi possunt in prælaudata Benedicti
XIV. Constitutione.

POST editam Bullam *Unigenitus*, de qua i. capite,
plures in illa damnari putantes orthodoxam doctrinam
Scholæ Augustinianæ (quod a vero alienum esse idem
Clemens XI. altera Bulla, *Pastoralis Officii*, declaravit)

ad

ad futurum Concilium Ecumenicum appellarunt. Horum primi fuerunt quatuor Galliarum Episcopi, Mirapiscæ, Agathopolis, seu Montis Pessuli, Bononiæ, & Santii, qui Appellationis libellum vulgarunt anno 1717. die 1. Martii. Eidem libello die 5. ejusdem mensis ex CX. Doctoribus, quibus constabat Facultas Theologica Sorbonæ, subscripserunt XCVII. duodecim nil decernentibus & hæsitantibus, & uno tantummodo repugnante. Crevit deinde magnopere multitudo adversantium Constitutioni: atque hi sunt, qui dicuntur *Appellantes*. Verum ipsa Constitutio a majori Galliarum quoque parte recepta est, atque ne quis audeat ei refragari, solemni Actu, quem *Justitie* vocitant, anno 1756. die 13. Decembris Rex Christianissimus Ludovicus XV. mandavit. (1)

ABUTENTES nonnulli auctoritate Constitutionis *Unigenitus* ad roborandam Molinistarum sententiam, tanquam Baji, & Jansenii assecles traduxere Theologos Gratiam constituentes in sanctæ dilectionis inspiratione, asserentes auxilia sufficientia quibusdam infidelibus & peccatoribus scelestissimis denegari, necessarium in Sacramento Pœnitentiæ amorem Dei propter se, saltem inchoatum, asserentes, & operum bonorum relationem in ipsam Deum, ut habeant finis rectitudinem, propugnantes (2). Quanti sint hujus generis Jansenistæ, colligitur ex *Bibliotheca Jansenistica*, & *Dictionario Jansenistico*, quorum illa P. De Colonia Jesuitam, istud vero P. Patuel ejusdem Societatis habet auctorem. Hanc opprobriofam notam Fulgentio Bellet-

(1) Regia Declaratio Versalem subscripta fuit die Decembris decima.

(2) Duacenses Theologi desciscientes a Doctrina Majorum, quorum censuram adversus propositiones Lessii laudavimus in Not. 1. ad Caput 4. Seculi XVI. aliam ediderunt contra Theologos Gratiam per se efficacie propugnatores, præsertim Thomistas, cum doctrina Jansenii eam, quam illi propugnant, comparantes, maxime Vincentio Contensonio, & Antonio Massoulié nominatis. At Sacra Indiciis Congregatio postremam hanc Censuram proscripsit anno 1719. die 18. Julii, causamque potènti Canonico Theodoro du Many, responsum fuit die 3. Aprilis an. 1721. ex hac Censura abradenda esse que dicuntur de doctrina Thomistica, & iniquam comparisonem quorundam Catholicorum cum Jansenianis. Que ex libro 17. Act. prædictæ Congregationis, & ex Carolo Duplessis sunt alibi evidentissime demonstrata. Perpetuam itaque Censuram istam quidam præferre audent latè a Duacensibus anno 1588. adversus Lessium. Hæc enim posterior proscripta est: at prior ab ipsis Duacensibus confirmata anno 1648 & adversus Jesuitam Deckerium, qui illam Calviniani insinulavit erroris, vindicata est, etiam ab Episcopis Atrebatensi, & Tornacensi. *Bibliotheca* vero Jansenistica damnata est Decreto Sacræ Congregationis Indiciis anno 1749. die 20. Septembris, & *Dictionarium* Jansenistarum anno 1754. die 11. Martii.

Bellelli, nobisque intulerunt anno 1744. Rutenus Episcopus, & anno 1750. Archiepiscopus Schonensium, accusationibus suis ad Benedictum XIV. delatis. Sed hoc jubente Pontifice scripta nostra ad trutinam revocata, & diligenter discussa omnem evaserunt Censuram, & insuper nos Insinulatorēs refutavimus. *Bibliotheca* quoque, & *Dictionary* Jansenisticum prohibita Romæ fuerunt. Qui ergo Scriptoribus Orthodoxis, & prædictarum doctrinarum defensoribus, Jansenianæ hæreseos notam incurrunt, Ecclesiæ turbant pacem, atque ii sunt, qui Apostolicas infringunt Constitutiones, dum pro illis pugnare videntur; quoniam iisdem Constitutionibus prohibemur inferre istiusmodi csminationes, & cum proscriptis erroribus confundere quæ in Scholis Catholicis propugnantur.

SEPERE ajunt occultam quamdam hominum Societatem, quam Gallice vocant *Dés Francs-Maçons*, Italice *De' Liberi Muratori*. Secretos conventus agunt, aliis prorsus ignotos, emissio jurejurando nemini congressus (sui instituta, & consuetudines revelandi. Testantur tamen a se nunquam vel de Religione, vel Principibus pertrahari. Quæ nonnullis libellis in lucem editis de hac societate narrantur, fabulosa vulgo creduntur. Ut, ut sit, secreta hujusmodi conventicula, & juramenta improbantur; ex his namque Principes suspicari possunt molitiones in rempublicam, & Ecclesiæ Præfules vitiorum errorumque fomenta. Provide idcirco *Benedictus XIV.* & *Clemens XII.* PP. MM. necnon utriusque Siciliæ Rex Carolus incompertam hant sectam severioribus legibus proscripterunt. Meminimus Evangelicæ sententiæ Joannis 3. *Omnis enim, qui male agit, odit lucem, & non venit ad lucem, ut non arguantur opera ejus.* Nec ignoramus impium illud proloquium,

Jura, perjura, secretum pandere noli;

e latebris Priscillianistarum erupisse.

OMNIUM fere impietatum errorumque semina inveniuntur conspersa in perniciosissimo Opere; proculso anno 1758. typis Parisiensibus, cum simplici titulo *De l'Esprit*, appositis duntaxat in fronte verbis Læretii ex libro I. De rerum natura,

Unde animi constet natura videndum,

*Qua fiant ratione, & qua vi quæque gerantur
In terris.*

Se-

Severioribus censuris a *Clemente XIII.* idem Opus confixum est. (1) Permulti quoque reperiuntur errores circa fidem & bonos mores in libro inscripto, *L'esprit de M. de Voltaire*; quem nos peculiari censura perstrinximus.

C A P U T IV.

VIRI HUIUS SECVLI DECIMI OCTAVI SACRA
ERVDITIONE COMSPICUI.

FLORUERUNT haftenus litteris, & eruditione postremo hoc seculo plurimi, quorum nonnullos commemorabo; cunctos enim recensere non est delineantis Historiæ Ecclesiasticæ solum prospectum. Veniunt autem primo loco ex Monastico S. Benedicti Ordine Scriptores præclarissimi, *Joannes Mabillon*, vita sanctus anno 1707. cujus immensam eruditionem *Secula* sui Ordinis, Museum Italicum, amplissimum de Re Diplomatica Opus, aliaque scripta plura erudita, & singularia collaudant: *Theodoricus Ruinart* sublatus e vivis anno 1709. cujus ingenium deprehendet quisquis *Acta Martyrum* sincera & Historiam persecutionis Vandalicæ, ut alia prætereamus scripta, pervolutabit: *Renatus Massuet* mortuus anno 1716. librorum S. Irenæi editor, & illustrator, atque Editionis Operum S. P. Augustini, adversus P. Langlois Jesuitam, Vindex acerrimus (2): *Joannes Martianus*, qui e vivis concessit anno 1717. adversus Patrem *Pezron* Textum, & Chronologiam Hebraicorum Codicum defendit, ediditque summo studio S. Hieronymi Opera. *Dionysius Sammarthanus* Galliæ Christianæ eruditissimus auctor, qui decessit anno 1725. Prætermitto *Petrum Coustant*, ejusque in Epistolas Romanorum Pontificum notas uberrimas, *Edmundum Martenem*, & ejus Rituum omnium sacrorum eruditissimas *Explanationes*,

(1) In hunc proscriptum librum acuit stylum eruditus auctor alterius Operis, cui titulus, *Examen sérieux & comique*, in duas partes distributi, ac in lucem editi anno 1759. *Antistiodori*. Dictionarium itidem *Encyclopedicum* absurdissimis scatens erroribus, vigilantia Christianissimi Regis, & Sedis Apostolicæ anathemate damnatum tenebris, & præfocatum, Ruduit anno 1758. refellere *Abraham Joseph de Chambris Aurelianensis*.

(2) Scripsit etiam Opus ineditum, in quo Græcorum PP. pro S. P. Augustini sententiâ de Gratia testimonia collegit, sub titulo, *Augustinus Græcus*.

nes, (2) *Matthæum Petitdier*, atque illius pro Theologia Morali, & auctoritate Ecclesiæ lucubrationes Apologéticas: quorum primus obiit añ. 1724. tertius añ. 1728. alter anno 1749. Quis vero cuncta *Augustini Calmer*, qui claruit annis nuperrime elapsis, in sacras litteras Commentaria, dissertationes, Chronologiam, & sacræ antiquitatis monumenta percurrat? Itali etiam Monachi æmulantur studia ceterorum; idque ostendunt *Angeli Maria* Cardinalis *Quirini* Episcopi Brixienfis, qui decessit anno 1755. litterarii labores, & aliorum complurium iam editæ, & ad prælum paratæ, subacti ingenii dissertationes.

NEQUE in aliorum Monachorum Congregationibus Ecclesiastica Studia torpescunt. *Claudius Du Vert* Cluniacensis vita functus anno 1708. Ceremonias Sacras quatuor voluminibus plano, litterali, & historico sensu explicavit. Ordinis Vallisumbrosæ monumenta colligit, vindicatque Dominus *Fidelis Soldani*. Ex Camaldulensium Cœtu Abbatibus *Guidonis Grandi*, qui obiit anno 1742. non tantum Mathematicis disciplinis, verum etiam sacræ Theologiæ, & Historia percelebris, apud nos immortalis viget memoria. Hunc æmulatur vir præclarus *Claudius Fromond*. Antiquales historiamque ejusdem Ordinis Ab. *Anselmus Costadoni*, & *D. Benedictus Mittarelli* erudite diligenterque conscribunt: *Angelus Calogerà* multiplici præstat eruditione.

CLARUERUNT in amplissima Prædicatorum Familia *Antonius Massoulié* mortuus añ. 1706. auctor Voluminum, quorum titulus *Divus Thomas sui interpretæ Natalis Alexander* de Universa Sacra & Ecclesiastica Historia, de Theologia Morali, & de Evangelica doctrina optime meritis, qui decessit anno 1724. *Michael Le Quien*, cujus extat insigne Opus *Christianus Oriens*, vita functus añ. 1733. *Jacobus Hyacinthus Serry* Historiæ Congregationis de *Auxiliis*, aliorumque plurium librorum Auctor illustris, vita functus anno 1738. Cardinales, *Ludovicus Vincentius Gotti*, qui obiit anno 1742. Universæ Theologiæ, Dogmatum, & Veritatis Catholicæ illustrator, & *Ludovicus Maria Lucini* e vivis ereptus anno 1745. profigitor rituum Sinenfium: *Daniel Concina* insectator Probabilismi, & uni-

(1) De hoc argumento etiam *P. Le Brun*, *Renaudotius*, &c. *Joannis S. R. E. Card. Bona* libri rerum Liturgicarum, aliæque Opera amplioris Commentariis illustrata, una cum ejusdem piissimi Cardinalis Epistolæ in lucem prodierunt anno 1747. opera *Di Roberti Sala*, Congregationis S. Bernardi, Augustini Taurinorum.

& universæ doctrinæ morum præceptor, qui fatis cessit anno 1756. Pro *Concina* vero carmine, & prosa *Dimellus*; Epistolis vernacula scriptis lingua sub nomine Eusebii Erasmii P. *Patuzzi*, & Anonymus alter sub *Agenoris* larva pugnam exercent. Quis vero ignorat quanti pretii sint Opera Historica & Theologica *Ignatii Hyacinthi de Gravelson*, Tractatus de l'Action de Dieu (1) Monumenta Aquilejensis Ecclesiæ, & perpolitæ dissertationes *Bernardus de Rubeis*, variæ Casti *Innocentii Anfaldi* lucubrationes, P. *Mamaehii* Ecclesiasticæ Origines, *Thomas Vincentii Monaglia* adversus Fatalistas, & Materialistas, aliæque dissertationes gravissimæ, *Josephi Augustini Ursii* S. R. E. Cardinalis Vindiciæ Petri a Soto, Confutatio Defens. Declarationis Cleri Gallicani, Historia Ecclesiastica eloquenti gravissimoque stylo enarrata, & *Raymundi Maria Corsi*, qui *Ursii* premit vestigia, *Vita Virorum*, qui doctrinæ, & sanctitatis condecorarunt Ecclesiæ? *Antonini Bremond* Ordinis Magistri, *Augustini Ricchini* Magistri S. Pal. Apostolici, *Portæ*, *Remedellii*, aliorumque plurimorum præclara nomina ubique resonant.

INTER nostrates suæ apud posteros famæ consuluerunt *Guillemus Bonjour* Hebrææ, Græcæ, & Copticæ linguarum, quarum illustria edidit monumenta, necnon motus astrorum, scientissimus: *Augustinus Arpe* auctor *Summa Egidianæ*, institutionum Moralium, libri, qui inscribitur, *Panthæon Augustinianum*, &c. *Joannes Baptista Cotta* Historicus & Poeta, Etrusca præsertim lingua, expolitus: *Bernardus Desirant* *Quesnelli* oppugnator, sed in quo *Adeodatus Nuzzi* absurda detexit plura: *Petrus Lambertus Le Drou* amoris initialis in sacramento Pœnitentiæ sententia nostra necessarii strenuus assertor: *Joseph ab Absumptione* Martyrologii Ordinis, multorumque voluminum Editor: *Hyacinthus Tonti* defensor dogmatum Catholicorum, & concionator apud Italos clarus, licet ingeniosior, quam eloquentior: Theologi in Hispania percelebres: *Petrus Manso*, *Henricus Florez*, *Antonius Guerrero*: in Belgio *Philippus Van-Waure*, *Leonardus Vanroy*, *Aurelius Piette*, *Jacobus Van-Bossuyt*, *Nicolaus de Tombeur*, *Joannes Libens*: in Germania *Sigismundus Buttner*, *Bartholomæus Faber*, *Arnselmus*

(1) Verus auctor est *Laurentius Franciscus Bousfier* Doctor Sorbonicus.

felmus Hormonseder; in Italia *Thaddæus Caluschi*, sapientissimus Præceptor meus *Benedictus Gattinius*, & *Fulgensius Bellelli*, in cujus funere anno 1742. orationem habuit *Nicolaus Maria Troisius*, vir magno ingenio præditus. Accedit *Thomas Archiepiscopus Cervioni* circa idem tempus fato functus, orator item ac poeta hand ineptus: *Felix Mayr*, cujus extat *Augustinus vita spiritualis Magister* (1): *Jacobus Philippus Gatti* artis Rhetoricæ, & Poeticæ peritus, quantum opera ejus testantur: pius ac devotus A. sceticorum librorum auctor Jo. *Nicolaus Chiesia*. Mitto præstantes viros *Nicolaum Landini* eloquentissimum Oratorem, *Danielem Marcolinum* Theologum, & Poetam, librorumque helluones *Hieronimum Zæzzerium*, *Joannem Thomam de Bonis*, *Thomam Rinaldi*, *Antonium Augustinum Giorgi*, inter ceteros, quorum consuetudine uli fuimus, doctissimum, atque honestissimum. Alios prætermitto, quos commendant publica litteraria monumenta. Nostra vero, si quis pro sua benevolentia commemorare velit, postremo, & infimo loco recenseat.

CUNCTOS Societatis Jesu Scriptores vel hoc seculo vita functos, vel adhuc viventes enumerare arduum est. Quorumdam tamen mentionem faciamus oportet. *Tamburinus* Societatis Præpositus Generalis, & P. *Cercerau* notissimi inter Probabilistas Theologi obierunt anno 1730. Decefferant antea peracuti, sed luxuriantis ingenii *Harduinus*, & *Daniel*; ille anno 1723. & iste anno 1728. Theologiam cum delectu quæstionum & sententiarum concinnavit *Edmundus Simonetti*. Moralem, speculativam, & dogmaticam nervose breviterque complexus est *Paulus Gabriel Antoine*, plus externis acceptus, quam suis. Conscripserunt in sacras Litteras exercitationes Italico idiomate PP. *Catani*, *Umbertus De Cocconato*, *Calini*, *Nicolai*, *Richa*, alii. Doctrinam & disciplinam Ecclesiæ exposuit *Ludovicus du-Meslin*. Plures Italica commendantur eloquentia, inter quos *Antonius Franciscus Bellati*, & *Jacobus Bassani*. Apparatum ad Jurisprudentiam, præsertim Ecclesiasticam, erudite conscripsit *Joseph Biner*; Ecclesiasticam Historiam *Hadrianus Daude*. Principia Moralia, in quibus aliqua postmodum retractavit, vernacula lingua edidit *Nicolaus Ghezzi*. Prophetarum

(1) *Silvester Merani* Ep. Porphyriensis refutavit Agimadversiones *Phersponi* (idest Jo. Clerici) in Augustinum; sed nondum Opus prodit in lucem.

SECULUM XVIII. CAPUT IV. 289

rum vaticinia *Baltus* vindicavit. Mittimus (1) Historiam *P. Berruyer* Gallice scriptam , in quam Abbas *Gaultier* vulgavit nuper tria Epistolarum volumina , & librum de frequenti communione *Joannis Pichon* , plurimum Episcoporum censuris confixum. Etiam illos prætermittimus , qui suorum auctorum nuperrime scripsere vindicias , *Carolus Nocetum* , *Philibertum Balla* , *Jacobum Sanvitali* , &c. *Franciscus Antonius Zacharias* Orator , Historicus , & Criticus in Historia Litteraria horum plures , ceteros , necnon seipsum celebrat , laudatque .

EX ALIORUM QUOQUE Religiosorum virorum Ordinibus nomina saltem quorundam universæ Italicæ notissima laudabimus. Fratrum Minorum Conventualium Familiam scriptis condecorant *Laurentius Ganganelli* doctrina magis , quam Vaticana Purpura clarus , *Raymundus Misforius* , *Franciscus Leoni* , *Carolus Dominicus de Moja* , *Joannes H. Sbaralea* , *Casimirus Tempesti* , *Dominicus Maria Speroni* , *Antonius Felix Mattheus* , aliique de Historia Ecclesiastica , & de Sacra Theologia optime meriti. Minorum , quos *Observantes* vocant , *Antonius Bianchi* Lucensis , *Fortunatus* a Brixia , *Philippus* a Carboneano , *Damasus Emporienis* . Fratrum Capucinatorum *Franciscus Maria* Cardinalis *Casinus* , *Casertanus Maria* Bergomas , *Viator* a Coccaglio , *Norbertus* a Lotharingia . Clericorum Regularium , quos *Theatinos* appellant , *Antonius Franciscus Vezzosi* , *Joannes Baptista Caraccioli* *P. G.* Scholarum Piarum , *Alexander Pollit* , *Paulinus* a S. *Joseph* vir eloquentissimus , *Eduardus Corfinius* omnigena eruditione conspicuus , *Joannes Carolus Bosius* illustris Theologus , *Carolus Antoniolus* supra ætatem sapiens , &c. Congregationis Oratorii *Joseph Blanchinus* , *Hieronymus* e Prato , & e Gallia *Joannes Casassutius* , *Bernardus Lamy* , *Gaspar Juenin* , *Paschasius Quesnellus* , cujus sunt 101. propositiones damnatæ in
Tom. II. T Bulla

(1) *Mujus Historiæ secundam partem jam proscriptam , Italico idioma iterum edidit , una cum adjectis dissertationibus damnavit rursus Benedictus XIV. anno 1758. die 17. Februarii . Subiit idem fatum eodem anno die 2. Decembris Pars III. eam damnavit Clemente XIII. P. Isaac Joseph Berruyer decessit eodem anno 1758. die 18. Februarii . Plures Historiam illam confutarunt ; locupletissime vero Franciscus Episcopus *Suessoniensis* Instructione Pastoralis edita anno 1759. Eodem anno die 30. Augusti prælaudatus Clemens XIII. tomos duos , & Epistolam quandam pro ipsomet *P. Berruyer* editam condemnavit ,*

Atheorum refutavit deliramenta, obiitque anno 1741. Verum si diutius moraremur in Galliis, occurrerent permulti litteratissimi viri, puta ex Theologis *Nicolaus L'Herminier*, *Carolus Vitasse*, *Honoratus Tournelius*: ex Christianæ vitæ morumque Institutioribus, *Genettus*, *Besombes*, *Pontas*, & qui ad usum Seminariarum, V. G. Gratianopolitani, & Petrocorensis, perspicue, breviterque Moralem Theologiam concinnarunt: ex Historicis, præter Ephemeridum, *Journal des Sçavans*, & *Nouvelles Ecclesiastiques*) Scriptores Anonymos, qui Ecclesiasticam Historiam typis Coloniensibus nuper edidit, cujus volumen XIII. prodit anno 1754. ne commemoretur altera impressa Agathopoli (1), contra quam editæ Leodii sunt anno 1755. Epistolæ XXI. (2)

VERUM non opus est, ad viros longe doctissimos adinveniendos, ut ab Italis discedamus. Quanta eruditio, quanta librorum copia, quantus labor *Joannis Lami* in omnium scientiarum genere præstantissimi? Quanta in veribus monumentis pervolutandis *Antonii Francisci Gori* sollicitia? Quantum antiquitatis sacræ studium in *Francisco Blanchino*, *Joanne Ciampino*, *Iusto Fontanini*, aliisque Romanæ Curie Præsulibus (3)? Strenui sunt in doctrina morum vindicanda *Ballerini* Fratres: sagax fuit in selectis Historiis exornandis *Antonius Sandini*: assiduus & eloquens in conscribendis libris *Scipio Maffei*. Verum illos mihi commemoranti, qui sacram Cyclopaediam illustrarunt, (de aliis enim nonnulla dicam in Appendice) ad mentem redit vir immortalis *Ludovicus Antonius Muratori*, qui magno litterariæ Reipublicæ damno fatis cessit anno 1750. in quo five Rerum Italicarum Scriptores, five Dissertationes *Medii Aevi*, five Confutationem *Phereponi*, five Collectionem *Liturgicam*, five *Annales Italiae*, five cujuslibet fere argumenti Scripta pervolutemus; admiremur ne-

T 2

cesse

(1) Eadem Civitas est, ac Mons Pessuli, vulgo *Mompellier*. Auctor *Frans. Morenas*, plura mutuatus a P. *Daurigny* Soc. J.

(2) Obiit die 9. Januarii anno 1757. Parisiis *Bernardus Bouyer de Fontenille* centenarius, quippe natus fuerat anno 1657. die 24. ejusdem mensis, vir ingenio paucis secundus.

(3) Hos inter lotent recensendi præstantissimi viri *Josephus Assemanus*, *Joannes Bessar*, *Michael Angelus Jacomelli*, *Dominicus Giorgi*, *Carolus Besehi*, *Nicolaus Antonelli* nuper Vaticana Purpura decoratus, *Joseph Garampi*, &c.

cesse est maximum ingenii acumen, memoriam singularem, omnigenam eruditionem, styli facilitatem, adeo, ut Italia etiam si nullum alium scriptorem peperisset, hoc uno posset magnopere gloriari. (1)

C A P U T V.

AUGUSTORUM CÆSARUM ABSOLVITUR SERIES,
ALIORUM QUORUMDAM PRETIOSA
MORTE ADJECTA.

POST obitum Augustissimi Cæsaris Leopoldi consignatum anno 1705. III. Nonas Majas ad Imperium evectus est *Joseph Jacobus Ignatius Joannes Antonius Eufrastichius*, quem Leopoldo pepererat anno 1678. uxor Eleonora Magdalena Theresia. Joseph coronatus fuerat Hungariæ rex anno 1687. XV. Kalendas Decembris, & Rex Romanorum anno 1690. IX. Kalendas Februarias. Imperium vero, ei commissum statim ac mortuus est Pater, occupatis armorum vi Mantuana, Mediolanensi, & Neapolitana ditione, cum vita dimisit variorum morbo correptus anno 1711. XV. Kalendas Majas.

Et successit frater *Carolus VI.* natus an. 1685. Kalendis Octobris, electus Imperator Romanorum Francofurti eodem anno 1711. die Octobris 12. ibique Augustali corona redimitus die 22. Decembris. Coronatus deinde est anno 1712. XI. Kalendas Junias rex Hungariæ, atque anno 1723. die V. Septembris rex Bohemiæ. Renunciatus fuerat jam ab anno 1703. rex Hispaniarum, patre Leopoldo, & fratre Joseph in ipsum omne, quod habebant supra Hispanicam Monarchiam, jus transferentibus; quod contigit duodecima die Septembris. Sed quoniam Carolus II. ut alibi diximus, heredem testamento nuncupaverat Philippum Borbonium, hunc inter & Carolum diuturnum bellum exarsit. Utriusque Siciliae

(1.) Inter Ludovici Antonii Muratorii Italica Opera unum extat *Della Regolata direzione*. Plures in isto comprehendi hæreses PP. *Plazza*, & *Zacherius* S. J. autumarunt. Vindicias Concivis sui exornavit doctus scriptor *Epistolarum Musinensium* vernacula lingua editum. Quibusdam Sociis eundem Librum proscriptum esse Viennæ affirmantibus, provide, & opportune occurrit sapientissimus ejusdem Metropolis Archiepiscopus anno 1759.

ciliæ regnum adeptus est anno 1722. (1) Innocentio XIII. quod Clemens XI. noluerat, assentiente. Actum de pace anno 1725. & firmata Viennæ die 30. Aprilis ea conditione, ut regnum Neapolitanum, Sicilia, Mediolanenſis ditio, Belgiumque cederet Austriacæ Genti; de Hispanica Monarchia nullum deinceps oriretur dissidium: eam Philippus V. pacifice possideret; ejusque filio Carolo obvenirent Etruria, & Parmæ ac Placentiæ ducatus, si forte hereditarii Principes defecissent. Tunc Carolus VI. *Pragmaticam* sanctionem edidit, qua Primogenitam suam Mariam Theresiam constituit regnorum suorum heredem. Suscepit hanc gloriosissimam Filiam anno 1717. ex Imperatrice Elisabetha Christina, quam Barcinone anno 1708. sibi sacro conjugii scedere copulaverat. Post varia cum Turcis, aliisque hostibus gesta bella, ac tandem pacem cum omnibus initam, anno 1740. XIII. Kalendas Novembris piissimus & Augustissimus Imperator decessit.

SOPITA Electorum dissensione & Praga, quæ regni Bohemici Caput est, labente anno 1741. a Carolo Alberto Baviaræ Duce occupata, in hunc devenit supremum Imperii regimen. Est is Imperator *Carolus VII.* inauguratus Francofurti anno 1742. IX. Kalendas Februarias. Coronatus est die ejusdem mensis duodecima, & proximi mensis Martii octava die impositum fuit. Imperiale Diadema Augustæ conjugi Mariæ Amaliæ. At breve, nec tranquillum fuit Caroli VII. imperium; semel enim, iterumque Baviaræ regnum amisit, tamen illud semel, ac iterum recuperavit: fuitque suprema ejus dies vicesima Januarii anni 1745.

T 3

RENUN-

(1) Circa hæc tempora, idest, anno 1712. Magnus Russiæ & Moscoviæ Dux *Petrus I.* Imperatoris Augusti nomen est affecturus, assentientibus tum Anglis, & Hollandiæ Statibus, temporis deinde decursa Principibus aliis. Petrus an. 1717. dum esset Parisiis, Doctoribus Sorbonæ postulantis promissit se daturum operam, ut Russiæ Magnæ Ecclesiæ Græcorum schismati addicta, cum Romana unionem iniret: sed Russiæ Episcopis contrahentibus, res non est pro votis perfecta. Imperavit post Petrum *Catharina* secunda ejus uxor, quæ obiit anno 1727. biennio post mortem Viri. Tum *Petrus II.* filius Alexii Petrowitz Czarowitz filii Petri I. nam Alexius anno 1718. a patre conspirationis causa degradatus occubuit merore. Parens Alexii Eudoxia Petrowna Petri I. cognomento Magni conjux prior. Post Petrum II. vita functum anno 1730. ad imperium evecta est, *Anna* filia Yvanis fratris Petri I. Nunc ab anno 1741. imperat *Elisabeth Petrowna* filia ejusdem Petri I. & Catharinæ Augustæ, secundæ illius uxoris, de qua paulo superius.

RENUNCIATUS tandem Imperator eodem anno 1745. *Franciscus Stephanus*, electus Rex Romanorum die 13. Septembris, & coronatus Augustus die 4. Octobris. Is primum Dux Lotharingæ in lucem editus est anno 1708. VIII. Idus Octobris, eique Carolus VI. conjugio junxit anno 1736. die 12. Februarii Mariam Theresiam Walburgam, quam, ut dictum est supra, *Pragmatica* Sanctione declaraverat anno 1725. regnorum suorum hæredem, nuptias benedicente Dominico Passionei Nuntio Apostolicæ Sedis, nunc S. R. E. Cardinali. Nata erat Maria Theresia 13. Maji 1717. cui Soror Maria Anna Eleonora: quæ nata sequenti anno 1718. die 14. Septembris, nupta Carolo Francisci Imperatoris Fratri, e vivis florentissima ætate rapta est. At *Franciscus* inter Imperatores hujus nominis I. ut universum pacaret Imperium, anno 1735. Christianissimo Regi tutari Sanctionem *Pragmaticam* pollicenti, paternos cesserat principatus, consecuturus post obitum Magni Ducis Etruriæ Joannis Gastonis hujus ditionis dominium. Atque id factum est eodem Joanne Gastone, Gentis Medicæ postremo, fatis functo VII. Idus Julias anno 1737. Ad hanc nobilissimam Italiæ partem sua cohonestandam præsentia anno 1739. advenit cum Maria Theresia Conjuge, renuntiata singulari subditorum plausu, & gratulatione, a morte Patris Hungarorum regina; & præcipuis Etruriæ urbibus peragratis rediit in Austriam. Solemni Francisci Coronationi celebratæ Francofurti anno dieque præparatis interfuit potentissima Uxor; quæ acclamata Imperatrix Augusta in omnes exercuit suam vere Cæsaream, regiamque munificentiam. Imperium modo, Hungariam, Bohemiam, Etruriam, Austriam, ditionesque ceteras Austriæ Domus, tenent, & provide, feliciter, sedulo, ac sancte Augustissimi Conjuges gubernant; servatque Cæsar Felix, Invictus, quod ajebat in VI. Æneidum Anchises,

*Tu regere imperio populos, FRANCISCÆ, memento,
(He tibi erunt artes) pacisque imponere morem,
Pascere subjectis, & debellare superbos.*

PERMULTI cum odore sanctitatis hoc seculo migrarunt e vita: ac nostri Ordinis postulat necessitudo, ne *Hilarii* a Monte-Orthono vita functi anno 1704. *Francisci Maria Querni* Pratenfis defuncti an. 1731. oblitteretur memoria. Auximi anno 1746. decessit cum odore sanctitatis

tatis *F. Thomas Antonius Arbuatti*. Carmaniola: *Nicolaus Roppo* anno 1748. *Angelus Paoli Carmelita* e vico Minutiano obiit anno 1721. In Ordine Minorum sancto fine quievit Romæ anno 1712. *F. Jacobus Antonius* a Romaniano: Belegre, vulgo *Civitella*, anno 1729. *Thomas Corensis*: Fucechii anno 1740. *Theophilus Cenesi*, *Curia*, vulgo *Corte*, in Corsica ortus. *Catharina Lucensis* an. 1755. Romæ anno 1750. *F. Crespinus* Ordinis Capuccinorum, & Offidæ in Piceno *Bernardus* a Monte Ulmi ejusdem Ordinis anno 1756. in Domino dormierunt. Liburni anno 1709. *Juniperus Bargasensis*, item Capuccinus. Tiferi anno 1728. *Veronica* ejusdem Ordinis. *Rosa Maria Serio* Carmelitarum soror obiit in Apulia anno 1726. *Maria Clementina* filia Jacobi Sobiescki regii Poloniæ Principis, & conjux Jacobi III. Catholici Angliæ regis, huic nuptiarum fredere conjuncta ad Montem Faliscum anno 1719. immortale matronarum regumque decus decessit Romæ anno 1735. die 18. Januarii. Fescenninæ anno 1739. Kal. Martii obdormivit in Domino vigilantissimus Episcopus *Joannes Franciscus Tenderini*. His vero, quorum sanctitas ab Ecclesia, quando Domino videbitur expedire, luculentiori nunciabitur testimonio, & de qua judicium ferre nostra non interest, tamquam hujus Seculi coronam addimus invictos Ord. Prædicatorum Martyres, *Franciscum de Federicis*, sociumque ejus *Matthæum*, a Sinensibus truncatos capite an. 1746. *Petrus Martyr* Mauricastrensis Episcopus itidem capite plexus fuit: *Franciscus Serranus* Tipasitanorum Præsul, & Vicarius Apostolicus, & strenni hujus commilitones, *Joannes*, *Joachimus*, *Franciscus*, anno 1747. pro fide orthodoxa variis suppliciis necati; quique Syros Nestorianos, eorumque Patriarcham ad Romanam revocavit Ecclesiam, & anno 1753. naturæ plenus meritis debitum persolvit, *Dominicus Codelescinus* Mediolanensis.

CAPUT VI.

DECIMI OCTAVI ECCLESIE SEculi DOCTRINA,
ATQUE DISCIPLINA.

ETIAMSI occasione Constitutionis *Unigenitus* plura ab iis, qui luci tenebras offundunt, excitata fuerint dissidia, plures etiam calumniæ ab aliis, qui Molinistæ Scholæ nimis indulgent, intentatæ fuerint S. P. Augustini discipulis; nequaquam tamen censura notatis Scholarum placitis, quæ salva fide, & caritate in utramque partem discuti possunt, necessum est, ut Catholici omnes exhibita eidem Constitutioni omnimoda obedientia, quæ ibidem perspicue definita sunt, firmissime profiteantur. Et quantum ad Gratiâ attinet, præter eam, quæ a nullo duro corde respuitur, dari auxiliatricem, cui reluctatur humana voluntas: non esse supernaturale Dei adiutorium solius *Caritatis* & dilectionis Dei inspirationem, sed etiam timoris, fidei, spei, aliarumque virtutum, seu bonarum actionum; neque omnia, quæ a caritate, & ab amore Dei *propter se* non procedunt, ex noxia cupiditate labefactari, vel quæ sunt aut ab impiis nondum iustificatis, aut ab infidelibus, inquinamenta esse, & peccata. Ante fidem quoque nullam dari gratiam, omnesque gratias per fidem conferri: Gratiâ Adami fuisse debitam primæ integritati, sequelam creationis, & produxisse merita tantummodo humana: non esse spem, nec religionem, ubi deest caritas: orationem impiorum novum esse peccatum, timorem cohibere duntaxat manus; & in corde suo peccatum committere qui ab illo non abstinet, nisi timore supplicii: hæc, aliaque omnia proscripta in prælaudata Constitutione jure meritoque damnata fuerunt. Atque hæc, & cetera omnia, quæ credenda proponit S. Mater Ecclesia, constituunt ea veræ doctrinæ capita, quæ nefas est oppugnare. (1)

Non

(1) Ejusdem S. M. E. doctrinam, ac fidem, abjurata hæresi Lutherana, anno 1713. die 12. Novembris amplexus est Bononiæ *Fridericus Augustus* Saxo, filius Regis Poloniæ.

Non sunt tamen audiendi, qui ajunt prælaudatâ Constitutione proscripta esse quæ in Catholicorum Scholis propugnantur de gratia per semetipsam efficaci, de auxiliis sufficientibus aliquando impio, aut infideli sublati, vel de relatione humanarum actionum in Deum, vel de necessitate amoris saltem initialis ad obtinendam in Sacramento Pœnitentiæ gratiam Justificationis [1]; siquidem ipse Clemens XI. post editam Constitutionem ipsam declaravit non esse cum damnatis erroribus confundendas sententias illas, ac doctrinas, quæ palam & libere in Catholicis Scholis docentur ac defenduntur. Quare universum systema nostrum de Gratia Romæ, & Mediolani Clerici Regulares S. Pauli anno 1755. & seq. scriptis in lucem editis, publicisque thelibus propugnant; & necessitatem amoris Dei *propter se* non tantum docuerunt, ac docent Theologi in Italia doctissimi, verum etiam exigit in Epistola Pastoralis de Pœnitentia edita anno 1751. *Clarissimus Episcopus Gurcensis, & S. R. I. Princeps Josephus Maria Comes de Thun*, ne commemorem superiorum temporum monumenta, quæ prodixi pertractans de Pœnitentiæ Sacramento.

PERSEVERAT autem in Romanâ Ecclesiâ Vetus disciplina. Si quæ suborta sunt dubia, fuerunt vigilantia Romanorum Pontificum, præsertim *Benedicti XIV.* explanata; hujus generis sunt Clericos Græcæ initiatos transeuntes ad Romanam Ecclesiam, etiam si in presbyteros sint ordinati, debere ordines suscipere, qui in Latinis conferuntur

T 5

Eccle-

(1) Vide *adnot.* ad præcedens caput tertium. Qui in Orthodoxos, & Augustini sectatores Theologos, istiusmodi accusationes ejaculantur, etiam nos stutimus pro nostra virili consuetate. Legatur *Augustinianum Systema* vindicatum, *Judicium* Archiepiscopi Senonensis discussio. Huc spectant Opuscula a nobis, aliisque edita adversus Historiæ Literariæ, seu Scriptorum Itatorum, Auctorem. Exstant inter eadem Opuscula duorum Eminentissimorum Cardinalium, qui jussu *Benedicti XIV.* Pontificis Maximi nostras Theologicas dissertationes, & accusantium objecta revocarunt ad libratum, accuratissimumque examen, locupletissimæ pro nobis censura. Inter permultos, qui nobiscum in propugnanda Augustiniana doctrina confederati sunt, commemoro grâti animi causa præclaros viros, *Homibonum de Bonis Cl. Reg. S. Pauli, Felicem Amadeum Franchi* Monachum Casinensem, *Rapnerium Guidelli* Monachum Vallisumb *Visatorem* Ord. Capuc. *Josephum Catalani* Congregat. Oratorii, sodales amicosque *Josannem Papalardi, Josephum Dini, &c.* qui me, licet profusus immeritum, pro singulari humanitate sua laudibus verbo scriptoque cohonestarunt.

Ecclesiis [1] : optandum esse, ut in Missis privatis sacram Communionem aliqui laicorum percipiant : ubi que terrarum servandum & celebrandum esse decreto *Clementis XI.* festum Conceptionis B. M. semper Virginis : exercitia spiritalia, ut mandaverat superiori Seculo *Innocentius XI.* non debere ab ordinandis, aliisque viris Ecclesiasticis prætermitti : Festum SS. Nominis Jesu celebrandum Dominica II. post Epiphaniam, & S. Joachim Dominica III. Augusti : Sat esse in quibusdam Feltis, in Etruria, & alibi, ad minorem cultum redactis, interesse Sacro, nec opera servilia in iisdem minoribus festivitatibus esse interdicta : Indulgentiam centum dierum, & semel in anno plenariam concessam a *Benedicto XIII.* recitantibus ad signum aris Campani salutationem Angelicam flexis genibus, non requirere, ut ita recitetur tempore Paschali, & diebus Dominicis : denegandam esse in exitu mortis absolutionem Sacramentalem publicis, & notoriis refractariis Constitutionis *Unigenitus*, a iudice competente damnatis, prædictæ Constitutioni contumaciter denegantibus venerationem, obsequium, & obedientiam, & eo tempore, quo sacrum Viaticum susceperunt, sponte suam inobedientiam & contumaciam profitentibus. Incepta anno 1759. dominicis diebus recitari in Missa *Præfatio* SS. Trinitatis, iubente *Clemente XIII.* propterea quod Deus, qui est Pater, Filius, & Spiritus Sanctus, sicut opifex rerum omnium, ad quem omnia referenda sunt ; ipso autem die dominico Deus condiderit lucem, Christus resurrexerit, & Spiritus Sanctus descenderit super Apostolos : quæ item sunt causæ, propter quas Catholica Ecclesia sanctificationem diei septimæ in eundem dominicum diem transtulit.

SOLEMPNI Canonizatione *Clemens XI.* retulit inter Sanctos *Pium V.* Pontificem Maximum, *Andream Avellinum*, *Felicem a Cantalicio*, & *Catharinam Bononiensem*. *Innocentius XIII.* cultum immemorabilem *B. Andreae* de Comitibus approbavit. A *Benedicto XIII.* Sanctorum fastis fuerunt adscripti *Franciscus Solanus*, *Jacobus de Marchia*, *Joannes Nepomucenus*, *Joannes a Cruce*,

(1) Quos non susceperunt, idest, Lector tres minores omisos Subdiaconus *Exorcistarum*, quæ cum Subdiaconatu censetur etiam *Ortiarium*, & *Acolytharum* receptis, &c.

Cruce, *Aloysius Gonzaga*, *Stanislaus Koska*, *Margarita Cortonenfis*, alique plures inter Beatos fuerunt adsciti. *Clemens XII.* interuit Sanctorum numero *Vincentium a Paulo*, *Joannem Franciscum Regis*, *Julianam de Falconeriis*, & *Catharinam Fliscam Adurnam Januensem*. *A. Benedicto XIV.* *Petrus* agnomine *Regalatus*, *Joseph a Leoneffa Aprutinus*, *Fidelis a Simaringa*, *Catharina de Ricciis*, *Camillus de Lellis* Sanctorum albo, Beatorumque numero *Joannes Polonus*, *Joseph Calasancius*, *Gabriel Ferretti Anconitanus*, *Joannes Emilianus*, *Ladislauus e Polonia*, *Alexander Sauli*, *Joseph a Copertino*, *Francisca de Chantal*, alique adscripti fuerunt. In Beatorum numerum ob perantiquum cultum referendos sancivit anno 1759. *Clemens XIII.* tres Augustinianæ Familiae alumnos præclarissimos, *Augustinum Novellum*, *Antonium Aquilanum*, & *Antonium de Amandula*. Annum Jubilæi 1725. *Benedictus XIII.* & anno 1750. *Benedictus XIV.* aperuerunt. Anno 1759. approbante *Clemente XIII.* confirmata est institutio religiosorum virorum, qui uno emissio voto præstandi obedientiam Romanæ Congregationis de *Propaganda Fide*, prædicando Infidelibus Evangelium sese addicunt. Equestres Ordines postremo hoc Seculo XVIII. instituti fuere titulo *S. Ruperi* anno 1701. ab *Ernesto de Thun* Archiepiscopo Salisburgensi, approbante Imperatore Leopoldo. *Aquila Nigra* eodem anno 1701. a *Friderico I.* Rege Boroussiæ: *Nobilis Passionis* anno 1704. *Aquila alba* anno 1705. ab *Augusto II.* Poloniæ Rege: *Amoris erga Proximum* anno 1708. ab Imperatrice *Elisabetha Christina: Fidelitatis* anno 1732. a *Christiano VI.* rege Daniæ.

A P P E N D I X

CETERARUM RERUM.

GALLIARUM Rex invictissimus *Ludovicus XIV.* cognomine *Magnus* anno 1715. Kal. Septembris debitum naturæ percolvit. Proavo successit *Ludovicus XV.* natus anno 1710. XV. Kal. Martias ex *Ludovico Burgundia duce*, qui obiit anno 1712. & *Maria Adelaide* filia *Amædei II.* Sardinia regis, Ducisque Sabaudia, quæ eodem anno decessit. Tutor regis in minori ætate fuit *Philippus Dux Aurelianensis*: coronatus est autem Remis

Remis anno 1722. VIII. Kal. Novembris. Huic infans, & audacissimus omnium mortalium Nonis Januarii an. 1757. vulnus inflixit, non tamen lethale, Numine vitam regis protegente. [1] In Hispania *Philippus V.* qui anno 1724. regnum Ludovico I. quem anno 1707. ei pepererat prima uxor Maria Aloysia Sabaudia, dimiserat in Castrum S. Idelphonfi secedens, eodem Ludovico extincto postrema die Augusti eodem anno 1724. rursus Monarchiam regendam assumpsit. Defuncta priore conjugē anno 1714. XVI. Kal. Martii, alteram dedit principum regumque parentem, Elisabetham Farnesiam Odoardi II. Ducis Parmensis filiam unicam. Contractæ fuerunt nuptiæ prædicto anno 1614. IX. Kalendas Januarias. Obiit Philippus V. die 9. Julii anno 1746. ei que successit *Ferdinandus VI.* ortus priori conjugē anno 1713. die 23. Septembris, coronatus vero præcitato an. 1746. IV. Idus Augusti. Quo vita functo anno 1759. die 10. Augusti, Hispanica Monarchia pertransiit ad *Carolū* utriusque Siciliae regem. In Lusitania sublato e vivis *Petro II.* anno 1706. die 9. Decembris, successit *Joannes V.* regio diademate coronatus Kalendis Januarii proximi anni 1707. Huic vita functo anno 1750. suffectus est *Joseph I. Emmanuel*, qui an. 1729. die 19. Januarii conjugium inivit cum Maria Victoria, filia Philippi V. Regis Hispaniarum. [2] Turcis post *Achemetem III.* qui
supre-

(1) Parricida Thomas Robertus Franciscus Damiens exquisitissimis suppliciis dilaniatus, ac discerptus fuit eodem anno 1757. die 28. Martii.

In Anglia anno 1702. invadente regnum *Guilmo* Principe Arausiano, sed satis crepto, regnavit *Anna* Stuart filia Jacobi II. qui supriori anno 1701. obierat in Gallia mense Septembri, jure regni ad *Jacobum III.* ipsius filium devoluto. Ad regni tamen fastigium evehsus est *Georgius Ludovicus* Elector Hannoverensis extinctus anno 1727. mense Junio. Occupavit exinde regnum *Georgius Augustus II.*

In Polonia in regem electus anno 1704. *Stanislaus* regno deturbatur, ei que successit est *Fridericus Augustus* Elector Saxonie. Hoc defuncto an. 1733. rursus *Stanislaus*, gente *Leszcinski*, Socrer Ludovici XV. regis Galliarum, proclamatus est: sed magnis exortis diffidiis inauguratus eodem anno Elector Saxonie *Fridericus Augustus III.*

Boroussia ineunte hoc seculo, idest, anno 1701. a Leopoldo Imperatore in Regnum erecta est, & rex primus inauguratus *Fridericus I.* Elector Brennoburgensis, Romano Pontifice, & magno Ordinis Theutonici Magistro repugnantibus.

(2) Fidelissimo Lusitanie regi Josepho Emmanuēli an. 1758. die 3. Septembris mors laxata rota, & ignitis glandibus fuit intentata. Delecti punitique anno proximo sceleris auctores. Religiosis viris celeberr-

supremum thronum ascendit anno 1703. tenuitque principatum usque ad annum 1730. (1) imperavit *Mahumetes V.* quo extincto anno 1754. Idibus Decembris imperium indeptus est die proxima *Osmannus* hujus nominis III. natus anno 1696. Osmanno extincto anno 1757. acclamatus *Mustafa* III. ejusdem Osmanni nepos.

PLURIMA hoc decurrente Seculo patrata sunt bella. Unus Eugenius Princeps Sabaudix Cæsarearum copiarum Imperator invictus uberrimam historix præbuit materiam. Inter alias pugnas eo duce commissas, ea insignis est, qua anno 1704. Gallos Bavarosque ingenti clade prostravit. Post biennium, anno scilicet 1706. Augustam Taurinorum, & subinde Infubriam ac Pedemontium pulsis hostium copiis liberavit. Ad Nuceriam in Agro Mantuano anno 1702. ad Lilloam munitissimam Belgii arcem anno 1708. ad Quercetum in Hannonia anno 1712. fudit Gallorum milites. Turcis vero anno 1716. exercitu illorum attrito eripuit Hungariæ urbem, arcemque Temisuariam, trucidato paulo antea ad Acumincum (Petrovaradinum vulgo dicunt,) eorundem Turcarum incredibili numero. Belgradum quoque, alias Taurunum, insequenti anno 1717. expugnavit, palmisque onustus, ipse inexorabili fato cessit anno 1736. XI. Calendas Majas.

QUID de Turcarum exercitibus? Frustra Achmetes, qui anno 1715. Corinthum, Naupaliæ (2), Coroniæ, Methonemque cum reliquis Peloponnesi arcibus expugnaverat, anno proximo 1716. Corcyram cinxit, obsidione, Christianis Principibus in Venetorum auxilium convolantibus: bellisque fractus in Servix oppido, quod

VO-

rimus in Ecclesia Familia hac de causa e Lusitanis regnis anno 1759: ejectis, iniquissimæ conspirationis machinationem Ulyssiponenses judices adscribere. Pra ceteris ejusdem conspirationis auctores declararunt *Gabrielem Malagridam, Joannem de Matos, & Joannem Alexandrum*. Missiones vero, templa, supellex, & corpus quoque *S. Francisci Xaverii* Apostoli Indiarum, FF. Prædicatoribus, ut testur, concessa.

(1) Achmet III. anno 1713. Osmannum *Aga*, & *Meheemet Vissirum*, aliosque in ejus vitam conspirantes condigna pœna multavit.

(2) Hac urbe expugnata ob præfetti militum Græcorum proditionem, permulti una cum Archiepiscopo *Angelo Maria* Ordinis Præd. gladio perempti sunt. Abierunt plures in barbarorum captivitatem, inter quos Veneti militum duces, ac nonnulli Patriotiorum cum viliori plebe primum permixti, tum ærissima turrium custodia detenti. Mancipia supra CC. vilissimo empta precio a Vissrio ad ludibrium eo spectante, quasi mactatus Mahumeti hostia, obtruncata fuere caputibus.

vocant Passarovitz, pactis conditionibus anno 1717. die 27. Junii cum Imperatore Carolo VI. & Venetorum Republica iniit concordiam. Verum Christiano nomini insensissimi hostes, ab impio Apostata Comite de Bonneval, quem appellabant Bassam Osmanum, edocti, atque excitati, rursus anno 1737. in Hungariam irruerunt; varioque Marte pugnatum est: donec anno 1739. victores recuperarunt Belgradum, totam Serviam & Valachiam. Exinde arma converterunt in Persas.

Non finit præstituta brevitās, ut singula alia bella narremus, cuius generis sunt diuturna inter Austriacos, & Hispanos Gallosque dissidia. Quorum Insubria anno 1732. & seqq. cum Galliarum Cisalpinarum urbibus, arcibusque præmunitis theatrum fuit; anno 1734. quo Rex Carolus Borbonius Neapolim die Maji decima ingressus est, Campania, Apulia Peucetica, & Sicilia: 1744. oppidum Latii Velitrum, Pedemontium item, & Belgium. Eodem autem anno 1744. Galli expugnaverunt munitissimas Belgii arces, Manhemium, Corrieriacum, Hypras, atque anno 1747. Trajectum ad Mosam (vulgo Maastricht) quod putabatur inexpugnabile. Genua, quam anno 1746. milites Austriaci occupaverunt, eiectione inde plebis tumultu Decembris mense, rursus sequenti anno cincta fuit, sed irrita conatu, eorundem militum obsidione. Adversus Genevensem Rempublicam anno 1730. rebellavit indormitus Corsicæ populus: rursus anno 1734. excitavit rebellionem, eidem se ducem & regulum exhibuit Theodorus Antonius, Boruscus, ut fertur, genere, principio a seditiosis libenter exceptus, sed postea Liburnum versus coactus fugere monachali veste indutus. Ad eandem Corsicæ Insulam iterum appolit scenicus rex Theodorus anno 1743. sed spretus rejectusque in Hollandiam, aut in Angliam (id enim incertum) se contulit.

Angli vero, qui anno 1746. in America Postum Britonem nuncupatum expugnaverant, pluries superiori anno 1756. fuerunt Galliarum armis devicti, suisque propugnaculis expulsi; arcemque præmunitam, portumque amplissimum Minoricæ Insulæ, cui nomen Mago, seu Mahon, III. Kalendas Julias cessere victoribus (1).

Ve-

(1) Classis præfectus Byng ob deditam arcem morte affectus die 14. Martii an. 1757.

Verum Angliam, idest, regnum suum Jacobus rex Suardus frustra an. 1717. (1) tentavit in suam redigere potestatem; atque exul e Galliis quoque descendens, diu Bononiam, postea Romam incoluit; ubi etiamnum magno apud Pontificem maximum honore habitus commoratur. Carolus item Odoardus Catholicus Valliæ Princeps, ipsius regis Jacobi III. filius cum Gallorum classe adiit Scotiam anno 1746. sed pugna infelicitur commissa V. Calendas Majas, caute prudenterque saluti suæ consulens ingratum litus reliquit. Demum, ne diutius inter arma versemur, rex Prussiæ Fridericus III. qui anno 1745. sublato e vivis Carolo VII. non procul a Friburgo cum Austriaco Exercitu immuni pugna certavit, sed anno ipso ad finem properante cum Hungarorum regina, & nostra Clementissima Domina Maria Theresia iniit concordiam; rursus anno nuper elapso 1756. & sequenti 1757. ingenti exercitu comparato bellum suscepit, nullatenus Regina invictissima trepidante (2).

ITALIÆ Principum obitus varias attulit regiminum vicissitudines. In Etruria *Ferdinando* Magno Principe vita functo anno 1713. Kal. Novembris, nullo ex optima Coniuge Violante Beatrice filia Ferdinandi Electoris Bavaricæ suscepto filio, neque spes relicta est futuri Principis hæreditarii. Nam & *Franciscus Maria* ejus patruus, qui anno 1709. deposita Vaticana Purpura uxorem duxerat

(1) Post obitum *Anna* Anglorum Regina evectus fuit ad regnum *Georgius* dux Hannoverensis, excluso *Jacobo III.* Catholico, & religiosissimo Principe. Nullum aliud *Georgio* jus ad regnum, nisi quia natus fuerat ex *Sophia* filia Elisabeth uxoris *Friderici V.* Electoris Palatini, postea regis Bohemæ. *Elisabeth* vero filia fuerat *Jacobi I.* Anglorum regis. Contigit *Georgii* in regem electio anno 1714. die Augusti duodecima, contra quam edita fuit sollemnis *Jacobi III.* protestatio die 29. ejusdem mensis. Regina *Anna* prædicto anno 1714. die 10. Augusti defuncta, ipsius *Jacobi III.* Stuardi soror fuerat.

(2) Pugnam sævo Marte die 6. Maji ad Pragam Bohemorum metropolim; & rursus die 18. & 10. Junii, attritis fugatisque hostibus. Varia deinde contigerunt certamina. Cum ingenti utrinque eade anno 1758. die 25. Augusti Borussis Russique pugnarunt. Eodem anno Frid. Idus Octob. apud Saxones iidem Borussi ab Austriacis devicti & fugati fuerunt. Non semel commissum bellum, sævoque Marte pugnatum est proximo anno 1759. Austriacis, Russis, Fœderatisque Imperii Romani Copiis ex una parte, ex alia Borussis, Hannoverensibus, &c. de certantibus. Leopoldus Comes a Dahun Austriaci exercitus imperator retulit gloriosas de hoste victorias. Inter Anglos Gallosque non semel eodem anno 1759. navali prælio pugnatum est. Anno proximo 1760. Laudobius 23. die Junii retulit præclaram de Borussis victoriam.

xerat Eleonoram Gonzagam, absque prole decesserat anno 1711. tertio Nonas Februarias. Defuncto autem anno 1722. ultima die Octobris Magno Duce Cosmo III. successit *Joannes Gasto*, qui ab uxore in Germania commorante divulsus obiit sterilis anno 1737. VII. Idus Julii. Quomodo deinde Etruriæ Francisco Stephano Imperatori Augusto commissum sit regimen, dictum est supra. Quando etiam Carolus Borbonius, qui in Tusciam venerat anno 1732. (1) hinc Neapolim ad regnum capessendum adierit, constat ex dictis. Ducatus Parmæ & Placentiæ cum vita reliquit *Franciscus Farnesius* anno 1727. IV. Kal. Martias. *Antonius* ejus frater ducta uxore Henricheta Estensi, absque prole decessit an. 1731. XIII. Kalendas Februarias. Ita Farnesium extincta linea, Ducatus pervenit ad *Philippum*, alterum filium Elisabethæ Farnesiæ, & Philippi V. regum Hispaniarum. Idem Philippus Dux anno 1745. hanc adeptus est ditionem, ei confirmatam conventionibus inter Supremos Principes Itatutis Aquisgrani anno 1748. vulgatisque anno proximo. Mantua, hujusque Principatus anno 1714. Duci *Ferdinando Carolo Gonzaga* ablatas fuit; itemque *Franciscus Picus* expoliatus ducatu Mirandulæ, quem pretio soluto obtinuit dux Mutinæ *Rinaldus Estensis*. Hujus nepoti Herculi Rinaldo filio Francisci III. cum nuptiis Mariæ Theresiæ filiæ Alderani Cibo Ducis Massæ & Carrariæ, iste quoque ducatus accessit. Nata fuerat Maria Theresia anno 1725. Nupta est anno 1741. Immutatus est itaque omnis fere Principatus Italiæ, Mantuanus, Mirandulanus, Vastallensis, Parmensis, Etruriæ, Massæ, regnorumque Neapolis, & Siciliæ. (2)

PERSEVERAT apud Italos *Victorii Amadei* Ducis Regisque

(1) Regnante *Carolo Borbonio* detecta in Campania Felice non procul a Vesuvo, seu Vesuvio, & ad regium rus *Ponticus*, an. 1738. usq. ad an. 1749. plura antiquæ urbis *Herculanæ* rudera & monumenta; cuius tamen vestigia ab an. 1689. & rursus ad an. 1711. apparuerant. Sunt, qui *Herculeam* quoque dictam volunt, vocabulo urbis aliis communi, & eam esse quam Ovidius in XV. Metamorph. appellat *Herculeam Urbem*.

(2) Occubuit anno 1718. die 11. Decembris in obsidione Friderici. Halæ in Norvergiam ignito globo percussus, dum ageret ætatis suæ annum 37. strenuissimus vir, & vario bellorum eventu in historia percelebris *Carolus XII.* Rex Sveciæ: quem anno 1681. die 27. Junii *Carolo XI.* pepererat conjux Ulrica Eleonora filia Friderici Daniæ regis.

gisque propago apud strenuissimum *Carolus Emmanuelem III.* hujusque natos. Victorius Amædeus anno 1713. inter summos Principes firmata pace declaratus Rex Siciliae, hoc Regnum in alterum Sardiniae anno 1720. commutavit, istud vero cum Ducatu Sabaudiae, ceterisque ditionis suae provinciis renunciavit anno 1730. regnanti *Carolo Emmanuelli* nuper laudato; obiitque anno 1732. Kal. Novembris. Sed Reges, Principes, bella, regnorumque mittamus vicissitudines.

QUÆDAM nunc occurrunt calamitates. Romam, agrosque finitimos anno 1703. pervasit aquarum eluvies, inundante Tyberi; Galliae Togatae campestia usque ad maris Adriatici litora anno 1705. Pado erumpente: Florentiam anno 1740. & rursus anno 1758. superante aggeres Arno; universalem fere Italiam anno 1755. fluminibus excrescentibus, Galliam quoque Narbonensem, maxime Montem Pessulanum, furente Rhodano, Veronam anno 1757. tumefcente Adice (1). Vesuvius Campaniam anno 1727. iterumque anno 1737. magno terrore, erumpentibus flammis, affecit, Eandem, ceterasque Italiae Provincias perterrefecit pestilentia, quæ anno 1720. & 21. Massiliam, & Occitaniae fines, atque anno 1743. Messanam amplam Siciliae urbem immani cæde vexavit. Aeris quoque inclementiam, frigusque maximum expesti sumus, anno præsertim 1709. quo Padus constrictus est gelu, vitæque, & aliae fructiferæ arbores perierunt. Boum epidemia anno 1712. longe lateque grassata est: sæviit rursus anno 1747. in Vicetino, Veronensi, & Mantuano districtu, atque anno 1748. in Romandiola, & Emilia. Terræmotus denique urbes plurimas concusserunt. Anno 1703. Romam, Nursiam vero in Umbria, Aquilam, & Civitatem Ducalem, aliaque Aprutii loca cum incolis obruerunt. Panormo præcedentibus igneis trabibus, & quibusdam aliis phænomenis aeris, intulerunt terrorem & damnum maximum. Rursus Nursiam anno 1730. in lapidum verterunt acervum: Campaniam, Lucaniam, Magnam Græciam, & Calabriam Citeriorem excusserunt, Equotutico Apuliae oppido, quod *Foggiam* vocant, penitus everso.

Haud

(1) Ingens pluvia Neapolim, & patriæ nostræ campestia anno 1757. pariter damno maximo affecit.

Haud levi itidem motu terræ anno 1742. Liburnus concussus est. Anno demum 1755. Kal. Novembris corruit ingenti terræmotu, quem & incendium subsecutum est, pars magna regię urbis Ulyssiponenſis metropolis Lusitanię, ejusdemque mensis die 18. in ea Africę regione quam *Barbariam* appellamus, multę urbes dirutę sunt; tellurisque hiatu absorpti cum camelis jumentisque sex milia Arabum. Percrebuit anno 1758. rebellantium adversus Lusitanię, Hispaniarumque Reges in America Meridionali, maxime incolarum *Paraguaję*, vulgaris rumor, sparsique palam de hac rebellione, & constituta ibidem *Republica* libelli, non absque Religioſę cujusdam Familię, cujus famę nullatenus detrahare volumus, ignominia & dedecore.

LITTERARUM incremento ac splendori summi Principes hoc præsertim seculo animum applicuerunt. Academię sacrę ac prophanę Historię in urbe Roma Benedictus XIV. instituit: Præmia solventibus difficiliora problemata Galli, Angli, Russi, aliique etiam olim inculti, ut ad studia allicerent, decrevere. Novam docendi methodam scholis Rex Lusitanus præscripsit. In Vienneſi Universitate Augustinensem unum, & Thomistam alterum Theologum Imperatrix & Regina Augustissima Theresia imbuendis sacra Doctrina præfecit. Ex Augustinensibus præelectus *Joseph Azzoni Senensis*, uberrima ornatus eruditione.

PRÆTER viros, quorum capite IV. meminimus, Eruditionis cujuslibet ornarunt spartam Scriptores accuratissimi. Quorum ut recensamus perpaucos; Græcam, Latinam, & Italicam eloquentiam excoluerunt, Florentię *Antonius Maria Salvini*, Patavii *Dominicus Lazzarinus*, *Jacobus Facciolati*, Joannes *Gratianus*, Jo. *Antonius Vulpius*, Pisis prælaudati *Alexander Politi*, *Eduardus Corſonius*, *Leopoldus Guadagni*, præstantissimus quoque Jureconsultus. In Poësi summa cum laude exerceverunt ingenii acumen *Joseph Ursius*, *Scipio Maffejus*, Jo. *Petrus Zannotti*, *Petrus Metastasi*, *Antonius Vannuchi*, ut mittam Joannem *Lamium*, *Antonium-Philippum Adami*, & Etrurię nostrę, quę musarum dici potest domicilium, alios quamplurimos. Fuerunt insuper, ac sunt modo apud Italos, qui ex tempore versus eloquentissimos dulcissimis rhythmis ceclnere; quibus præteritis nuper annis præeminebat *Bernardinus Eques Perſetti Senensis*, in


Capitolio Poetica laurea coronatus anno 1725. quod ab ætate Francisci Petrarchæ numquam viderat Romanus populus. De Etrusca lingua, & hujus venustate Editores amplissimi Vocabularii, cujus volumen ultimum prodiit Florentiæ anno 1738. & alii complures optime promerentur, eosque sectatur *D. Salvator Corticellius* Cl. Regularis S. Pauli. De Mathesi pertractarunt editis in lucem voluminibus *Eustachius Manfredius*, *Thomas Peyelli*, *Joannes Poleni*, *Julius Accetta* Augustinianus, *Franciscus Jaquier*, & *Thomas Le-Seur* Ordinis Minimorum, *Joannes Baptista Caraccioli* Theatinus, *Ottavianus Cametti* Ordinis Vallisumbrosæ, *Paulus Frisius* Clericus Regularis S. Pauli, *Rogierius Joseph Bascovich*, & *Leonardus Ximenes* Societatis Jesu, &c. De Pilosophia scripsere post Cl. *Newton* permulti, manibusque nostratium teruntur libri *Petri*, & *Nicolai de Martino*, *Joannis Maria a Turre*, *Petri Van-Moschenbroeck*, *Antonii Genuensis*, *Verny*, *Gravesand*, *Jo. Alberti de Soria*, *Fortunati a Brixia*, *Joannis Baptiste Beccaria*, aliorum. Qui pro Cartesii pugnarunt systemate, *Antonius Le Grand*, *Franciscus de Regis*, *Edmundus Purchotius*, videntur jam exolescere. Philolophica Opera *Benedicti Stay* conscripta Latino carmine, singulari excepta sunt plausu. Nec defunt Aristotelicæ propugnatores sententiæ, quos commemorare non vacat. De re Medica *Antonius Vallisnerius*, *Richardus Mead*, *Hermannus Boerhaave*, *Antonius Cocchi*, *Janus Plancus*, *Dominicus Brogiatus* solide eleganterque disruerunt, Jurisprudentiam illustrarunt *Zegerus-Bernardus Van-Espen*, *Joseph Averanius* Benedicti viri eloquentissimi frater, *Janus Vincentius Gravina*, qui libro I. *Originum Juris* celebriorum Auctorum censum agit. Adde compilatores Codicum *Amædei*, & *Friderici*: auctorem Operis inscripti *de l'Esprit des Loix*, *Franciscum Verde*, ne contextentes longiorem Catalogum etiam *Heimeccium*, *Voet*, *Puffendorsum*, *Barbeyracium*, *Cocceium*, *Bohemerum*, ceterosque recensendo, plusquam oporteat prolixum conficiamus. Opusculum. (1) In hujus autem exitu ap-

(1) Eamdẽ ob causam plures hujus Seculi egregios poetas prætermissimus. Deceſſerunt enim Londini anno 1701. *Joannes Dryden*: Parisiis anno 1702. *Jo. Commirius Soc Jesu*. Eadem in Urbem anno 1703. *Carolus Perrault*: Illic item anno 1705. *Stephanus Ravillon*: Herefordiæ in Angliâ anno 1708 *Joannes Philips*: Eodem anno Parisiis *Petrus Cornelius*: Ibidem anno 1710. *Alexander Lainez*: rursus anno 1711. *Eustachius le Noble*: Pariter anno 1713. *Franciscus Jetaſaphinus Dei-*

apprecamur vita functis in Ecclesie communione æternam requiem, viventibus diuturnam vitam nominisque incrementum, nobisque a doctioribus veniam, ab æqualibus benevolentiam, ab inferioribus, si qui sunt, qualem nos cunctis impendimus, dilectionem.

Morals: in Hibernia anno 1719. *Wilhelmus Congreve*: S. Germani in Ledia anno 1730. *Antonius Hamilton*: Parisiis anno 1735. *Carolus de la Rue Societatis Jesu*: anno 1731. *Antonius Odoardus de La Motte*; & anno 1741. *Carolus Rollin*. Anno 1747. in eadem regia Parisiorum urbe *Franciscus Michael Deschamps*. Mathematicos, *Heilbronnerum*, *Alembersum*, & *Eulerum*, Medicos præstantissimos *Haller*, *Van-Swieten*, rhesoresque ac Theologos *Bonellum*, a *Petra rubra*, alioque nemo unus ignorat.

F I N I S.



106 201006.



